




Halil Edhem

عِلْمُ مَعَادِنِ وَطَبَقَاتِ الْأَرْضِ

خلیل ادهم

مکتب ملکیت شاهانہ علم طبقات الارض و دارالشفقہ علم معادن و کیمیا معلی



۱۲۸ عدد شکل ایله برده بویان طبقات الارض خریطه سی حاویدر.

استانبول

(مهران) مطبعہ سی — باب عالی چاہہ سندہ نومبر ۷

۱۳۰۷

(RECAP)

Q.E. 363

.E. 33

معارف نظارت مجلہ سنک دفعہ تہ طبع اول نشرہ

حمد وثنا جناب خالق ارض وسمایه سزادرکه مصدر موالید اولان
بطون طبقات الارضی انتفاع ابنای بشر ایچون انواع معادن لاتحصی
ایله املا قلمشدر و صلوة و سلام یکانه کوهر خلقت علیه افضل
التحایایه احرادرکه قبل معنویدن تبلیغ ایلدیکی یرلیغ بلیغ سبحانی
حکمتنای «لیس للانسان الاماسی» اولمشدر .

اما بعد بیاندن ازاده اولدینی اوزره زیر زمینیه مودوع اولان
عطایای قدرت ودفائن طبعیتدن استفاده طریقنی تحری هر زمان ایچون
لابد و ضروری اولوب بوده معدنچیلک و زراعت کبی تثبئات فیه ایله
حاصل و بونلرک طریق تعلم و ترقیسنی ده علم معادن ایله علم طبقات الارض
کافلدر. له الحمد و المنه ممالک محروسة المسالك شاهانه اراضیسی بوخزان
ثروته مالک و هر درلو استفاده یه صالح و قابل اوله رق آرایش بخش
اریکه عثمانی، خلیفه مشروع حقایق اکاه بیدانی، ولی نعمت بیتمیز
پادشاهز ﴿السلطان الغازی عبدالحمید خان ثانی﴾ ایده الله الی اخر الزمان
افندمز ﴿حضرتلرینک مبدأ فیض و برکت اولان روز فیروز جلوس
همایونلرندن برو ملکمزده هر درلو علوم و فنون کوندن کونه ترقی
نمون اولدینی کبی علوم طبعیه نک شعبات مهمه سندن اولان علم
معادن ایله طبقات الارض دخی انتشار و تعمم ایتمهک باشلامشدر .
بو عبد عاجز مجرد سایه مکار سرمایه حضرت خلافتیناهیده

اوروپايه اعزام ايله برلين، ويانه، زوريك و برن مكاتب ابتدائيه وعاليه-
 سنده طقوز سنهني متجاوز برمدت ظرفنده علم كيما ومعدنيات
 فنلرني تحصيل ايتش وبورايه عودت عاجزانه مدنبرو زير حمايه جناب
 پادشاهيده بولنان مكتب ملكيه شاهانه ايله دارالشفقة الاسلاميه ده من
 غير حد كنندو لسانمز اوزره علم معادن وطبقات الارض تدريسيله
 مشغول بولنمش اولديغمدن تقرير اولنان درسله نتايج تدقيقات
 وتبعات اوله رقدها بعض فوائد علاوه سيله تشكّل ايدن اشبو
 رساله نك هر درلو معارف وترقيات عصره نك زمان تجليسي اولان
 عصر معدتخصر جناب جهانبايده طلبه ايچون امر تدرسه مدار
 سهولت اولق وسائر معارفجويان ابنای وطن آره سنده ده منافع
 تعميم ايدلك اوزره وضع دستكاه طبع وتمثيل قلمسي ارزو ايدلشدرد-
 باشلوجه مأخذمز ويانه مشاهير معلميندن {هوهشتتر} و {طولا}
 نك تقريرات وتاليفاتي اولوب متن كتابده مندرج رسم واشكال
 دخي مومي اليه هوهشتترك بركتاييله كتب سائرده دن اخذ وترسيم
 ايدلش وممكن مرتبه مملكتمزك احوال طبعيه سنه تطيقيه غيرت
 اوله رق برده اوروپا قطعه سنك ملون طبقات الارض خريطه سي
 علاوه قلمشدر . مملكتمزده بويله بر خريطه نك ايلك دفعه اوله رق
 ترسيم وتمثيل ايدلش اولسنه بناء حاوی بولنديني نواقص ايله فقدان
 بضاعه مزدن ناشي اثرمزك مالي اولديني خطيئات شايان عفو
 ومساحه كوريلور اميدنده يم .
 خليل ادهم

کتاب اول

علم معادن

معلومات ابتدائیه

معادن دیو صلب و نادرآ مایع اولوب درونی متجانس اولان اجسام طبیعیہ غیر عضویہ یہ اطلاق اولتوب اجسام مذکورہ ید بشر واسطہ سیلہ و یاخود حیوانات و نباتاتک افعال حیاتیہ سیلہ اصلا حصولہ کلہ مز . تاریخ طبیعیدن معادنک اوصاف و احوالندن بحث ایدن قسمه (علم معادن) *Minéralogie* تسمیہ اولنور :

معادن کموری، کهربار و پترول یاغی کبی عن اصل مواد عضویہ دن اولوب دور زمان ایله از چوق معدنه منقلب اولمش جسملر دخی عام معادنہ قبول اولنورق معادن میاننده تعداد اولنور .

مولد حیوانی و نباتیدن اولوب قشر ارضک دروننده طاش کسلش اوله رق مدفون بولنان بقایایه متحجرات (مستحاثات) و یاخود هرلسانده جاری برتعبیر ایله (فوسیل) *fossile* و یالکز بقایای مذکورہ دن بحث ایدن هله دخی مبحث متحجرات یاخود (باله نولوتولوژی) ^(۱) تسمیہ اولنور .

طاش (احجار و صخور) دیو کره ارضک قسم اعظمی تشکیل ایدن معادنہ و معدن مخلوطلرینه و بونلر ایله اشتغال ایدن علمه دخی (مبحث احجار) *pétrographie* دینور . مبحث احجار ایله مبحث متحجرات (علم طبقات الارضک) یاخود (ژئولوژینک) *géologie* ^(۲) یعنی کره ارضک ترکیب و صورت تشکیلندن بحث ایدن علم شعبه لریدر .

(۱) *paléontologie* یونانیجه مخلوقات سابقه دن بحث ایدن علم دیمکدر .

(۲) *géologie* یونانیجه ارضدن بحث ایدن علم دیمکدر .

معادنك اكثرىسى طبعته بلور شكندە اوله رق ظهور ايدر و (بلور) ياخود قريستال (crystal^۱) ديو منتظماً وياخود متناظراً سطوح اصليه ومستويه ايله محدود اولان بر معدنه اطلاق اولنوب معدن مذكورك خواص حكميه سيله شكل طبعيسى بيننده مناسبت كليہ موجوددر . عام معاندندە بلوراتك احوالندن بحث ايدن قسمه (مبحث بلورات) cristallographie ديرلر . بر تك بلوره (شخص بلورى) individu واکر بلور مذکورك جهات اربعه سى صورت منتظمده تبار ايتش ايسه (شخص تام) تعيرلری ويريلور .

اشخاص معدنيه مياننده شكل بلورينك تماميله نشو ونما بولمى نادراً وقوعبولوب انلر عموميت اوزره اجسامك تكتب قانوننه اتباعاً بر آره ده ويكدىكرينه متصل وكومه كى مجتمع اولدقلى حالده بولنورلر . بو حالده اشخاص مذكوره ياقسماً توسع ايتشددر وياخود هيچ بر شكل بلورى يي حائر دكلدر . صورت اخرده اشخاص معدنيه غير منتظم وتصادفى بر طاقم سطوح التصاقه ايله محدود اولوب سطوح مذكوره ايله شكل بلورى بيننده هيچ بر مناسبت يوق ايسه ده شخصيت بلورى نه خواص حكميه يه اولان مناسبتى ينه باقيدر . بوكى تشكلاته (تكتبات بلورىه) agrégation دنيله بيلوب بولنرك بعضيلرندە اشخاص بلورىه اوجه قابل تفريقدر ديك لرندە ايسه غايت كوچك اولديغندن تفريق اولنه مز . بو ايكنجى حالده بولنان معاندە (كشيف) compacte دنيلور . اكر بر معدنك شكلى غير قابل تعيين ايسه اكا (غليظ) massif و هيچ بر شكلى اوليوب جام كى اريمش ايسه (عارى الشكل) amorphe نامى ويرلر نكتكم اوبال معدنده اولدينى كى .

(۱) cristal يونانجه دن مأخوذ اولوب بوز ونجف طاشى ديمكدر .

قسم اول

اشكال معادن

— توصيف بلورات —


معادنجه بلوراتك اهميتي پك بيوك اولوب معادنك پك چونغى يك نظرده اشكال مخصوصه سى واسطه سيله بر برندن تفريق وتميز اولنه بيلور . انتظام اشكال بلوريه يي ايوجه تحصيل ايتمك ايچون اول امرده بلوراتك طبيعته ظهور ايدن وكوزمزه غير منتظم كورينان اشكائندن صرف نظرله بلورات مذكوره يي جهات اربعه سى اشكال هندسيه كبي مقطع ومنتظم فرض ايدرك مطالعه ايتلدير . علم معادنجه اشخاص معديه ايچون بر جسامت معينه اولديغندن بر شكل بلورينك نه بيوكلكده اولديغي هيچ بر اهميتي حائر اوليوب انجق سطحلك يكديكرينه اولان وضعيتلرى واسطه سيله شكل مذكور تعين وتحقق ايدر بناءً عليه بر بلورده سطحلك متوازيآ برندن قايمش كبي كورونغسى بلور مذكورك ماهيته اصلا خلل كتورمز .

اشكال بلوريه ديو سطوح مستويه واضلاع مستقيمه وزواياى مجسمه ايله محدود اولان كثير الوجوهلره اطلاق اولنوب اشكال مذكوره نك سطحلرى يامثلث اولور (مثلث مساوى الاضلاع، متساوى الساقين، مختلف الاضلاع) وياذو اربعة الاضلاع اولور (مربع، مستطيل، معين، شبه معين، منحرف، شبه منحرف) ويا خمس اولور (غير منتظم واکثر يا درت ضامى مساوى وبرى غير مساوى) وياخود مسدس اولور (منتظم، غير منتظم، متناظر) وياخود مثنى والځ اولور .

ايكى سطحك اجتماع ايتديكى خطه ضلع مجسم ودرونده احداث ايلديكى

زاویه یه ده مستویین زاویه سی تعبیر اولنوب بر ضلعك مساحه سندن مقصد زاویه
مذكوره نك مقیاسنی یلمكدر كه بوده (مقیاس الزاویه) یا خود (غونیومترو)
goniometre تسمیه اولنان آلتلر واسطه سیله اولور .

آلات المذكوره نك اك بسیطی فقط یالكز بیوجك بلورلر ایچون استعمال
اولنان جنسی (شكل ۱) ده کوستریلان تطبیق غونیومتروسی اولوب بری ثابت
ودیکری متحرك اولمق اوزره ایکی عدد ب نقطه سنده مربوط مقراض کی



(شكل ۱)

قول و برده تقسیم اولنش نصف دائره دن
عبارتدر . حین استعمالده بلور ایکی قولك
اره سنه وضع اولنوب المذكور قوللرك سطوح
بلوریه اوزرنده عموداً طور مسنه دقت
اولنور متحرك اولان قول نصف دائره نك
اوزرنده زاویه نك قاج درجه اولدیغنی
کوسترر . اوفق بلورلری دقتله مساحه
ایتمك ایچون بشقه رقیق غونیومترولر موجوددر .

اوج ویا اوچدن زیاده سطحلرك بر نقطه ده اجتماعندن زوایای مجسمه
حصوله کلوب سطحلرك عددینه کوره اوج وجهلی ویا درت وجهلی الح زاویه
مجسمه دیو یاد اولنورلر .

اگر بر بلورك سطحلری بر برینه مساوی ایسه اول شكل بلوریه (بسیط)
وغیر مساوی ایسه (مركب) ویا خود (ترکیب بلوری) دنیلور .

کافه اشکال بلوریه، بسیط و مرکب، احوال تناظریه لرینه نظراً الی قسمه
تقسیم اولنوب بونلره بلورات جمله لری تسمیه اولنور وهر بر جمله نك اشکالنه
مخصوص اولمق اوزره برر اصول محوری دخی اتخاذ اولمشدر. اشبو (محورلر)
axes بلورلرك مرکزنده بر برینی قطع ایدر فرض اولنان خطلر اولوب بونلردن
هر بری قارشولقلی بولنان ایکی زاویه یی ویا ایکی سطحك ویا ایکی ضلعك
مرکز لرینی ویا خود ضلعلرك بشقه نقطه لرینی یکدیگرینه ربط ایدر . محورلرك

عددی اشكال بلوریه نك اكثر یسند اوج بعضیلرند درتدر . بر شکل بلوری بی قولایقله مطالعه ایتك ایچون محورلرندن بری (محور اصلی) *axe principale* اتخاذ اولنهرق عموداً وضع اولنور .

هر بر جمله ایچون برر (شکل اصلی) *forme principale* قبول اولنمش اولوب شکل مذکورك سطحلری محورلرك اوجلرینی یکدیگیرینه ربط ایدر و بر جمله نك کافه اشکالی شکل اصلی یه ارجاع ایتك قابل اولور .

اشكال بلوریه نك بعضیلرند سطوح موجوده منابیه ایله توسع ایتدیریلور ایسه اشكال جدیده تگون ایدوب سطحلرینك عددی شکل اولك نصفه مساوی اولدیغندن بونلره (اشكال ناقصه) ویاخود (نصفی السطوح) *hémiedres* تام شکلرده (اشكال تامه) *holoèdres* دنیلور . محورلرك انتظامی اشكال ناقصه ده دخی موجود اولوب انجق اشكال تامه ده کوریلان تناظر انلرده یوقدر .

بالاده ذکری سبقت ایدن اشكال مرکبه ویاخود ترکیب بلوریلر دائماً عین جمله نك ایکی ویا متعدد اشكال بسیطه سنك محورلری موازی وضعیتده اولدینی حالده برتک شکلده ترکیبیه حصوله کلوب مختلف جمله لرك اشکالی بر بلورده اصلاً ترکیب ایده مز .

ترکیب بلوری یالکز اشكال تامه بیننده وقوع بولوب بونلر ایله اشكال ناقصه دخی ترکیب ایتدیکی کبی اشكال ناقصه نك بعضیلری دخی کندو بینلرنده ترکیب ایده بیلور . ترکیب بلوری وقوعنده شکلده دائماً غیر مساوی سطحلری موجوددر .

اشكال بلوریه حقنده اتخاذ اولنان قوانین اساسیه شونلردر :

برنجیسی . (توازی سطوح) یعنی بر بلورك هر بر سطحنه قارشولق بر سطح موازی بولنمی (اشكال ناقصه مستثادر) .

ایکنجیسی . (تناظر) یعنی ترکیب بلوری وقوعنده بر بلورك قسملری یعنی سطح، ضلع وزاویهلری نسق واحد اوزره تبدل ایتمی (بلورات ناقصه مستثادر) .

اوجنچیسى . (مستویین زاویه سنک ثباتی) یعنی بر بلورک سطحلری نقدر غیر منتظم اولور ایسه اولسون یکدیگریله تشکیل ایتدکری زاویه لرك مقیاسی اول شکل بلوریده اصلاً تغیر ایتماسی .
دردنجیسی . (تبدل محاور) یعنی ترکیب بلوری وقوعنده محورلرك نسبت متساویه ایله اوزایوب قیصالمسی .

تصنیف اشکال بلوریه

کتابمزده المان معلملرندن ناومانک (۱) بلورات حقنده اتخاذ ایتدیکی تقسیم و صورت تسمیه سی قبول اولمشدر .

Système tésseral (۲, régulier) جمله مکعبیه و یاخود منتظمه

Système tétragonal (۳, quadratique) جمله مربعیه

Système rhombique جمله معینیه


Système monoclinique (۴) جمله واحد الفراش

Système triclinique (۵) جمله ثلثة الفراش

Système hexagonal جمله مسدسیه

ایلك بش جمله ایچون اوج والتیجی جمله ایچون درت محور تأسیس اولمشدر .

(۱) جمله مکعبیه . بو جمله نك اشکالی ایچون اوج مساوی محور موجود




(شکل ۲)

اولوب بونلر یکدیگری عموماً قطع ایدر (شکل ۲) وانلردن هر قغیسی اولور ایسه اولسون محور اصلی اتخاذ اولنه بیلولور . یدی عدد اشکال تامه نی اولوب یانی باشنده فرانسزجه لری دخی اولق اوزره اسملری زیرده تعداد اولور :

(۱) Naumann المانیانک المشهور معدنیونندن اولوب ۱۸۷۳ سنه سنده وفات ایشدر . (۲) téssera یونانجه مکعب دیکدر . (۳) tétra یونانجه درت دیکدر . (۴) بر میلی دیکدر زیرا محورلرندن کچر اوج مقطع قونلسه بونلرک بر برینی کسدیکی محله ایکی زاویه قائمه میاننده یالکز برتک زاویه ماثله حاصل اولور . (۵) اوج مقطعلک کچدیکی محله اوج زاویه ماثله موجوددر . واحد الفراش و ثلثة الفراش تعبیرلری ابراهیم بککدر .


۱. ذوغانیة السطوح octaèdre (شکل ۳). جمله مکعبیه نك شکل اصلیهی



(شکل ۳)

اولوب سطحلری محورلرک اوچلرندن کچر و دیگر شکللر بوندن مشتق اولور ۸ مثلث متساوی الاضلاع، ۶ مساوی زاویه، ۱۲ مساوی ضلع ایله محدود اولوب مستویین زاویه سی ۲۸' و ۱۰۹° در. مثال: الماس، شاپ، غالتن فلوئورین معدنلری.


۲. ذواتی عشر المعینیه dodécaèdre rhomboïdal (شکل ۴). بو ۱۲



(شکل ۴)

مساوی معین، ۸ اوج وجهلی و ۶ درت وجهلی زاویه و ۲۴ مساوی ضلع ایله محدود اولوب مستویین زاویه سی ۱۲ درجه در. غیر نامعدنی اکثریا بو شکله تبلر ایتدیکندن شکل مذکوره grenatoèdre یعنی غیر نامعدنی سطحلی دخی دیلر.

۳. مکعب یاخود ذوستة السطوح hexaèdre (شکل ۵). بو ۶ عدد




(شکل ۵)

مساوی مربع، ۸ عدد مساوی زاویه و ۱۲ مساوی ضلع ایله محدود اولوب مستویین زاویه سی ۹۰° درجه در مثال: قیاطوزی، پیریت، فلوئورین.

۴. ذوستة الاسطحة الرباعیه - tétrakishxaèdre


(شکل ۶). مکعب هر بر سطحی اوزرینه



(شکل ۶)


بر اهرام مربعی وضع اولمش کیدر. بوسیدن اهراملشمش مکعب cube pyramide دخی دینلور و ۲۴ عدد مساوی مثلث متساوی الساقین، ۸ اتی وجهلی و ۶ درت وجهلی زاویه و ۳۶ ایکی جنس ضلع ایله محدوددر یعنی اضلاع مذکوره نك اون ایکسی مکعب اضلاعنه معادل دیگرلری ایسه مکعب سطحلری^۵ اوزرنده دردر دردر موضوع بولور. مثال: التون و فلوئورین.

۵. ذوثمانية الاسطحة الثلاثيه triakisoctaèdre (شكل ۷). ذوثمانية




(شكل ۷)

السطوحك هر بر سطحی اوزرينه بر اهرام مثلثی موضوع کيدر واهرا لمنش ثمانية السطوح octaèdre pyramidé دخی دينله بيلور ۲۴ عدد مثلث متساوی الساقين، ۸ اوج وجهلی و ۶ سکز وجهلی زاويه و ۳۶ ايکی جنس ضلع ايله محدوددر. يعنی اضلاع مذکورہ نك ايکيسي ذوثمانية السطوحك ضلعاری وضعتنده ديکريکرمی دردی ايسه اوجر اوجر هر بر سطح اوزرنده بولنور. مثال: غالن والماس.



(شكل ۸)

۶. ذواسطحة المنحرفه trapézoèdre ياخود ذواربع عشرين ikositetraèdre (شكل ۸). بوشکل ۲۴ عدد (دلنوئيد) deltoïde تسميه اولتان بربرينه مساوی منحرفه متناظره، ۲۶ عدد اوج جنس زاويه و ۴۸ عدد ايکی جنس ضلع ايله محدوددر مثال: يشيل، غرنا.



(شكل ۹)


۷. ذوثمانية الاسطحة السداسيه hexakisoctaèdre (شكل ۹). جمله مکيه نك معدنياتده اک چوق ظهور ایدن شکلی اولوب ۴۸ عدد مثلث مختلف الاضلاع، ۲۶ عدد اوج جنس زاويه و ۷۲ عدد اوج جنس ضلع ايله محدوددر. مثال: غرنا، الماس، فلوتورين.

اشکال ناقصه. جمله مکيه نك معدنياتده اک چوق ظهور ایدن شکلی اولوب ۴۸ عدد مثلث مختلف الاضلاع، ۲۶ عدد اوج جنس زاويه و ۷۲ عدد اوج جنس ضلع ايله محدوددر. مثال: غرنا، الماس، فلوتورين.


ماثل سطحلی وایکيسي موازی سطحلیدر.
ماثل سطحلیر:

۱. ذواربعة السطوح tetraèdre (شكل ۱۱ و ۱۲). ذوثمانية السطوح دن


(شكل ۱۰) حاصل اولور ۴ عدد مساوی مثلث متساوی الاضلاع، ۴ مساوی زاويه و ۶ مساوی ضلع ايله محدوددر. مستويين زاويه سی ۳۲' و ۷۰° در مثال: بوراسيت، قاربون.



(شكل ١٢)




(شكل ١٠)




(شكل ١١)


٢. ذواتی عشر المنحرفه *dodécaèdre trapézoïdal*. ذو ثمانية الاسطحة الثلاثيه ده (شكل ١٣) ده كوسترديكي كبی ذو ثمانية السطوحك سطحلینه معادل کلان سیاه ایله ترسیم اولنمش ویاخود بیاض سطحلرك مناوبه ایله توسعندن حاصل اولور اكر سیاه سطحلر بیور ایسه (شكل ١٤)، بیاضلر بیور ایسه (شكل ١٥) وجوده کلور که ١٢ عدد منحرفه متناظره، ٨ اوج وجهلی و ٦



(شكل ١٥)




(شكل ١٣)




(شكل ١٤)


درت وجهلی زاویه و ٢٤ عدد ایکی جنس ضلع ایله محدوددر. مثال: قاربون.
٣. ذواتی عشر المثلثه *tétraèdre pyramidé*. (شكل ١٦) ده كوسترديكي



(شكل ١٨)



(شكل ١٦)




(شكل ١٧)


وجهله ذو اسطحة المنحرفه ده ذو ثمانية السطوحه معادل کلان سطحلرك یعنی یاسیاه ویا بیاض سطحلرك مناوبه ایله توسعندن حاصل اولور (شكل ١٧ و ١٨).

۱۲ عدد مثلث متساوی الساقین، ۴ اوج و جهلی و ۴ التي و جهلی زاویه و ۱۶ ضلع ایله محدود اولوب اضلاع مذکورہ نك دردی ذواربعة السطوحك ضلعاری استقامتده دیگر اون ایکیسی ایسه بونك سطحاری اوزرنده موضوع اهرام مثلثك ضلعاریدر . مثال : پانا باز معدنی .


۴ . ذواربعة الاسطحة السداسیه Hexakistetraèdre . ذو ثمانية الاسطحة السداسیه نك سطحاری (شكل ۱۹) ده کوسـترلديکی صورتده توسع ايدر ایسه (شكل ۲۰ و ۲۱) ده کی اشكال ناقصه وجوده کلورکه ۲۴ مثلث مختلف الاضلاع، ۱۴ زاویه و ۳۶ ایکی جنس ضلعدن عبارتدر . مثال : بوراسیت، پانا باز معدنی .



(شكل ۲۱)




(شكل ۱۹)




(شكل ۲۰)

موازی سطحلیلر : ذو ستة الاسطحة الرباعیه ایله ینه ذو ثمانية الاسطحة السداسیه دن چیقار .


۵ . ذو اثني عشرالمخمسه dodécaèdre pentagonal . ذو ستة الاسطحة الرباعیه نك سطحاری (شكل ۲۲) ده اولدینی و جهله مناویه ایله توسع ايدر ایسه (شكل ۲۳ و ۲۴) ده کی اشكال ناقصه وجوده کلورکه ۱۲ عدد مخمس متناظره،



(شكل ۲۴)



(شكل ۲۲)




(شكل ۲۳)


۲۰ زاویه و ۳۹ ایکی جنس ضلع ایله محدوددر . بیریت معدنی اکثربو

شکلده تبار ایتدیکندن شکل مذکوره pyritoèdre یعنی پیریت سطحلی
دخی دیرلر .


۶. ذو اثنی عشر المثنی Dyakisdodécaèdre . ذو ستة الاسطحة السداسیه ده
ذو ستة الاسطحة الرباعیه سطحلرینه معادل کلان سطحلر (شکل ۲۵) ده
کوسترادیکی صورتله توسع ایدر ایسه ذو اثنی عشر المثنی (شکل ۲۶ و ۲۷)



(شکل ۲۷)




(شکل ۲۵)




(شکل ۲۶)

وجوده کلور که ۲۴ عدد شبه منحرف، ۲۶ عدد زاویه و ۴۸ عدد اوج جنس
ضلع ایله محدوددر . مثال : پیریت .


برنجی جمله نك اشكال مرکبه سنه زیرده بر قاج مثال کوسترلمشدر :




(شکل ۳۰)
(فلوئورین)




(شکل ۲۹)
(آرژانتیت، باقر)




(شکل ۲۸)
(غالن، فلوئورین)



(شکل ۳۳)
(التون)




(شکل ۳۲)
(کوپریت، ماغنیتیت)




(شکل ۳۱)
(غالن، فلوئورین)


اشکال ناقصه



(شکل ۳۶)
(بیروت)




(شکل ۳۵)
(پاناباز)




(شکل ۳۴)
(پاناباز)

(۲) جمله مربعیه. بوجهه نك اوچ محوری اولوب یكدیگرینی عموداً قطع ایدر (شکل ۳۷) فقط انلرك ایکیسی مساوی اوچنجیسی غیر مساویدرکه محور اصلی اتخاذاولنور .


جمله مربعیه نك شکل اصلیسنه (اهرام مربعی) *pyramide tétragonale* (شکل ۳۸) دیرلرکه ۸ عدد مساوی مثلث متساوی الساقین و ۳ عدد ایکی جنس ضلع ایله محدوددر واضلاع مذکوره نك دردی مربع شکلنده اولان قاعده نك (شکل ۳۹) ضلعاری اولوب دیگر دردی ایسه قاعده نك اوست والت




(شکل ۴۰)



(شکل ۳۸)



(شکل ۳۹)




(شکل ۳۷)

طرفلرنده در . شمیدین معلوم اوله که علم بلور اتده اهرام تسمیه اولنان اشکال علم هندسه ده اولدینی کبی یالکز بر طرفلی اولیوب قاعده سنده متصل ایکی اهرامدن عبارتدر .


اگر اهرامك محور اصلیدی دیگر مساوی محورلردن ده اوزون اولور

ایسه اهرام مذکوره حاده واکر دها قیصه اولورسه منفرجه تسمیه اولنور .
 اهرام مربعینک قاعده سنده بولنان مستویین زوایه لرینی ۱۸۰ درجه یه ابلاغ
 اولنمش فرض ایدر ایسه ک بر اوزون ودرت یانی شکل حاصل اولورکه اکا
 منشور مربعی *Prisme tétragonal* (شکل ۴۰) تسمیه اولنوب درت عدد
 مستطیلدن وایکی باشنده مربع قاعدتیندن مرکبدر. وبو منشورک محور اصلیمی
 دیکرلرندن قیصه اولورسه (لوحة مربعیه) نامی ویریلور.

اهرام مربعینک قاعده سنده بولنان ضلعلرک غیری ضلعلر قطع ایدیلهرک
 تعدیل اولنسه یکیدن بر اهرام وجوده کاورکه اهرام اصلینک ایکی قاتی یعنی
 اون الی سطحیدر واسمنه اهرام مربعی مضاعف *Pyramide ditétragonale*




(شکل ۴۲)




(شکل ۴۱)

(شکل ۴۱) وبوندن مشتق اولان منشورده منشور مربعی مضاعف
Prisme ditétragonal (شکل ۴۲) تسمیه اولنور .


اهرام مربعینک سطحلری بناوبه ایله توسع ایدر ایسه ذواسطحة الوتدیه



(شکل ۴۵)




(شکل ۴۳)




(شکل ۴۴)

sphénoèdre (شکل ۴۳، ۴۴، ۴۵) تسمیه اولنان شکل ناقص حاصل اولورکه ۴ عدد مساوی مثلث متساوی الساقین و ۶ ضلع ایله محدوددر. جمله مربعیه ده متبلر معدنله مثال: کاسیته ریت، وزوویتن، زیرقون، وولفیت، روتیل، فالقوپریت (ذواسطحتیه الوندیه).


جمله مربعیه نك اشكال مرکبه سنه بر قاج مثال:



(شکل ۴۸)
(وولفیت)




(شکل ۴۷)
(زیرقون)




(شکل ۴۶)
(زیرقون)


(۳) جمله معینیه. بو جمله ده محاور ثلثه بر برنی عموداً قطع ایدر فقط غیر مساویدر (شکل ۴۹) بناءً علیه هر قنغیسی اولسه محور اصلی اتخاذ اولنه بیلور. شکل اصلیهی بر اهرام معینی pyramide rhomboïdale (شکل ۵۰) اولوب ۸ عدد مساوی مثلث مختلف الاضلاع، ۸ عدد قارشولقی مساوی زاویه و ۱۲ ضلع ایله محدوددر وقاعده سی بر معیندر (شکل ۵۱). اهرام مذکورده دن ایکی



(شکل ۵۰)




(شکل ۵۱)




(شکل ۴۹)

درلومنشور مشتق اوله بیلوب برینه منشور معینی قائم (شکل ۵۲) دنیلورکه اضلاعی محور اصلی به موازیدر وایکی باشنده معینی قاعدتین واردر. دیکرینه ایسه منشور معینی افقی یاخود (دوم) dôme (شکل ۵۳) تسمیه اولنورکه اضلاعی محور

اصلینک غیری بر محوره موازیدر وینه ایکی باشنده معنی قاعدتین ایله محدوددر . جمله مربعیده اولدینی کی بوجلهده دخی الواح معینیه واردر .



(شکل ۵۳)




(شکل ۵۲)


جمله معینیه تبلر ایدن معدنلره مثال : اراغونیت ، باریت ، سهلستین ، توپاز، کوکورد .

(۴) جمله واحدالفراش . بوجلهده محاور ثلثه غیر مساوی اولوب (شکل ۵۴)

انلردن ایکسی بر برینی مائلاً و اوچنجیسیده بونلری عموداً قطع ایدر وایکی مائل محورلردن بری محور اصلی اتخاذا اولنور . شکل اصلسی اهرام واحدالفراش pyramide monoclinique (شکل ۵۵) درکه ۸ عدد ایکی جنس



(شکل ۵۵)




(شکل ۵۴)


مثلث مختلف الاضلاع ایله محدوددر یعنی مثلثلرک دردی بیوک ودردی کوچکدر بناء علیه اهرام مذکور بر شکل بسیط اولیوب ایکی نصف اهرامدن مرکب عدد اولنمیلیدر . بوندن مشتق اولان منشور واحدالفراشک اضلاعی محور اصلی به موازی وایکی باشنده شبه معین شکننده قاعدتین موجوددر .

جمله واحد الفراشده تبلر ایدن معدنلره مثال : اوتوز، اوزیت، هورنبلاند، آپیدوت، چبس، کبریت حدید .

(۵) جمله ذوثلثة الفراش. بو جملهده محاور ثلثة کذا غیر مساوی اولوب یکدیگرینی مائلاً قطع ایدر (شکل ۵۶) وانلرک بری محور اصلی اتخاذا اولنهرق بلور عموداً وضع اولنور . شکل اصلی اهرام ذوثلثة الفراش pyramide triclinique (شکل ۵۷) درکه ایکیشر ایکیشر قارشولقلی بربرینه مساوی اولمق اوزره سکر عدد



(شکل ۵۷)




(شکل ۵۶)

مثلث مختلف الاضلاع ایله محدوددر بناءً علیه شکل مذکور درت ربع اهرامدن مرکب فرض اولنمیلدر بوندن مشتق اولان منشور منحرفه منشور ذوثلثة. الفراش تسمیه اولنوب درت سطحی قارشولقلی ایکیشر مساویدر وایکی باشنده متوازی الاضلاع قاعدهلری واردر و منشور مذکور ایکی نصف منشوردن مرکب فرض اولنور. بو جملهیه مثال : آنورتیت، پریقلین، کینایت .


(۶) جمله مسدسیه . اشبو صوک جمله نك درت محوری اولوب انلردن اوچی مساوی وبربرینی بر سطح اوزرنده التمش درجه لك زاویهده قطع ایدر دردنجی محور ایسه یا دها اوزون ویاخود دهاقیصه اولوب دیکرلرینی دائماً عموداً قطع ایدر (شکل ۵۸) ومحور اصلی اتخاذا اولنور. جمله مسدسیه نك شکل اصلیبی بر اهرام مسدسیه pyramide hexagonale (شکل ۵۹) اولوب اون ایکی عدد مثلث متساوی الساقین ایله محدوددر وقاعدهسی بر مسدس منتظمدر (شکل ۶۰). اهرامدن منشور مسدسی (شکل ۶۱) حاصل اولور که محور اصلی به

موازی الی عدد مستطیل وایکی باشنده مسدس اوله رق قاعدتین ایله محدوددر. اهرام و منشورده ضاملك تعدیلله مضاعفاری وجوده كلهرك برینه اهرام




مسدسیء مضاعف pyramide dihexagonale و دیگرینه منشور مسدسیء مضاعف prisme dihexagonal ناملری ویریلور. مثال : بهریل، آبایت، قورندون، قالسیت، قوارس، هایت .

اشکال ناقصه . اهرام مسدسینک سطحلری (شکل ۶۲) ده کوسترلدیکی وجهله منابه ایله توسع ایدر ایسه ایکی عدد شکل ناقص حصوله کاورکه برینه (معین مجسم) ویاخود (مکعب معینی) rhomboèdre (شکل ۶۳ و ۶۴) تسمیه اولنور و ۶ عدد : مساوی معین ایله محدود اوله رق برکوشه سندن چکلمش مکعبه مشاهددر . مثال قالسیت .




اهرام مسدسیء مضاعفده (شکل ۶۵) ده کوسترلدیکی وجهله اهرام


مسدسی، بسطک سطحینہ معادل کلان سطحلر ایکشر ایکشر مناوبہ ایله توسع ایتدیریلور ایسه بر شکل ناقص وجوده کلورکه قاعده سی اینشلی چیشلی اولوب اون ایکی مثلث مختلف الاضلاع ایله محدوددر واسمنه (ذواسطحة الاخیمیه) scalénoèdre^۱ (شکل ۶۶ و ۶۷) دیرلر مثال : دولومی .



(شکل ۶۷)




(شکل ۶۶)




(شکل ۶۶)


معین مجسم ایله ذواسطحة الاخیمیه معدنیاتده پک چوق ظهور ایدن اشکالنددر .
جمله مسدسیه نك اشکال مرکبه سنه مثال شونلردر :



(شکل ۷۰)
(قالسبت)




(شکل ۶۹)
(آپاتیت)




(شکل ۶۸)
(به ریل)


۱) scalenos یونانجه طوپال واکری دیمکدر بو سبیدن مثلث مختلف الاضلاعه فرانسزجه scalène دیرلر و ابراهیم بکک ویرمش اولدییقی (ذواسطحة الاخیمیه) یعنی طوپال سطحلی تعبیری پک مناسب بر تعبیردر .



(شکل ۷۳)
(قوارس)




(شکل ۷۲)
(قوارس)




(شکل ۷۱)
(قالسیت)


{بلورات توأمیه} macles. بر معدنك عینی شكلدن ایکی شخص بلوريسنك قواعد منتظمه ومعینه تحتتسده یکدیگرینه متصل ویا گرفت اولسنه ایکیز بلور دینور. بلورات توأمیه ایکی جنسدر: برنجیسنده اشخاص بلوریه یالکز نصفه قدر نشو وغا بولشدرکه بوکی ایکیزلرك کیفیت تشکلی ا کلامق ایچون بر بلوری صورت منتظمهده یاریسندن کسوب بر نصفی ۱۸۰ درجه محورنده چورملیدر بوسیدن بو جنس توأمیره فرانسزلر hémitropie دیمشلدردکه یارم چوریش دیکدر. ایکی نصفك کسب التصاق ایتدیکی سطحه (سطح توأمی) یاخود (سطح التصاق) plan de jonction اطلاق اولنور .



(شکل ۷۶)



(شکل ۷۵)



(شکل ۷۴)

(شکل ۷۴) ماغنیتیت واسپینل معدنلرنده ظهور ایدن بر توأمی ارائه ایدر شویله که (شکل ۷۵) ده کوستریلان ذوثمانیه السطوح سطحلرندن برینه موازی


بر مقطع ایله اورته‌سندن کسیلوب برنصفی ۱۸۰ درجه چورلمشدر ۵۵۵ ضلع‌لرنده زاویه داخله موجوددر .

ایک‌نجی جنس توأم‌لرده ایکی شخص بلوری یکدیگرینه خاچواری گرفت اولمشدر. (شکل ۷۶) استوروتید staurotide یعنی حجر صلیب معدنک بلوری اولوب بوجنس توأم‌لره اک‌کوزل مثالدر .


بعضاً دخی متعدد بلورلر قواعد منتظمه ایله برلشوب اوجلی ، درتلی ، بشلی الخ توأم‌لر حصوله کلور. اکثراً توأم ارائه ایدن معدنلر شونلردر : ماغنیتیت، قاسینه‌ریت، روتیل، سروسیت، حارموتوم، آنفیول، اوژیت، اورتوز، آر‌آغونیت، فالسیت، چبس‌لخ .

نصفی الشکل بلورات (Hémimorphisme)

ایکی اوجی مختلف شکله تبلر ایدن معدنلره نصفی‌الشکل تسمیه اولنور مثلاً (شکل ۷۷) ده کوستریلان بر‌طورمالین بلوری منشور شکنده اولوب



(شکل ۷۸)



(شکل ۷۷)

بر‌اوجنده ایکی معین مجسم ایله مرکب اولدینی حالده دیگر اوجی یالکر قاعده‌سیله مستورددر . بونوع بلورات مختلف‌الجنس الکتریقتی حاملدر یعنی بر اوجی مثبت دیگر اوجی منفی الکتریقت ارائه ایدر . (شکل ۷۸) قلامین معدنی اولوب نصفی‌الشکلدر .

(بلورات طبیعی‌نک عدم کالی)

شم‌دی‌یه قدر کوریلان بلوراتک اشکالده برانتظام‌هندسی موجود اولوب انجق

مقدمه‌ده بیان اولدینی وجهله طبیعتده هر بر جیتی بویه تامیله متبلر بلورات نادر بولنوب بلورات مذکوره اکثریا برطرفندن بر قیا اوزرنده یاپیشقدر و بونلرک بر قاجی بر آرده بولنور ایسه (طاقم) groupe، یاخود درونی محوف طاشلرک ایچ طرفنده یاپیشق و اوجلری مرکز ناظر اوله رق بولنورکه بویکله‌ده (ژۀ نوُد) géode تسمیه اولنور. اوفق بلورلر علی العموم بیوک بلورلردن دها کوزل و منتظم تبلر ایدر.

بعضاً سطوح بلوریه اوزرنده دخی عدم انتظام کوریلور یعنی سطوح مذکوره چیزکیلی، مقوس، اویوق، بروشوق و چارپوق اوله بیلور. چیزکیلر بلورک محور اصلینسه بعضاً عمود و بعضاً موازیدر. قوارس بلوراتنک سطحلری اکثریا بویه عمود چیزکیلر ایله مستوردردر. الماس، چیس و دولومی بلورلرینک سطحلری مقوس، و قیا طوزی ایله کوپریت تسمیه اولنان بر جنس نحاس معدننک سطحلری اویوق اوله بیلور.

بعضاً دخی بر بلورک سطحلری متوازیاً یرندن قایمش کبیدر بونکله برابر مستویین زاویه سنک مقیاسی و بر برینه منسوب اولان سطوحک خواص حکمیسی اصلاً تغیر ایتمز.

Texture (انتساج معادن)

غایت کوچک اولدقاری حالده بر چوق اشخاص بلوریه‌نک کومه کبی بربری اوزرینه مترکم اولمسندن حاصل اولان حاله معاندنه انتساج تسمیه اولنوب بر تک بلورده بر شکل معین موجود اولدیغندن انتساج ارانه‌من. اشخاص مترکمه‌نک شکلنه کوره بر قاج درلو انتساج تقریق اولنور شویله که اجزای مترکه اوفق و طوپراق جهلردن عبارت ایسه (انتساج حببوی) t.grenue (ایو مرمر و مالطه طاشی) و اگر مذکور جهلر دیش دیش و کوشه‌لی ایسه (انتساج شبه سکر) t.saccharoïde دنیلور (عادی مرمر)، اجزای مترکه اینجه و حجمسز اولوب بربری اوزرینه مفروش و قولایلقله ییراقله آیریلور ایسه (انتساج صفیجی ویا ورق) t.lamellaire feuilletée دیرلر (مقامعدنی)، و اگر

مذکور پیراقلر غایت اوفق و پول کبی ایسه (انتساج قُلَسِي) t.écailleuse دیرلر (قلوریت) معدنده اولدینی کبی .

اجزای مترکبه اینجه واوزون اوله رق موازی بر استقامتمده بولنور ایسه (انتساج الیافی) t.fibreuse (اتیمونیت)، اکر الیاف صاج کبی اینجه اولور ایسه (انتساج شعری) t.capillaire (آمیانت)، واکر موازی و مستقیم اولیوبده شعاعی اولور ایسه (انتساج شعاعی) t.radiée (مارقازیت) ناملرینی الور .

تباشیر وکیل کبی طوقوندقده توز کبی دوکیلن معدنلرک انتساجنه (انتساج ترابی) t.terreuse ، واجزای مترکبه سی غایت اوفق و صیق اولان معدنلرک انتساجنده (انتساج کشیف) t.compacte دیرلر .

بالاده تعداد اولان انتساجندن ماعددا بعضاً معادن کره، صالقم، بوبرک، طامله طاشی stalactite، بیضی oolithe، اغاج، تل، لوحه و صاج کبی شکللر اخذ ایدوب بعضاً دخی یالکز برقبوق اوله رق ظهور ایدر .

(استحاله کاذبه) Pseudomorphisme

بعضاً اجسام معدنیه نك ذاتاً متبلر اولدقلى حالده دیگر بر معدنك شكل بلورینسی اخذ ایتمش اولدینی کوریلورکه بوکیفته استحاله کاذبه دنیلدیکی کبی بویله کندوسنه مخصوص اولیان بر شکل بلوریده ظهور ایدن معاندنه (بلورات کاذبه) نامی ویریلور. کیفیت مذکوره بر قاج نوع اوزره بولنور شویله که بر معدنك بلورانی دیگر بر ماده معدنیه دن اینجه برقبوق ایله مستور اوله بیلور نتمک قالسپات بلورینی قوارس معدنی قابلیه رق قالسپاتك شكل بلورینسی اخذ ایتمی کبی . یاخود بر بلورك ماده اصلیه سی تأثیرات کمیویه ایله محو و نابید اولوب یرینه دیگر بر ماده معدنیه نفوذ ایده بیلور مثال : پیریت معدنك ماغننیت معدنی شكل بلورینسده ظهور ایتمی . و یاخود بر بلورك شكل ظاهریسی تبدل ایتدیکی حالده یالکز ماده معدنیه سی دیگر بر معدنه تحول ایدر و بوجنس استحاله معادن میاننده پك چوق ظهور ایدوب اسمنه (تحول

ترکیب) épigénie دیرلر مثلاً پیریت معدنک پرولوزیت بلوری شکلنده ظهور ایتیمی .

بعضکره ذوالشکلین اولان معادنده دخی تحول ترکیب واقع اولوب بوراده ماده اصلیه تغیر ایتیمه رک یالکتر بشقه برشکه کچمش اولور، کوکوردده اولدینی کبی که بویله له paramorphose دیرلر .

Formes secondaires (معادنک اشکال تالیه سی)

تأثیرات میخانیکه و کمیویه ایله معادنک اشکال طبیعی سی تبدل ایدرک یکیدن حاصل اولان شکلره اشکال تالیه دنیلور مثلاً قوم، توز، جاقل، معادن قیریقلری و مولوزلری و ایلروده تعریف اولنه جق اشکال تقلیقیه و سائره بونلر هب تأثیرات مذکورہ نک نتیجه لرندندر .

قسم نانی

معادنك خواص حكمیه سی

معادنك خواص حكمیه سی تسمیه اولنان خواصك كشف و معاینه سی ایچون لازم کلان عملیاتك اجراسیله معادن مذکوره نك ترکیب اصلیلری تبدل و تغیر ایتمز . خواص حكمیه باشلیجه شونلردر : صلابت ، قوه ارتباطیه ، تقلیق ، مکسر ، کثافت ، وزن مخصوص ، خواص بصریه (یعنی انکسار مضاعف ، استقطاب ، کثیرالالوان ، رنگ ، لمعان ، چیزکی) ، مقناطیسیت ، الکتریقیت ، حرارت ، خواص فیسلولوژی (یعنی لزت ، رایحه ، لمسیت) .

(صلابت) Dureté

بر معدن سرت و سیوری بر جسم ایله چیزیلور ایکن کوستردیکی مقاومت صلابت دیرلر . معادنك صلابتی بر صلابت نسبیهدن عبارتدر یعنی معادن انحق یکدیگرینه نسبت ایدیلهرک بر برندن دها سرت ویا دها یوشاقدردنیله بیلور اشته بوفکره بناءً بر قاج معدندن عبارت بر (جدول صلابت) échelle de dureté ایجاد اولنمشدرکه جدول مذکورک معدنلریله بالمقایسه درجه صلابت بولنور . معدنیوندن (موس) Mohs ك اختراع ایتدیکی جدول علی العموم قبول اولنوب اون عدد معدندن عبارتدر :

(۱) طلق talc

(۲) قیا طوزی ویا جبس gyps

(۱) فره دریق موس (۱۷۷۳ — ۱۸۳۹) غراچده و ساقسونیاده مشهور فرایبرک معدن مکتبنده وویانه دارالفنوننده خواجه لک انجشدر .

calcite	(۳) قالسیت و مرمر
fluorine	(۴) فلوئورین
apatite	(۵) آپاتیت
orthose	(۶) اورتوز
quartz	(۷) قوارس و نجف طاشی
topaze	(۸) توپاز
corindon	(۹) قورندون، یاقوت
diamant	(۱۰) الماس

اشبو معادنن طلق اک یموشاق و الماس اک سرت معدندر . معلوم اوله که طلق و چیس طرناقله چیزیلور، آپاتیت بر چلیک چاقینک و اورتوز عادی جامک صلابته مساویدر . جدول صلابتک اصول استعمالی شو وجهله در :

اولا صلابتی تعیین اولنه جق معدنک بر تمیز و سیوری اوجیه الماسدن بدأ ایله جدولده کی معدنلرک دوزکون بر طرفه سورتیلهرک هر قنغیسنی چیز ایسه نومروسی حفظ اولنور، بعده بالعکس معاینه اولنه جق معدنک بر دوز طرفی اوزرینه طلقدن اعتباراً جدولک هر بر معدنی سورتیلوب قنغیسی واسطه . سیله چیزلدیکنه ینه دقت اولنور .

اگر ایکی معدنده انجق یکدیگری چیزه بیلور ایسه آرانیلان صلابت جدولک اول نومروسنه مساوی عد اولنور . مثلاً نمونه اولان معدن اورتوزی چیزوب و انجق آنکله چیزیلور ایسه صلابتی ص = ۶ یازیلور، یوق اگر نمونه مزک چیزدیکی معدن ایله کندوسیده چیزیلیمبوب اوست طرفده کی دها بر سرتیه چیزیلور ایسه ص = ۶,۵ یازیلور .

خالص معدنلرک درجه صلابتلی دخی تعیین اولنوب دوکه تیمورک اک سرت اولدینی تحقق ایلدیکندن درجه سی ۱۰۰۰ عد اولنورق بوکا نسبتاً دیگرلری ایچون جدول اتی تنظیم ایدلمشدر :

دوکه تیمور ۱۰۰۰، چلیک ۹۸۵، دومه تیمور ۹۴۸، پلاتین ۳۷۵،

باقر ۳۰۱، کوش ۲۰۸، آلتون ۱۶۷، بسموت ۵۲، قلاى ۲۷، قورشون ۱۶.

(قوة ارتباطیه) یاخود متانت Tenacité

بوخاصه معادنى ترکیب ایدن اجزای فردیه نك بربرینه اولان اتحاد وارتبا. طندن ایلرو کلوب ارتباط مذکورک اختلافندن معانده برقاچ نوع قوة ارتباطیه حصوله کله بیلور :

(۱) تطرق یاخود لدائت malleabilité. یعنی چکیح ضربه سیله معانك اینجه لوحه وورق حالى کسب ایتمیدرکه بوخاصه یی حائر اولان معانده معادن متطرقه دیرلر. الك زیاده متطرق اولان معدن آلتون اولوب دیکرلری درجه تطرقه کوره شونلردر : آلتون، کوش، باقر، قلاى، پلاتین، قورشون، توتیا، تیمور. لکن معانك قسم اعظمی (غیر متطرق) ویاخود (قابل انکسار) friable در یعنی بر تضیق الته قوندقد هه جهتندن یاریقلر و چانلاقلر پیدا اولور و بعضاً دخی بتون بتون قیریلوب اوفقی پارچه لره آیریلور، نتکم قالسپات و بلاند معدنلرنده اولدینی کبی .

(۲) انحرار ductibilité. متطرق اولان معانك جمله سی قابل انحراردر یعنی حاده دن کچورلدکده ارتباطی غائب ایتمیرک اینجه تل حالنه کیره بیلور واک زیاده قابل انحرار اولان معدن ینه آلتون اولوب دیکرلری شونلردر : آلتون، کوش، پلاتین، تیمور، باقر، توتیا، قلاى، قورشون . معانك انحراری، آلتون وکوش مستثنا اولدینی حالده، تطرقنه مساوی دکلدر .

(۳) انحناء flexibilité. چوق کره اینجه معدن ییراقلری قیرلمقسزین اکیلوب بوکوله بیلور فقط صکره حال اصلیسنه رجعت ایتمز بو کیفیته انحناء دیرلر . مثلاً قلویت وطاق معدنلری .

(۴) الاستیقیت élasticité. بعض اینجه معدن ییراقلری ینه قیرلمقسزین اکیله بیلور فقط علی حاله براقلنجه ینه حالت سابقه سنه رجعت ایدرکه بوکاده الاستیقیت خاصه سی نامی ویرلر . میقا معدننده اولدینی کبی .

Clivage (تفلیق)

بلورات معادنك جهات مخصوصه لرندن منتظماً يارملرى كيفيته تفلیق خاصه سی دیرلرکه جهات مبحوثه نك غیری بر جهتدن یارمق استتسه بلورات مذکوره نك هیئت منتظمه سنه خلل کلوب قیریلور .

معادن متبلره نك اکثریسی تفلیق قبول ایدوب بو کیفیت ایله یکیدن حاصل اولان سطحلره (سطوح تفلیقیه) دنیلور وسطوح مذکوره بعضاً تفلیق اولنان بلورك، بعضاًده عینی جمله دن اولمق اوزره دیگر بر شکلک سطحلرینه موازیدر . مثلاً مکعب شکلنده متبلر قیا طوزی انجق مکعبک وینه مکعب شکلنده اولان فلوئورین معدنی انجق ذو ثمانية السطوحک سطحلرینه موازی اوله رق تفلیق قبول ایدر .

بلوراتك جهات اربعه سی بویه جهه تفلیق اوله رق یکیدن حصوله کلان شکلره (صفایج تفلیقیه) *lames de clivage* دنیلوب صفایج مذکوره دائماً تفلیق اولنان بلورك منسوب اولدینی جمله دندر .

بعض معادن قولایلقله تفلیق اولنور . مثلاً : میقا، چبس، آنتیمونیت، فلوئورین، و بعضایده بالعکس کوچ تفلیق اولنور ، قوارس و غرنا معدنری کبی . زرده مختلف جمله لرك بلورلرندن اولوب تامایله تفلیق قبول ایدن معادنه بر قاج مثال درج ایدلی :

جمله مکعبیه دن : قیا طوزی و غالین مکعب، فلوئورین ذو ثمانية السطوح، بلاند ذواسطحة المعینیه سطحلرینه موازی اوله رق تفلیق اولنور .

جمله مربعیه دن : روتیل منشورك سطحلرینه ،

جمله معینیه دن : توپاز و باریت قاعده منشوره وینه باریت منشورك سطحلرینه ،

جمله واحد الفراشدن : چبس منشورك سطحلرینه ، اورتوز ایله میقا قاعده لرینه ،

جمله ذو ثلثة الفراشدن : آلپت ، اولیغوقلاز و لابرا دوریت بلوراتی منشورك قاعده وسطحلرینه ،

جمله، مسدسیده‌ن : قالسبات، دولومی وسیده روز بلورلری معین مجسم
سطح‌حارینه، به‌ریل قاعده منشوره کوره قابل تقلیدر .

(مکسر) Cassure

بر معدن قابل تقلیق اولمیان بر جهتدن قیریلور ایسه او محله حاصل اولان
سطحه مکسر نامی ویریلوب اگر سطح مزبور دوز اولور ایسه (مکسر مستوی)
cassure droite، دوز اولدینی حالد از چوق مجلا بولنور ایسه (مکسر آملنس)
cassure lisse، قاریق وچقندیلری حاوی ایسه (مکسر غیر مستوی)
cassure raboteuse، بر صدفک دروننه مشابه اولور ایسه (مکسر صدفی)
cassure conchoïde (چاقق طاشنده اولور)، وقوملو وتوزلو اولور ایسه
(مکسر ترابی) cassure terreuse اطلاق اولنور .

(کثافت) Densité

بر معدنك حجمه مساوی ماء مقطردن قاج دفعه‌دها غیر اولدینغی کوسترن عدده
اول معدنك کثافتی تسمیه اولنوب معدن مذکورك بر سانتیمتر و مکبنك غرام
حسابیله اولان وزننده (وزن مخصوص) poids spécifique نامی ویریلور .
معادن مختلفه‌نك حجمی ایچون بر سانتیمتر و مکبی واحد قیاسی قبول
اولدینغدن وزن مخصوصی بیلدیرن عدد کثافتی دخی بیلدیرر . زیرا بر
سانتیمتر و مکب ماء مقطر درت درجه حرارتده بر غرام اعتبار اولنمشدر .
معادنك کثافتی بولق کیفیت تشخیص ایچون اك مهم عملیاتدن اولوب
بو باده اصول مختلفه ایجاد ایدلشدر وانلرك اك قدیمی (آرشمید ترازوسی) ^(۱)
اولوب صکره‌لری (نیقولسون آره‌نومتروسی) دخی اختراع ایدلمش ایسه‌ده
بونلرك هیچ برسی رقیق اولدینغدن شمدی حکمت کتابلرنده شیشه اصولی
نامیله تعریف اولنان (پیقنومترو) pycnomètre ^(۲) آلتی عمومیتله قبول اولنمش
واستعمال ایدلکده بولنمشدر .

(۱) ارشمید میلاددن ۲۵۰ سنه اقدم کثافت قانونی بولمشدر. (۲) پیقنوس یونانجه کشیف دیمک اولدینغدن
پیقنومترو [میزان الکشافه] معناسته کلور .

آلت مذکورہ ایجہ جامدن معمول کوچک ویوارلق برشیشہ اولوب اغزنده ینه جامدن واورته سی دلیک برده طپیاسی وارد در . بو دلیک شیشہ نك دروننه وضع اولنه جق مایعك ، تكثر حرارتده حجمی ده تزیاید ایده جکندن ، طاشوب دوکلماسنه خدمت ایدر . حین استعمالده اولا شیشہ ماء مقطر ایله مملو اولدینی حالده برکزه طارتیلوب وزنی هر زمان ایچون حفظ اولنور . ثانیاً کثافتی تعیین اولنه جق معدن ایجہ توز ویا کوچک پارچه حالده اوله رق ایروجه طارتیلور . ثالثاً معدن مذکور بوش شیشہ دروننه قونیه رق اوزرینه صو طولدیریلور و طپیاسی اورتیلوب بویه جه تکمیل آلت تکراراً وزن اولنور .

اگر معدنك وزنی = و؛ شیشہ + صو = و؛ شیشہ + صو + معدن = و؛ فرض اولنور ایسه جسمك کثافتی $F = \frac{و}{و - و + و}$ دستوریه اشعار اولنور .

صوده منحل معادنی زیتون یاغی ویا کثول ایچنده وزن ایتملیدر . مایع حالده بولنان معادنك کثافتی دخی بو آلت ایله تعیین اولنه بیلور شویله که : بوش شیشہ نك وزنی = و؛ صو ایله مملو اولدینی حالده = و؛ بوش شیشہ ایله مایعك وزنیده = و؛ فرض ایدیلسه مایعك کثافتی $F = \frac{و - و}{و - و}$ اولمش اولور .

معادن میاننده کثافتی اك زیاده اولنلر معادن ثقیله در . خالص اولدینی حالده پلاتین = ۲۱,۵ ، آلتون = ۱۹,۳ ، جیوه = ۱۲,۶ ، قورشون = ۱۱,۴ ، کموش = ۱۰,۵ ، بسموت = ۹,۸ ، باقر = ۸,۹ ، انیموان = ۶,۷ ، آرسنیک = ۵,۷ کثافتده در .

Propriétés optiques (خواص بصریه)

(انکسار بسیط و مضاعف) . جمله مکعبیه دن اولوب شفاف اولان بلورات ایله عاریه الشکل معادن عادی جامده اولدینی کی اوزرلرینه مائلاً وارد اولان

شعاعات ضیائیہ بی بسیط اولہرق کسر ایدر و بونلرک ہر قنی طرفدن باقیلور ایسہ دیگر طرفندہ دائماً تک خیال حاصل ایتدیکی کوریلورکہ بوکیفیتہ (انکسار- بسیط) *réfraction simple* دنیلور .

جملہ مکعبیہ نیک غیری جملہ لرک بلوراتندہ دخی اشبو انکسار بسیط خاصہ سی موجود ایسہدہ انلردہ انکسار مذکور انحق بر ویا ایکی جہتدن وقوعبولوب سائر بر جہتدن برشی اوزرینہ باقیلہحق اولور ایسہ بلورات مذکورہ درونندن مرور ایدن شعاعاتک چفت بر خیال حاصل ایلدیکی کوریلورکہ بوخاصہ یہدہ (انکسار مضاعف) *double réfraction* نامنی ویرلر .

دیک اولیورکہ جملہ مکعبیہ نیک بلوراتندہ اصلاً انکسار مضاعف ارا نلمیہ جقدر .

انکسار مضاعف خاصہ سی اک اول دائیارقہ لی (بارتولن) *Bartholin* طرفدن ۱۶۷۰ سنہ میلادیہ سندہ اسلاندا اسپاتی نام معدنہ کشف اولنشدر .

انکسار مضاعف خاصہ سی حاوی اولان بلوراتدہ ضیانک بسیط اولہرق منکسر اولدینی جہتلرہ (محاور بصریہ) *axes optiques* دنیلوب اگر بر بلورده انکسار بسیط یالکز بر تک جہتدن وقوعبولور ایسہ اوبلورہ خواص بصریہ نقطۂ نظرندن (ذوالمحور) *à un axe* واکر ایکی جہتدن وقوعبولور ایسہ (ذوالمحورین) *à deux axes* دینلور .

جملہ مربعیہ ایلہ جملہ مسدسیہ نیک بلوراتی ذوالمحور اولوب بونلردہ محور بصری دائماً بلورک محور اصلیسیلہ بر استقامتدہ بونلور . جملہ معینیہ، جملہ واحد الفراش و جملہ ذو ثلثۃ الفراش بلوراتی ذوالمحوریندر .

انکسار مضاعفہ اک کوزل مثال معین مجسم شکلندہ بولنان اسلاندا اسپاتسندن تفلیق اولنش بر لوحہ اولوب بر کاغذہ بر سیاه نقطہ رسم اولنہرق اوزرینہ بلور مذکور وضع ایدلکدہ ایکی نقطہ مشاہدہ اولنور . فقط مذکور معین مجسم محور اصلیسنہ عموداً ایکی طرفدن کسلد کدنصکرہ نقطہ نیک اوزرینہ وضع اولنسہ یالکز بر تک نقطہ کوریلور . زیرا معین مجسم جملہ مسدسیہ دن

بولنديغندن ذوالمحوردر و محور بصريسي محور اصليسييله بر استقامتمده تصادف ايدە جەكەندەن انكسار بسيط واقع اولەجنى اشكاردر .

انكسار مضاعف سائر شفاف اولان معادنە دخى كوز ايله كوريە بيلوب انجق معادن مذكورهده هم محاور بصريه وهمدە يەكديكرينه مائل ايكي سطحك وجودى الزمدر وبوكي سطوح، ياسطوح بلوريهده (نجف طاشي كې) ويا فاستلره تراش اولش طاشلرده بولوب مذكور سطوح مائلەدن بر علوه باقلاقدە علوك اوجى چفت كورينور .

معدنيوندن مشهور (هايدينگر) Haidinger ۱۸۵۸ سنەسنەده ويانەده بر تاجر طرفەدن الماس ديو صاتمق ايسستيبان ۸۱۹ قيراطلق بر طاشي بويولەدە معايە ايدوب انكسار مضاعف ارائە ايتديكنى اثبات ايله طاشك توباز اولديغى تعين ايتمشدر .

(استقطاب و ضيائى مُسْتَقْتَب)

كاسر مضاعف اولان معادنك كافەسى درونلردن مرور ايدن ضيائي بر صورت عجيبةده تبديل وتغير ايدرلر كە بوكيفتە (استقطاب) polarisation بويە تبديل ايتش ضيايەده (ضيائى مستقطب) lumière polarisée دنيلور وبر معدنك كاسر مضاعف اولوب اولديغنى اكلامق ايجون معدن مذكوري ضيائى مستقطبەدە معايە ايدرلر (۱) .

اشبو معايەيە مخصوص آلاتە (مُسْتَقْتَب) ويا (مُتَقْتَب) polarisateur ياخود (پولاريسقوپ) polariscope (استقطابنا) ناملى ويريور . آلات مذبورەنك انواعى وارايسەدە علم معادنە استعمال اولتاني (طورمالين ماشاسى) pince à Tourmalines (۲) تسميه اولتان آلندر كە (شكل ۷۹) دە كوسترە لديكى كې بر تل ماشادن عبارت اولوب ايكي اوجنەدە برر مدور ومتحرك لوحە مربوطدر ولوحەلر ك اورتلەرنەدە برر عدد اينجە ومحور اصليە موازى اولەرق

(۱) اك اول (لوئى مالوس) اسمندە بر ذات ضيائك استقطابى كشف ايدر ك بو خاصەيى كاسر مضاعف اولان اجسامك تحريسته تطبيق ايتمشدر . (۲) اك اول ۱۸۱۲ ەدە (مەيك) و ۱۸۱۴ ەدە (بيو) طرفەدن استعمال اولغشدر .

کسلمش طورمالین پیراقلری موضوع اولوب مذکور ایکی پیراغک محور اصلیلری بر استقامته کتیریلوب ضایه قارشو باقلسه آیدنلق ومحاور مذکوره



(شکل ۷۹) (طورمالین ماشینی)

یکدیگرینه عمود اولدینی حالدده باقیله حق اولسه قرانلق بر خیال حاصل اولور . اکر بر بلور کاسر مضاعف ایسه طورمالین لوحه لری بویله یکدیگرینه عمود بولدینی حالدده اراسنه وضع اولنه رق ضایه قارشو باقلدقده آیدنلق واکر کاسر بسیط ایسه قرانلق بر خیال کوریلور .

Polychroïsme (کثیرالالوان)

بعض شفاف ویانیم شفاف اولان بلورلرک درونندن ضیا مرور ایتدکده ایکی ویا متعدد جهتلرده درلو رنگلر کورینوب بویله لره کثیرالالوان دینور . الوان مذکوره یا بر تک رنگ درجات مختلفه سندن ویاخود بتون بتون بشقه رنگلردن عبارتدر .

جملهٔ مرعیه و مسدسیه نك بلورلری (ایکی رنگلی) dichrome در تنکم پهرین ، طورمالین وقورندون معدنلرنده اولدینی کبی که بونلرک (ایکی رنگلیلیکی) اک ایو محور اصلینک استقامتمنده ویاخود اکا عمود بر استقامتمنده مشاهده اولنور .

جملهٔ معینه، واحدالفراش وذوثلثةالفراشک بلورلرنده ایسه (اوج رنگلیلیک) trichroïsme موجود اولوب جملهٔ معینه نك بلورلرنده بو خاصه اوج محورک

استقامتند دخی کوریلور. اوج رنگلی اولان معدنله مثال: دی خروئیت (۱)، آندآلوزیت، ویوانیت، کیانیت، آپیدوت الخ.

کثیرالالوان بلوراتک معاینه سی ایچون (دی خروسقوب) dichroscope اسمیه آلات مخصوصه موجود اولوب بونلرک اک مستعملی معدنیوندن هایدینکرک (۲) ایجاد کرده سی اولان آلتدر.

(الوان معادن)

معادن یارنکلی ویاخود رنگسزدر. (شفاف) اولان معادن رنگسزدر، نجف طاشی کبی. تمامیه طونوق اولیه رق از شفاف اولورایسه (نیم شفاف) دنیلور، چبس وعقیقده اولدینی کبی. واکر شفایت بتون بتون زائل اولور ایسه معادن بر بیاض رنگ کسب ایدوب (غیرشفاف) اولور.

علی العموم معاندنه ایکی جنس رنگ تمیز اولنوب برینه (الوان معدنیه) دیگرینه (الوان غیر معدنیه) دیرلر.

(الوان معدنیه) couleurs métalliques شونلردر :

کموشی بیاض، قلاهی بیاضی، قورشونی، چلیک اسمری، تیمور سیاهی، طونباق رنگی، آلتون صاریسی، پرنج صاریسی، چلیک یشیلی، چلیک ماویسی الخ. (الوان غیر معدنیه) couleurs non métalliques بیاض، کول رنگی، سیاه، اسمر، قرمز، صاری، یشیل، ماوی الخ کبی رنگلر اولوب بونلرک هربری ایچون دخی مراتب متنوعه واردر. رنگک شدتی تعیین ایتک ایچون پارلاق، طونوق، آچیق، قویو، کیرلی، تعبیراتی مستعملدر.

بعضاً معادن اوزرنده برقاج رنگ بردن ظهور ایدوب بونلر عجایب رسملر تشکیل ایتدیکندن رسمنه کوره (خرابه وی) ruinforme، (دالی) dendritique، (شریتلی) rubanné، (لکلی) tacheté، (بلوطلی) nuagé، (بکلی) pointillé اسملریله یاد اولنور.

(۱) هر قدر مشاهیر معدنیوندن (قوردیه) Cordier ۱۸۰۹ تاریخنده بو معدنی ایکی رنگلی ظنیله دی خروئیت تسمیه ایتش ایسه ده صکره لری ۱۸۲۹ ده، اوج رنگیلردن اولدینی تدین ایتدیرلشدر (۲) Haidinger عصرک اک مشهور علم معادن خواجه لرندن اولوب ۱۸۴۹ دن ۱۸۶۶ یه قدر ویانه علم طبقات الارض موزه سی دیرکتورلغنده بولنش و ۱۸۷۱ ده وفات ایتشدر.

بر قیاج معدن دخی وارد در که انلرده غایت شمشعلی وانجق کندولرینه مخصوص الوان موجود اولوب الوان مذکوره واسطه سیله تشخیص اولنه بیلورلر، مثلا اوپال (عین الشمس)، لابرادوریت، آوانتورین (حجر البرق) وکدی کوزی و قبلان کوزی دنیلان معاندنه اولدینی کبی .

بعض معدنلرده دخی علامت سما رنگلری کوریلور که بو کیفیتیه (تقرّح) irisation نامی ویریلور. کیفیت مذکوزه بعض معادن شفافه اوزرنده موجود اوفق یاریقلر و چاتلاقلرک اراسنده قالمش هوادن ایلروکلور .

معادنک الوانی بعض جنسلر ایچون برنجی درجهده بر علامت فارقه در زیر معادن مذکوره دائماً عینی بر رنگده ظهور ایدر و بو نوع رنگه (لون اصلی) couleur propre دنیور، کوکوردده اولدینی کبی که کوکورد هر زمان صایدر. فقط معادنک بعضیی قیاج رنگده ظهور ایتدیکندن انلرک رنگلرینه (لون عارضی) couleur accidentelle دنیلور، فلوتورین کبی که ماوی، صاری ودها ساثر رنگلرده بولنه بیلور .

(فوسفوریت) Phosphorescence بعض معاندنه معاملات مخصوصه ایله بر پارلاق حاصل اولوب بوکا فوسفوریت دنیلور، مثلا فلوتورین معدنک بعض جنسلری تسخین ایله واسمر رنگلی بلاند معدنیله دولومی معدنی قرانلقده دلك و تماس ایله، طبقی عادی شکرده اولدینی کبی، بر ضیا نشر ایدر. قواریس پارچهلری یکدیگرینه اورلدقده و میقا ییراقلری سرعتله یرتلدقده کذلک پارلاق بر رنگ احداث ایدر .

(فلوتوریت) Fluorescence. انکلترده چیقان برجنس فلوتورین معدنک بلوراتی ضیانک مرور ویا انعکاسنده درلو درلو رنگلره کیرر که بوکا فلوتوریت خاصه سی دیرلر .

(لمعان) یاخود (جلای معادن) Éclat

معاندنه رنگدن بشقه برده پارلاق موجود اولوب بوده ضیانک انعکاسندن ایلرو کلور و بوکا لمعان یاخود جلا دیرلر. ایکی درلو لمعان واردر برینه (لمعان معدنی) دیکرینه ده (لمعان غیر معدنی) دنیلور .

لمعان معدنی یالکز معادن ثقیله ده کوریلورکه بونلرک کافه سی غیر شفافدر،
غالن کبی .

لمعان غیر معدنیک انواعی شونلردر : (الماس لمعانی) éclat adamantin
الماس و بلاند کبی، (جام لمعانی) éclat vitreux جام قیرینی کبی پارلاق
اولور، نجف طاشی، بهریل واسلانداسپاتی کبی، (یاغلی لمعان) éclat gras
یاغ کبی پارلار، عادی قواریس، کوکورد، پنخشتاین کبی، (صدف لمعانی)
éclat nacré آدولر وچیس کبی، (ایسک لمعانی) éclat soyeux الیافی اولان
معادنک چوغی ایسک کبی پارلار. الیافی چیس کبی .

Graphicité (چیزکی)

معادنک چیزکیسندن مقصد انلرک توزنده بولنان رنک و لمعانی بیلمکدر .
بونى معاينه ايتک ایچون معادن صیرسز بر پورسیلن اوزرینه سورولوب براقدینی
چیزکینک و یاخود بر تورپو ایله تورپولنوب حاصل اولان توزک رنکی تدقیق
اولنور . اشبو چیزکی اکثر معادنک تشخیصه پک بیوک مدار اولور، مثلاً
ماغنیت معدنک چیزکیسی سیاهدر فقط طبق بو معدنه بکزه یان قرومیت
معدنک چیزکیسی قهوه رنکندهدر . اولیتریت تسمیه اولنان تیمور معدنی
ایکی جنس اولوب بری سیاه دیکری قرمزیدر فقط ایکیسنک دخی چیزکیسی
قان کبی قرمزیدر .

Magnétisme (مقناطیسیت)

معادن حدیدیه برابریه تقریب اولندقدیه بالتأثیر ابره یی جذب ایدرکه بو
خاصیه (مقناطیسیت) دیرلر . فقط معاندنه قطییت یعنی ابره نک بر اوجنی
جذب دیکرینی دفع ایتک خاصه سی پک نادر کورولور . ماغنیت معدنک
بعض جنسلاری خالص مقناطیس کبی اولدیغندن قطییت خاصه سنی حائزدر
وابره نک بر اوجنی جذب دیکرینی دفع ایتدیکی کبی اکه لئش تیمور توزینی دخی
جذب ایدر . بر قوتلی مقناطیسک ایکی قطبندن دخی دفع اولنان معدنلره (معادن
مقناطیسیه دفعیه) diamagnétique دینور ، بسموت ده اولدینی کبی .

(الکتریسیته) Électricité

اشبوحاصه بعض معدنلر ده دلك و تضییق، دیگر لرنده تسخین ایله حاصل اولور مثلا قوارس، کورکورد، کهربا، طورمالین معدنلری دلك، اسلاندا اسپاتی تضییق وینه طورمالین معدنی تسخین ایله الکتریقلنور. فقط طورمالین بلوراتی نصفی الشكل اولدیغندن انلرک براوجی مثبت، دیگرى منفى الکتریسیته ارايه ایدر.

(حرارت) Propriétés thermiques

معادنك آکتریسى ناقل حرارتدر و تسخین ایدیلنجه حجملى آز چوق تزايد ایتدیکندن کثافتلى حرارت متوسطه تعیین اولمایدر .
حرارت واسطه سبله معادن قولای ویا کوچ مذاب اولوب بویکیته معادنك خواص کیمیویه سنه عانددر.

(خواص فیزیولوژی)

لذت Savor . صوده منحل معادنك آکتریسنده بر لذت موجوددر .
مثلا قیا طوزی طوزلیدر، بشقه لرنده طاتلی، آجی، کسکین ویا بروشدیریجی بر لذت وارددر .

رایحه Odeur . معادنك بعضیسنده دائما بر قوقو حس اولنور آسفالت وکوکورد کبی، بعضلرنده ایسه انجق ضرب و تضییق ویا قوتلیجه دلك ایله بر قوقو حاصل اولور پیریت، آرسنیک، کهربا معدنلرنده اولدیخی کبی .

لمسیت Tactilité . پارمقلریز ایله معادنه طوقندیغمز زمان حاصل اولان حسه کوره معدنلره (یاغلی) onctueux (طلق، غرافیت کبی)، ویاخود (خشین) dure (تبشیر کبی) ناملری ویریرز . حرارتی ابو نقل ایدن معادن آز نقل ایدنلردن ده صقوق حس اولنور .

ذی قیمت طاشلر حرارتی اوجیه نقل ایتدیکندن تقلید اولارق جامدن اعمال اولنان طاشلردن (pierres de strass) بو بولده تمیز اولنه یلورلر . چونکه جام حرارتی آز نقل ایدر .

قسم ثالث

معادنك خواص كیمویهسی

معادنك تركيب كیمویه لرینی بیلمك و عملیات تحلیل به اجرا ایدرك انلری كشف و تعیین ایتك هر قدر علم کیمیا به عائد بر وظیفه ایسه ده بوراده دخی علم معادنجه بیلمسی الزم اولان معلومات و عملیاتك مختصراً بیاننه لزوم کورندی .

على العموم معادن یا اجسام بسیطه کیمویه دن و یا خود اجسام مرکبه کیمویه دن عبارتدر . بسیط اولان معادن (اجسام عنصریه) و یا (عناصر) و یا خود (اجسام اصلیه) تعبیرلری ویریلوب بونلرك عددی زمانمزده التمش یدی به بالغ اولمشدر .

زیرده کی جدولده اجسام مذکوره نك اسامیسیله اشارات و اوزان آتومیه و کثافتلری کوسترلمشدر .^(۱)

(۱) جدول مذکوره کوستریلان اوزان آتومیه اک یکی کشفیاتك نتیجه سیدر . کثافتلرك اکثریسی صفر درجه حرارتده و غاز شکلنده اولان عناصرك کثافتلری هوای نسیمی به نسبة حساب اولنشدر . بردسیتره مکعب یعنی بر لیتره مطهر و یابس هوا برلین شهری عرشنه کوره صفر درجه حرارتده و ۷۶۰ میلیمتره تضییق عادیسنده (۱,۲۹۳ ۶۳۵) غرام اولوب بوده صویك وزنك ۷۷۳ قسمته قریبدر .

عنصر	گ/م	اوزان آتومیه	کثافت	عنصر	گ/م	اوزان آتومیه	کثافت
شبه معادن							
مولد الماء	H	۱	۰,۰۶۹۳	دیدیموم	Di	۱۴۵	—
مولد الخوضه	O	۱۵,۹۶	۱,۱۰۵۶	تریوم	Ce	۱۳۸	—
کو کورد (معینی)	S	۳۱,۹۸	۲,۰۵	آتریوم	Tr	۱۷۳	—
سلنیوم	Se	۷۹	۴,۵	۲ (معادن ثقیله)			
تلور	Te	۱۲۸	۶,۲۴	(ب) « غیر مقبوله			
قلور	Cl	۳۵,۳۷	۲,۴۵۰۲	قوبالت	Co	۵۸,۶	۸,۵
بروم	Br	۷۹,۷۶	۲,۱۸۷۲	نیکل	Ni	۵۸,۶	۸,۸
ایود	I	۱۲۶,۵۴	۴,۹۵	تیمور	Fe	۵۵,۸۸	۷,۸
فلوئور	F	۱۹,۱	—	مانگانز	Mn	۵۴,۸	۷,۲
آزوت	Az	۱۴,۰۱	۰,۹۷۱۳	اورآنیوم	U	۲۳۹,۸	۱۸,۴
فوسفور	P	۳۰,۹۶	۱,۸۳	قروم	Cr	۵۲,۴	۶,۹
بور	B	۱۱	۲,۶۸	توتیا	Zn	۶۴,۹	۷,۱۵
سیلیسیوم	Si	۲۸	۲,۴۹	گالیوم	Ga	۶۹,۹	—
قاربن	C	۱۱,۹۷	۳,۵۲	قادمیوم	Ca	۱۱۱,۷	۸,۶۵
			الماس	آندیوم	In	۱۱۳,۴	۷,۴۲
			۲,۲۵	قورشون	Pb	۲۰۶,۴	۱۱,۳۸
			غرافیت	طلایوم	Tl	۲۰۳,۷	۱۱,۸۶
اصل معادن				باقر	Cu	۶۳,۲	۸,۹
۱ (معادن خفیفه)				یسوت	Bi	۲۰۷,۵	۹,۸۲
(ب) معادن قلیویه				آنتیوان	Sb	۱۱۹,۶	۶,۷
پوتاسیوم	K	۳۹,۰۳	۰,۸۶	آرسنیک	As	۷۴,۹	۵,۶۷
سودیوم	Na	۲۲,۹۹	۰,۹۷	وانادیوم	V	۵۱,۱	۵,۵
لیتیوم	Li	۷,۰۱	۰,۵۹	مولیبدن	Mo	۹۵,۹	۸,۶
روبیوم	Rb	۸۵,۲	۱,۵۲	تونیفست	W	۱۸۳,۶	۱۹,۱۳
سزیم	Cs	۱۳۲,۷	—	قلای	Sn	۱۱۷,۳	۷,۲۹
(ج) آربه قلیویه				تیتان	Ti	۵۰,۲	۵,۳
کالسیوم	Ca	۳۹,۹	۱,۵۷	تانتال	Ta	۱۸۲	۱۰,۸
استرونیوم	Sr	۸۷,۳	۲,۵۴	نیوبوم	Nb	۹۳,۷	۶,۴
باریوم	Ba	۱۳۶,۸۶	—	(ج) معادن مقبوله			
ماغنزیوم	Mg	۲۳,۹۴	۱,۷۴	جیوه	Hg	۱۹۹,۸	۱۳,۵۹
(د) معادن آربه				کوش	Ag	۱۰۷,۶۶	۱۰,۵
آلومینیوم	Al	۲۷,۰۴	۲,۵۶	آلتون	Au	۱۹۶,۲	۱۹,۳
بهریلیوم	Be	۹,۱	۲,۱	پلاتین	Pt	۱۹۴,۳	۲۱,۴۶
زیرقونیوم	Zr	۹۰,۴	۴,۱۵	پالادیوم	Pd	۱۰۶,۲	۱۱,۸
ایتريوم	Y	۸۹,۶	—	رودیوم	Rh	۱۰۴,۱	۱۲,۱
آرپیوم	E	۱۶۶	—	روتنیوم	Ru	۱۰۳,۵	۱۱,۳
توریوم	Th	۲۳۲	—	ایریدیوم	Ir	۱۹۸	۲۲,۴۰
لانتان	La	۱۳۸,۵	—	اوسمیوم	Os	۱۹۹	۲۲,۴۷

اشبو جدوله تعداد اولئان عناصرك هر برينك خواصی مختلف اولوب بعضيلری مثلا آتون، كموش، باقر وحديد كې قديمديرو (اصل معادن) ديو ياد اولنور. ديكرلری ايسه بروم، فلوئور، قاربون وكوكورد كې مايع ويا غاز شكلنده وياخود صلب اولوب خواصجه اصل معدنلردن فرقليدر. اشته بو سبیدن اجسام عنصریه ايكي قسمه آيرلشدر:

برينه (اصل معادن) ويا (متالر) métaux وديكرينه (شبه معادن) métalloïdes نامی ورييلور. فقط بونلر ييننده اصلا قطعی بر فرق موجود اولوب مثلا عناصرك بعضيلری برکيمياكر طرفندن معادنن عد اولنور ايكن ديكرلری طرفندن شبه معادن صره سنه الحاق اولنشدر وعلم كيمايك ترقيسيله ايلروده بو فرقلك بسبتون محو ونايديد اوله جفته شبهه يوقدر. شمديكي حالده اون بش عدد شبه معدن والی ايكي عدد اصل معدن موجود اولوب علم كيمايی اشغال ایدن مواد اشبو الشمس يدي عناصردن عبارتدر.

(اصل معادن) دنيلان اجسام بسيطه غير شفافيّت، لمعان معدنی، الوان معدنيه، ناقليّت حرارت والکترىقيّت خاصه لری ايله متصف اولوب مولدالموضه ايله تركيبات اساسيه تشكيل ايدرلر. طبيعته خالص اوله رق بولنان ويا تركيكندن استخراج ايدلش اولان معادنه (معادن نابته) métaux natifs، كثافتی بشدن يوقاری اولانلره (معادن ثقيله) و تركيكنده بويله معادن ثقيله يي حامل بولنان معادن طاشلرينه دخی (فلزات معدنيه) minerais ومعدنخيلر ييننده يالكرجه (جوهر) نامی ورييلور.

معادن ثقيله دن هواده تحمض ايتيان ويالكر واسطه تسخين ايله مولدالموضه ضرلرندن بالانفكاك نابت حاله رجعت ایده بيلانلره (معادن مقبوله) دنيلور.

(معادن خفيفه) تسميه اولنان معدنلر كثافتی بشدن اشاغی اولوب قولای تحمض ايدوب قوتلی حمضات اساسيه ل تشكيل ايدرلر. بونلر اوچ قسمه آريلوب برنجيبي صوده قولايقله منحلدركه (قلويات)، ايكنجیسی صوده آز منحلدركه (آربه قلويه) واوچنجیسی ده صوده غير منحلدركه (آربه) اسملریله ياد اولنور.

معادنك كيمياجه معاینه‌سی

بر معدنی ترکیب ایدن اجسام اصلیه‌نك کشف و معاینه‌سی ایکی درلو اوله بیلور. علم کیمیاچه برینه (تحلیل کیفی) *analyse qualitative* دینورکه معادنی ترکیب ایدن اجسامك نه دن عبارت اولدیغنی بیلدیرر. دیگرینه‌ده (تحلیل کمی) *analyse quantitative* نامی ویریلورکه بوده بر معدنده عناصرك یکدیگریله نه مقدارده ترکب ایتدیکنی اراؤه ایدر. بز بوراده یالکز تحلیل کیفی بی مطالعه ایده جکز.

تحلیل کیفی ایکی صورتله اجرا ایدیلوب برینه (طریق یابس) *voie sèche* و دیگرینه (طریق راطب) *voie humide* دنیلور.

طریق یابس ایله تحلیل

معادنك اکثریسی بو طریق ایله تعیین اولنه بیلور ایسه‌ده ینه هر دائم اشكال بلوریه و خواص حکمیله‌ری دخی اولجه نظر تدقیقندن کچورلملیدر. بوخصوصده استعمال اولنان آلتلر شونلردن عبارتدر: بر حملاج (میناجی کوروکی)، اوجی پلاتینلی بر ماشا، پلاتین تلی، بر پلاتین قاشیق، بر اینجه پلاتین لوحه‌سی، بر چکیچ، بر عقیق هاوان، بر چلیک اورس، بر مقناطیس، بر پرتوسز، ماوی قوبالت جامی، عادی بر موم و برده اسپرتو لامپه‌سی.

لازم اولان معیارات دخی شونلردر: بوراقس، ملح فوسفور، سودا (قاربونیت سودیوم)، کهرچله، کیانوس پوتاسیوم، سودیوم، ثانی کبریتیت پوتاسیوم، آزوتیت قوبالت، حامض کبریت، حامض قلورماء، فلوثور قالسوم، حمض نحاس، قرمزی و ماوی طورنسول کاغدی.

برنجی یاپیله‌جق تجربه حرارتك معادنلره اولان تأثیرینی اکلماقدر. معدنلر مختلف حرارتلره عرض اولندقدنه مختلف صورته اریدیکندن انلری بر حرارت

معینه به عرض ایده جک اولور ایسه که نه راده ده اریدکلرخی تعین ایچون معدنیوندن (قوبل) Kobell الی معدندن عبارت بر (ذوبان درجه سی) échelle de fusibilité تأسیس ایتشدرکه شو معدنلردن عبارتدر :

(۱) استیین Stibine، (۲) مه زوتیپ Mésotype، (۳) غرنا آلمانین Grenat almandine، (۴) آنفیول Amphibole، (۵) اورتوز Orthose، (۶) بروزیت Bronzite .

اشبو الی معدنک برنجی وایکنجیسندن اوفق پارچهلر علوه طوتلدقده قولایجه، اوچنجیدن قالینجه بر پارچه علوک اوچنده ودرنجی و بشنجیدن انجق پک ایجه پارچهلر علوده اریر . التنجی معدندن ایسه غایت ایجه و اوفق پارچهلر علوک اک صیجاق محلنه طوتلدقده یالکر اوجی قاورولور .

بر معدنک حملاج تأثیری تحتده نه درجه ده اریدیکنی بیلیمک استر ایسه که معدن مذکور دن ایجه بر پارچه بر اوجی پلاتینی ماشا ایله علوه طوتیلوب اوزرینه حملاج ایله اوفلنور و معدن مذکورک نه حال کسب ایتدیکنه دقت ایدیلور یعنی هیچ تغیر ایتیموری، یوقسه قایتیموری، یوقسه قارییموری، ویا بر جام ویا بر مینا ویا خود جروف حالی ویا حبه شکلمی کسب ایدیور، ویا خود اریدکنصکره نمونه رنگنی تحویل ایدیورمی والحاصل بونلر هپ مشاهده اولنور .

بو معاینه دنصکره حملاج ایله پایله حق تجربه لر : مطره، آچق بوری، کمور، سودا، علوک تلونی، بوراقس، ملح فوسفور و آزوتیت قوبات تجربه لر . یدرکه بونلرک هر بری اری آری تعریف اولنه جقدر .

(۱) مطره تجربه سی . — مطره دنیلان شی صاعلم جامدن معمول تخمیناً اون ساتیمترو اوزونلغده ودرت میلیمترو ککیشلکندن بر اوجی قپالی بر بوریدن عبارت اولوب تجربه اولنه حق معدن اوفق پارچه ویا خود توز حالنده مطره به قونیه رق اولاسپرتو لامپه سی اوزرنده صکره حملاجک

تأثيريله تسخين اولنوب نمونه چتيردييورمی وياخود قولايجه ويا کوچجه می اریيور دقت اولنور .

بوندن بشقه حالات آتیه دخی مشاهده اولنه بیلور :

(طیران ماء). ترکیبنده صویي حامل معدنلر مطره ایچنده تسخين اولندقه صو مطره نك صغوق جهتلرنده تکاثف ایدر و مذکور صوده حامضلق ویا قلوبك اولوب اولدینی ماوی ویا قرمنی بر طور نسول کاغدی تجربه سیله اثبات ایدیلور . بر قوقونك حاصل اولدینی ویاخود بر غازك طیران ایتدیکنی اکلامق ایچون قوقلامق دخی فائده لیدر . مولدالموضه نك وجودی ایسه بر قفلجملی کبریت اوجونك مطره یه ادخالیه اثبات ایدیه بیلور .

(تشکیل تصعد) . آرسنیک ، آنتیموان ، جیوه ، تلور ، سلنیوم وکوکورد معدنلرینك بعض مرکباتی و آمونیاق املاحی بر تصعد حاصل ایدر که بونلر منظره ورنکلری واسطه سیله یکدیگرندن تمیز اولنه بیلورلر . اگر مواد عضویه موجود ایسه سیاه وصولو بر تصعد حاصل اولوب ماده کموره منقلب اولور . آرسنیک ویا جیوه یی حاوی معدنلر بارلاق بر تصعد وجوده کتورر که بوکا (معدنی تصعد) تسمیه اولنور . انجق نمونه یی چوقکره یالکتر سودا ایله ویا سودا وکیانوس پوتاسیوم مخلوطیله قاریشدرمق لازمکلور . آرسنیک بعض مرکباتی بر پارچه جق کمور ایله تسخين اولندقه همان بر تصعد ویرر واشبو تصعد خلقه شکلنده اولدیغندن (آرسنیک خلقه سی) تسمیه اولنور .

فوسفوریت املاحی بولق ایچون مطره نك دینه بر پارچه سودیوم معدنی قونیلوب اوزرینه قوروتلمش نمونه وضع اولنه رق قرمنی حرارتده قیزدیریلور . و بر شدید تعامل وقوعبولدقدنصکره مطره قیریه رق جسمك اوزرینه بر طامله صو قونیلور ایسه فوسفورلی مولد المائك کسکین قوقوسی حس اولنور . فقط فوسفوریت حدید معدنلر ایچون بو تجربه جائز دکدر .

آزوتیت املاحی بولق ایچون نمونه مطره ایچنده ثانی کبریتیت پوتاسیوم ایله

تسخین اولنور . حاصل اولان قرمزی دومانلر آزوتیتلرک وجودینه دلالت ایدر .

اگر آمونیاک موجود ایسه نمونه مطره ایچنده بر پارچه جق پوتاس و یا خود کیرچ ایله تسخین اولندقده کسکین آمونیاک قوقوسی حاصل اولوب بخارلری قرمزی طورنسول کاغذینی ماوییه تحویل ایدر .

(۲) آچیق بوری ایچنده تجربه . — آچیق بوری ینه مطره ککیشلکنده فقط براز دها اوزون یعنی یدی سکر سانتیمتر و طولنده اولوب ایکی اوجی آچیق واورته سی اکریدر . نمونه اوفق پارچه واکر چتیردیور ایسه توز حالنده اوله رق بورینک مذکور اگری محله وضع اولنوب تسخین اولندقده شو حاللر کوریلور : (طیران رایحه) . کبریت مثالری حامض کبریتی ، آرسنیک مثالری صار . مساق ، و سلنیوم مثالری طورپ قوقوسی ویرر .

(تشکیل تصعد) . مطره دروننده بر تصعد ویرن مرکبات آچیق بوریده دخی ویرر ، فقط بوراده تمحض وقوعبوله جفندن بعضاً مطره ده ظاهر اولیان تصعد بوراده دها قولایلقله حاصل اولور .

(۳) کمور اوزرنده تجربه . — مساماتسز اودون کموری اوزرینه بر اوفق چوقور یاییلوب ایچنه نمونه دن بر پارچه جق ، واکر چتیردیور ایسه توز ایدیلهرک وضع اولنور . بوراده تمحض ویا ترجع علولرینک حصوله کتوردیکی علامتی ایوجه کورمک ایچون نمونه نک اوزرینه حملاجک حرارتی تدریجه تاثیر ایتدیریلور ایسه نمونه قولای ویا کوچ اریر ویا هیچ اریمز ویا رنگی تحویل ایدر ویا خود بر قوقو ویرر (کبریت مثالری ، آرسنیک ، سلنیوم معدنلری) ویا قلولی اولور .

حدیدک حمضلری و حدیدی اولان معادن سائره نک ویردیکی کولچه مقناطیس واسطه سیله جذب اولندینی کبی نیکل و قوبالتک بعض مرکباتی دخی بویه مقناطیس واسطه سیله جذب اولنور .

نمونه کمور اوزرنده ترجع علوینک تاثیریه (حبوب معدنیه) وجوده کتورمیه رک بر (طلا) حاصل ایده بیلور. صیجاق ایکن صاری و صغود قدده بیاض اولان طلا توتیایه، اسمره مائل صاری بر طلا قادیوم معدنه دلالت ایدر. بعضاً دخی طلا ایله برابر حبوب معدنیه دخی حاصل اولور. شویله که: قورشون متطرق حبلر و صاری طلا، بسموت غیر متطرق حبلر و صاری طلا، آنتیموان غیر متطرق حبلر و بیاض طلا ویرر. بعضی کده طلا سز حبوب معدنیه حاصل اولور. نئکم قلائی، باقر، کموش و آلتونده اولدینی کی.

(۴) سودا ایله تجربه. — کمور اوزرنده کی تجربه اشناسنده بالاده بیان اولان معادنه بر مقدار یابس قاربونیت سودیوم علاوه ایدیلور ایسه حمضات معدنیه سربستیت کسب ایده جکندن تعریف اولنان علامات دها قولایله مشاهده اولنور. بعض مرکبات واردر که یالکزر سودانک تأثیریه ارجاع اولنه بیلور. مثلاً قلائی کی غایت جابق تخمض ایدن متالره بر آزده کیانوس پوتاسیوم علاوه ایتک فائده لیدر.

بعض متالر سودا ایله رنکی کولچلر احداث ایدر. مثلاً مانغازیشیل، قروم ایله وانادیوم صاری کولچلر ویرر. فقط بو تعاملک استحصالی ایچون چوقکره بر آزده کهرچله علاوه ایدرک نمونه یی بر پلاتین لوحه سی و یا خود کیلدن معمول (قابلا) Coupelle تعبیر اولنان قاب اوزرنده تسخین ایتک لازم کلور. تیمور، نیکل، و قوبالت مرکباتی مقناطیس واسطه سیله جذب اولنور کولچلر ویرر. کبریتتیلر کمور اوزرنده سودا ایله تسخین اولدقدده کبریت سودیوم وجوده کله جکندن دائماً جکر رنکندنه بر کولچه ویرر، و مذکور کولچه کموردن آلتوب بر ایکی طامله صو ایله بر کموش لوحه اوزرینه وضع اولنور ایسه کموش همان سیاهلنور^(۱). سودا اشبوخده تلردن بشقه سلیسیتیلری دخی تحلیل ایدر.

(۱) سلنیوم و تلور مرکباتی دخی بو تعاملی ویرر.

(۵) علوك بويانمسی . — نمونه دن بر اینجه پارچه اوجی پلاتینلی ماشا ایله، واکر توز حالتده ایسه پلاتین تلی اوجنه بر چشکل یاپیله رق انکله علوك اوجنده تسخین اولنور ایسه آتیده ذکر ایدیله جك الوان کوریه یلور :

(قرمزی) . استرونسیان ، کلس ولتین حامض قلور ماء ایله ایصالدقدن صکره علوی قرمزی یه بویارلر . فقط کلسک ویردیکی رنك صاری یه مائل بر قرمزی اولوب استرونسیان ولتین فیرفری بر رنك ویرر . استرونسیان ایله کلس برلکده بولندیفی حالده اولجه کلسک و صکره استرونسیانك رنکی کوریلور و ماوی جامدن باقلدقه استرونسیان مشاهده اولنوب کلس ولتین رنکری بتون بتون غائب اولور .

(صاری) . جزوی سودی حامل اولان مرکباتك کافه سی علوی صاری یه بویایوب بورنك ماوی جامدن باقلدقه کورنمز .

(یشیل) . باریتی حامل معدنلردن بر جزو مقداری غایت شدتله تسخین اولندقه علوك اوجونی صاریمتراق یشیله بویار . بوراده نمونه یی اولجه حامض قلور ماء ایله ایصلاقمی فائده لیدر . باقرلی اولان معادن علوی زمردی یشیله واکر برابرنده قلور دخی موجود ایسه علوك کنارلرینی فیرفری ماوی یه بویار .

فوسفوریت املاحی حامض کبریت ایله ایصالدقدن صکره علوك الك کنارینه طوتلدقه غایت صولوق و ماویمتراق بریشیل رنك حاصل اولور . بوریت املاحی ینه حامض کبریت ایله ایصالدیلوب اوفلنمیه رنك علوه ادخال ایدیور ایسه زمردی یه یقین بریشیل رنك ویرر .

(ماوی) . قلور نحاس علوی ماوی یه بویایوب کناری فیرفریدر و بوخاصه واسطه سیله بر معدنده قلورك وجودی دخی اثبات ایدیور شیله که : ماح فوسفور ایله پلاتین تلی اوجنه بر اینجو یاپیلوب حمض نحاس ایله اشباع ایدلکدن صکره اکا نمونه علاوه اولنور ایسه اینجو قلور نحاسده کورینان ماوی یه بویانور .

ینه بو طریق اوزره اییود مثالری اینجوی زمردی یشیله، وبروم مثالری یشیله مائل ماوییه بویار ایسهده بوصول تعاملی استحصال ایتک دها کوجکدر. (بنفشوی). پوتاس علوی بنفشه رنکنده بویار. فقط برابرنده بر مقدار حق سود بولنسه پوتاسک رنکی غائب اولدیغندن بو حالده علوه ماوی قوبات جامندن باقلملیدر. زیرا مذکور جامدن یالکز بنفشه رنکی مرور ایتدیکندن سودک مقداری چوئجه بيله اولسه ینه پوتاس غایت کوزل فیرفری بررنکده کورینور.

سلیسیئت املاحنده چوقکره پوتاس، سود، کلس و بعض دفعه دخی لیتین، باریت، استروئسیان و حامض بور بولندیغندن معادن مذکورهیه مخصوص رنکر علی الخصوص متأثر اولیان سلیسیئتلرده بتون بتون غائب اولور. بو حالده تجربهیی زیرده بیان ایديله چک طریق اوزره یاملیدر. شویلهکه:

اولا سلیسیومی ترکیدن تطیر اینچون نمونه بر پلاتین قاشیق اینچنده فلوئور آمونیوم ایله تسخین اولنوب کپرو قالان کواچه بر مقدار حامض قلورماء ایله ایصالدقدنصکره بیلدیکمز اصول اوزره علوده معاینه اولنور و ماوی جامدن باقلدقده پوتاس رنکنی صورت محققده اظهار ایدر. واکر برابرنده لیتین موجود ایسه علوه اولا جامسنر باقیلوب لیتینک قرمزی رنکی و صکره ماوی جامدن باقیلوب پوتاسک فیرفری رنکی مشاهده اولنور. زیرا لیتین ماوی جامله غایت صولوق بر قرمزی رنک اظهار ایدوب بویه جابق غائب اولور وکله مخصوص اولان قرمزی رنک ماوی جامله پک از کورینور. فلوئور آمونیوم یرینه قور قالسوم یاخود قور بارپوم استعمال اولنه بیلور. بو حالده نمونهیی اجزای مذکورنک بريله قاریشدیروب پلاتین تلی اوچنده حملاجه او فلنمیه رنک علو دروننه ادخال اولنور ایسه بر مدت صکره ماوی جام واسطه سیله پوتاسک رنکی کوریلور. اکثریا نمونهیی براییکی جسته ایدهرنک کثیف قور قالسوم محلولی ایله ایصالدقدنصکره علوه ادخال اولنور. فقط حامض بور سلیس ایله عینی زمانده تطیر ایتدیکندن آیریمجه تجربه ایتک لازمدر.

شویله که : نمونه اولاً اسپات فلوئور (فلوئور کالسیوم) و ثانی کبریت پوتاسیوم ایله پلاتین تلی اوزرنده تسخین اولور ایسه زمردی یشیل بر رنگ حاصل اولور .

(۶) بوراقس ایله تجربه . — پلاتین تلی اوجنه بر چنکلی یاپیلوب انکله بوراقس اریدیلور ایسه بر شفاف اینجو حاصل اولور که همان کافه معادنی حل ایتک و آنلرک اکثریسیله بعض رنگار حصوله کتورمک خاصه سنی حائزدر . فقط بورنکلی آری آری تمحض و ترجع علولرنده معاینه ایتک لازمدر . شویله که : تیمورلی معادن تمحض علونده قویو صاری ، ترجع علونده شیشه یشیلی رنگنده اینجولر ویرر و مانعازلی معدنلر تمحض علونده آجیق بنفشه رنگنده بر اینجو ویروب ترجع علونده بتون بتون رنگسز اولورلر .

قروم و وانا دیوم مرکباتی هرایکی علوده دخی یشیل و قوبالت کذک ایکی علودهده ماوی اینجو ویرر .

اوران تمحض علونده صاری ، ترجع علونده یشیل و باقر مرکباتی تمحض علونده ماوی ، ترجع علونده قرمز و غیر شفاف اینجولر ویرر .

(۷) ملح فوسفور ایله تجربه . — فوسفور طوزی تسمیه اولنان جسم آمونیاقلی فوسفوریت سودیوم اولوب پلاتین تلی اوجنده اریدلکده بوراقس کبی شفاف اینجولر پیدا ایدر که بالاده تعداد اولنان معدنلرک بر قاجی مستتا اولمق اوزره بوراقس ایله حاصل اولان رنگلر بونده دخی کوریلور مثلاً : تیمور ترجع علونده صاری و یا قرمزیمتراق ، و انادیوم تمحض علونده صاری و اوران ینه تمحض علونده یشیل بر اینجو حاصل ایدر . سیلیس ایسه ملح فوسفور اینجنده حل اولیوب (اسکلت) squelette تعبیر اولنان بر کولچه شککنده اینجونک دروننده یوزر .

تحليل طيفي

Analyse spectrale

معادن قلوبه و اتربه قلوبه نك وجودى (طيفين) ياخود (اسپكتروسكوپ) Spectroscope واسطه سيله اثبات اولنه بيلور. شويله كه :

نمونه توز ايديلوب حامض قلور ماء ايله ايسلادلدقدنصكره پلاتين تلى ايله (بوزن) علونده (بر نوع هوا غازى لامپه سى) وياخود بخار لامپه سنده تسخين اولندينى ائساد طيفين دروندن باقلاقدقه نمونده موجود عناصرك خطوط طيفيه سى آئیده تعريف اولندينى وجهله مشاهده اولنور (سيليسيت املاحى ايجون اوله سيليس، فلئور آمونيوم واسطه سيله تركيدن دفع اولنليدر) :

سود — يالكز صارى بر خط،

كلس — بر يشىل و بر قرمزى خط،

ليتین — يالكز قرمزى بر خط اولوب كلنسك قرمزى خطندن دها او - زاقدر وماوى جامدن كورغمز .

پوتاس — طونوق قرمزى بر خط اولوب ليتينك قرمزى خطندن دها اوزاقدر وماوى جامدن كورينور .

استرونيان — پورتقال رنگنده وسودك خطنه غايت يقين بر خطدر .

بوندن بشقه دها بر قاج قرمزى خطلر ايله برده ماوى بر خط ويرر .

باريت — متعدد ويكديكرينه يقين يشىل خطلر ارايه ايدر .

طريق راطب ايله تحليل

معادنك تشخيصى ايجون طريق راطب ايله ياپيله حق تحليل انحق بر ايكى اوفق تجربه دن عبارت اولوب بوده طريق يابس ايله تشخيصنه موفق اولنه ميان معادنك معايه سنه وياخود حملاچ ايله ايديلان بعض تجربه لرك تفتيش وئا كيدينه منحصر بولنه جقدر .

طریق رابط ایله یایله حق تجربه لرده استعمال اولنه حق معیارات شونلردر:
حامض قلور ماء، حامض آزوت، حامض کبریت، قویو حامض فوسفور،
پوتاس، آمونیاق، حامض آمونیاق، قاربونیت آمونیاق، مولیدیت آمونیاق،
قلور آمونیاق، کبریت آمونیاق، کبریتلی مولدالماء، فوسفوریت سودیوم، آزوتیت
باریوم، آزوتیت فضه، حدید کیانوس پوتاسیوم، قلائی پیراغی الخ.

لازم اوله حق ادوات دخی شونلردر: پورسلن پوته لری، جامدن تجربه
بوریلری، هونی، سوزکچ کاغدی، بر بلاتین پوته، بر کوش پوته الخ.

اصول تجربه . — اول امرده توز ایدلش نمونه نك صو ایچنده منحل
اولوب اولدیفنی تدقیق ایدیلوب منحل دکل ایسه آز متمد حامض قلور ماء ایله
اولا صفوقده و صکره تدریج ایله تسخین ایدیلهرک معامله اولنور . بو حالده
نمونه یا تمامیه ویا قسماً منحلدر و یا خود هیچ حل اولمز. حل اولور ایسه نمونه
بر قوقو ویرمه رک کوپوررکه بو قاربونیت املاحندن ایلرو کلور . بعض
کبریتت املاحندن بو معامله ایله کبریتلی مولدالماء واکثر مانعاز مرکباتندن
قلور غازی طیران ایدر. و بعض سیلیسیت املاحی هلام و دیگرلری توز شکلنده
طورطولر ویرر .

معدنلرک اکثریسی متمد حامضلر ایچنده پك آز منحل اولدیفندن کثیف
حامض قلور ماء ایله دخی معامله ایدمیلدر . نمونه نك حامض دروننده قسماً
اولسون حل اولدیفنی اکلامق ایچون صو علاوه اولنهرق سوزکچدن کجیریلوب
آمونیاقلی فوسفوریت سودیوم قونیلور. اگر هیچ بر رسوب حاصل اولماز ایسه
نمونه نك حل اولدیفنی اکلاشیلور . حامض قلور ماء دن صکره حامض آزوت
ایلّه معامله اولنور و بونك ایچنده کبریت و آرسنیک مثالری و معادن نابتیه قرمز
دومان حاصل ایدرک منحلدر. بویکی حامضدن صکره ماء زرین و یا خود حامض
کبریت ایلّه معامله ایدیلور .

حامض کبریت فلوئور مثالرینه تأثیر ایدرک حامض فلوئور غازی طیران
ایتدیررکه جامی آشدیرر و بو تعاملی کورمک ایچون بر جام پارچه سنک بر طرفنه

بالموخی سسوریلوب اوزرینه چیزکیلر رسم اولنور و نمونه غایت اینجه توز ایدیلوب پلاتین پوته ایچنده نصفه قدر کشف حامض کبریت ایله ایوجه قارشید. برلقدنصکره جامک بالموخی طرفته دوکولور. اگر فلوئور موجود ایسه برمدت صکره چیزکیلرک اولدینی محله جام آشنمش اولور.

تلور مثالی حامض کبریت ایله خفیفجه تسخین اولندقدده فیریری قرمزی ویا لعل رنگنده بر مایع حاصل اولور و بوکا صو علاوه قلندقدده رنگی غائب ایدوب فلوئور سیاه رنگده ترسب ایدر.

بعض معادن قویو حامض فوسفور ایله معامله اولنور ایسه شو علائم ظاهر اولور :

تونفستیت املاحی مذکور حامض ایله بر دومان ویرنجیه قدر تسخین اولنور ایسه قویو ماوی وکشف بر مایع ویررکه بوکا صو علاوه قلنور ایسه رنگی غائب ایدر. لکن قلاوی ویا تیمور توزی علاوه اولندقدده ماوی رنگینه میدانه چیقار.

حمض یکنیم مانغاز وحمض ثانی مانغاز بنفشه ماویسنده بر مایع ویرر. واکر حمض اول مانغاز موجود ایسه مایع مذکور رنگسز اولوب انجق حامض آزوت علاوه قلنورق تسخین اولونسه بنفشه رنگی اخذ ایدر. اشبو تعامل ایله مانغاز حمضلرینک درجاتی قولایقله تعیین اولنه بیلور.

حامضلر ایله متأثر اولمیان معادن بر پلاتین پوته ایچنده قاربونیت سسودیوم ایله ویا کوش پوته ایچنده پوتاس ایله اذابه اولنوب متحد حامض قلور ماہ ایله ایوجه قاریشدیر بلور. بعض معادن واردرکه انجق ثانی کبریتیت پوتاسیوم ایله وقاربونک بعض مرکباتی دخی انجق کهرچله ایله اذابه ایدلدیکی حالده متأثر اولورلو.

زیرده بعض معدنلرله حامضلرک تعامللری آیری آیری تعریف اولغشدر :
(حامض کبریت) صو ویا خود بر متحد حامض ایچنده حل اولمش کبریتیت املاحی آزوتیت باریوم، ایله بر بیاض رسوب ویررکه حامضلر ایچنده غیر منجلاور.

(حامض فوسفور). فوسفوریت املاحی حامض قلورماء ویا حامض آزوت
ایچنده حل اولندقدنصکره مولیدیت آمونیاق محلولی علاوه قلنهرق تسخین
اولندقدن صاری رنک کسب ایدر. بونکله برابر برده صاری رسوب حاصل
اولور که بو برمدت صکره ابو کورینور .

(حامض قلور ماء) . قلور مثالری صو ویاخود حامض آزوت ایچنده حل
اولندقدنصکره آزوتیت فضه ایله بیاض وپیختیلانور بر رسوب حاصل ایدر که
آمونیاق ایچنده منحلدر .

(کلس). کلسی حامل محلولات حامض کبریت ایله بر بیاض رسوب حاصل
ایدر که چوق صو ایچنده منحلدر . ولکن زیاده صولو اولان محلولات حامض
مذکور ایله قابل ترسب اولیوب انحق کثول علاوه سیله بر رسوب حاصل اوله
بیلور. کلس ایچون دیگر بر تجربه شودر:

کلس محلولاتنه زیاده جه آمونیاق قونیهلرق حماضیت آمونیاق علاوه
ایدیلور ایسه بر بیاض رسوب حاصل اولور که حامض قلور ماء و حامض آزوت
ایچنده منحل فقط حامض خل ایچنده غیر منحلدر واکر یالکر آمونیاق دخی
بر رسوب ویره یور ایسه کبریت آمونیاق علاوه اولنهرق سوزولوب حماضیت
آمونیاق واسطه سیله کلس ترسب ایتدیریلور . اکر کلسک برابرنده حامض
فوسفور وار ایسه برنجی تجربه یاپیلور .

(ماغنزا). بو اساس بعض قاربونیت ایله سیلیسیترده بولنوب وجودینی
اثبات ایچون حامضی بر محلول یاپیلوب اولا زیاده جه آمونیاق ایله قلور آمونیاق
وصکره کبریت آمونیاق وحماضیت آمونیاق علاوه قلنور و سوزولور. سوزکدن
کچن مایعه فوسفوریت سود قونیلوب بر مدت طور دقدنصکره بیاض و بلوری
بر رسوب حاصل اولور که فوسفوریت آمونیوم ماغنزا تسمیه اولنان جسمدر .

(آلمین). آلمین محلولاتی آمونیاق ایله بیاض وهلامی بر رسوب ویرر که
پوتاس ایچنده غیر منحلدر، فقط اکثریا سلیسیترده اولدینی کبی برابرنده تیمور
وار ایسه حامضی محلوله چوقجه پوتاس علاوه ایدوب سوزملیدر . سوزولان

مایع‌دن آومین بر از حامض قلور ماء علاوه‌سندنصرکه قاربونیت آمونیاق فضله‌سیله ترسب ایدر .

(نیکل) . حامض آزوتلی محلولاتک رنکی علی‌العاده یشیل فقط برابرند بر مقدار قوبالت وار ایسه طویاز رنکنده یعنی آجیق صاری اولوب پوتاس واسطه‌سیله الما یشیل رنکنده بر رسوب ویرر و آمونیاق فضله‌سیله برماوی مایع حاصل اولوب کبریت آمونیاق فضله‌سیله بر سیاه رسوب ویررکه بوینه کبریت آمونیاق ایچنده قسماً منحلدر . سوزولدکنصرکه اسمر رنکه بر مایع النور .

(تیمور) . تیموری حامل محلولات بر مقدار حامض آزوت ایله تسخین اولندقدنصرکه صاری حدید کیانوس پوتاسیوم واسطه‌سیله ماوی رنکه بر رسوب پیدا ایدر . تیمورک حمض اول املاحی آمونیاق ایله یشیلمتراق بر رسوب ویرر هواده طوردنجه قرمزیمتراق اسمر اولور . وحمض یکیم املاحی ایسه آمونیاق ایله قرمزیمتراق اسمر بر رسوب ویرر .

(توتیا) . توتیایی حامل محلولات پوتاس فضله‌سیله معامله اولنوب سوزولور و بر ایکی طامله حامض خل قونیلور ایسه کبریتلی مولدالماء واسطه‌سیله بیاض بر رسوب حاصل ایدرکه بوده توتیادن عبارتدر .

(تیتان) . تیتانی حامل معادن کثیف حامض قلور ماء ایله متأثر اولدیغندن بونکله تسخین اولنوب سوزولور والنان مایعه قلائی یراقلری قونلدقده بنفشه رنکنی کسب ایدوب صو علاوه‌سیله رنکی آجیق قرمزی‌یه کچر . اگر نمونه حامض قلور ماء ایله متأثر اولمز ایسه اولجه پوتاس محرق ایله اذابه ایتمک لازمدر .

(آنتیموان) . اگر آنتیموانی حامل معادن حامض آزوت ایله معامله اولنور ایسه بیاض وتوز شکلنده بر طورطو حاصل اولورکه حمض آنتیمواندر . مذکور توز سوزکچ اوزرنده صو ایله ییقاندقدنصرکه آز مقدار کبریت آمونیاق ایله معامله اولنورق بر مدت صکره بر پورسلن پوته ایچنده تخیر

استدیریلور . اگر توتیا موجود ایسه کیرویه صاری بر جسم قالور که کبریت آتیمواندر .

(کروش) . بو معدنک حامض آزوت ایله اولان کشف محلولاتی حامض قلور ماء ایله بیاض ویختیلانور بر رسوب ویرر که آمونیاک ایچنده منحلدر .
(بسموت) . بو معدن کشف حامض آزوت ایچنده حل اولدقدنصکره صو علاوه قلتور ایسه بیاض بر رسوب حاصل ایدر .

(فورشون) . حامض آزوتلی محلولات حامض کبریت ایله بیاض بر رسوب ویرر . حامض قلور ماء ایله دخی بیاض وبلوری بر رسوب ویرر که قاینار صو ایچنده منحلدر .

(باقر) . باقرلی محلولات ایچنه بر تیمور پارچه سی قونلقدده اوزرینی باقر قاپلار ومذکور محلولاته آمونیاک قونیلور ایسه کوزل ماوی بر رنگ کسب ایدر .

ذو الشکلین، ثلاثی الاشکال، تشابهة الاشکال

ترکیب کیمیویلیری مساوی اولدینی حالده مختلف شکللرده تبلر ایدوب مختلف خواص حکمیه ایله متصف یعنی مختلف نوعلره عائد اولان معادنہ — (ذو الشکلین) dimorphe و (ثلاثی الاشکال) trimorphe دنیلور .

مثلا: قاربونیت قالسیوم ذوالشکلیندر . زیراقالسیت (جمله مسدسیه دن) و آراغونیت (جمله معینیه دن) معدنی اوله رق بولنور . کذلک ثانی کبریت حدید ذوالشکلیندر و پیریت (جمله مکمیه دن) و مارقازیت (جمله معینیه دن) اوله رق ظهور ایدر .

قاربون ثلاثی الاشکالدر یعنی الماس (جمله مکمیه دن)، غرافیت (جمله مسدسیه دن) و قوروم (عاری شکل) اوله رق بولنور .

ترکیبلیری حامض تیتان اولان روتیل، آناطاز و بروقیت معدنلری کذلک ثلاثی الاشکالدر . بولردن روتیل ایله آناطاز جمله مربعیه نک منشور شکننده تبلر ایدر، فقط محورلرینک نسبتی مختلفدر . بروقیت ایسه جمله معینیه تبلر ایدر .

اگر بو خاصه عناصرده وقوعبولور ایسه (آوتروپی) allotropie یاخود (مختلف الصور) تسمیه ایدرلر .

بعض معدنلرک بالعکس ترکیب کیمیویلیری مختلف اولدینی حالده عینی یاخود مشابه برشکلده تبلر ایتدیکی کوریلورکه بولنورده (متشابهة الاشکال) isomophe دیرلر . مثلا اسپینل، ماغنیت، قرومیت معدنلری وقوردون ایله هایت معدنی متشابهة الاشکالدر .

قسم رابع

تصنيف و توصيف معادن

کره ارض دروننده موجود معادنك انواعى پك چوق اولوب معادن مذکوره اقدملری خواص حکمیہ ویا اشکال بلوریہ ویا خود سائر خصوصاتنه نظراً تقسیم اولمش ایسه ده بو کونکی کونده علی العموم جاری اولان تقسیم صرف کیمیوی یعنی معادنك ترکیب کیمیویلرینه کوره بر تقسیم اولوب کتامبزده آلمان معلملرندن مشهور مسیو ناومانك اصولی قبول اولمشدر که آتیده کویستر-لیدیکی وجهله الی بیوک صنفدن عبارتدر وهر بر صنف دخی قسم و جنس ونوعلره آریلور :

برنجیسی : اجسام عنصریه

ایکنجیسی : کبریت، سلیوم، تلور، آرسنیک، آنتیموان، بسموت مرکباتی

اوچنجیسی : حمضات

دردنجیسی : قلور، بروم، ایود، فلوئور املاحی

بشنجیسی : مولد الحموضه املاحی

التنجیسی : مرکبات عضویه و آنلرک محصولات تجالیه سی .

برنجی صنف

— اجسام عنصریه —

اجسام عنصریه ایکی قسمه منقسم اولور : بری (شبه معادن) در که الماس،

غرافیت و کوکوردن عبارتند . دیگری (اصل معادن) در که بوده ینہ ایکہ منقسم اولور: اولاً (معادن غیر مقبولة) یعنی تالور، آنتیمون، آرسنیک، بسموت، تیمور، باقر، قورشون و ثانیاً (معادن مقبولة) یعنی جیوه، کموش، ملغمه، آتون، پلاتین .

برنجی قسم (شبه معادن)

Diamant الماس

الماس جمله مکبیه تبلر ایدوب باشلیجه شکلری شونلردر : ذو ثمانية السطوح (هند الماسلرنده)، ذو اثنی عشر المعینیه (برازلیا الماسلرنده)، ذو ثمانية الاسطحة الثلاثیه (قاپ الماسلرنده)، ذو ستة الاسطحة الرباعیه (اورال الماسلرنده) و ذو ثمانية الاسطحة السداسیه در . بو صوک شکل اکثریا اشبو تعداد اولنان اشکال ایله ترکیب ایدوب ذو ثمانية السطوحده توأملر دخی ظهور ایدر . الماس غلیظ اوله رق دخی بولنور . ذو ثمانية السطوح شکله بولنان الماسلرک سطحلری اکثریا دوز و مستوی اولوب دیگر شکله بولنانلرک سطحلری غیر مستوی و قوسلی اولدیغندن بلوراتی کروی اولور .

الماس ذو ثمانية السطوحک سطحلرینه کوره تمامیه قابل تقلیق اولوب بو خاصه نیک الماس تراشلا اچجون بیوک فضیلتی واردر . الماس مولد معدنیک اک سرت اولان جسمیدر ^(۱) و صلابتی ۱۰ و کثافتی ۳٫۵ در؛ رنکسز ورنکلی اوله رق بولنور، برازیلایه واقع باهیاده کروی شکل اوله رق ظهور ایدن الماسلرک رنکی اسمر و سیاهدر و بونلره (قاربونادوس) carbonados تسمیه اولنوب اکثریا صنایعده استعمال اولنورلر . الماسک دوز اولان سطحلری اوزرنده کوتلی بریارلاقلق (لمعان الماسی) موجود اولوب دوز اولمان سطحلرنده نیم معدنی بر لمعان کورینور . الماس کاسر بسیط اولوب ضیایی دیگر طاشلرک کافه سندن ده شدتلی کسر ایدر والکتریقی ناقل دکدر فقط دلاک و تماس ایله

(۱) جمله مربیهده تبلر ایدن (بور) ک صلابتی الماسدن زیاده اولوب ۱۸۵۷ سنه سنده اک اول وولر و دوویل طرفلرندن بلا ماء حامض بور ایله الومینیومی اذابه ایدرک استحصال اولغشدر .

الکتریقلور و بر مدت ضیایه ترك اولندقدنصكره فوسفورلئوب (فوسفوریت) قرانلقده بارلار .

الماس خالص قاربوندر ^(۱) و هیچ بر حامض واسطه سیله متأثر اولمز . هوا داخل اولدینی حالدده غایت یوكسك حرارتده تسخین ایدیلور ایسه غرافیت کبی اولور و اكر هوا ادخال ایدیلورك تسخین اولنه جق اولور ایسه اولجه تغیر ایتیموب همان پارلاق بر علو ایله ینار و حمض ثانی قاربونه منقلب اولور ^(۲) .

الماس اکثریا آلتون و پلاتین معدنلریله برلکده اولدینی حالدده اراضی منتقلده بولئوب بیقالمق و الماس پارچه لرینی حامل بولنان مولوزلردن آیرمقله استحصال اولئور .

شمدییه قدر الماس معدنلرینی حاوی اوله رق معلوم اولان اراضینك اك قدیمی هندستانده واقع دقان مرتفع اووه سنك جهت شرقیسنده و بورتو اطه سنده بولئشدر . ۱۷۲۷ سنه میلادیه سندنبرو برازیلایه دخی الماس بولئمقله ایسه ده اوراده یالکز مولوز آراسنده بولئیموب برجنس قوارسیت طاشی دروننده ظهور ایتمکده در . برازیلا مالککنده پك چوق الماس چیقار ایسه ده بولنرك اکثریسی کوچکدر ، مثلاً باهیاده چیقان قاربونادوس لرك وزنی ۱۰۰ قیراطی ^(۳) تجاوز ایتمز و مالک مذکوره ده الماس تجارتنك مرکزی (ماتوغروسو) نام ولایتده واقع (دیامانتینا) شهریدر .

اون طقوزنجی عصرده الماس اورال طاغلرئنده (۱۸۲۹)، آمریقای شمالیده (۱۸۴۵)، اوسترایلایه (۱۸۶۰)، و امید بروننده (۱۷۶۷) سنه میلادیه لرئنده کشف اولئمئش ایسه ده مواقع مذکوره دن یالکز امید برونی موقعی اهمیتی حائزدر .

الماس مجوهراتده وتوز ایدلیدی حالدده دیگر طاشلری تراش ایتمکده

(۱) قاربون مختلف الصور عناصردندر . (۲) سیو کوستاو روزه نك ۱۸۷۲ ده یاپیدی تجربه ایله مئیدر . (۳) بر قیراط = ۰.۲۰۶ گرامدر فقط اکثریا هر بر الماس تجاری اولان علك قیراطی مختلف ایدر .

وعادی جنس لری ایسه جام کسمکده و طاش دلیجی بورغیلرک اوجلرنده و سائرده استعمال اولتور.

مجهوراتده قوللانیلان الماسلر (۱۵۲۰) سنه سندنبرو عادی الماس (روزا و فلمنک) و (۱۶۶۰) دنبرو (پرلانتیه) تسمیه اولنان شکلدرده تراش اولنمقده در^۱. الماس وسائر مجهورات قیراط ایله طاریلوب قیمتلرینک تقدیری ایچون قدیم هند اصولی الان جاریدر شوبله که بر قیراطک قیمتی مجموع قیراطلرک مربعی ایله ضرب اولتور. اک مشهور الماسلر شونلردر:

(کوه نور). هندن کله اولوب ۱۸۵۰ سنه سندنبرو انکلتزه قرالیچه سنک تحت تملکنده بولنمقده در. وزنی اولجه ۱۸۶ قیراط ایسه ده شکلی غیر منتظم اولدیغندن ۱۸۵۲ ده آمستردامده تراش اولتمش وشمی $\frac{1}{11}$ ۱۰۶ قیراطه تنزل ایتشددر.

(پیت) Pitt یاخود (رهژان) Régent. هند الماسلرندن اولوب فرانسه خزینته ملیه سننده محفوظدر و صوبی غایت تمیز بر پرلانتیه اولوب وزنی دخی $\frac{2}{3}$ ۱۳۶ قیراطدر.

(اورلوف). روسیه دولتک تاج طاقنده بولنوب عن اصل هندده تک کوزلی بر بوتک کوزنده بولندیفی حالده بر سارق طرفندن چالتمش ومؤخرآ پرنس اورلوفک ید تملکنه کچهرک بو دخی امپراطور یچه قاتهرینایه فروخت ایتشددر. وزنی $\frac{2}{3}$ ۱۹۴ قیراطدر.

آوستریا خزینته سننده (فلورانسلی) نامیله بر الماس موجود اولوب هنددن کله، ایکی طرفلی متروش، رنکی آز صاری ووزنی $\frac{1}{3}$ ۱۳۳ قیراطدر. (۱۸۵۳) سنه سننده برازیلایه $\frac{1}{3}$ ۲۵۴ قیراط ثقلتمده بر الماس بولنوب مسیو هالفن اسمنده بر ذاتک ید تصرفه کچمش و صکره لری پرلانتیه تراش اولنوب وزنی ۱۲۵ قیراطه تنزل ایتشددرکه (نجم جنوبی) اسمیله معروفدر. قاب الماسلری صاریه مائل اولوب (وال) نهری جوارنده بولتور. ویانه

(۱) مشهور (قاردینال مازارن) اون دردلیجی لوتی نک زمان حکومتنه تصادف ایدن (۱۶۶۰) سنه سننده فرانسه تاجی ایچون ایلک دفعه اولرق اون ایکی پرلانتیه تراش ایتدیرمشددر.

سرکی* عمومیسندہ (۱۸۷۳) بر قیوچی طرفدن شهر اولنان بر قاب الماسی $\frac{2}{8}$ ۲۸۸ قیراط وزننده و ذونمائیة الاسطحة الثلاثیة شکندہ اولوب رنکی صاری و بر سطحندہ چاتلاق و برده سیاه بر لکسی بولندینی حالده فیثائی ۳۷۵۰۰۰ فلورینه تخمین اولمشدر.

بورثو اطهسندہ بولنان بر الماسک وزنی ۳۶۷ قیراط و غیر متروش آرمودی الشکل و صوبی تمیز اولوب بورثونک یرلی رعایالردن برینک مالیدر.

شمدیہ قدر معلوم اولان الماسلرک الک بیوکی بر انکلز قیوچیلری جمعیتک مالی ایکن تراش اولندقدنصرکه بوسنه یارسده کشاد اولنان سرکی* عمومیده شهر اولنان بر الماسدر. اشبو الماس امید بروننده ۲۹ درجه عرض جنوبی ایله ۲۵ درجه طول شرقیده بولنوب ایشلمه دن اول تمام ۴۵۷ قیراط یعنی ۹۳ غرام و ۶۸۵ میلیگرام وزننده و شکلی ایک قوزمه نه مشابه بر بیضی* غیر منتظم و طولی ۵۵ میلیمترو و عرضی ۳۲ میلیمترو و محیط دائره سی ۹۸ میلیمترو بولنمشدر. پرلانتیه تراش ایدلکدنصرکه وزنی ۱۸۰ قیراطه، طولی ۴۰ میلیمترو، عرضی ۳۰ میلیمترو و قالینلی ۲۳ میلیمترویه تنزل ایشدر. فیثائی ۶ ملیون فرانقه تخمین اولمشدر. تراش ایدلدیکی اثناده حاصل اولان قیرتیلرک بیوجک بر پارچه سی دخی غایت قیمتدار بر پرلانتیه اولمشدر.

پرلانتیه اوله رق دنیاده موجود الماسلرک الک بیوکی آفریقهای جنوبی معدنجیلری قومبانیه سنک ینه پارس سرکی* عمومیسندہ شهر ایدلدیکی بر قاب الماسدن تراش اولمش بر پرلانتیه درکه تمام $\frac{1}{4}$ ۲۲۸ قیراط وزننده و ایکی بحق ملیون فرانق قیمتندہ بولنمشدر.

ینه مذکور قومبانیه طرفدن شهر اولمش فقط غیر متروش یعنی خام بر الماسک وزنی ۳۰۶ قیراطدر. سرکینک بلجیقا قسمندہ دخی پک کوزل و بیوک پرلانتیه و الماسلر موجود اولوب بونلردن بر خام قاب الماسک وزنی ۳۰۰ قیراط بولنمشدر.

غرافیت Graphite

غرافیت نادر آتبار ایدوب اکثر یا پیراق و یا حبوی و کثیف اوله رق ظهور ایدر و شکل بلورسی پک معلوم اولیوب معتاد اوزره مسدسی عد اولنور. مشهور (نودنسقوالت) فینلانداده واقع پارغاسده جبراصلی ایچنده بولنان غرافیت بلورلرینی جله واحد الفراشده تعیین ایتشدرد.

غرافیتک صلابتی ۰,۱ - ۱ و کثافتی ۱,۸ - ۲,۱ در یعنی برابرنده قاریشیق بولنان کبریت حدیده، قالسیت و سیلیستلر کبی ماده کوره تخلف ایدر. لمعانی معدنی، رنکی قویو سنجابی و یا سیاه اولوب تماس اولندوقده یاغلی کبی حس اولنور و بویاسی چیقار. چیزکیسی سیاه اولوب معدنی لمعانه در والکتریقی غایت ناقلدر و غیر قابل اذابه اولوب پک کوچ محترق اولور.

غرافیتک ترکیبی باشلیجه قاربون اولوب غنایس وجیر اصلی و شبست اصلی کبی احجار قدیمه دروننده طبقه و یا یوهه حالنده و یا خود صاحبلمش اوله رق بولنور.

(شله) Scheele نام کیمیاکر ۱۷۷۸ تاریخنده غرافیتک اوزمانه قدر ظن اولندیغی وجهه قورشون اولیوب قاربوندن عبارت اولدیغی کوسترمشدرد.

خالص غرافیت یوزده ۸۷ قاربونی حاوی اوله رق اون التنجی عصرک اواسطنده اوروپاده اگ اول کومبرلاننده کشف اولنمشدر و شمیدی ممالک مذکورده نک اوجاقلری بتمش و توکنمشدر. غایت خالص و بیوک پیراقلی غرافیت یوزده ۹۹,۹ قاربون ایله نوژرزی ده و قاناداده چیقوب سائر مقبول غرافیتلر بروجه اتی محللردن کلور: پیراقلی غرافیت یوزده ۹۹ قاربون ایله سیلان اطه سندن، اوفق جبهلی غرافیت یوزده ۸۷ قاربون ایله اسوجده واقع آفر - مانلاندن کلور. و ۱۸۴۷ سنه میلادیه سنده سبریا تجارندن آلبرت نام ذات شرقی سبریا ده واقع باتوغول طاغنده جبهلری غایت اوفق و بنیه سی اغاج بنیه سنه مشابه بر غرافیت معدنی کشف ایتشدرد که اشته بو غرافیت المانیاده مشهور فابر و حارتو ط فابریقه لرنده قورشون قلمی اعمالنده قولانیلور.

اوستریا و فرانسه و مکزیک و کالیفورنیا و یکی زه لاند مالکنده دخی چقار . استانبولده قاضی کومینده قورباغلی دره دنیلان محله کیل ایله مخلوط بولندینی حالده غرافیته مشابه بر معدنک بولندینی استخبار اولمشدر . اوفق جهلی اولان غرافیتلر یعنی کومبرلاند، سبریا و اوستریا غرافیتی باشلیجه قورشون قلمی ایچون استعمال اولنوب بیراقلی غرافیت ایسه معدن اذابه سنه مخصوص پوتلرک اعمالنده قوللانیلور .

اک قدیم قورشون قلملری کومبرلاند غرافیتدن کسلمش پارچهلردن عبارت بولنش اولوب اشبو عصرک اوانلنده صنعی قورشون قلملری ایجاد ایدلمشدر که بولنر غرافیت توزیله غضاردن مخلوط اوله رق خور ایدلمش و پشمش چوقلر- در . بوندن بشقه غرافیت آتسه طیانغه مخصوص قابلرده و تیمور بویا-سند و غالوانو پلاستیده مودلری ناقل الکتریقی یا بقلقه ودها سائر شیلرده استعمال اولنور .

کوکورد Soufre

طبیعی کوکورد جمله معینده تبلر ایدوب اکثریا اهرام شکلنده ظهور ایدر ایسه ده غلیظ و یروکی و یا صاجلمش اوله رق دخی بولنور . خالص کوکوردک رنگی صاری وسطوح تفلیقیه سی اوزرنده لمعانی یا غلیدر . صلابتی ۲ و کثافتی ۲ در . کوکورد بعضکرمه مواد اجنبیه ایله مخلوط بولنوب رنگی سنجایی و یا اسمر اولور . صیجاق آوج ایچنده طوتلده چتیردار و یا قیلور ایسه ماوی بر علو ایله یانوب غاز شکلنده بولنان وغایت سرت قوقان حمض ثانی کبریتیه منقلب اولور . کوکورد ناقل الکتریقی دکدر .

اگر کوکورد اریتیلوب یواش یواش صفودیلور و اوزرنده حاصل اولان قبق دلینبوده دروننده مایع حالنده بولنان کوکورد آیتیلور ایسه صاریمتراق اسمر رنگده بر کوکورد استحصال اولنش اولور که بوجمله واحد الفراسده تبلر ایدر و کثافتی ده آ ایسه ده خواص سائر سی طبیعی کوکورد ایله تامایله توافق ایدر (ذوالشکلین، صیغه ۵۴). فقط برمدت صکره اشبو واحد الفراشدن

اولان کو کورد شکلی محافظه ابتدیی حالدہ بر طاقم بلورات معینہ یہ یعنی صاری کو کوردہ منقلب اولور (پارامور فوز، صحیفہ ۲۳) .

واکر صاری رنکدہ اولان ارمیش قویو کو کورد صغوق صویہ دو کبلہ جک اولور ایسہ عاری الشکل بر کو کورد حاصل اولور کہ بویو شاقدر ویو غریلوب استہ نیلان قالبہ دو کبلہ بیلور فقط بودخی بر مدت صکرہ ینہ صاری وغیرہ متطرق کو کوردہ رجعت ایدر .

کو کورد بخاری جابق صغودیلور ایسہ اینجہ وبلوری بر توز ترسب ایدر کہ بوکا (کو کورد چیچکی) دیرلر .

طبیعی کو کورد چبس، کرج طاشی، غضار و بشقہ طاشلر ایله بر لکدہ کرۂ ارضک طبقات جدیدہ سندن اراضیء ثالثہ و یا ترسبات اولہرق کو کورد لی منبعارک یقینندہ و یا خود بعض و لقانلرک قراترلی جوارندہ واقع سولقاتارلردہ بولنور .

کو کورد مرافقتندہ بولنان طاشلردن اذابہ ایله آریلوب بویله جہ خام کو کورد نانی آلور و تقطیر ایله بعدہ تطہیر اولنہ بیلور .

پیریت و مارقازیت معدنلرندن دخی کو کورد استحصال اولندینی کبی سائر کو کورد لی معدنلرک معاملہ سندنہ دخی حصولہ کلہ بیلور .

اک زئکن کو کورد معدنلری سیچلیا آطہ سندنہ واقع قالتانیسہ تا و قاتانیا مواقعنندہ بولنوب معادن مذکورہ تکمیل اوروپا قطعہ سنک احتیاجہ کفایت ایدر . مواقع مذکورہ دن بشقہ اسپانیادہ قادیکس شہری قربندہ قونیللادہ و آوستریادہ و بخارستاندہ و دہا پک چوق یرلردہ دخی کو کورد چیقار . و لقانی کو کورد نابولی جوارندہ بوچولی سولقاتارلرنندہ، لیپاریا و اسلاندا و جاوا اطہلرنندہ و نوسقاناہدہ استخراج اولنور .

ممالک شانندہ دخی کو کورد معدنلری موجود اولوب بولنلرک اک مہمی جزائر بحر سفید ولایتندہ واقع اینجیرلی آطہ سنک و لقانی کو کورد یدر . بوندن بشقہ از میر ولایتندہ سارد جوارندہ و کمور ایله مخلوط اولدینی حالدہ سیاہ

کوکورد اوله رق چناق قلعہ سنده وروم ایلده اشتپ ویشنیچاده تراخیت ایچنده کوکورد بولور . مصرده جبل کبریت نام طاغده دخی کوکورد چیقار .

کوکوردلی صولرک ترسباتندن حاصل اوله کوکورد مجارستانده، آلمانیاده اکس لاشاپلده واسوچرده به شهری جوارنده بولور .

کوکورد باروت و حامض کبریت استحصالنده، بعض رنگری زائل ایتمکه واوزوم وشرابی ویرا اعمالنده قولانیلان عمر اوتی (اوبلون) کوکوردلمده، قاوچوخی ولقانیزه ایتمکه، زنجفره ووترمر نام رنگری یاقمده ودها پک چوق شیلرده مستعملدر .

ایکنجی قسم (اصل معادن)

(۱) معادن غیر مقبوله

تللور Tellure

پک نادر ظهور ایدن معدنلردن اولوب جمله مسدسیه دن معین مجسم شکلنده تبلر ایدر اکثریا اینجه پیراق حالنده دخی بولنه رق آز مقدار آتون و تیمور ایله مخلوطدر . رنگی بیاض ولمعانی معدنیدر و مجارستانده ترانسیلوانیده چیقار .

آنتیموان Antimoine

آنتیموان خالص و نابت اوله رق بولندینی کبی جوهر اوله رق دخی ظهور ایدوب غیر منطرق و رنگی بیاض بر معدندر . اگر صاف دکل ایسه هواده طور دجه اوزرنده صاریتراق ویا قرمزیتراق بر رنگ حاصل اولور . جمله مسدسیه ده متبلر ایسه ده بلورلری دائماً ناقم اولوب قابل تفلیقدر و علی العاده حبوی انتساجده ظهور ایدر . صلابتی ۳ - ۳,۵، کثافتی ۶,۴ - ۶,۷ و نقطه اذابه سی ۴۲۵ درجه سانتیگراده در . قزل حرارتیه قدر تسخین اولور ایسه سطحی اوزرنده چیزکیلر و چیچک کبی رسملر حاصل اولور . نابت آنتیموان طبیعته پک جزوی مقدارده اوله رق فرانسه ده آلمونده، آلمانیاده هارج

طاغری جوارنده واقع آندره آس برکده، اسوچده سالاده و بورشو اطه سنده ودها بعض محلرده چیقار . صنایعه صرف اولنان آنتیموانک همان کافه سی (آنتیمونیت) تسمیه اولنان معدندن استحصال اولنوب بوده باشلیجه محارستانده چقیدیقندن نابت آنتیموانکده همان مقدار کلیسی اوراده استحضر اولنور .

آنتیموان صنعت طباعته قورشون ایله مخلوط اولدینی حالدده حروفات اصاغه سنده واستره توتیب معدنی اولهرق وسائر خلیطه لرده وانواع مستحضرات صناعیه و کیمیویه واسنجیاریه ده صرف واستعمال اولنور .

آنتیموان اسمی سنه میلادیه تک اونبرنجی عصرندنبرو موجود اولوب (۱۴۶۰) سنه سنده (والتنینوس) اسمنده بر حکیم آنتیمونیت معدنک کو کورد ایله مرکب اولدینی بولشدر . آنتیموانه لاتینجه ده (استیبیوم) stibium دیرل . عرب حکمائی طرفدن معدن مذکوره (اژند) تسمیه اولمشدکه عوام ییتنده کحل و یاخود سورمه دیو معروفدر .

زرنیخ، آرسنیک (Arsenic)

آرسنیک طبیعتده کرک نابت و کرک جوهر اولهرق ظهور ایدوب معدنی آرسنیک جمله مسدسیهده تبلر ایدر فقط بلورلری نادراً تمامدر . اکثریا حبوی انتساجده وبعضاً دخی قبوق کبی بر شکله یاخود غایت کشیف پارچه اولهرق بولنور و غیر متطرقددر . صلابتی ۳،۵، کثافتی ۵،۷-۵،۸ در . رنکی قورشونی ایسهده رطوبتلی محلدده طوردقده اوزری چابک سیاهلنور . قیرلدینی و یا دلاک ایدلدیکی و یاخود تسخین اولدینی وقت بر دومان حاصل اولورکه صارمساق کبی قوقار . آرسنیک هوا ادخال ایدلیه رک تقطیر اولنه بیلوب هوا ایچنده تسخین اولنور ایسه طیار اولان حمض ثالث آرسنیکه منقلب اولور . آرسنیک کرک کندوسی و کرک مرکباتی غایت زهرلیدر .

آرسنیک اوزرینه اک اول معلومات ویرن آرسنتالیز و تنوفراست حکیم اولوب بو معلومات دایما آرسنیک کبریت مرکباته و بیاض زرنیخه (آق سلن) یعنی حمض ثالث آرسنیکه راجعدر . معدنی نابت آرسنیکدن اک اول اون اوچنجی عصرده (آلبرتوس ماغنوس) نام حکیم کتابلرنده بحث ایتشدر .

نابت آرسنیک قوبات معدنلری ایله برلکده اولهرق هارچده (آندره آس برک)

(۱) یونانجه (آرسنیکوس) قوللی وارک کبی دیکدر .

ده وساقسونیاده بولنور . حامل آرسنیک اولان معدنلردن (مثلا میسیقلدن) دخی پک چوق آرسنیک چیقاریله بیلور .
قورشون ایله آرسنیکدن مرکب خلیطه لر تفنک صاحجه سنده قوللانیلور .

بسموت (۱) Bismuth

بو معدن اولدقجه نادر اولوب طبیعتده اکثریا نابت اوله رق بولنور وجهله مسدسیه ده تبلر ایدوب بلورلری ناآمادر ومعین مجسمه کوره قابل تفلیقدر .
بسموت اکثریا دال واورلمش کبی اشکالده ویاخود غلیظ وصاچلمش اوله رق ظهور ایدر، رنگی قرمزیمتراق بیاضدر فقط سطحی اوزرنده چوقکره بشقه رنگلر دخی بولنور . میوشا قدر لکن قابل انحرار دکلدر . صلابتی ۲-۳، کثافتی ۹٫۸ در ۲۶۴ درجه سانتیگراده اریر ومعادن مقناطیسیه دفعیه diamagnétique نك اك قوتلیسیدر .

بسموتک معادن مقناطیسیه دفعیه (۲) دن اولدیفنی اک اول ۱۸۴۶ سنه سنده (فارادی) کشف ایشدر. آنتیموان، توتیا وقلای دخی بو خاصه دی حازر اولوب تیمور، نیکل وقوبالت ایسه اجسام مقناطیسیه paramagnétique دندر .

نابت بسموت اکثریا قوبالت ونیکلی حامل بولنان جوهرلر ایله برلکده اوله رق بوهیمیا ایله ساقسونیا بیننده واقع (ارچکه بیرکه) تسمیه اولنان طاغلرده چیقوب اک چوق بسموت اورالرده قازانیلور .

ممالك عثمانیه دن بالیاده وسلانیک ولایتده دخی بسموت بولندیغی استخبار اولمشدر .

بسموت غایت قولای اریدیکنندن برابرنده بولنان طاشلردن اذابه ایله سهولته تفریق اولنور .

بسموت نامی اک اول اون بشنجی عصرک اوائیلنده (بازیلیوس والتینوس)

(۱) اصلی (ویسموت) اولوب المانجه دن مأخوذدر وچنزار ترلا دیمکدر زیرا بسموت هواده تسفین اولنور ایسه سطحی اوزرنده برطاقم رنگار حاصل اولورکه بر چیچکلی ترلابه تشبیه اولته بیلور .
(۲) ۳۵ نجی صحیفه به مراجعت اولته .

ام حکیم طرفندن منتشر اولمشدر . قولای مذاب اوله جق خلیطه لرده و آلات حکمیه و کیمویه ده استعمال اولنور .

تیمور Fer

نابت تیمور کره ارض اوزرنده يك اندر اولوب اوفق جبهه جك و پیراق حالنده اوله رق بعض طاشلرك، مثلاً بازالتك، دروننده بولنور ایسه ده ندرتندنطو- لای صناعیه جه هیچ بر اهمیتی حائز دكلدر . فقط بعضاً سمدن (مته ئوریت) météorite^۱) تسمیه اولنان کولچلر هبوط ایدوب انلرك بعضلری یالکر صاف و خالص تیمور دن عبارتدر که بویله ره (حدید سماوی) fer météorique تسمیه اولنور و بعضلری ایسه طاشه مشابه اولوب دروننده صاجلمش اوله رق نابت تیمور بولنور و بولنره ده (حجر سماوی) pierre météorique یا خود (آرولیت) aérolithe^۲) اسمی ویریلور .


نابت تیمور جمله مکمیه ده تبلر ایدوب صنعی استحصال اولنان تیمور بلورا- تند ذو ثمانية السطوح شکلری مشاهده اولمشدر .

حدید سماوینک رنکی سنجابی اولوب طیش طرفی سیاهه مائلدر ؛ بعض جنسلری مکعبه کوره تغلیق قبول ایدر ؛ متطرق و قابل انحرار و مکسری اکری بوکریدر ؛ ابره مقناطیسیه شدتله تأثیر ایدر و بشقه تیمور ایله فزیدر لدقه قاینامق خاصه سنی حائزدر و غایت کوچ مذاب اولور . صلاحتی ۴ — ۴,۵ ، کثافتی ۷ — ۷,۸ در . برابرنده یوزده ۳ — ۸ قدر نیکل و بعضاً غرافیت، اولیوین و ماغنیت کیز معدنلری دخی بولنور . حدید سماوینک اکثری دروناً متجانس اولیوب جلا اولمش بر سطحی اوزرینه تمتد حامض کبریت دوکیلور ایسه بر طاقم رسملر حاصل اولور که بولنره کاشفک اسمیه (ویدمان اشتن) Widmannstaetten شکلری تسمیه اولنور (صحیفه ۶۷، شکل ۸۰) . معلوم اولان حدید سماویلرک اک مشهورلری شونلر :

(۱) (مته ئورون) یونانجه هواده بولنان دیکدر . (۲) یونانجه (آئر) هوا و (لیتوس) طاش دیکدر .

(بالاس تیموری) دیمکه معروف سبریاده واقع قراسنویارسق ده ۱۷۷۱

تاریخنده بولان ۸۹۶ کیلوگرام ثقلتنده ؛ اون دردنجی عصرده هبوط ایدوب



(شکل ۸۰)

۱۸۱۱ ده کشف اولان ۱۰۶,۹۶ کیلوگرامق ؛

مجارستانده قاریات طاغلرنده ۱۸۱۴ ده بولان

۱۰۸,۶۴ کیلوگرامق ؛ برازیلده بولان ۷۰۰

کیلوگرامق کولچلردرو بولردن بشقه آمریقاده

و آسترالیاده بهری بیک کیلوگرامی متجاوز

یک جوق پارچلر بولمشدر . سمان دوشر

ایکن آغرامده (۱۷۵۱) و بوهمیاده براواناوده (۱۷۴۷) سنه لرنده رأی العین

مشاهده اولمشدر .

حجر سماویلر ایسه سنجایی رنکده وطاشه مشابه پارچلر اولوب دروننده

بعضاً حدید نابت حبه جککری بولور واوزلرنده کاغد کبی اینجه وسیاه وپارلاق

برقبوق دخی موجوددر واکثریا یک چوغی بردن هبوط ایدوب کولچلری

دائماً حدید سماوی کولچلرندن کوچکدر ویرالتنده قالدقده تحلیل ایدر .

احجار سماویه نیک سقوطی ۱۸۰۳ سنه سنده نورماندیاده واقع (لغل) L'Aigle

ده ۸ غرامدن ۱۰ کیلوگرام وزننه قدر اولق اوزره ۳۰۰۰ عدد وروسیه ده

(پولتوسق) Pultusk ده ۲۰۰۰ دن زیاده و ترانسیلوانیده ودها سائر محللرده

وقوعبولمشدر .

کتب عربیه و تواریخ عثمانیه ده دخی بوکبی طاشلرک سقوطی مقید بولمشدر .

ازجمله (ابن سینا) کتاب شفا نام تألیف مشهورنده دیرکه : «یتشدیکمز زمانده

بلاد جرجانده تخمیناً یوز الی بطمان ثقلتنده (۱ بطمان = ۶ قیه) هوادن بر

قطعه تیمور نازل اوله رقیره کومولدی بعده برایی دفعه کله کبی صجرا یوب

ینه یره صاپالاندی وکورولتی وشماته سنی خاق دخی ایشیددی وقرمغه چاشمدیلر

ایسده هیچ بر آلت ایشلمدی .

صبحی تاریخنک مندرجاتنه کوره (۱) «۱۱۵۳ سنه سی شعباننک درتنده هزار

غرادده غایت دهشتلی بورا و شمشك و صیحه عظیمه ایله سمان ماده لری حدید ایله حجر بیننده ایکی قطعه بیوك طاش دوشوب بونلردن بری اون طقوز قیه و دیگر بری ایکی قیه و زننده بولنش و استانه علیه کوندرلمشدر .

نمیا تاریخنده ^(۱) دخی فقره آتیه غریبه مندرجدر : « بودین محافظی قره قاش محمد پاشادن عرض کلوب ۱۰۲۵ سنه سی شعبانك اواسطنده (تموز فرنگی ۱۶۱۹) هونغار یا شمالنده دیار نمچده مورا اولکک سنده وقت عصرده برسیاه و مدور بلوط ظاهر اولوب آندن قان یاغدی ^(۲) . و بر صاعقه عظیمه ایله بلوطدن شکل صلیبده بر آتش کوردندی بعده مجتمع اولوب عظیم دخان چیقوب منتشر اولدی و در عقب بر شدید صاعقه چاتلادی . اشدنلرك عقلی کیدوب سراسمه اولدی و طشرده بولان حیوانات دیزلری اوزرینه چو کوب باشلرین سایه قالدیردیلر . بعده سمان بری بری آردنجه اوچ دفعه صیحه عظیمه اولدیکه هیتندن زهره چاك اولوردی . و محاب مزبور دن سیاه و مدور کله لر اینوب بر بحق زراع قدر دوشوب یره کومولیر ایدی . بعضی سینی چیقاروب وزن ایلدیلر اوچر قنطار کلدی دیو یازوب اعلام ایلدیلر .

(۱۲۹۱) سنه سی مایسك یکرمنجی چهارشنبه کونی ویدینده واقع بلغراد حق قضاسنه تابع ویربا قریه سنه بر چاریک مسافده اولان میشه لکه ایکی قیه عتیقه و اوچوز درهمك بر عدد حجر سماوی دوشمشدر .

(۱۳۰۳) سنه رومیه سی اواخرنده اکین جوارلرنده واقع اوچ قریه طقوز قطعه حجر سماوی دوشمش و بونلرك بریسی قریه خانه لردن برینه اصابت ایدرك خانه ییقلمش و بر انسان دخی تلف اولمش اولدینی وینه کچن سنه لرده

(۱) نمیا تاریخنك التي جلد اوزره ایلك طبعنده جلد ۲ و صیفه ۱۷۲ .

(۲) (قان یغوری) تسمیه اولسان شی روزکارلرك یردن قالدیردینی بر جنس قرمزی طیراق و یاخور قرمزی رنگده غایت کوچک بر طاقم حیوانات نقیمیه اولوب یاغان یغورلره بمضکره قان کھی قرمزی رنگ ویره بیلور . بوندن بشقه آری وکلبك کھی حیوانلردن بعضاً قرمزی رنگده بر مایع چیقوب بونك کشتردن دخی قرمزی یغور دینلان طاملر حاصل اوله ییلور .

حاب ولايتی داخلنده هوادن بويله طاشلارك دوشديكي استخبار اولمشدر ،
موزه هامپونده دخی بر حجر سواى محفوظدر .

اوروپا موزه لردن ويانه معدنيات موزه سنده کی مته نوريت قولکسيونى اک زنکين اولوب
بونلر (۳۴۰) مواقع مختلفهده سقوط ايتش طاشلردر . لوندرد موزه سنده (۳۳۴) وپارس
موزه سنده (۳۰۰) مختلف محارک مته نوريتلری کوريلور .

صنایعده قوللانيلان تيمور مرتفع تيمور اوچاقلرنده ماغنيت ، اوليزيست ،
ليونيت وسيده روز کبی تيمورى حامل جوهر لردن استحصال اولنور .

تيمورك صورت استحصال واستعمالی مصريون وبابل وهندستان اقوام
قدیمه سی ایچون معلوم برشى اولوب فيککلور واسطه سيله اولایونانستانه ومدنيت
ايلر ولد کجه غریه طوغری يایلمشدر . رومالور زماننده اک معتبر تيمور
اسپانيادن ونوري قومدن (يعنی بوکونکی آوستريا) والبا آطه سندن کلور ایدی .

اقوام قدیمه يه يالکز تيمور وچليک معلوم اولوب بو معدنلرک اذابه سی ایچون
جاری اولان اصوللرک عدم مکملیتی و بناء علیه تيمورك ندرت وفاخش فيثاتی ،
اوزمانلرده آلات وادوات واسلحه يه استعمال اولنان باقرک يرينه قائم اولمغله
بك چوق زمان بيوك بر مانع اولمشدر . انجق بيوك تيمور اوچاقلرينك ايجادی
واون التيجی عصره تصادف ایدن دوکمه تيمورك استحضاری سایه سنده تيمور
صنایى فوق العاده بر صورتده تکلز وتوسع ايتمشدر .

باقر uivre

باقر طييمنده نابت وجوهر اوله رق بولنور . نابت باقر جمله مکعبهده متبلر
اوله رق کموشده اولدینی کبی ديش ديش وورق ودال کبی شکلرده ظهور ايدر ،
فقط غايظ اوله رق دخی بولنور . صاف باقرک رنگی قرمزى اولوب متطرق
وقابل انجراردر . صلابتی ۲ — ۳ ، کثافتی ۸۵ — ۸۹ در . هواده طور دقچه
قرمزيمتراق اسمر (حمض نحاسی) وياخود سياه (حمض نحاس) اولور . باقر
طول مدت رطوبتلی هوا ايله تماس ايدر ايسه اوزرينی بریشیل قبوق قابلارک

قاربنیت نحاسدر (ملاخیت). اسکی باقرلرده و آتیقهلرده بوکا (باتینا) patina تسمیه اولنور. باقر حاض آزوت و حامض خل ایچنده منحلدر.

باقرك اوزرنده حاصل اولان یشیل یاس (زنکار) خلیت نحاسدر. باقر کموشدن صکره الك ایو ناقل الکتریقیدر. صاف باقر بوشقلر پیدا ایتدیکندن دوکمه یه الویرمیوب آزمقدار قلاى ویا توتیا علاوه سیله بو عذر زائل اولور.

کبریتت نحاسی حامل بولنان سولرك ایچنه تیمور پارچهلری قونلقدده باقر ترسب ایدر و بو طریق اوزره اسوچده و مجارستانده و قره دکر ساحلنده تره بولیده ودها سائر یرلرده باقر استحصال اولنوب اشبو عملیاته (چینمتولامق) cimentation تسمیه اولنور.

نابت باقر اکثریا مخلوط اولمدینی حالده سائر معادن نحاسیه ایله برلکده آمریقای شمالیده، باخصوص سوپریور کولی اطرافنده، انکلتزده، اورال طاغلرنده آوستریاده و ژاپونیاده کثرتله بولندینی کبی ممالک شاهانده دخی پک جوق یرلرده باخصوص ارغندی نابت باقر بولنور.

صنایعده استعمال اولنان باقرک قسم اعظمی ترکیبلرنده باقری حاوی اولان سائر معدنیاتدن چیقاریلور (۱). باقر بشقه معدنلر ایله مهم خلیطلر تشکیل ایدر، مثلا باقر ایله قلایدن طونچ (برونز) باقر ایله توتیادن (برنج)، باقر و توتیا ایله نیکل برلشدکده (پاقفونج) Pakfong تسمیه اولنان خلیطلر وجوده کلور.

باقرك استعمالی تیموردن قدیمدر. آتیقه برونز اشیارلی قلاى جوهری ایله کبریتلی نحاس جوهرینک اذابه سندن حصوله کتورلمش ظن اولنور. فنیکه و ترووالورک اسلحه سی برونزدن معول اولوب رومالیر برونزی مسکوکات و استاتو و تزینات سائرده قوللانملردر. برنج الك اول المانیاده اون انتجی عصرده استخراج اولنوب پاقفونج ایسه چیندن براییکوز سنه اقدم اوروپایه کلشدر فقط قرق الی سنه دیزو اوروپاده دخی پاقفونج اعمال اولنوب یکی کوش نامیه معروفدر.

قورشون Plomb

نابت قورشون جمله مکعبیه ده تبلر ایدوب طبیعتده شمدی یه قدر بلور

(۱) ارغی معدننده و المانیاده مانسقلد معدنلرنده باقر کبریتلی نحاسدن چیقاریلور.

اوله رق بولنامشدر واکثریا صاج کبی ویاخود تل و ورق حالنده و غایظ و یا
صاجلمش اوله رق پک جزوی مقدارده آمریقاده ودها بعض عملرده
بولمشدر. صلابتی ۱,۵ و کثافتی ۱۱,۳ قدردر.

(۲) معادن . مقبوله

جیوه Mercure

معادن میاننده حرارت طبیعیده مایع اوله رق جیوه دن بشقه بر معدن
یوقدر. جیوه نك رنگی قلائی رنکنده و براز ماوییه مائلدر و غایت کوزل
معدنی بر لمائی حائز اولوب اگر صاف ایسه صفر درجهده کثافتی ۱۳,۶ در.
جیوه — ۴۰ درجه سانتیگراده تصلب ایدوب شکل بلورینی جمله مکعبه دن
عد اولنور و ۳۶۰ درجه سانتیگراده غلیان ایتدیکی حالده حرارت طبیعیده
بیله تخر ایدر. جیوه بخاری و مرکباتی غایت زهرلیدر.
نابت جیوه قشرارض دروننده قدیم اراضی رسوبیه طبقه لرنده زنجفره
ایله برلکده فقط بوکا نسبة غایت آز مقدارده ظهور ایدر.

خالص جیوه نك چیقیدینی محللر شونلردر: اس-پانیاده واقع (المعدن) ^۱
جیوه معدنیدرکه سیلور طبقه سنده بولنوب ایکیک سنه نی متجاوز محل
مذکور دن جیوه استخراج اولنور. آوستریاده (ایدریا) Idria معدنلری ۱۴۹۷
سنه سندنزو آچقدر؛ بوندن بشقه باویراده، پروده، قالیفورنیاده (یکی المعدن
۱۸۵۰ دنبرو ایشلمکده)، چین ده و ژاپونیاده دخی جیوه معدنلری واردر.
ممالک شاهانده بوسنه و سلانیک و اماسیه ده جیوه بولمشدر.

جیوه عمومیت اوزره طبیعتده آز چوق مواد اجنبیه ایله مخلوط بولنان
زنجفره معدنندن استحصال اولنور. جیوه آلتون و کموشی جوهرلرندن ملغمه
طریقیه آیرمی ایچون و زنجفره نام بویانک استحضارنده و آینه لرك صیرنده

(۱) بو معدنك اوجاقلری (سیهرا موره نا) یعنی سیاه طاغلرده واقع اولوب اندلس مملکتی و بتون
اسپانیا قطعته عربلرك ید تصرفنده ایکن بالاغتنا ایشلدلش وعربی بر اسم ایله شهرتیاب اولمشدر.

و آلتون ویا کموش یالیزلرنده و بارومترو و ترمومترو لرده و پک چوق استحضارات
صناعیه و کیمیویه واسپنجیاریده و دهاسا شیلرده استعمال اولنور.

جیوه بی نقل ایتمک ایچون بعض عیالرده پکی دریسندن معمول طبره لر مستعمل اولوب
بونلر دخی تکرار اغاج فوجیلر ایچنه وضع اولنور . دیگر عیالرده ایسه معدن مذکوری
دومه تیوردن معمول شیشدرل ایچنده نقل ایدرلر .

جیوه و زنجیره معدنلری پک قدیمدنبرو معلوم اولوب میلاددن ۷۰۰ سنه صکره
(ایزدور) نام حکیم جیوه نك بعض معدنلری حل ایتدیکنی و وجود حیوانی به اولان
تأثیرات تسمیه سنی اکلانشدر . حکمای متقدمین و کیمیای باطل طرفدارانی معادن تصفیه
ایلیه رك آلتونه نقل و قلب ایتمک ایچون اکثریا جیوه به مراجعت ایدرلر ایش . (لاوآزیه)
۱۷۸۵ تاریخده جیوه نك جسم بسیط یعنی بر عنصر اولدیغنی کشف ایتشدور .

کموش Argent

نابت کموش جمله مکمییه ده تبلر ایدر فقط اکثریا صاج وتل و بعضاً دخی
دال کبی شکلرده و یا غلیظ اوله رق طمار حالنده طاشلرک ایچنده ظهور ایدر .
کموشک رنگی بیاضدر لکن چوقکره سطحی اوزرنده صاریتمراق و سیاهمراق
رنگده اولور . صلاتی ۲,۵ — ۳ و کتافی ۱۰ — ۱۱ در . دائماً برابرده
جزوی مقدار باقر و آلتون بولندیغندن کتافی تخلف ایدر . کموش متطرق
و قابل انحرار اولوب سائر کموش جوهرلری ایله برلکده اوله رق جبال اصلیه
و متوسطه ده غائق تسمیه اولنور طمارلرده بولنور .

آلتونده اولدیغنی کبی کموش طاشلرک ایچنده صاجلمش اوله رق بولیموب
بو حال انحق بعضکره کموش جوهری طمارلرینک قربنده اوله بیلور . بر معدن
ناحیه سنده مذکور طمارلرک بر چوغی بر آرده بولنه بیلور ایسه ده اوزاق
مسافله امتداد ایتمز و اشته بو کیفیتدن طولایی کموشک آلتون کبی اراضی
منتقله ده و نهر قوملرنده بولنایشنک حکمتی اکلانشیلور .

پک چوق کموش طمارلری سطح ارضه قدر واصل اولوب تأثیرات اشکالیه
ایله میدان چیقارلرکه بو کیفیت دخی کموشک پک قولای کشفنه سبیت ویرر .
ازمنه قدیمه ده فیکه و قارتازولر باشلیجه اسپانیاده پیره نه واندلس طرفلرنده

ویونانیلر دخی آتیه جوارنده واقع لاوربون نام محله جیقان کوشدن استفاده ایدرلر ایمش. قرون وسطی دنبرو آلمانیاده هارچ، بوهمیاده پشیرام، ساقسونیاده فرایرک، مجارستانده شنمیج، واسوچده سالا وسائر معدنلرک طمارلرندن کوش چیقارلمقده در. سبریاده آلتایده واقع ییلانی طاغک کوش معدنلری غایت زنکیندر.

آمریقانک کشفدنبرو کوشک قسم اعظمی اوراده استحصال اولنور. اک مشهور کوش معدنلری مکسیقاده (بو مملکت دنیانک اک زنکین کوش معدنلریخی حاملدر) وپرو وشیلیده بولنور.

آمریقای شمالی دخی (کالیفورنیا، نوادا، الح) حال حاضرده کلی مقدار کوش حصوله کتوریر. سیملی قورشون تسمیه اولنان کوشلی قورشون معدنلرندن و سیملی باقردن دخی کلیتلی کوش استحصال اولنور.

ممالک شاهانهده دخی پک چوق وزنکین کوش معدنلری موجود اولوب بولنلرک عددی ایکوز الی پی متجاوزدر واک مشهورلری ازمئه قدیمه دنبرو معروف اولان کوشخانه، کوش حاجی کوبی، قره سی سنجاغنده بالیه، نیکده سنجاغنده بلغار طاغی و سلانیک ولایتده کی معدنلر اولوب سیملی قورشون اوله رق طمارلرده چیقار.

صاف کوشده غایت کوزل بر بیاض رنگ موجود اولوب فوق العاده متصوت وصداسی بلند ورققدر. قوه انجیرایه سی آلتونندن بشقه جمله معدنلره فائقدر وکثافتی ۱۰.۵ در. کوش حامض آزوت (کذاب) ده منحل اولوب هواده طوردقچه هواده دائما جزوی مقدارده موجود بولان کبریتلی مولدالماء ایله امتزاج ایدرک اوزری سیاهلنور. کوشی سرتلشدیرمک ایچون بر مقدار باقر ایله خلیطه ایدرلر.

ملغمه Amalgame، کوش ملغمه سی

کوش حیوه ایله برلکده طبیعتده ملغمه اوله رق دخی بولنوب جمله مکبیه ده

وباخصوص ذواتی عشر المعینیه شککنده تبلر ایدر و بلورلری بعضکره غایت کوزل اشکال ارائه ایدرلر . غیاض، صاجلمش و ورق حالنده اولهرق دخی ظهور ایدوب رنگی بیاض و غیر متطرق و مکسری صدقیدر . صلابتی ۳ — ۳,۵، کثافتی ۱۳,۷ — ۱۴,۱ در . ترکیب کیمیویسی Ag Hg اولوب یوزده ۳۵ قدر کموشی حاملدر . حامض آزوت ایچنده قولایقله منحلدر . ملفمه جیوه وزنجفره معدنلری میاننده اولهرق اسپانیاده المعدنده ، فرانسهده آلمونده ، مجارستانده و شیلیده بولنور .

آلتون 'Or Aurum

نابت آلتون طبیعتده ایکی نوع اوزره ظهور ایدوب بری بعضاً متبلر ویا ورق حالنده ویاخود صاجلمش اولهرق (طاغ آلتونی) نامیله قیالر دروننده بولنور . دیکری ایسه (قوم آلتونی) نامیله اراضی متقلده تصادف ایدیلورکه اوفق و بیوک کولچه ودانه وپول حالندهدر .

آلتون بلورلرینک اشکال عادیهسی ذوثمانیه السطوح و مکعبدر . نابت آلتون دائماً بر مقدار کموش ایله مخلوط بولندیغندن رنگی، صلابتی و کثافتی تخلف ایدر . متطرق و قابل انجرارددر ؛ صلابتی ۲ — ۳ و کثافتی ۱۲ — ۱۹ آره سنده در . برابرنده نقدر زیاده کموش وار ایسه رنگی اولقدر صولوق و آجیق صاری اولور .

طاغ آلتونی اکثریت اوزره صخور اصلیه بلوریه (غرانیت، سیه نیت، غایس، طلق شیست، غضار اصلی) و اراضی سیلوریه ایچنده کی قوارس معدنی طمارلرنده و احجار و لقانیه جدیده (تراخیت) دروننده بولنور .

آلتونی حامل طاشلردن صاف آلتون چیقارمق ایچون مذکور طاشلر غایت اوفق پارچهلره قیریلوب حاصل اولان توزی صو ایچنده بیقانور ، یاخود جیوه ایله ملفمه ایتدیریلهرک استحصال اولنور .

آلتون محصولاتنک قسم اعظمی بیوک طبقه لر تشکیل ایتمش اولان آلتونی

حاوی کیل ، قوم و چاقل طاشلرندن اخراج اولنهرق (قوم آلتونی) نامی ویریلور و طبقات مذکوریه (آلتونی آلوویون) واکر واسع ایسه (آلتون ترلاسی) نامی ویریلوب بونلر ادوار ژمه‌تولوزیه مختلفه ده هوا وصولرک تاثیرات مؤتکله- سیله آلتونی حامل طاغ و قیالردن قوپوب وادیلرده ترسب و تراکم ایدن طبقه‌لردر. آلتون یوکسک کثافتی سایه‌سنده صو ایچنده ییقامق ایله اک رقیق بوله وارنجیه قدر برابرنده بولنوب کثافتجه ده حقیف اولان طاش و طبراق پارچه‌لرندن قولایلقه آیریلور .

آلتون ییقامق ایچون بوستان قیونلرنده اولدینی کبی اغاجدن معمول اوزون و مائلاً موضوع اولوقلر مستعمل اولوب بونلرک قمرنده اکیلکله اولهرق متعدد لاطه‌لر میخلنمشدر و آلتونی مواد حجریه آثار صو ایله برابر مذکور اولوقلره دوکلدکده حقیف قسملر طیبی آقوب کیده‌جکندن آلتون پارچه‌لری لاطه‌لرده قالب طویلانور و صکره معدنی قابلر ایچنده چالقه‌هرق تکرار ییقانور .

آلتون ییقانان محللرک اک مهملری قانادا (۱۸۳۷ دنبرو) ، اورال و سبریا (۱۸۳۹ دنبرو) ، قالیفورنیا (۱۸۴۸ دنبرو) ، آوسترالیا (۱۸۵۰ دنبرو) ، یکی زه‌لاندا (۱۸۵۹ دنبرو) ، آلتایی و آمریقای جنوبیده‌در. اوروپاده ترانسیلوانی ده ورن و طونه نهرلرنده آلتون ییقانور .

اک بیوک آلتون کواچه‌لری آوسترالیاده واقع و یقتوریا مستملکه‌سنده بولنمشدر. مثلاً ۱۸۵۸ سنه‌سنده بولنان کواچه ۸۳,۵ کیلوگرام وزننده اولدینی حالده تخمیناً ۱۰۵۰۰ آلتونه فروخت ایدلشدر .

آوسترالیا ایله یکی زه‌لاندا، آمریکا، سبریا و اوروپاده ترانسیلوانی و مجارستان (شمینیج و قرمنیج) دنیانک اک زیاده آلتون ویرن مملکتلریدر .

ممالک شاهانه ده دخی آلتون بولنوب قرون اولی ده اناطولی قطعه‌سی عادتاً بو کونکی قالیفورنیانک اهمیتی حائز ایدی . مورخین قدیمه‌نک چوغی، باخصوص (هرودوت) و (استرابون) ازیر ولایتنده واقع بوز (تولوس)

طاغندن سارده طوغری این قره صویك (باقول) قوملرندن لایعد و لایحما قزانیلان آلتونك مقدارینی سویلرلر . حتی لیدا حکمدارلرندن (قره زوس) ك منبع ثروتی قره صو اولدینی مشهوردر . بوندن بشقه مغنيسا طاغندن و بیغا سنجاغنده واقع بعض طاغلردن این نهرلر ایله مریچ واستروما نهرلرنده و شرقی بالقانلرده و بوسنده جزوی مقدار آلتون بولندینی کبی درسم ولایتده خوزات جوارنده دخی معطل بر آلتون معدنی واردر . بلغار طاغی سیملی قورشون معدنندن سننده ۵۰۰۰ درهم قدر آلتون قزانلینی، یعنی چیقاریلان کوشك بیکده بش نسبتده آلتونی حامل اولدینی استخبار اولنشدر . طاشوز آله سنده دخی آلتون و کموش بولندینی قدیمدنبرو مشهوردر .

آلتون اك اسکی زمانلردنبرو معلوم بر معدن اولوب قرون و سـطیـده يك چوق جهلا آلتون یاغی سودای باطلنه دوشمش و (کبریت احمر) نامنده بر جسمک تعریسنه قالدشمشلر ایدی که بو جسم واسطه سیله کویا تیمور و باقر و قورشون کبی معادن غیر مقبوله بی آلتونه قلب و تحویل اتمک ممکن ایش ظن ایدرلر ایدی .

صاف آلتون صاری بر رنگده و کوزل و پارلاق بر لمعانده اولوب کموشدن دهامیوشاق یعنی همان قورشون میوشاقلغنده در . آلتونك کثافتی اریمش اولدینی حالده ۱۹،۲ و دولمش اولدینی حالده ۱۹،۳ اولوب قابلیت انحراری معادنك کافه سنه فائقدر ۱) . آلتوندن معمول اینجه ورقدن ضیا یشیلمتراق کورینور . آلتون هواده طوردقجه اصلا متغیر اولدینی کبی کبریتی مولدالماء غازیله دخی سیاه اولز (کموش سیاهلنور) . ماء زرین اینچنده منحل اولوب حیوه ایله برابر ملغمه تشکیل ایدر . صنایعه استعمال اولنقی ایچون صاف آلتون زیاده میوشاق اولدیغندن عادت اوزره باقر ایله خلط ایدرلر و آلتون اعیاری ممالك مختلفه ده نظام تحتنده در .

پلاتین Platine

نابت پلاتین جمله مکعبیه ده تبلر ایدر ایسه ده بلورلری نادردر ورنکی چلیك

(۱) مشهور (ره نومور) آلتون یالیزی اولدینی حالده چکلمش غایت اینجه بر کموش تلی معاینه ایدوب آلتون یالیزك قالینلی تحمیناً (۰٫۰۰۰۰۰۴) میلیمترو اولدیغی کوسترمشددر .

کبی سنجابی اولوب کندوسی متطرق وقابل انجرارد و یوکسک حرارتلرده بیله هوا ورطوبتدن متأثر اولمز . بیاض حرارتده تیمور کبی قاینامق خاصه سنی آلور و پاتلار غاز کوریکی ایله یاخود هوا غازی ومولدالمحوضه مخلوطیله اوفلنرک قزیرلدقده مذاب اولور . پلاتین یالکز ماء زرین ایچنده تسخین اولندیفی حالدله منحلدر وجیوه ایله ملغمه تشکیل ایتمز . حرارتی غایت آز ناقل اولوب قوه انبساطیه سی کافه معادن ثقیله دن آذرر . نابت پلاتین دائما یوزده ۱۶ — ۲۶ تیمور، ایریدیوم، رودیوم، پالادیوم، اوسمیوم کبی مثالر ایله برابر اولدیفی حالدله بولنوب بو سبیدن پلاتینه معدنیوندن (هاوسمان) Haussmann (پولیکسن) Polyxène نامنی ویرمشدرکه چوق مسافرلی دیمکدر . صلابتی ۵,۵ و کثافتی ۱۶ — ۲۰ اولوب صاف پلاتینک کثافتی ایسه ۲۱ ایله ۲۱,۵ اره سنده در . نابت پلاتین انجق اراضی، منتقله ده و اکثریا آلتون ایله برلکده اوله رق ظهور ایدوب آلتونده اولدیفی کبی (صحیفه ۷۵) ییقامقله استحصال اولنور .

پلاتین اون سکزنجی عصرک اواسطنه طوغری (آنتونیو دولو و آ) نامنده بر ذات طرفندن اک اول (پلاتینا دل پینتو) platina del pinto نامیله اوروپایه کتورلمشدر . فقط آمریقای جنوبیده واقع پینتو نهرینک آلتون ییقاندیفی محللرنده آنتونیونک زمانندن پک چوق اول پلاتین بولمشدر . صکره لری برازیلیا، سان دومینغو، قالیفورنیا و ۱۸۲۲ ده روسیه ده اورال طاغلرنده و ۱۸۳۱ ده بورنثو اطه سنده دخی کشف اولمشدر .

روسیه ده ۱۸۲۶ دن ۱۸۴۵ سنه سنه قدر پلاتیندن سکه ضرب اولمشدر .
تأثیرات خارجیه و کیمویه ایله پلاتین غایت آز متأثر اولدیغندن پک چوق آلات کیمویه ده استعمال اولنور .

۱) Antonio d'Ulloa اسپانیا ریاضیونندن اولوب ۱۷۳۵ ده نصف النهار مساحه سی ایچون خط استوایه کیدن جمعیت مشهوره نك اعضاسندن ایدی .

ایکنجی صنف

کبریت، سہلنوم، تلور، آرسنیک، آنتیموان و بسموت مرکباتی جامع اولوب بونلر معادن ثقیله ایله ترکیب ایتشلر ایسه (کبریتید) Sulfide واکر کبریتلی معادن ثقیله یالکڑ کندوبینلرنده ترکیب ایتشلر ایسه (کبریتو) Sulfo املاحی تسمیه اولنه جقدر .

(۱) بسیط کبریتدلر

پیریت Pyrite

جمله مکمیه دن اولوب اکثریاً مکعب، ذو ثمانية السطوح و شکل ناقص اوله رق ذواتی عشر المخمسه شکلرینی آور و بلوراتنک سطحلری چوقکره چیزکیلر ایله مستوردر . ترکیب بلورسی (شکل ۳۶) ده کوسترلشدر .

غلیظ اوله رق و طاش کموری و غضارلرک ایچنده صاحلمش و متحجراتک ماده نھجریه سی اوله رق دخی ظهور ایدر . شکل ظاهریسی محافظه ایدرک لیونیت و بعضکره اولیزیت معدنلرینه استحاله ایدر . رنگی طونج صاریسی بعضکره آلتون صاریسی ایسه ده تحلل ایدرک اسمر رنگ کسب ایدر .
ص = ۶، ف = ۵ . چلیکه اورلدقده کوکورد قوقوسی حاصل اولوب قفلجم چیقار . ترکیب کیمیویسی کبریت ایله حدیددر (FS^2) و بعضکره دخی جزوی آلتون بولنور .

پیریت غایت مبذول بر معدن اولوب اک کوزل بلورلری الباطنه سنده، پیهمونده، تیرونده و اورالده چیقار . نمالک محروسه دخی پک چوق محللرده بولنوب حتی اسکدار جوارنده واقع قزل طبراقده کرج طاشی ایچنده آره صره مکعب شکلنده و او زری چیزکیلی کوزل بلورلر بولنقده در .

پیریت معدنی حامض کبریت و کبریتیت حدید و کوکورد استحصاله وشابلی
غضار تسمیه اولان پیریتی غضار لر دخی شاب اعمالنه صرف اولور .
تیور معدنی اوله رق پیریتک استعمالی یوقدر، زیر یوزده بش کوکوردی
حامل اولان تیمورده یاریق وچانلاقلر پیدا اولور .

مارقازیت Marcasite، آلمانجه : اسپرکیز Speer Kies (۱)

جمله معینه دندر؛ توأم لرك برتک شکله تکرر یله خروس ایکی وسونکی
کبی اشکال حاصل اولور . شماعی وکشیف انتساجده واکثریا غلیظ وطبقی
پیریت کبی کمور لرك وارضی جدید شستلرینک ایچنده صاچلمش و متحجراتک
ماده تحجریه سی اوله رق دخی ظهور ایدر .

• مدینون مشهور (هانوی) Hattü ۱۸۱۴ سنه سنده مارقازیتک جمله معینه ده تیلر
ایتدیکنی کشف ایدرک پیریت جنسندن تفریق و تمیز ایشدر .

رنکی سنجاییه مائل طونج رنگنده در و پک قولای تحلل ایدرک کبریتیت
حدید ایله حامض کبریت آریله بیلور . $\text{ص} = ۶$ ، $\text{ف} = ۴۶ - ۴۹$ و ترکیب
کیمیوسی پیریت کبی کبریت حدیددر (FeS^2)، بناء علیه پیریت ایله ذوالشکلیندر .
مارقازیت دخی مبذول بر معدن اولوب انکلتزده، فرانسه ده، بوهیمیاده
ومالک محروسده پک چوق بولور . استعمالی طبقی پیریت کیدر .

میسپیکل Mispickel، آلمانجه : آرسن کیز Arsen Kies

جمله معینه دن اکثریا مشهور شکلنده در، ایافی وجبوی انتساجده
وصاچلمش اوله رق دخی بولور . رنکی چلیک سنجاییسی، $\text{ص} = ۵۰$ ، $\text{ف} = ۶$
و ترکیب کیمیوسی حدید، کبریت و آرسنیکدر (FeSAs)، بعضکره حدیدک بر
قسمی یرینه قوبالت قائم اوله بیلور . پک مبذول بر معدندر . زرنیخ، حمض ثالث
آرسنیک و صاری و قرمزی آرسنیک اعمالنده استعمال اولور .

(۱) Speer آلمانجه سونکی، قارغی Kies چاقل دیمک ایسده پیریتلرده (کیز) اطلاق اولور .

ميسپقلده بك چوق قوبالت بولور ايسه (غلاوقودوت) Glaucodot نامى آلوركه باسوخده وشليده حقار.

قوبالتين Cobaltine، آلمانجه : غلانج قوبالت Glanzkobalt

جمله مکعبه دندره موازی سطحی اشکال ناقصه سی واردره پیرت ایله متشابه الشکل و مکعبک سطحلرینه کوره تمامیه قابل تقلیدر. رنگی قرمزیمتراق کموشی و چوقکره دخی سنجایدیر. ص=۵۰،۵ ف=۶ و ترکیب کیمیوسی قوبالت و کبریت و آرسنیدر (CoS^2 , CoAs^2). اسوج و نور و چده ظهور ایدوب ماوی بویا اعمالنده مستعملدر.

سمالتين Smaltine، آمانجه : اشياز قوبالت Speiskobalt

جملہ مکعبیہ دن، نادراً متبلر، اکثریت اوزرہ اور ویش کبی پرائتساجده
وغلیظ ویا صاجلمش اولهرق بولنور. رنکی قلاى بیاضی، سطحاً سنجابیدر.
ص=۵,۵، ف=۶,۳ - ۷,۳ و ترکیب کیمویسی آرسنقلى قوبالت (CoAs_2)
اولوب قوبالت قسماً تیمور یاخود نیکل ایله قاریشقدرد. ساقسونیاده، بوهیاده
وهس دوقهلفنده حقار.

سمالتین معدنی پوتاس و قوارس ایله برابر اذابه ایدیلور ایسه قوبالت جامی یاخود (سمالت) تسمیه اولنور برماوی جام حصوله کلوب توز ایدلدکدنسکره (سمالت ماویسی) نامنده بر بویا حاصل اولور. بو عملیاتلرده کیریوه قلان پوسهلر حامل نیکل اولدیفندن نیکل استحصائله صرف اولنورلر.

(قلوآنتیت) Chloanthite تسمیه اولتان معدن دخی بر سمالتین اولوب بونده قوبالیک قسم اعظمی نیکل و بر مقدار دخی تیمور ایله قائم اولمشدر.

ماغنت کز Magnetkiese ، پربت مقناطیسی

جملهٔ مسدس‌یهدن اولوب بلورائی نادرده؛ اکثریا قبول حالنده یاخود جبوی و کشیف اتساجده ورنکی طونج صاریسی ایله باقر رنکی اراسنده

وسطحاً اسمری طومباق رنکده اوله‌رق بولنور ومقناطیسی اولوب نادراً قطییتی حائزدر . ص = ۴، ف = ۴،۵ و ترکیب کیمیوسی حدید ایله کبریتدر (F⁷S⁸) . باویراده بودن مایس نام محله و ساقسونیاده و هارچده واسفاندیناویا ده الح جیقار .

غالن^(۱) Galène، آلمانجه : بلای غلانج Bleiglanz

جمله مکعبیه دن اولوب دائماً اشکال تامه ده تبلر ایدر واکثریا مکعب ایله ذو ثمانية السطوح ترکیب بلوری تشکیل ایدر لر . بلوراتک بیوکلیک غایت مختلفدر . حبوی و کثیف انتساجده و صاچلمش و طهراق کبی یوشاق اوله‌رق دخی ظهور ایدر . مکعبک سطحلرینه کوره تمامیله تغلیق قبول ایدوب سطوح تغلیقه‌سی اوزرنده فوق‌العاده لمعان معدنی موجوددر . رنکی قورشونی، کندوسی غیر متطرق، چیزکیسی سیاه‌متراق سنجایی، ص = ۲، ف = ۷،۴ و ترکیب کیمیوسی کبریت اسرب (Pb S) اولوب یوزده ۸۶،۶ قورشونی واکثریا بر مقدار دخی کموشی حاملدر و کموشلی اولدقده (سیملی قورشون) plomb argentifère تسمیه اولنور . چاقق تسخین اولنور ایسه چیتردار .

غالن معدنی اک مهم واک مبذول قورشون معدنی اولوب آندن کموش، قورشون و مرده سنک استحصال اولنور . ظهور ایلدیکی مواقعک مشهورلری شونلردر : بوهمیاده پشیرام^(۲) Pribram، ساقسونیاده فرایبرک، انکلترده کومبرلاند، جنوبی اسپانیا و آمریقای شمالیدر . ممالک محروسه ده دخی غالن معدنی پک مبذول اولوب ایکی یوزی متجاوز مواقعده بولنور . اک مشهورلری بلغار طاعی، برکتلی (کموش یوقدر)، کموش حاجی کوی، کبان، کموشخانه، بالیا معدنلری اولوب سلاونیک، طربزون، قره‌سی و خداوندکار ولایتلرنده دخی پک چوق غالن معدنی وارددر .

کوشش غالن چناق چوملک اعالنده صبر اولدق دخی استعمال اولنور .

(۱) روجه (غالن)، لاتیجه (غالنا) قورشون معدنی دیمکدر . (۲) مذکور معدنک قیولری ۱۸۸۴ سنه‌سی نه‌ایقنده ۱۰۷۲ مترولق بردرینلکه واصل اولمشلردر .

قالقوزپن^۱، Chalcosine، آلمانجه: قوپفرغلانچ Kupferglanz

جمله معینه دن؛ نادراً متبلر، اکثریا غلیظ وصاچلمش اوله رق بولسوب بعضکره دخی متحجراتک ماده تجزیه سنی تشکیل ایدر. رنکی سیاه متراق قورشونی، فقط سطحاً چوقکره سیاهدر. غیر متطرق و چیزکیسی پارلاقدر. ص=۲،۵، ف=۵،۵ و ترکیب کیمیویسی کبریت نحاس (Cu^2S) اولوب یوزده ۷۹،۸ باقری حاملدر و پک مهم باقر معدنیدر. انکلتزده قورنوال و آمریقای شمالیده وساقسونیاده و مجارستانده بولندینی کبی ممالک شاهانه ده دخی توقاد جوارنده بولنمشدر.

آرژانتیت Argentite، آلمانجه: زیلبر غلانچ Silberglanz

جمله مکیمه دن اولوب ناتمام بلورلرده بولنور، فقط علی العاده غلیظدر، رنکی سیاه متراق قورشونی و سطحاً سیاهدر و غایت متطرق اولوب قورشون کبی کسینه بیلور؛ چیزکیسی پارلاق، ص=۲، ف=۷—۷،۴ و ترکیب کیمیویسی کبریت فضه (Ag^2S) اولوب یوزده ۸۷ کموشی حاملدر. مجارستانده، هارچده، نور و چده مکسیقاده و ممالک محروسه دن اناطولیده مراد طاغنده و کدیزده چیقار. مهم کموش معدنیدر.

بلاند^۲ Blende (حجر توتیا)، آلمانجه: چینق بلنده Zinkblende

جمله مکیمه دن اولوب اشکال ناقصه و توأم لری دخی واردر. حبوی انتساجده و نادراً الیافی، شعری یاخود کثیف انتساجده اوله رق دخی بولنور. بلور اتنده لمعان الماسی واردر و ذواتی عشر المعینه سطح لینه کوره تمامیه تفلیق قبول ایدر.

زنکی اکثریتله سیاه و یاخود اسمر، بعضکره صاری، یشیل و قرمزى و نادراً رنکسزد. دلك و یا قیرمق ایله فوسفوریت ارائه ایدر؛ ص=۳—۴،

(۱) یونانجه (قالقوس) باقر دیمکدر. (۲) آلمانجه دن مأخوذ اولوب پارلاق و آلدایی شئ دیمکدر.

ف = ۳,۹ - ۴,۲ و ترکیب کیمیوسی کبریت توتیا (Zn S) اولوب یوزده ۶۶,۷ توتیا وارد. بمضکره برابرنده تیمور، قادمیوم یاخود ایریدیوم معدنلری بولنور.

بلاند معدنی غالن معدننک ارقداشی کبی اولوب ساقسونیاده فرایبرک، بوهمیاده بشیرام و محارستانده و هارچ ده و ممالک شاهانه ده (حجر توتیا) نامیله قره سیده بالیه، آیدینده بودرم و طر بزونده ابو الحیرده ودها پک چوق یرلرده چبقار. بودروم بلاننده تیمورک مقداری غایت آذر. بلاند معدنی توتیا (جینقو) استحصالنده قوللانیلور.

نیکلین Nickeline، آرسنیکلی نیکل

جمله مسدسیده دن اولوب بلورانی نادر ورنکی آجیق باقر قرمزسی، ص = ۵، ف = ۷,۶ و ترکیب کیمیوسی باشلیجه آرسنیکلی نیکل (Ni As) در ویوزده ۴۴ نیکل وارد. سمالتین ایله برلکده غلیط اوله رق ساقسونیاده، بوهمیاده ودها بر قاج یرده چیقوب نیکل معدننک استحصاله صرف اولنور.

نیکل عنصری ۱۷۵۴ ده (قرونشنت) Cronstedt طرفندن بو معدن درونده کشف اولغند. نیکل مؤثرات خارجه به غایت طبایقی بر معدن اولوب مقناطیسه طبق ییچیک کبی تأثیر ایدر و باشلیجه باقفونخ اعالنده خطیطله و سائر معدنلری نیکلکله قوللانیلور.

قالقوپیریت Chalcopyrite، نحاس معدنی. آلمانجه: کوپفرکیز Kupferkies

جمله مربعی دن اولوب اشکال ناقصه و توأملری چوقدر. اکثریتله غلیظ و صاجلمش اوله رق بولنور؛ رنکی برنج صاریسی و اوزری بعضکره آلاجه بولاچه در. ص = ۴، ف = ۴,۲ و ترکیب کیمیوسی باقر، حدید و کبریتدر. (Cu Fe S₂) ویوزده ۳۴,۴ باقری حاملدر واک مبذول باقر معدنی بودر. ساقسونیاده، هارچ ده، انکلتزده و آمریقاد و سائر محللرده بولنور.

ممالک محروسه ده دخی پک چوق ظهور ایدوب یوزی متجاوز مواقع

معلومات و بونلرک اک مشهوری ارغنی و جوارنده تپه خان و توقاد معدنلریدر
واستانبولده بوغاز ایچنده صاری یارده دخی بر باقر معدنی واردر .

بورنیت^(۱) Bornite، آلاجه نحاس. آلمانجه: بونت قوفرفکیز Buntkupferkies
جمله مکمیه دن اولوب بلوراتی نادر ورنکی آجیق باقر قرمزسی واوزری
اکثریا آلاجه بولاجه در. ص = ۳، ف = ۵ و ترکیب کیمیوسی باقر، تیمور
و کبریتدن عبارت اولوب باقرک مقداری یوزده ۵۴ — ۷۱ در . متبلر اوله رق
انکلتزده بولنور . اکثریا غلیظ و کشفدر و قالقوپریت ایله برلکده چیقوب
بوندن دخی باقر استحصال اولنور .

نازیاژیت Nagyagite، آلتونلی تللور، ورق تللوری
سیاه متراق قورشونی رنکده و غیر متطرق اولوب انتساج ورقی ارائه ایدر.
ایجه پیراقلری قابل انخادر . ص = ۱، ف = ۷ و ترکیب کیمیوسی مختلف
نسبتده اولمق اوزره قورشون، آلتون (یوزده ۶ — ۸)، نحاس، تیمور و کبریتدن
عبارتدر. ظاهرآ غرافیه بکزر، فقط حملاج ایله قولای مذاب اولوب حامض
آزوت ایچنده منحلدر. ترانسیلوانیده واقع (نازیاق) ده Nagyagite ظهور ایدر
نادر بر معدندر .

سیلوانیت^(۲) Sylvanite، یازی تللوری
سنجایی رنکده اوفق وایکنه کبی بلورلرده ظهور ایدوب بلورات مذکوره
یکدیگریله ۶۰ درجه لک زاویه لر تشکیل ایدرک بر زمین اوزرنده طاقم طاقم
بولنورلر. ص = ۱،۵، ف = ۸ و ترکیب کیمیوسی آلتون (یوزده ۲۵ — ۲۸)،
کمش و تللوردن عبارتدر. ترانسیلوانیده واقع اوفن بانی و نازیاقده چیقار .

(۱) معدنیوندن اوستریالی (بورن) Born اسمنده برذاته حرمتاً تسمیه اولنشدر. (۲) ترانسیلوانی دن
ماخوذدر .

مولیبدنیت (۱) Molybdénite

جمله مسدسیه دندر، فقط بلورانی اندر اولوب دائما قورشونی رنگده وورقی انتساجده اولور. ص = ۱-۱,۵، ف = ۴,۵-۴,۶ در. سائر خواص حکمیسی طبق غرافیتسه بکزر. ترکیب کیمیوسی کبریت مولیبدن در (Mo S_2)؛ حلاج ایله مذاب اولیهرق علوی یشیله بویار وحمض ثانی کبریت کی قوقار. کومبر-لاند، نوروچ وساقسونیاده چیقار .

زنجفره یاخود سینابر Cinabre، جیوه معدنی

جمله مسدسیه دندر وبلورلری اوفق اولهرق معین محجم شکلنده در. اکثریا غلیظ ویا صاحبلمش ویاخود طبراق کی یوشاق اولهرق ظهور ایدر. بلورلری الماس کی بارلاق اولوب نیم شفافدر واولدقجه ایو تغلیق قبول ایدر. خالص زنجفره نك رنگی وچیزکیسی آلد. ص = ۲، ف = ۸ و ترکیب کیمیوسی کبریت زیبق (Hg S) اولوب یوزده ۸۶,۲ جیوه یی حاملدر. آچیق بوری ایچنده تسخین اولندقدن حمض ثانی کبریت حاصل ایدرک جیوه تصعد ایدر. اسپانیاده المعدن، اوستریاده ایدریا Idria وکالیفورنیاده یکی المعدن نام محملدره چیقار. ممالک محروسه دن سلاویک ولایتده اوچ موقعده وبوسنده دخی زنجفره کشف اولنمشدر. طبیی زنجفره دن باشلیجه جیوه اخراج اولنوب زنجفره نام بویایی دخی اندن اعمال ایدرلر .

ره آلغار (۲) Réalgar، زرنیخ احمر

جمله واحدالفراشدندر، بلور حائده وغللیظ اولهرق ظهور ایدوب آچیق قرمز رنگده وباللومی بارلاقلغنده ونیم شفافدر. غیر متطرق وچیزکیسی طو-رونجی رنگده در. ص = ۱,۵-۲، ف = ۳,۶ و ترکیب کیمیوسی کبریت

(۱) (مولیبدآینا) یونانجه قورشون کولچهسی دیکدر. (۲) قدیم کیمیاگرلر دن یعنی کیمیای باطل اصحابدن ویرلش بر اسمدر.

آرسنیک ($As S$) اولوب یوزده ۷۰،۱ آرسنیک حاملدر. کمور اوزرنده حملاج ایله اوفتوز ایسه قولای مذاب اولور و صاریه مائل علو ایله یانوب آرسنیک قوقوسی ویرر. ضیانک تأثیری ایله ره آغار طورونجی صاری بر توزه منقلب اولور. مجازستانده ترانسیلوانیده و حارچه چقار .

اورپیمان (Orpiment، زرنيخ اصفر)

جمله معینه ندر و بلوراتی ناردأ تقریق اولنسه حق کیدر، فقط قابل تفلیق اولوب سطوح تفلیقیه سی اوزرنده لمعان صدفی موجوددر ؛ غیر متطرق اولوب اکثراً غلیظ ورنکی لیونی صاری بمضکره طورونج صاریسند و بالمومی کبی پارلاقدر و چیزکیسی لیونی صاریدر. $ص = ۱،۵ - ۲$ ، $ف = ۳،۵$ ترکیب کیمیویسی کبریت آرسنیک ($As^2 S^3$) اولوب یوزده ۶۱ آرسنیک حاویدر. اکثراً ره آغار ایله برلکیده ظهور ایدر. ممالک شاهانه دن وان ولایتنده چوله مرک قضااسنده و قوصوه ولایتنده رستار ناحیه سند و سلانیک ولایتنده درت موقعه وانا طولیده اسپارطه جوارنده وها سائر یرلرده بولور. ره آغار واورپیمان معدنری قطنو باصمه سند، بویاجیلقد و صنایع ناریده و سارنده استعمال اولوب تجارتده قرمزی و صاری آرسنیک جای نامیله سوریلور .

آنتیمونیت Antimonite یا خود استین Stibine، آنتیموان معدنی

جمله معینه دندر، بلوراتی اکثراً ستون وایکنه شکلنده و بونلرک اتهاری نادرأ محدود اولوب جو قکره دمت کبی مجتمع اولورلر . الیافی انتساجده و بعضکره کثیف اوله رق دخی بولور . غایت قولای قابل تفلیقدر و سطوح تفلیقیه سی اوزرنده بر پارلاق موجوددر . رنکی قورشونی، بعضکره سیاهمتراق ویا صاری ویا خود اوزری الاجه اولور. غیر متطرق و چیزکیسی قویو قورشوئیدر. $ص = ۲$ ، $ف = ۴،۶$ ترکیب کیمیویسی کبریت آنتیموان ($Sb^2 S^3$) و یوزده ۷۱،۸ آنتیموانی حاملدر . عادی موم علونده مذاب اولور .

(۱) لاتیجده auri pigmentum کله رندن مأخوذ اولوب آلتون رنگنده دیمکر .

آنتیمونیت مجارستانده، چارچ ده. ساقسونیاده و فرانسه مالکندن اوورنده و بورثو اطه سنده چقار. ممالك شاهانه ده سکسانی متجاوز، واقعه بولنه رق اوورپایه اخراج اولنور. باشلیجه خداوندکار ولایتده اینه کول قضایی و طوشانی ناحیه سی، آیدین ولایتده اوده مش قضایی و ساقز و مدلولو جزیره لری، سلانیک، ادرنه، قوصوه، طربزون و لایتلرنده و قره سی سنجاغنده چقار. خالص آنتیموان بیوک مقیاسده اوله رق انجق آنتیموانیت معدندن استحصال اولنور و بو عملیات جوهری اریتمکله اولور.

بسموتین Bismuthine

جمله معینه دن منشور قائم شکلنده بوانوب بلورای آنتیمونیتده اولدینی کبی ستون و ایکنه کبی اوزوند و آنتیمونیت ایله متشابه الاشکالر لکن اکثریا غلیظ و صاجلمش اوله رق و یا خود انتساج الیانی و یا صفیحیده بولنور و غایت قولای قابل تقلیدر. رنکی قورشونی و یا قلاهی بیاضنده و اوزری صاریتراق و الاچه اولور؛ غیر متطرقدیر. $ص = ۲ - ۲,۵$ ، $ف = ۶,۴$ و ترکیب کیمیوسی کبریت بسموت ($Bi^2 S^3$) اولوب یوزده ۸۱,۲۵ بسموت موجوددر. بوهمیاده، اسوچده و انکلتزده چقار. کمور اوزرنده تسخین اولندقدنه بسموت حبه سی حاصل اولور.

(۲) کبریتو املاحی

پیرارژپریت ^(۱) Pyrargyrite، قرمزی کموش

جمله مسدسیه دن معین محجم شکلنده و لعل و یا قویو قورشونی رنکده و الماسی لمعانه اولوب غیر شفاف و چیزکیسی کیراز قرمزینسده در. $ص = ۲$ ، $ف = ۵,۸$ و ترکیب کیمیوسی آنتیموانلی کبریت فضه ($Ag^3 Sb S^3$) اولوب یوزده ۵۹,۹ کموشی حاملدر. غلیظ و صاجلمش اوله رق دخی ظهور ایدر. بوهمیاده،

(۱) یونانجه (پیر) آتش، (آرکیروس) کموش دیکدر و معدنک قرمزی اولمندن غلطدر.

هارچده، ساقسونیاده فرایبرکده واسوچده جیقوب کموش استحصالنده استعمال اولنور .

پروستیت^(۱) Proustite، آرسنیقلى کموش

جمله مسدسیه دن معین مجسم شکننده اولوب، پیرازیریت ایله متشابه الاشکالر . نیم شفاف، رنکی اجیق قرمزی، لمعانی الماسی اولوب چیزکیسی کیراز قرمزیدر، ص = ۲، ف = ۵،۵، ترکیب کیمیویسی آرسنیقلى کبریت فضه $(Ag^3 As S^3)$ اولوب یوزده ۶۵،۴ کموشی حاملدر. اشبو معدن پیرازیریت ایله برلکده اوله رق بولنور ایسه ده نادر ظهور ایدن معدنلردندر . بوندن دخی کموش چیقاریلور .

بورنونیت^(۲) Bournonite

جمله معینه دن منشور شکننده ویا کثیف وحبوی انتساجلرده ظهور ایدوب رنکی چلیک ویا تیموری سیاه، مکسری صدفی ویا غیر مستوی، ص = ۲،۵ - ۳، ف = ۵،۷ - ۵،۸، ترکیب کیمیویسی قورشون، باقر، آنتیموان وکوکوردن $(Pb Cu Sb S^3)$ عبارت اولوب یوزده ۴۲ قورشونی و ۱۳ باقری حاملدر . هارچده وانکلترده چیقار .

پاناباز^(۳) Panabase، قیرباقر، آلمانجه : فال ارچ Falherz

جمله مکمیه دن اکثریا ذواربعة السطوح شکل ناقصنده وبونک ترکیب بیلوریسنده (شکل ۳۴ و ۳۵) ظهور ایتدیکندن (تترائدریت) Tetraedrite اسمعی دخی ویررلر . جو فکره غلیظ وصاچلمش اوله رق دخی بوانوب غیر متطرق، رنکی قیر وکول رنکی ویا تیموری سیاه وچیزکیسی سیاهددر . ص = ۳ - ۴، ف = ۴،۵ - ۵،۳، ترکیب کیمیویسی پک قاریشیق اولوب باقر ایله کبریت و آنتیموان

(۱) فرانسسز کمیا کرلرندن مسیو (پروست) نامنه تسمیه اولنشدر . (۲) عام بلورات ارباشندن فرانسه لی قونت (بورنون) نامنه در . (۳) یونانجه دن مأخوذ (کافه اساسلر) معناسته اولوب پک چوق جنس مواد کیمیوییی حامل بولنشدن غلطدر.

و آرسنیک ایله کبریتدن عبارتدر . باقر دائماً موجوددر فقط بر قسمی یرینه
کموش، حیوه، توتیا و تیمور قائم اوله بیلور . قویو رنگده اولان پانا باز جنسلرنده
باشلیجه آنتیموان بولنوب بعضاً هیچ آرسنیک بولنمز، فقط ینه بولنر دخی کموشی
حامل جنسلردر .

پانا باز معدنلری مجارستانده واقع قاپنیک ده، هارچده، ساقسونیاده واقع
فرایبرکده وانکلترده جیقوب باقر، کموش و حیوه استحصالنده مستعملدر .

استفانیت (۱) Stephanite

جمله معینه دن منشور قائم شکننده و یاخود غلیظ و صاچلمش اوله رق دخی
بولنوب غیر متطرق، مکسری صدفی و یا غیر مستوی، رنگی تیموری سیاه و لمعانی
معدنیدر . ص = ۲،۵، ف = ۶،۲ — ۶،۳ و ترکیب کیمیویسی کموش، آنتیموان
و کبریتدن (Ag^5SbS^4) عبارت اولوب یوزده ۶۸ کموشی حاملدر . ساقسونیا
و مجارستان مالکنده ظهور ایدرک بشقه معدنلر ایله برلکده کموش استحصالنده
قولانیلور .

پولیا زیت (۲) Polybasite

جمله معینه دن منشور قائم و یا لوحه شکننده اولوب کثیف و صاچلمش
اوله رق دخی بولنور . رنگی تیموری سیاه، لمعانی معدنی؛ ص = ۲،۵، ف =
۶،۰۸ — ۶،۲ و ترکیب کیمیویسی کموش، آنتیموان و کبریتدر (Ag^9SbS^6) .
چوقکره آنتیموانک بر قسمی یرینه آرسنیک و کموشک بر قسمی یرینه باقر کله
بیلور . یوزده ۶۷ — ۷۲ کموشی حاملدر .

(۱) اوستریا پرنسلرندن آرشیدوق استفان نامنده در . (۲) یونانجه دن مأخوذ اولوب کثیر الاساس
دیگدر .

اوچنچي صنف

— حمضات —

حمضات ايکي ۽ ٻي منقسم اولوب برينہ بلاماء حمضات وديکريئہ بلاماء حمضات تسميه اولنور .

(۱) بلاماء حمضات

صو

مايع اولديغندن بي شڪلدر وکشافتي = ۱ اولوب دکر صوينک کثافتي ايسه ۱,۰۲۸ قدر اولور . صو رنگسز ايسه ده انجق چوق مقدار ده بولنوب کيرلي اولمديني حالده يشيلمتراق ماوی کورينور وضياي بسيط اوله رق کسر ايدر . ماء مقطرک ترکیب کيميويسي مولد الحموضه ايله مولد الماء يعني حمض مولد الماء در (H_2O) .

صو انجماد ايدر ايسه بوز، قار وقيراغی کي ترسبات جويه حاصل اولوب بولنرک کافه سی جمله مسدسيه دن بعضاً غایت باصیق معين مجسم شکلنده وبعضا دخی ايکنه کي اينجه اهرام شکلنده اولور وچوقکره ايکيز واوجلو ودردلو توأملری دخی کوريلور . طوبرلاق دانه لرده اولديني حالده (طولو) تسميه اولنور . بوز مغاره لرده طامله طاشی کي اشکال دخی آلور . ص = ۱,۵، ف = ۰,۹۱۸، اولوب تمیز بوزک ترکیب کيميويسي صوده اولديني کي (H_2O) در .

کوپريت (۱) Cuprite، قرمزی نحاس

جمله مکميهدن واکثريا ذو ثمانية السطوح، ذواتی عشر المعينه و مکعب شکلدرند ويا بولنرک ترکیب بلوريسنده ظهور ايتديکی کي بعضکره دخی ايکنه کي اينجه واوزون بلورلرده اوله رق بولنوب (نحاس جيچکی) نامی الور

(۱) لائينجه (کوپروم) باقر ديمکدر.

واستحاله کاذبه اوله‌رق باقر شکلی دخی اخذ ایدر . لکن چوقکره حبوی وکیف انتساجده و غلیظ اوله‌رق دخی ظهور ایدر . رنکی قرمزی، بعضکره ماویمتراق سنجابیدر و غیر شفاف و بعضاً نیم شفاف اولوب چیزکیسی اسمرمتراق قرمزیدر . ص = ۳,۵ - ۴، ف = ۵,۷ - ۶ و ترکیب کیمیویسی حمض نحاسی (Cu^2O) اولوب یوزده ۸۸,۸ باقری حاملدر . اکثراً برابرنده (مالاخیت) نام معدن دخی بولندی کبی کندوسیده بعضاً بو معدنه تحول ایدر . فرانسه‌ده لیون جوارنده شه‌سی ده ، انکلتره ده ، مجارستانده ، اورالده ، آلتایده و ممالک محروسه‌ده چیقار و پک مهم باقر معدنی اولوب سائر باقر معدنلریله برلکده اذابه اوله‌رق باقر استحصال اولنور .

قورندون (۱) Corindon

جمله مسدسیه دن معین مجسم شکلنده تبلر ایدوب بلوراتی برطرفدن یابیشق و یاخود هر جهتی متبلر اوله‌رق اراضی متقلده ظهور ایلدیکی کبی اوفقی حبلی انتساجده اوله‌رق دخی بولنوب (زمپره) Émeri نامی الور . قورندونک شفاف و متبلر جنسلرینه ، اگر ماوی رنکده ایسه (صفیر) ^(۲) Saphir یاخود (کوک یا قوت) و اگر قرمزی رنکده ایسه (قرمزی یا قوت) یاخود (روبی) ^(۳) Rubis تسمیه ایدر لر و بولنرک ایکسیننده ده ایکی رنکلیک خاصه‌سی واردر . طونوق و غیر شفاف اولان جنسلری قابل تقلیدر . ص = ۹، ف = ۳,۹ - ۴ و ترکیب کیمیویسی حمض آلومینیوم (Al^{2}O^3) در .

قرمزی و ماوی یا قوت غایت مقبول مجوهراتدن اولوب اکثراً هند شرقی و سیلان اطه‌سندن و طونوق جنسلری آمریقادن وینه هنددن کلور . زمپره معدنی ایسه برابرنده بر مقدار حدید و قنطاریسی بولنور ظهور ایدوب طاشلری بیله مکه واشیای سائرینی جلا ایتمکه قوللانیلور . زمپره ممالک عثمانیه‌نک الک مهم معدنلرندن بری اولوب آیدین . ولایتده کوش طاغنده میقاشیست ایچنده مرمر

(۱) هند لساندن مأخوذدر . (۲) عبرانییه (سایپر) ، یونانیجه (سافایروس) دیو بر ماوی مجوهره دینور . (۳) لاتیجه (روبر) قرمزی دیمکدر .

ایله برابر اوله رق اوتوز موقعده، و سلالنیک ولایتده اون قدر موقعده چیقوب کلی مقدارده انکلتزمیه و بتون اوروپایه کوندریلور. جزائر یونانیهدن ناقسوس آله سنده و آمریقای شمالیده دخی پک چوق زمیره چیقار. زمیره معدنک برابرنده (دیاسپور) نامنده بر معدن بولنوب محلنده اندن دخی ذکر اولنه جقدر.

اولیژیست^۱ Oligiste یا خود هایتیت^۲ Hématite

جمله مسدسیه دن معین مجسم شکلنده تبلر ایدوب استحال کاذبه اوله رق ماغنیت، پیریت، سیده روز و سائر بعض معدنلرک شکلرینی اخذ ایدر. چوق فکره الافی انتساجده و قبوقلی اوله رق دخی بولنوب (قرمزی هایتیت) و ایخه پیراق و یاخود رقیق پول حالنده اولان جنسلرینه (تیور میقاسی)، کثیف و طبراق کبی اولوب کیل ایله مخلوط بولنان جنسلرینه ده (قرمزی اوقر) Ocre rouge تسمیه اولنور.

اولیژیستک تبلر ایدن جنسلری تیموری سیاه رنگده و غایت پارلاق معدنی لمعانه و اووزری چوق فکره آلاجه اولور. دیگر جنسلری ایسه آز چوق قرمزیمتراق اسمر و بعضکره چلیک رنگنه مائلدرلر. کافه جنسلرینی آز مقناطیسی اولوب چیزکیلی قان کبی قرمزیدر. $ص = ۵,۵ - ۵,۶$ ، $ف = ۵ - ۵,۳$ و ترکیب کیمیویسی باشلیجه حمض حدید (Fe_2O_3) اولوب یوزده ۷۰ تیموری حاملدر.

اولیژیست غایت مبذول بر تیمور معدنی اولوب کوزل بلور شکلنده اوله رق البآله سنده بولنور. دیگر جنسلری اسوچرده غریزون قانتوننده، و چیچک کبی مجتمع اولدینی حالده (تیور کلی) نامیلله سن غوتارده، فرانسه ده ووژ و اوورن طاغلرنده و مالک شاهانه تیمور میقاسی اوله رق قوزان طاغلنده

(۱) یونانیهدن مأخوذ اولوب آز دیمکدر زیرا بو معدنده تیمورک مقداری ماغنیت معدنندن دها آزدرد. (۲) یونانیجه (هایما) دن مأخوذ اولوب قان دیمکدر زیرا چوق جنسلری قان کبی قرمزی اولدینی کبی اسکی زمانده قان طاشی نامیلله قانی دیندیریجی بر علاج عد اولنور ایدی.

بغچه جك نام محله و عادی جنسری از میس جوارنده و اناطولی و روم ایلی قطع لرینك پك چوق محلرند چقار . اوروپاده تیمور استحصالنده قوللانیلوب قرمری اوقر تسمیه اولنان جنسیده طبراق بویاسنده و قرمری قورشون قلملرند استعمال اولتور .

ایلمه نیت^۱ Ilménite، تیتانی تیمور، آلمانجه: تیتان آیزن Titaneisen
جمله مسدسیه دن معین مجسم شکلنده فقط اکثرا کیف پارچه لرده و یاخود قوم ایچنده دانه حالنده ظهور ایدوب رنکی تیموری سیاه، لمعانی آز معدنی، چیزکیسی سیاه و یا اسمر و مکسری صدقیدر و قابل تقلیدر. ص=۵-۶، ف=۵۶-۵۲، ترکیب کیمیوسی حمض حدید ایله حمض تیتاندن عبارتدر $(\text{Ti}^{2\text{O}^3} + \text{Fe}^{2\text{O}^3})$ و تیتانك مقداری ۲۰،۱۳-۴۲،۵۹ و تیمورك مقداری ۵۷،۴۱-۷۹،۸۷ اوله بیلور، آز مقناطیسیدر . پك چوق محلرند كرك بعض احجار و لقانیه دروننده و كرك قوم حالنده اوله رق بولنور .

براونیت^۲ Braunit

جمله مربیه دن اکثرا ذو ثمانية السطوحه غایت یقین اوفق اهرام شکلرند و بعضاً دخی غلیظ اوله رق حبوی انتساجده ظهور ایدوب رنکی اسمر متراق، لمعانی معدنی و چیزکیسی اسمر درر. ص=۶-۶۵، ف=۴،۷۵ و ترکیب کیمیوسی حمض مانغاز $(\text{Mn}^{2\text{O}^3})$ اولوب یوزده ۶۹،۶۲ مانغازی حاملدر . اسوچده و آلمانیاده تورنژده واقع ایلمناوده بولنور .

قوارس^۳ Quartz، چاقق طاشی، صوان

جمله مسدسیه دن اولوب اکثرا منشور ایله اهرام مرکبدر و یاخود اهرام کندو باشنه و یاخود معین مجسم ایله مرکب اوله رق ظهور ایدر (شکل ۷۲) .

۱) ایلمن طاشی نامنده در . ۲) غوتالی مسیو (براون) اسمنده بر ذاتك نامنه در . ۳) قوارس لفظی آلمانیاده قدیم دنبرو مستعمل اولوب معنای لغویسی معلوم ككدر .

منشور لرك سطحى اوزرنده محور اصلیه عمود چیزكیلر بولنور و چوقكره سطوح بلوریه سی متوازیاً قایمش و اوزامش کبدر (شکل ۷۳). قوارس معدنی بلورلری اکثریا کوزل شكلده بولنوب اولدقجه بیوک بر حجم آله بیلورلر، فقط مکشات بلوریه و استحاله کاذبه دخی تشکیل ایتدکلی کبی چاقل طاشی، قوم و متحجراتک ماده تحجریه سی اوله رق دخی بولنور.

قوارس رنکلی ورنکسز اوله بیلوب لمعانى زجاجیدر، فقط سطوح تفلیقیه سی اوزرنده چوقكره یاغلی بر لمعان دخی ارئه ایدر. شفاف ویا غیر شفافدر و دلك و تماس ایله الکتریقلنور. $v=۷$ ، $f=۲,۵-۲,۸$ و ترکیب کیمیویسی حامض سیلیسیوم یعنی حمض ثانی سیلیسیومدر (SiO_2) و برابرنده پک جزوی مقدارده مواد سائر دخی بولنوب بولنره کوره قوارسک رنک وشفافیتی تخلف ایدر. حلاج ایله غیر قابل ذوبان اولوب انجیق پاتلار غازک تاثیریه اریر. حامض فلوئور ایچنده منحل، فقط صیجاق پوتاس محرق ایچنده غیر منحلدر (اوبالدن فرقی).

قوارس ایکی بیوک جنسه آریلور.

(۱) شفاف و غیر شفاف اولوب متبلر ویا غیر متبلر اولان قوارسلر:

شفاف و براق اولان قوارسه علی العموم (شفاف قوارسی) quartz hyalin واکر بوبلور حالتده ایسه (نجف طاشی) ویاخود (درالنحجف) cristal de roche تسیمیه اولنور.

مور رنکده اولان نجفه (جست) ویاخود (جبللقوم) (۱) واوروپا لسانلرنده (آمهتیسست Améthyste) (۲) دنیلور. صاری اولور ایسه (لیونی) ویاخود (سیتزین) Citrine نامنی الورکه آچیق لیونی اولور ایسه بزده (مکه طاشی) دنیلور. اسمر متراق و دومانلی اولان نجفه (دومانلی نجف) quartz enfumé و سیاه اولور ایسه (موریون Moryon) (۳) وپنبه اولور ایسه (پنبه قوارس) و غیر

(۱) جبللقوم یعنی بر طاعک اسمی اولرب بو طاش اوراده بولنور. ابن بیطارک مفرداتنده (جست) ویاخود (جست) نانیله تعریف اولنان طاش دخی بو اوله جقدر. (۲) یونانجه (آمهتیسستوس) سکری محافظه ایدن دیمکدر، زیرا قدیمده بو طاش سکری دافع بر علاج عد اولنور ایدی. (۳) لاتیجه (موروزوس) قرائلق دیمکدر.

شفاف اولوب سود کبی بیاض اولور ایسه (سودلی قواریس) وغیر شفاف فقط طونوق اولور ایسه (عادی قواریس بلوری) ناملرینی ویررلر .

بعضاً بر نوع قواریسک ایچنده غایت اوفق چاتلاقلر بولنوب درونی اوفق قرمزی و آلتون کبی پارلار میقا پوللری ایله مخلو اولورکه (حجر البرق) و یاخود (آوانتورین) ^۱ Aventurine نامیله معروفدر . قواریسک ایچنده غایت ایجه آمانت ایکنهلری موازی بر صورتده مفروش بولنور ایسه مذکور قواریس محذب یعنی قبلی تراش اولندقدہ اییک کبی پارلایوب (عین‌الهر) یاخود (کدی کوزی) Oeil de chat تسمیه اولنور .

کوزل نجف بلوراتی ، بعضاً پک بیوک اولدقلری حالده ، اسوچرہ ده ، فرانسه ده واقع ساوواده ودوفیه ده ، اورالده وسیلان آطه‌سندہ وممالک شاهانہ دن روم ایلیده آب هلنیک ، آناتولیده بالقار ، قوجه طاغ ، قاز طاغ ، آلا طاغ و پک اعلاسی لازستانده ویتسه ناحیه‌سندہ بولنور . هر جہتی متبلر ، براق و کوزل نجف بلورلری محارستانده مارماروش نام محلده وممالک شاهانہ دن بغدادده واقع نجفده چیقار و نجف بو طاش ایچون پک مشهور بر موقع اولوب نجف طاشی نامی دخی اورادن آلمشدر . بعضاً نجفک ایچنده قیل کبی ایجه وسیاه آمانت ایکنهلری بولنور .

آمه‌تیسست ممالک شاهانہ دن یمن ولایتده و سلانیک ولایتده واقع نوره قوبده چیقوب دومانلی نجف دخی ینہ نوره قوبده بولنور ونوره قوب طاشی دیمکله معروفدر .

شفاف قواریسردن حاصل اوله چاقل طاشلری رن نهری ایچنده وبعضی بشقه نهرلرده بولنور .

اسوچرہ ده برن شهری معدنیات موزه‌سندہ انسان بیولککنده نجف بلوراتی موجوددر .
(۲) غیر شفاف و یا نیم شفاف اولدینی حالده کثیف انتساجده بولنان قواریسلر :

(۱) (آوانتور) تصادف معناسنه اوله‌رق فرانسزجه دن المشدر ، زیرا بو طاشک تقلیدی تصادف اوله‌رق ونکدیکده بر چام قاپریقه‌سندہ کشف اولمشدر .

(یشب) یاخود (یشم) (Jaspe^۱) دیو غیر شفاف بعض قوارسلره اطلاق اولتوب اکر قرمزی اولور ایسه (قرمزی یشب) وصاری ویا اسمر اولور ایسه (یشب مصری) دنیلور . سنجابی ویا اسمر ویاخود بشقه رنگکرده اولوب یالکز کنارلرنده نیم شفاف اولور ایسه (بویوز طاشی) silex corné دنیلورکه بو چوقکره فوسیل اغاچلرک ماده تجریه سی اولور و بو حالده (آغاچ طاشی) نامی آلور . سیاه و غیر شفاف اولوب شیستی انتساجده اولان یشبه (محک طاشی) pierre de touche دنیلورکه قیوخیلر آلتون تجربه سنده قوللانورلر . عادی کشف قوارسه (سیلکس) Silex دنیلوب سنجابی واسمر ویاخود سیاه وکنارلرنده نیم شفاف اولانه (چاقق طاشی) pierre à fusil وائکلنجه (فلنت) Flint تسمیه اولتوب یوارلاق پارچه حالده اوله رق تبشیر معدنی دروننده بولنور .

نیم شفاف اولوب بیاض و ماویمتراق واسمر و صاریمتراق ویاخود سائر رنگکرده بولنان نوعلره (بلغی) یاخود (قالسه دوان) (Calcédoine^۲) تسمیه اولنور . اکر بو قرمزی اولور ایسه (سلیانی) ویاخود (قورنالین) Cornaline واکر المایشیلی رنگنده اولور ایسه (کوز بونجوخی) یاخود (براز) (Chrysoprase^۳) دنیلوب زیتونی رنگده اولور ایسه (پلازما) (Plasma^۴) واکر قویو یشیل فقط ایچنده قرمزی لکعلری وار ایسه (قان طاشی) jaspe sanguin یاخود (هلیوتروپ) (Héliotrope^۵) نامی ویریلور . بیاض و سیاه واسمر و شیرید کبی خطلری ایله منقش بولنور ایسه (اونیکس) (Onyx^۶) و عربجه (جزع) تسمیه اولنور .

بلغمینک بر مهم جنسی دخی (عقیق) (Agate^۷) اطلاق اولنان طاشلر اولوب بونلر اکثریا دائره وی درلو رنگکرده ظهور ایدر واک مشهورلری (عقیق یمانی) نامیله یمندن کلوب اوزرلرنده بعضاً درلو رنگکرده اوله رق

(۱) یونانجه اولوب اک اول (یا-پیس) نامیله (تئو فراست) حکیم طرفندن قوللانیش بر اسمدر .
(۲) اسکدارده قاضی کونیک قدیم اسمیدر . (۳) یونانجه (خریزوس) آلتون، (پرازوس) یشیل دیمکدر .
(۴) (پلازما) یونانجه شکل، اعمال اولنش شی دیمکدر . (۵) یونانجه دن مأخوذ اولوب کونش کبی پارلا دیغندن کنایه در . (۶) یونانجه پرماتی طیرناغی دیمکدر . (۷) سیلیاده بر نهرک اسم قدیمیدر .

چیچک، دال، اغاج و بلوط و هکذا رسملر بولنور. عقیقلر اکثریا یوارلاق طاشلر ایچنده ظهور ایدر. بلغمی طاشلرینی صنی اوله رق بویامق ممکندر. ازمنه قدیمده (اونیکس) نوعی (قامه) Camée تسمیه اولنان اوفق رسمی طاشلرک اعمالنده قوللانیلور ایدی. (عین البقر) تسمیه اولنان طاشلر دخی اونیکس نوعنددر.

قوارس معدنی غایت مبذول اولوب پک چوق طاشلرک اقسام مجتمعه سی اوله رق بولندی کبی کندو باشنه دخی عظیم طاغ کتله لری تشکیل ایدر. ایو جنسلری تراش اولندقدنصرکه قیومجیلقد و تزییناتده مستعمل اولوب عادی جنسلری ایسه باشلیجه جام اعمالنده صرف اولنور. قوارسک ایچنده بعضاً اوفق و خرده بینی بوشقلقلر موجود اولوب درونی بر مایع و یا حامض قاربون غازی ایله مملودر. یشم ممالک عثمانیه ده کموشخانه ده، کوتاهییه ده، اونییه ده و بودرومده چیقار.

اوپال (۱) Opale

عاری الشکلدر، غلیظ و صاجلمش اوله رق ظهور ایدر، رنگسز اولور ایسه ده علی العاده رنگلیدر، شفافدن غیر شفافه قدر جنسلری بولنور لمائی زجاجی و یا خود یاغلیدر. $ص = ۵,۵ - ۵,۶$ ، $ف = ۱,۹ - ۲,۳$ ، ترکیب کیمویسی بالماء حامض سیلیسیومدر (SiO_2). حملاج ایله مذاب اولیوب اکثر جنسلری تسخین ایله چیتدرار، صیجاق بوتاس محرق ایچنده هان کاملاً منحلدر. بعض جنسلری ینم شفاف اولوب تقزح ایدر و بونلر غایت مقبول و قیمتدار محوهراندن اولوب اسمنه (عین الشمس) Opale noble تسمیه اولنور واک ایوسی محارستاندن کلوب رنگی بیاضدر و علائم سما رنگلرینک انواعی ارائه ایدر. معدنلری محارستانک شمال طرفنده واقع (چرونیچا) نام محله اولوب تراخیت طاشی ایچنده بولنور.

(۱) یونانجه (اوپالیوس) تعبیری (دیوسقورید)ک تألیفاتده مجوهره مناسنه در.

محارساتنده چيقان عين الشمسك اك بيوك پارچه سي ۲۹۴۰ قيراط يعنى ۶,۶ گرام
وزنده اوله رق ويانه معدنيات موزه سنده محفوظدر .

(آتش اوبالي) ديو نيم شفاف اولوب صاريمتراق قرمزي رنكده اولان
اوباله ديرلر كه قرمزي وياشيلتراق بر شعشه اراؤه ايدر ومكسيقاده تراخيت
ايچنده بولنور . (هيدروفان) Hydrophane ^(۱) ياخود (عين الدنيا)
Oculis mundi بياض وغير شفاف فقط صو وياخود ياغ ايچنه براقلدقه نيم
شفاف وكوزل رنكلر حاصل ايدن اوبالدر . اوبالك بعض جنسلري ايسه
بياض ونيم شفافدر، ديكرلري بالمومي كي صاري بر رنكده ونيم شفافدر . بر
نوعيده (زجاجي اوبال) ياخود (هياليت) Hyalite ^(۲) اسميله معروف اولوب
رنكسز براق وشفافدر وصالقم ويا بورك كي شكلدرده بولنور . ديكر بر نوعه
(مهنيليت) Ménilite تسميه ايدرلر كه پارس جوارنده (منيل مونتان) ده چيقوب
اسمر ويا سنجابي رنكده يرو كي پارچه لدر . اغاجلر كه ماده تجزيه سي
اوله رق بولنان اوباله (نيم اوبال) Semiopale ^(۳) اطلاق اولنور . بر نوعه دخي
(نشم اوبالي) ديرلر كه قرمزمتراق، اسمر ويا صاري رنكلدرده اولوب ياغ كي
پارلار وغير شفافدر وبرابرنده مقداركلي حديد واردر .

تريديميت ^(۴) Tridymite

جمله مسدسيه دن لوحه شكلنده اولوب اكثريا اوچ شخصدن مركب توأملري
واردر، شفاف ياخود غير شفاف ورنكسز وياخود بياض اولور وغيث اوفق
جهجك وپول كي اوله رق لاولرده واجار ولقانيه جديده دروننده بولنور .
قوارسه بك مشاهدرد، يالكر كئافي براز آندن دوندر يعنى $۲,۳ - ۲,۲$
وتركيب كيميوسي حامض سيليسيومدر . يقين وقتلدرده كشف اولش بر
معدندر .

(۱) يونانجه (هيدور) صو، فانوس، پارلايش ديمكدر . (۲) هيالوس يونانجه جام ديمكدر . (۳) semi
فرانسزجه ده يارم معناسنه قوللايادور . (۴) يونانجه اوچز ديمكدر شكل توأميسندن كننايه .


زیرقون (۱) Zircon

جملهٔ مربعی‌ه‌دن اولوب کوزل بلورلری واردر . رنگسز یعنی براق ویا رنگلی اولدینی کبی شفافدن غیر شفافه قدر دخی جنسلری بولنور. $v=7,5$ ، $f=4,1-4,7$ و ترکیب کیمیویسی سیلیسیت زیرقونیومدر ($ZrSiO_4$) یاخود (SiO_2, ZrO_2) .

کوزل جنسلری مجوهراتدن عد اولنوب (یاقوت زعفرانی) Hyacinthe نامیله معروفدر . بونک رنگی قرمزی ولمعانی الماس کیدر وحملاج ایله قزدر- لقدمه رنگنی غائب ایدر و بویله یاغش زیرقونلر الماس شکلنده تراش اولنورق الماس یرینه سورولدیکی دخی واردر . عادی زیرقون بولانقدر ودرلو رنگارده اولور . زیرقونک قسم کلیدی سیلان آطه‌سنده نهر قوملرندن طوبلانور، فقط قیال ایچنده اوله‌رق اورال طاغلرنده، نوروچده و آمریقای شمایدیه و فرانسه‌ده دخی بولنور .

قاسیتهریت (۲) Cassitérite، قلایطاشی، آلمانجه: چین اشتاین Zinnstein

جملهٔ مربعی‌ه‌دن اولوب اکثریا اهرام ایله منشور مرکبدر و توأملری دخی بک چوقدر (شکل ۸۱) و بعضکره اورتوز بلورلرینه استحالهٔ کاذبه وقوعبولور . اتساج حبویده و غلیظ اوله‌رق دخی بولنور، نادرآ الیافیدر و بویله‌له معدنخیلر (اچاق قلابی) دیرلر . اراضی منتقله‌ده چاقل آراسنده قوم اوله‌رق دخی بولنوب (قلایطاشی) تسمیه اولنور . قاسیتهریت اکثریا اسمر ویا سیاه اولوب چیزکیسی آجیق اسمر رنگه‌در، لمعانی الماسی ویا یاغلیدر؛ $v=6-7$ ، $f=6,8-7$ و ترکیب کیمیویسی حمض رصاصدر (SnO_2) و یوزده ۸۷,۶ قلایطاشی موجوددر .



(شکل ۸۱)

(۱) بلکه jargon تعبیرندن کلورکه اسمکی فرانسیز قیویمجیلری بوتعبیری الماسه مشابه اولان طاشلرده قوللانورلر ایش . (۲) (قاسیتهریت روس) یونانجه قلایطاشی دیککدر.

قاسیته ریت آلمانیا ده آرچ که بیرکده واقع آلتبرک و چین والد (یعنی قلابی اورمان)، انکلتزه قورنوال، هند شرقیده قلابی قومی اوله رق مالاقا آله سنده و آمریقا ده قالیفورنیاده و بولیویا ده چیقوب بیوک مقیاسده قلابی استحصالی ایچون انجق معدن مذکور مستعملدر . ممالک محروسه ده سالنیک ولایتنده بولندیخی استخراج اولمشدر .

روتیل (۱) Rutile، حمض تیانی

جمله مربعیه دن اولوب قاسیته ریت ایله متشابه الاشکالدر، بلورانی اکثریا ستون وایکنه کبی اوزون اولوب تواملری دخی واردر، منشوره کوره قابل تفلیقدر . رنگی قرمزیمتراق اسمر و (نیفرین) Nigrine تسمیه اولنان جنسی سیاهدر؛ چیزکیسی صاریمتراق اسمر؛ ص = ۶، ف = ۴٫۲ ترکیب کیمیویسی حمض تیتاندر (TiO_2) . چوقکره قوارس اوزرنده یاشق و بمضکره چاقل اوله رق بولنور . اک کوزل بلورلری آمریقای شالیدن، سن غوتاردن و تیرولدن کلور . بعض مینالره صاری رنگ ویرمک ایچون مستعملدر . (نیفرین) ده یوزده ۱۰ قدر حدید دخی بولنور .

آناطاز (۲) Anatase

جمله مربعیه دن غایت سیوری اهرام شکلنده ظهور ایدوب قابل تفلیقدر، رنگی جیوید ماویسی، اسمر، صاری ویا قرمزی اولوب شفافدر؛ ص = ۵٫۵ — ۶، ف = ۳٫۸۳ — ۳٫۹۳، ترکیب کیمیویسی طبقی روتیل کبی حمض تیتاندر (TiO_2) . فرانسه ده واسوچرده بولنور .

بروکیت (۳) Brookite

جمله معینیه دن اولوب منشور قائم شکلنده و قابل تفلیقدر . رنگی صاریمتراق

(۱) لاتینیجه (روتیلوس) قرمزیمتراق معنستدر . (۲) یونانیجه دن مأخوذ اولوب بلوراتک سیوریلکندن طولانی اوزامق دیکدر . (۳) علم بلورات اربابدن (بروک) نامندهر .

اسمر، اسمری قرمنزی یاخود سنبل قرمزیدر ونیم شفاف ویاغیر شفاف اولوب
لمعانی الماسی، ص = ۶، ف = ۴،۱۲ — ۴،۱۷ و ترکیب کیمیویسی کجتلر کی
حمض تیتاندر (TiO_2) فراسده واسوچرمده بولنور .

پیرولوزیت^۱ Pyrolusite، (مانفازت)، آمانجه : براون اشتاین Braunstein
جمله معینه دن اولوب بلوراتی قیصه منشور شکنده واوزلری چیزکیلی
واوجلری یشمش کییدر، انجه الیافی وکثیف و ترابی انتساجده دخی ظهور
ایدر .

رنکی آجیق تیموری سیاه، چیزکیسی قره، ص = ۱ — ۲،۵ ف = ۴،۷
— ۵ و ترکیب کیمیویسی حمض اخیر مانفازدر (MnO_2) . المانیاده تورنر
وهارچده، ساقسونیاده وبوهیاده، ممالک عثمانیهده دخی طربزون ولایتده
واقع اردو قضااسنده، آیدین ولایتده چوق مواعده، بروسه، سلانیک وادرنه
ولایتده اورته کوی قضااسنده حیقار . یوزده ۴۰ قدر مانفازتی حاملدر
واورویاه پک چوق کوندریلور . مانفازدن مولد الحموضه وقلور استحصال
ایدرلر و بوندن بشقه بویالری زائل ایتمکده و بعض جاملری وپورسلن صیرلری
بویامقده وسائرده استعمال ایتدکلی کی تیمور اذابهسنده تیمور معدنلرینه دخی
علاوه قلنور .

اسپینل^۲ Spinelle

جمله مکبیه دن اکثریا ذو ثمانیه السطوح شکنده ویا ماغذیت ده اولدینی کی
بونک توامنده (شکل ۷۴) ظهور ایدوب بلوراتی یا طاشلر ایچنده یاپیشقدر
ویاخود اراضی منتقلهده کوشلری آز چوق یوارلش دانه اولهرق بولنور .
اسپینل مختلف رنگلرده ظهور ایدوب شفافدن غیر شفافه قدر جنسلری
واردر وشفاف اولان نوعی ضیایی بسیطاً کسر ایدر، بناء علیه آنده ایکی

(۱) یونانجه (پیر) آدئر، و (لوئو) ییقارم دیمکدر زیرا بعض جاملرک رنگی غائب اینک ایچون
صیقات جام خورینه آتیلور. (۲) قرون وسطیدن قاله بر تمبیر اولوب معنای معلوم دکادر .

رنگلیک خاصہ سی یوقدر. ص = ۰.۸، ف = ۳.۵ — ۳.۸ ترکیب کیمیوسی
باشلیجه حمض آلومینیوم ایله حمض ماغزیومدن عبارتدر (MgO, Al_2O_3).

قرمزی اسپینل جواهرچیلکده پک مقبول برطاش اولوب قویو قرمزی
اولور ایسه (لعل) Rubis spinelle واکر پنبه اولور ایسه (پنبه یاقوت)
Rubis - balais^(۱) تسمیه ایدرلرکه هند شرقیده و سیلان آله سنده اراضی
منتقلده بولنور. بر نوعی دخی واردرکه اسمنه (پلهئوناست) Pléonaste^(۲)
دنلوب رنکی اسمر ویا سیاهدر و ترکیب کیمیویسندہ تیمور واردر وینه سیلان
آله سنده، وزوده، آوستریاده واقع تیرولده و بلورلری بر قاج سانتیمتر
جسامتندہ اولهرق آمریقای شمالیده جیقار.

قرومیت^(۳) Chromite، قروم معدنی

جمله مکبیهده تبلر ایدر ایسده علی الاکثر غلیظ اولهرق بولنور. رنکی
تیموری سیاه واسمر متراق سیاه، چیزکیسی ایسه دائماً اسمردر.

ظاهراً بعضکره قرومیتیه بکزه یان ماغنیت معدنندن یالکز چیزکیسی
واسطه سیله تمیز اولنه بیلور. ص = ۵.۵، ف = ۴.۵، ترکیب کیمیوسی
حدیدلی حمض قرومدر (FeO, Cr_2O_3). حدید بعضکره قسمماً مانغاز ایله و قروم
آلومینیوم ایله مقیم اوله بیلور. فرانسزلر بومعدنه (سیدهرو قروم) Sidérochrome
یعنی حدیدلی قروم دخی دیرلر.

قرومیت اکثریا سرپانتین طاشی دروننده اولهرق آوستریاده، آمریقای
شمالیده و اورالده جیقوب قروم مستحضراتنه صرف اولنور مهم بر معدندر.
ممالک شاهانده پک چوق قروم معدنی بولنوب اورویاه سنوی کلی مقدارده
کونده بیلور واک اعلاسی بروسه ولایتندہ طاغ آردی معدننده جیقوب از میر

(۱) اک اول اون اوچنچی عصرده بر وندیکی طرفدن هند شرقیده (بالازیا) نام محله کشف
اولغشدر. (۲) یونانجه (پلهئونازما) فضله وزائد دیکدر بوده ذوئمانیه السطوحک بشقه اشکال ایله ترکیب
ایتدیکنده سطوح کثیره حاصل ایتمسندن غلطدر. (۳) یونانجه (خروما) رنگ، یویا دیکدر و حقیقتاً
بعض قروم مرکباتی غایت شدید رنگلدندر.

ولایتند، سالنیک ولایتند کسندره قضاسی، وقسطمونی ولایتند ودها سائر
محللرده دخی ایو قروم معدنی بولنور .

ماغنتیت^(۱) Magnétite، حدید مقناطیسی

جمله مکسیده دن اکثریا ذو ثمانية لسطوح ایله ذواتی عشر المعینیه شکلنده متبلر
اولوب (شکل ۳۲) چوقکره بوایکنجی شکلک سطحاری قطر اکبره کوره
چیزکیلر ایله مستوردر . ذو ثمانية لسطوحک توأملری دخی کوزل بلورلر اراؤه
ایدر (شکل ۷۴) . استحاله کاذبه اوله رق اولیژیست ولیمونیت معدنلرینه تحویل
ترکیب ایده بیلور . اکثریا حبوی وکثیف انتساجلرده ویا صاجلمش اوله رق
ویا خود اراضی منتقلده قوم حالنده اوله رق ظهور ایدر . رنگی سیاه ولمعانی
آز چوق معدنی، کندوسی غیر متطرق وچیزکیسی سیاهدر . غایت مقناطیسیدر
وبو خاصه باخصوص نیم تحلل ایتش نوعلرنده قوتلیدر وچوقکره قطیت دخی
موجود اولدیفندن (طبیعی مقناطیس) دخی دیرلر . ماغنتیت جبال اصلیه
طاشلرنده ظهور ایدوب اک مهم تیمور معدنیدر وکللی مقدارده اوله رق اسوچده
واقع (دانه مورا) ده ونور وچده واقع (آراندا) ده اورال طاغلرنده وآمریقای
شمالیده الح چیقاریلور . کوزل بلوراتی پیه موندن کلور .

ممالك شاهانه ده کوچک و بیوک صماقوده سیه نیت ایچنده وقوم اوله رق
نهرلرک ایچنده و دیار بکرده زیبان معدنی و دیر بکی معدننده بیوک طبقه لرده
وادرمید جوارلنده ودها بعض مواقعده چیقار .

مشهور (پلین) نک روایتنه کوره مقناطیسک کشفی آناطولیده تروواده (ادا) طاغنده (بو
کونکی قازطاغ) و دیگر بر روایتنه نظراً مغنیسا جوارلنده (ماغنز) نامنده بر چوبان طرفندن
وقوع بولوب مذکور چوبان حیوانلری اوتلانیدی ائشاده عصاسنک تیموردن اولان اوجی
وچاریفنک چوبلری بفتنه^(۲) پره یاشمشدر . مقناطیس ابره سی اک اول ۱۱۹۰ سنه میلادی .
سندره فرانسه شاعرلندن (کیو) نامنده بر ذاتک شهرلرنده تعریف اولنمش ایسه ده چینلیر
ابره ی میلاددن ۱۱۰۰ سنه اقدم قولاندقوری اکلاشلشدر . اروپا خاقی بحرده پوصله
استعمالی عربلردن اوکرشمدر .

(۱) مقناطیسدن آله در .

پک اوران (۱) Pechurane، اوران معدنی

غلظت، رنگی زفت کبی سیاه، لمعانی یاغلی و مکسری صدفی اولوب ص = ۵,۵، ف = ۶,۴ — ۸ ترکیب کیمیوسی حمض اوران ایله حمض اورانیدر (UO, U²O³) و یوزده ۸۴,۸۵ اوران موجوددر . ساقس—ونیاده و بوهیاده چیقوب بعض مینالرك و صاری رنگلرك و اوران جانك استحصالنده قوللانیلور.

(۲) بالماء حمضات

گویت (۲) Goethite

جمله معینه دن بلورلری ایکنه و صاج و یاخود ایجه لوحه شکنده و اکثریا اوفقدر . پیریت شکنده اوله رق استحاله کاذبه سی دخی کوریلور . بعضکله ایکنه لر غایت ایجه و قدیفه کبی و یاخود اوفق پولردن مرکب و یاخود کثیف انتساجده اولور .

بو معدنك رنگی صاریمتراق اسمر، قرمزیمتراق اسمر و یاخود سیاه اولوب چیزکیسی صاریمتراق اسمردر . ص = ۴,۵ — ۵,۵، ف = ۳,۸ — ۴,۲ ترکیب کیمیوسی بالماء حمض حیددر (Fe²O³, H²O) و یوزده ۶۳ حیددی حاملدر . طبق لیونیت معدنی کبی تیمور استحصالنه صرف اولور . بوهیاده و انکلتزده وسائر محللرده چیقار .

مانگانیت Manganite، آسردز (۳) Acerdèse

جمله معینه دن اولوب اکثریا ستون کبی اوزون اشکالده بولور رنگی سیاه، چیزکیسی اسمر، ص = ۴، ف = ۴,۳، ترکیب کیمیوسی بالماء حمض مانعاز (Mn²O³, H²O) در . آلمانیاده واقع هارچده واسوچده وها سائر محللرده چیقار، طبق پرولوزیت کبی استعمال اولور .

(۱) آلمانه (یغ) زفت دیمکدر . (۲) آلمانیاك الك مشهور شاعری اولان (کوتنه) نك نامنددر . (۳) یونانجه بی فائده دیمکدر.

دیاس پور (۱) Diaspore

جمله معینه دن منشور قائم و ستونی شکلدره فقط اکثر یا غلیظ و اینجه قبوقلی و یا خود الیافی کبی انتساجلدره اوله رق دائماً زمیره معدنیله بر لکده ظهور ایدوب رنگی سنجابی و یا صاری و یا خود مورمتراق پنبه و زجاجی لمعانده اولور . ص = ۵,۵ ، ف = ۳,۳۶ و ترکیب کیمیویسی بالماء حمض آلومینیوم (Al_2O_3, H_2O) در . اورال طاغلرنده ، محارستانده و یونان آطه لرندن ناقسوس آطه سیله ممالک شاهانه دن آیائلوغ و حوالیسندنه بولنان زمیره معدننک ایچنده چیقار . هیچ بر کونه استعمالی یوقدر ،

لیمونیت (۲) Limonite

تبلر ایتز، فقط استحالء کاذبه اوله رق بمضکره بشقه بلورلرک شکلنده ظهور ایدر . اینجه الیافی و کروی انتساجده اولان جنسنه (اسمر همایت)؛ بیضی الشکل اولانلره (بیضی لیونیت) *minerai oolitique*؛ اوفقی چاقل کبی دانهلرده اولان جنسنه (دانهلی لیونیت) یا خود (بون آرچ) *Bohnerz* واکر بو دانهلرک ایچی بوش اولوب بر متحرک چکر دک و وار ایسه (قارتال طاشی) *Pierre d'Aigle* تسمیه اولنوب کثیف و ترابی اوله رق بعضاً غضار ایله مخلوظ اولان جنسارینه ده (صاری اوقر) *Ocre jaune* دنیلورکه صاری بویایه قوللانیلور . لیونیتک بر جنسی دخی واردرکه بتاقلقارده حاصل اولوب (بتاقلق معدنی) *minerai des marais* نامی الور .

لیونیتک رنگی اسمر اولوب چیزکیسی صاریمتراق اسمردر، ص = ۵ — ۵,۵ ، ف = ۳,۴ — ۳,۹ و ترکیب کیمیویسی باشلیجه بالماء حمض حدیددر ($2Fe^{2+}O_3, 3H_2O$) و یوزده ۵۰ حدیدی حاملدر .

لیونیت معدنی پک مبذول بر تیمور معدنی اولوب درلو درلو تیمورلی

(۱) یونانجه دن مأخوذ اولوب طاغتی، صاچق دیمکدر زیرا حملاچ تأثیریه قزدرلدقده توز کبی طاغیلور . (۲) یونانجه (لیون) ترلا و بتاقلق دیمکدر.

معدنلرك تھللندن متھادیآ تشكل ایتمكده در بعض جنسلسرى نیمور استھصالی ایچون پك مقبول ومهم معادنندر . طربزون طاغلرینك بعض محللرنده لیونیت اذابه اولنور .

پسیلوملان^۱ Psilomelane

عاری الشكل ویاخود غیر متبلر اولوب بوبرك واستالاقیت کبی شكللرده ظهور ایدر . رنکی سیاه، چیزکیسی اسمر متراق سیاه، ص = ۵-۶، ف = ۳،۷-۴،۴ و ترکیب کیمیویسی بر بلاماء حمض مانغازدر ومانغازك بر قسمی یرینه باریوم ویاخود پوتاسیوم قائم اوله بیلور . ساقسونیاده وفرانسه ده وسائر بعض محللرده حیقوب استعمالی پیرولوزیت کیدر .

واد^۲ Vad، مانغاز کوبوک

واد بعض معدنلرك اوزرنده قبوق کبی ویا ترابی ویا کوبوك کبی اوله رق بولنوب رنکی اسمر، چیزکیسی اسمر وپارلاق وغیر منطر قدر . پارمق ایله طولددقه بویاسی حیقار . ترکیب کیمیویسی بلاماء حمض مانغاز اولوب برابرنده حدید، کلس، باریت وپوتاس واردر .

دردنجی صنف

— قلور، بروم، اییود، فلوتور املاحی —

قیا طوزی Sel gemme، دکر طوزی

جمله مکعبیه دن مکعب شکنده تبار ایدر، فقط اکثریا جبوی وکشیف وبمضکره الیافی ویا طاشلرك ایچنده صاچلمش اوله رق ظهور ایدر ومکعبه کوره غایت ایو تفلیق اولنور . بیاض اولدیغی کبی سنجابی، قرمزى، صارمتراق

(۱) یونانجه (پسیلوس) چپلاق، (ملاس) سیاه دیکدر . (۲) انکلیزجه (واد) آلمش پدیوغه دنیلور .

ونادرأ ماوی ویشیل رنکلرده دخی اولور، لمائی زجاجیدر، شفاف ونیم شفاف و طونوق اوله بیلور و غایتله ممر حرارتدر ^(۱) diathermane ولزتی طوزلیددر؛ ص=۲، ف=۲،۱-۲،۲، ترکیب کیمیویسی قلورسودیوم (Na Cl) اولوب چوقکره جزئی مقدار قلور ماغنزیوم و قلور قالسیوم دخی مخلوط بولدیغندن طوزده رطوبتی جذب ایتک خاصه سی پیدا اولور . یوز قسم صغوق و یا صیجاق صو ۳۷ قسم طوز حل ایدر ، بناء علیه بر محلول مشبوعده یوزده ۲۷ طوز موجوددر .

قیا طوزی غایت مبذول فقط پک مهم بر معدندر وچیس ، آنیدریت و طوزلی غضارلر ایله برلکده جسیم قیا وطبقه حالنده اوله رق آلپ طاعلرنده ، قارپانلرده (ویلیچقا معدنی مشهوردر) ، پروسیاده (استاسفورت) ، اسپانیاده (قوردونا تسمیه اولنان ۱۵۰ مترو ارتفاعنده و ۱ ساعت محیطنده بر جیلاق طوز طاعی مشهوردر) ، انکلترده ، آمریکای جنوبیده و اسپاده چیقار .

ممالک شاهانه ده دخی پک عظیم ومهم طوز معدنلری موجوددر و بونلرک الک مشهوری کنعری قصبه سی جوارنده ۷۰ ساعت مرهغهنده بولنان (آینه ویاغ طوزی) ناملریله ایکی جنس طوز ، حاجی بکتاش ناحیه سنده (بکتاش طوزی) اولوب، فرات حوضه سنده، عنه قضا سنده و بنغازی ولایتده وسائر پک چوق محللرده دخی چیقار .

قیا طوزی بعضاً تکرچ ایدر (efflorescence) یعنی طوپراق اوزرنده توز کبی برحالده اوله رق بولنور (مثلا اسپاده طوز چوللارنده) ویاخود ولفانلرده تصعد sublímé ایدر ویاخود صوده منحل اوله رق منبع وکوللرده (مثلا آتون کولی، آمریکای شمالیده بیوک طوزلی کول وبحر لوط) و دکز صوینده (بربری اوزرینه یوزده ۲،۵) بولنور . بو کبی طوزلی صولردن دخی ممالک شاهانه ده پک چوق بولندی کبی جسیم دکز ماحه لری دخی وارددر . منبع طوزی فراتک قسم عیا سنده آش قلعه، ارزنجان یقیننده کلز، یشیل ایرمق وادی سنده

(۱) یعنی حرارتی کچیرر و بو سببیدن ضعیف شعاعاتی طره لاق ایچون قیا طوزندن عدسلر دخی کسرلر.

توقاد یقیننده بولیس وچناق قلمه‌سنده طوزله صوبی وادی‌سنده مشهور طوزله منبعنده بولنور. طوزلی کولاردن اک چوق طوزی حامل اولانلر فلسطینده واقع بحر لوط (یوزده ۷,۱ طوز) وطبریہ وقونیہ ولایتده قوچ حصار ناحیه-سنده واقع ۶۰ ساعت مساحت سطحیه‌سنده اولان بیوک طوزلی کولدر (سنوی ۱۵ ملیون قیه طوز استحصال اولنور). دکز مملکه‌لرندن ازمیر، فوجیه، سلانیک، کملیک، بیروت و جزائر بحر سفیددن لنی وایمروز آطه‌لری ودها پک چوق مواقع مهمه موجوددر.

طوزک استعمالی هرکسه معلومدر، انسان و حیوان طوزسز تعیش ایده‌مز. طوز صنایعده سودا وقلور و نشادر طوزی وسائره کبی غایت مهم اجزاک استحضارنده وسائره‌ده مستعملدر.

سیلوین^(۱) Sylvine

جمله مکبیه‌دن مکب شکلنده ویا مکب ایله ذو ثمانية السطوح مرکب اولدیغی حالده بولنوب سائر خواص حکمیه‌سی قیا طوزینه مشاهددر و ترکیب کیمبوسی قلور پوتاسیوم (KCl) اولوب بعض طوز طبقه‌لرنده، مثلاً روسیاده استاسفورته و غالیجیاده و مصعد اوله‌رق و لقانلرده (وزوده) بولنور. پوتاس ملحماری استحصالی ایچون مهم بره‌عدندر.

سالمیاق^(۲) Salmiac، نشادر طوزی

جمله مکبیه‌دندر، فقط اکثریا قبوق و استالاتیت و طبراق حالنده اوله‌رق بولنوب رنگسز ویا صاری ویا خود اسمر رنگده اولور؛ غیر متطرق، ص= ۱,۵-۲,۰ ف= ۱,۵-۱,۶ و ترکیب کیمبوسی قلور آمونیوم (NH_4^+Cl) در، لزقی کسکین طوزلی اولوب و لقان آغز لرنده کی یاریقلر ارا‌سنده ولالورک ایچنده و بعض طاش کموری اراضی‌سنده بولنور.

(۱) (سیلویوس) نامنده برذاتک نامنه‌در. (۲) (سل آمونیاق) دن کلورکه فرانسزجه نشادر طوزی دیکندر.

معدنری لهلمکه و آلتون اذابه‌سنه، ماء زرین و آمونیاک استحصاله، انفیہ طاوولامغه و بویاجیلغه صرف اولنور.

سرارژپریت ^(۱) Cérargyrite، قلورفضه، بونوزکموشی
جمله مکبیه‌دن اکثریا اوفق مکعب شکلنده و اینجو رنکنده اولوب هواده
طوردیغه اسمر اولور و متطرقدرد، ص = ۱-۱،۵، ف = ۵،۳۵-۵،۴۳، و ترکیب
کیمیوسی قلورفضه (AgCl) اولوب یوزده ۷۵،۳ کموشی حاملدر. ساقسونیاده
فرایبرک، آلتای، پرو، شبلی، و مکسیقاده بولنوب چوق مقدارده چیقار ایسه
کموش استحصالی ایچون مهم بر معدندر.

برومیت Bromite، بروم فضه
جمله مکبیه‌دن اوفق مکعب و ذو ثمانية السطوح شکلرنده و یا اوفق جبهلرده
ظهور ایدوب رنگی لیون یشیلی و یاخود صاریدر. ص = ۱-۲، ف = ۵،۸-۶
و ترکیب کیمیوسی بروم فرضه (AgBr) اولوب مکسیقاده و شبلی ده چیقار
و کموش استحصاله صرف اولور.

قالومل ^(۲) Calomel، قلور زینق
جمله مربعیه‌دن اوفق و قیصه منشور شکلنده اولوب اوچلرنده اکثریا
اهرام بولنور. شفاف و لمعانی الماسی، رنگی قورشونی بیاض و یاخود صاریمتراق
بیاضدر. ص = ۱،۵، ف = ۶،۳-۶،۵، و ترکیب کیمیوسی قلور زینق (Hg^2Cl^2)
اولوب یوزده ۸۵ جیوه‌ی حاملدر. باویراده واقع (موشلاندسبرک) نام محله،
اسپانیاده المعدنده، آوستریاده ایدریاده و مکسیقاده چیقار. نادر معدنلردندر.

فلوئورین Fluorine، آلمانجه: FlusSPATH
جمله مکبیه‌دن اولوب اکثریا مکعب شکلنده و یا ترکیب بلوری اوله‌رق
(۱) یونانجه‌دن مأخوذ بونوز کموشی دیکدر. (۲) یونانجه‌دن مأخوذ اولوب ایو بال دیکدر.

بولنور (شکل ۲۸ و ۳۰ و ۳۱) و بلورلری بعضکده بیوک و کوزلدر و یالکنز باشنه ویا بر آرده طاقم اوله رق دخی ظهور ایدر، توأمـلری واردر و جبـوی و کثیف و ترابی جنسلری دخی بولنور. ذو ثمانية السطوحك سطحلرینه کوره تمامـیلـه قابل تفلیقدر. رنگسز، بعضاً شفاف فقط اکثراً درلو رنگلرده بولنوب بعضاً دخی براق و صوبی غایت تمیزدر؛ لمعانی زجاجیدر، بعض جنسلری (مثلاً قلوروفان) تسخین اولندقدده فوسفورلنور دیگر جنسلری ایسه فلوتوریت (صفحه ۳۴) ارائه ایدر. ص = ۴، ف = ۳٫۱-۳٫۲ ترکیب کیمیوسی فلوتور قالسیومدر (CaF_2)، حملاج ایله تسخین اولندقدده چیتدار.

انکلتزده، ساقسونیاده و هارچده غانقلر ایچنـده کثرتله ظهور ایدوب ایو و کوزل جنسلری قیو بحیلقدده و تزیینانده، عادیلری حامض فلوتورماء استحصالنده و معدن اذابه سنده و سائرده استعمال اولنور.

قربولیت^۱ Cryolite

جمله ذو ثلثة الفراشده تبلر ایدر ایسه ده بلورلری غایت اوفق و نادردر، اکثریت اوزره بیوک و غیر منتظم شکلرده و یاخود بیوک جبهلی و قالین قبوقلی انتساجده ظهور ایدر و قابل تفلیقدر؛ رنگی قورشونی یاخود صاریتمراق بیاضدر. قاعدهیه کوره اولان سطوح تفلیقیه سی اوزرنده لمعان صدفی واردر و بلورلری نیم شفافدر. ص = ۲٫۵-۳، ف = ۳، ترکیب کیمیوسی فلوتور آلومینیوم و فلوتور سودیومدر $[\text{Na}^6(\text{Al}^{12})\text{F}^{12}]$. حملاج ایله غایت قولای مذاب اولور.

قربولیت جنوبی غرونلاننده و اورال طاغلرنده واقع میاسق نام محله جیقوب سودا و کبریتیت آلومینیوم استحصالنده و آلومینیوم معدنی اعمالنده قوللانیلور.

(۱) یونانجه (قربوس) بوز، طوک و صفوق دیکدر، غایت قولای ارمسندن غلطدر.

قارنالیت^۱ Carnallite

جمله معینه دن منشور شکننده در فقط اکثراً طوز کبی پارچه لرده و یا خود بیوک جبهه لرده ظهور ایدوب شفاف ونیم شفاف، رنگسز و یا قرمزیمتراق اولور. ترکیب کیمیویسی قلور پوتاسیوم و قلور ماغنزیوم و صودن مرکبدر $(KCl + MgCl^2 + 6H^2O)$. پروسیاده مشهور استاسفورت طوز معدنده ظهور ایدوب پوتاس استحصالنده قوللانیلور.

آتاقامیت^۲ Atacamite، قلورلی باقر

جمله معینه ده متبلر، فقط الیافی وحبوی انتساجده دخی ظهور ایدوب ترکیب کیمیویسی قلور نحاس ایله بلماء حمض نحاسدر. شیلی ده، آتاقاماده، بولیویاده و آوستریالاده چیقار.

بشنجی صنف

— مولد الموضه املاحی —

(۱) آزوتیتلر

نیترا تین Nitratine، (سودلی کهر چله)، شیلی کهر چله سی

جمله مسدسیه دن معین حجم شکننده تبلر ایتدیکی کبی حبوی انتساجده دخی ظهور ایدر. نیم شفافدر، رنگی بیاض و یا صاریمتراق و یا خود رنگسز اولوب لمعانی زجاجیدر. ص=۱،۵-۲، ف=۲،۹، لرتی آجی اولوب دیله سرینلک ویرر. ترکیب کیمیویسی آزوتیت سودیوم ($NaAzO^3$) در. پرو و شیلی ده پک جوق چیقوب حامض آزوت و عادی کهر چله استحصالنده صرف اولنور.

(۱) مویو (قارنال) نامنده در. (۲) اتاقاما) برخلک اسمیدر.

کهرچله Nitre، سالبه تر Salpêtre، (پوتاسلی کهرچله)

جمله معینه دن منشور شکننده تبلر ایدر، مکسری صدفی، لمعانی زجاجیدر ونیم شفاف و یاخود رنکسر و بیاض اولوب ص=۲، ف=۱،۹-۲ ولزتی طوزلی وسریندر. ترکیب کیمیویسی آزوتیت پوتاسیومدر (KazO^3). طبیعی کهرچله نك بلورانی نادر اولوب اکثریتله کرج و مارن طاشلری اوزرنده و مفارمه لرده تکرر ایدرک اسپانیاده و مجارستانده و عربستانده بولسور. باروت و حامض آزوت و سائر اعمالنده مستعملدر.

(۲) بوریتلر

بوراسیت Boracite

جمله مکعبیه دن اکثریا ذواربعة السطوح و یا بونک ترکیب بلوریسنده تبلر ایدوب بلورلری اوفق فقط کوزلدر. رنکسر و بعضاً قار کبی بیاض و یاخود صاریه و یا قورشونی یه مائلدر. ص=۷، ف=۳ و ترکیب کیمیویسی بوریت ماغنزیوم ایله کلورماغنزیومدر ($2\text{Mg}^3\text{B}^8\text{O}^{15} + \text{MgCl}^2$). بلورلری جیس و آنیدیریت ایله برلکده اوله رق آلمانیا ده لونه بورغده، بیاض و کثیف جنسی قارنالت ایچنده اوله رق ینه آلمانیا ده استاسفورت معدنلرنده چیقار.

ممالک شاهانه ده چیقان بوراسیت پک مهم بر معدن ایسه ده بو نوعدن اولیوب (بوروقالسیت) Borocalcite تسمیه اولنان نوعک برجنسیدر و (پاندرمیت) Pandermite اسمنی آلوب غیر متبلر و غایت اینجه جبهلی مرمره مشابه و قار کبی بیاضدر. ترکیب کیمیویسی بلما بوریت قالسیوم ($\text{Ca}^2\text{B}^6\text{O}^{11} + 3\text{H}^2\text{O}$) اولوب قورشونی رنکده بر آلچی طاشی (جیس) دروننده اوله رق قره سی سنجاغنده پاندرمه جوارلرنده سلطان چایی نام محله پک بیوک و مخروطی الشکل یغینلرده و یوارلاق یرو کبی پارچه لرده چیقوب کلی مقدارده اورویاه کوندریلور.

تنگال^(۱)، Tinkal، بوراقس Borax

جمله واحد الفراشدن اولوب ص=۲،۵-۲،۵ ف=۱،۷-۱،۸ و ترکیب کیمیویسی ثانی بوریت سودیوم ایله صودر $(Na^2B^4O_7 + 10H^2O)$ ورنکی اکثریا بیاض و یاخود رنکسز و نیم شفافدر. لذتی آز طاتلی وقلویدر. دانه بلور حالنده وحبوی انتساجده و اکثریا بر جنس صابونه مشابه بر جسم ایله مخلوط اوله رق آسیاده تیت ده واقع بعض کوللرک کنارلرنده ظهور ایدر. صنایعده بوراقس استحصالنده قوللانیلوب بو دخی مینالرک و بعض جاملرک اعمالنده و طبدیه پک چوق صرف اولور.

(۳) قاربونیتلر

قاربونیتلرک ظاهریسی غیر معدنی، صلابتلی بشدن اشانغی و اساسی معادن تقیله دن اولیانلر رنکسز اولوب کافه سی صیجاق و بعضلری صفوق حامض کلور ماء ایله کوپورر.

کرج طاشی Calcaire، قالسیت^(۲) Calcite

بوکا (کلس) و یاخود (جیر) و آلمانجه (قالق اسپات) Kalkspath (فرانسزلرک تلفظی قالسپات) دخی تسمیه اولوب جمله مسدسیه دن معین مجسم و ذو اسطحه الاخمیه شکللرنده و بونلرک مختلف ترکیب بلور یسنده اوله رق (شکل ۷۰ و ۷۱) ظهور ایدر. توأملری واستحاله کاذبه لری دخی نادر دکلدر. تکثات بلوریه اوله رق عمومیت اوزره حبوی و کشف انتساجده اولور. معین مجسمک سطحلرینه کوره تامیله قابل تفلقدر. رنکسز ورنکلی و شفافتد غیر شفافه قدر جنسلری واردر. شعاعات ضیائییه مضاعف اوله رق فوق العاده بر صورتده کسر ایدر (صحیفه ۳۰). ص=۲،۳-۲،۶ ف=۲،۸-۲،۶ و ترکیب کیمیویسی قاربونیت قالسیوم $(CaCO_3)$ اولوب چوقکره برابرنده بشقه مواد دخی بولنور. حملاج ایله

(۱) عربیهدن مأخوذدر. (۲) لاتینجه (قالقس) calx کرج دیمکدر.

اریوب بارلاق علو ایله محترق اولور و حامض قلور ماء ایله ایصالدلدقه
کوپور .

کرج طاشنک تبلر ایدن جنسلرندن براق و شفاف اولان (اسپات مضاعف)
یاخود (اسلاندا اسپاتی) Spath d'Islande اک مهمی اولوب غیر متبلر و حبوی
و کشف انتساجده و بیاض و یاخود سائر رنگلرده بولنان جنسلرینه (مرمر)
Marbre تسمیه اولنور. بوندن بشقه (طامله طاشلری) و (الیافی کرج طاشی)
و بر مقدار غضار یاخود قوارس مخلوط اولدینی حالد (مارن) Marne و (یازی
تباشیری) دخی کرج طاشی نوعنددر. کرج طاشی طبیعتده اک مبدول معاندندن
اولوب کندو باشنه پک عظیم طاغلر تشکیل ایتدیکی کبی طاشلرک ترکیبنده دخی
بولنور و کرجلی صولرک ترسبندن توف و طامله طاشی و سائر شکلنده متمادیاً
حاصل اولمقددر.

قالسیتک استعمالی پک متنوع اولوب اک اعلاسی اسلاندا آطه سندن کلان
اسلاندا اسپاتی الات بصریده و مرمرلرک بعض جنسلری باخصوص بیاض
و حبوی انتساجده اولانلر (مثلاً قارارا مرمری) هیکل تراشلقد، دیکرلری
تزییناتده و عادیلری ابنیه طاشی اوله رق قوللانیلور. یانمش کرج طاشی (کلس
محرق) صیواجیلقد و دیوار خرچنده استعمال اولنور. کشف و طبقی قالسیت
قالدیرم طاشی و غایت صیق و دوزکون اولان جنسلری لیطوغرافیا طاشی اوله رق
مستعملدر. غضاری زیاده اولان مارنه (مارن عضاری) تسمیه اولنوب یاندقدن
صکره چیمنتو اولور. پارس جیوارنده واقع (فونتن بلو) ده ظهور ایدن کرج
طاشی قوم ایله مخلوط اولدینی حالد سیوری معین مجسملرده تبلر ایتمش
و بوسیدن قوم طاشی دیو شهرت بولمشد.

اک مشهور مرمرلر ایتالیا ده واقع قارارا و جزائر یونانیه دن پروس
آطه سندن کلور. ممالک شاهانه دخی پک چوق وایو جنسندن مرمرلر حیقار،
از جمله استانبول جوارنده فنار بفتحه سنده قرمزی مرمر، مرمره آطه لرنده
و قره سی سنجاغنده باندرمه ده، واردک قضا سنده و پک قدیم نبرو مشهور اولان

آفیون قره حصارى جوارنده واقع سینادا و کرید آطه سنده وروم ایلینک واناطولینک سائر جهتلرنده بولور . لیطوغراف طاشی اوله رق آیوالق جوارنده آیازمند، جبل لبنان، کرید جزیره سی واستانبول جوارنده جندره بوغازنده ظهور ایدر. سوریه قطعه سنک قسم اعظمی کرج طاشندن متشکل اولدینی کبی استانبول وحوالیسی دخی کرج طاشی اوزرنده واقع اولمشدر .

دولومی (۱) Dolomie

جمله مسدسیه دن معین مجسم شکلنده تبلر ایدر ایسه ده اکثریت اوزره بیوک ووافق حبه لی انتساجده ویاخود کثیف اوله رق ظهور ایدوب مکعب معینی سطحلرینه کوره، فقط قالسیت قدر مکمل اولمیه رق، تفلیق قبول ایدر . رنگی اکثریا آجیقه در، سطوح بلوریه و تفلیقیه سی صدفی برلمعان اراه ایدر .
 $3,5 - 4,5$ ، ف $2,8 - 2,9$ ، ترکیب کیمیویسی قاربونیت کالسیم ایله قاربونیت ماغنزیومدن مخلوطدر $(CaCO_3 + MgCO_3)$. برابرنده اکثریا جزوی مقدار حدید و مانعاز بولندیغندن هواده تحلل ایتدجکه رنگی اسمرلشور . حامض قلور ماء ایچنده انحق توز حالنده و تسخین ایدلد کدنصکره کوپورر (قالسیتدن فرقی). دولومی دخی طاشلر ایچنده پک چوق ظهور ایدن معاندندر واک کوزل بلورلری آوستریاده تیرولدن کلور .

ژیوبریت (۲) Giobérite، ماغنزیت Magnésite، آلمانجه: بتراسپات Bitterspath

جمله مسدسیه دن و قالسیت و دولومی ایله متشابه الاشکال اولوب معین مجسم شکلنده ویاخود حبوی و کثیف انتساجلرده ظهور ایدر. معین مجسمه کوره تمامیه قابل تفلیقدردر. رنگسز ویاقار کبی بیاض ویاخود صاری و قورشونییه مائل اوله بیلوب اگر متبلر اولان جنسنک رنگی حامل اولدینی تیموردنطولایی او قر

(۱) فرانسز ژه ولوغ و معدنیونندن مشهور (دولومیو) نامنده در (۱۷۵۰ — ۱۸۰۲)، بو ذات اک صکره پارسده تاج طبیعی موزهنده معدنیات خواجه لئی ایتمشدرد. (۲) (ژیوبر) ایتالیا حکماستندرد.

سارسی اولور ایسه (بروزیت)^(۱) Breunérite تسمیه اولنور. ص = ۴ — ۴,۵، ف = ۲,۹ — ۳,۱، ترکیب کیمیوی باشلیجه قاربونیت ماغنزیوم اولوب برابر بر مقدار حدید ومانفاز، و کشف اولان جنسنده بعضکرمه حامض سیلیسیوم (SiO_2) دخی بولنور. آنحق توز حالنده و تسخین اولندقدنصرکه حامض قلور ماء ایچنده کوپورر.

زیوبریت اولدجه نادر معادنند. آوستریاده و پروسیاده (سیلهزیا) ونور وچده ظهور ایدوب حامض قاربون و کبریتیت ماغنزیوم (انکلیز طوزی) استحصال اولنور.

سیده روز^(۲) Sidérose، سیده ریت Sidérite

جمله مسدیه دن معین محجم شکلنده بولنوب شکل مذکورک سطحلری بعضاً مقوسدر. اکثریا حبوی انتساجده و نادرأ نصف کره و بوبرک شکلنده اولوب بوبله لره (اسفرو سیده ریت) Sphérosidérite نامی ویرلر. سیده روز معین محجم سطحلرینه کوزه تمامیه قابل تغلیقدر ورنکی ساریمتراق سنجایی و ساریمتراق اسمردر و تحلل ایتدکدنصرکه اسمر ویا سیاه اولور. لمعانی صدفییه یقیندر. ص = ۴، ف = ۳,۷ — ۴، ترکیب کیمیوی قاربونیت حدید (FeCO_3) اولوب اکثریت اوزره برابرنده مختلف نسبتلرده اوله رق مانفاز، ماغنزیوم و قالسیوم بولنور. حامضلر ایچنده کوپوره رک منحلدر. یوزده ۶۲ حمض حدیدی بی حاملدر.

کشف سیده روز غضار ایله مخلوط اوله رق کره وعدسه شکللرنده و یاخود بیوک بیغینلرده اوله رق طاش کموری طبقه لرنده ظهور ایدر و اکثریا کمور ایله مخلوط اولدیفندن رنکی سیاهدر واسمنه انکلیزجه دن آلمه (بلق بند) black-band دنیلور.

سیده روز تیمور استحالی ایچون غایت مهم بر معدن اولوب آوستریاده

(۱) قونت (بروزر) اسمنده بر ذاتک نامنده. (۲) یونانجه (سیده روز) تیمور دیکدر.

وفرانسه‌ده و آلمانیا‌ده (هارج) وانکلترده چیقار . اسفروسیده‌ریت اوله‌رق انکلترده، اسقوچیاده، آلمانیا‌ده (وستفالی) و محارستانده (بانات) کور معدنلری دروننده بولنور .

سمیت سونیت^(۱)، Smithsonite، قالا مین^(۲) Calamine (حجر توتیا) جمله مسدسیه‌دن معین مجسم شکلنده فقط بلورلری نا تمامدر و اکثریا درلو انتساجلرده و کثیف و ترابی اوله‌رق ظهور ایدوب رنکی آچقدرد . $\text{ص} = ۵$ ، $\text{ف} = ۴,۲ - ۴,۵$ ، ترکیب کیمیوسی قاربونیت توتیا (Zn CO_3) اولوب یوزده ۶۵ توتیایی حاملدر . حامضلر ایچنده کوپورر . بو معدن توتیا استحصالی ایچون پک مهم اولوب آلمانیا‌ده، آوستریا‌ده و محارستانده ودها سائر محللرده بولنور . ممالک محروسه‌دن آیدین ولایتده سیدی کویی ناحیه‌سنده واقع غراب طاغنده واردر .

دیالوژیت^(۲)، Dialogite، آلمانجه : ماغان اسپات Manganspath جمله مسدسیه‌دن اکثریا معین مجسم، بعضاً ذو اسطحة الاخمیه شکلنده تبلر ایتدیکی کبی حبوی و کثیف دخی اولور . رنکی پنبه‌دن ات قرمزینسه قدر، لمعانی زجاجی و یا صدفی، $\text{ص} = ۴,۵$ ، $\text{ف} = ۳,۵$ ، ترکیب کیمیوسی قاربونیت مانغاز (MnCO_3) اولوب برابرنده جزوی مقدار قالسوم، ماغنزیوم و حدید بولنور . ساقسونیا‌ده فرایبرکده و محارستانده و آلمانیا‌ده ناساوده چیقار .

آراغونیت^(۴) Aragonite

جمله معینه‌دن اولوب بلورلری اکثریت اوزره منشور شکلنده‌در . پک چوق توأملری اولدینی کبی استوانی والیانی انتساجده و بعضاً دخی چیچک کبی بر شکله بولنور . قبوب و استلاقیت کبی اولان جنسلرینه (اسپرودل استاین)

(۱) (سمیت سون) بر مشهور انکلیر کیمیاگری اولوب ۱۸۰۳ ده اک اول بو معدنک تحلیلی بر صورت صحیبه‌ده یامیشدر . (۲) عربجه‌دن مأخوذ اولدینی مریدر . (۳) یونانجه‌دن مأخوذ اولوب شبهه دیمکدر . (۴) اسپانیا‌ده (آراغون) ولایتده پک چوق چیقادیغندناشی .

Sprudelstein یعنی (منبع طاشی)، بربری اوزرینه مفروش قبو قلدردن مرکب اولوب بیضی اولانلره (اوئولیت) یاخود (پسولیت) Psolithe تسمیه اولنور. آر آغونیت رنکسز، فقط چوقکره بیاض ویاخود صاری ویا سائر رنکلرده بولنوب شفاف، نیم شفاف ویاخود غیر شفاف دخی اولور. ص = ۳,۵ — ۴,۰
ف = ۲,۸ — ۳,۰ ترکیب کیمیوی قاربونیت کالسیومدر (CaCO_3) یعنی طبق کالسیت کیدر (ذوالشکلین، صیغه ۵۴)، حامض قلور ماء ایچنده کوبورر. حملاچ ایله قابل اذابه دکلدردر ویاقلدقدنصکره کرج کبی محرق اولور. آر آغونیت متبلر اولهرق بوهمیاده، اسپانیاده (آر آغون)، فرانسهده (داقس) و بحارستانده چیقوب چیچک شکنده اولان جنسی (تیمور چیچکی) نامیهله آوستریاده قارتیده، منبع طاشی و اوئولیت اولهرق بوهمیاده واقع مشهور قارلسبادده بولنور. — ممالک محروسهده دخی واردر، از جمله بروسه ایله چکرکه بیننده بادملی نام محله کورلمشدر. اوئولیت و منبع طاشی نوعلری ایو جلا قبول ایتدیکندن بعضی اوفق تزییناته قوللانیلور.

ویتهریت^۱ Withérite

جمله معینهدن اکثریاهرام شکندهدر و توأملری پک چوقدر، آر آغونیت ایله متشابه الشکلدر. اکثریایمرو، صالقم، بوبرک و غلیظ شکلدرده ظهور ایدر. منشوره کوره قابل تفلیق اولوب مکسری غیر مستویدر. ص = ۳ — ۳,۵
ف = ۴,۲ — ۴,۳، رنکسز اولدینی کبی آچق سنجایی یاخود صاریتراق بر رنکده دخی اولور، لمعانی زجاجیدر. ترکیب کیمیوی قاربونیت باریوم (BaCO_3) اولوب یوزده ۷۷,۶۷ باریت موجوددر. انکلترده و آوستریاده چیقوب باریت ملخی استحصالنده و صنایع ناریهده و جام اعمالنده قوللانیلور.

استرونیانیت Strontianite

جمله معینهدن منشور شکنده واهرام ایله مرکب بولنور و بولورلری طبق

(۱) بو معدنی کشف ایدن دو قنور (ویتهریک) نامندهدر.

منشور واهرام مسدسی به بکزر. آرآغونیت ایله متشابه الشکلدر. بعضا بلورلرک آرآغونیتده اولدینی کبی غایت اینجه وایکنه کیدر وانتساج الیافی دخی ارائه ایدر. رنکی سنجابی ویا صاری ویاخود یشیلمتراقدرد، لمعانی زجاجیدر، رنکسز وشفاف جنسلی دخی واردرد. $\text{ص} = ۳,۵$ ، $\text{ف} = ۳,۶$ ، $\text{۳,۸} =$ ترکیب کیمیوسی قاربونیت استرونیوم (SrCO_3) اولوب یوزده (۷۰) استرو- نیسیان موجوددر. اسقوجیاده چیقوب بعضکده استرونیسیان ملحلیری استحصالنده قوللانیلور.

سهروزیت^۱، Cérusite، بیاض قورشون

جمله معینهده تبلر ایدوب توأملیری پک چوقدر. آرآغونیت ایله متشابه الشکلدر. الیافی، حبوی، کشف و ترابی (قورشون طراغی) انتساجلرده دخی ظهور ایدوب رنکی بیاض و قورشونی ویا سیاه اولور، بعضآده رنکسزدر، لمعانی الماسیدر؛ شفاف ونیم شفاف دخی اولوب چیزکیسی بیاضدر. $\text{ص} = ۳$ — $۳,۵$ ، $\text{ف} = ۶,۴ - ۶,۶$ ؛ ترکیب کیمیوسی قاربونیت اسرب ($\text{Pb(CO}_3\text{)})$ اولوب یوزده ۸۳,۵۲ حمض اسرب موجوددر. اکثریا غالن معدنیله برلکده اولهرق بوهمیاده، ساقسونیاده، انکلتزده چیقار وسائر قوشونلی معادنله برابر قوشون استحصالنده صرف اولنور. ممالک شاهانهدن قوزان طاغی وکوش حاجی کوبی وبلغار طاغی معدنلرنده غالن ایله برلکده اولهرق بولنور.

نطرون، Soda، Natron

جمله واحد الفراشده تبلر ایدر ایسهده اکثریا بیاض ویا صاریمتراق رنکده وایکنه وقبوق شکنده اولهرق یریوزنده ویاخود بعض ولقانی طاشلرک اوزرنده تکرچ ایدر (مجارستانده دبره چین) ویاخود بعض نطرونلی کوللرده ترسب ایدر نتکم مصرده و عربستانده اولدینی کبی. $\text{ص} = ۱ - ۱,۵$ ، $\text{ف} = ۱,۴$

(۱) لاتیجه (سروسا) و فرانسیزجه (céruse) استویج دیمکدر.

— ۱،۵ ترکیب کیمیوسی بالماء قاربونیت سودیومدر $(\text{Na}^2 \text{C O}^3 + 10\text{H}^2 \text{O})$.
لذنی طوزہ مشابہ فقط یاقیجیدر. هوادہ طور دقجہ جابق تحلیل ایدر.
سودانک استعمالی پک متنوعدر: صابون وجام اعمالندہ، بویاری کیدر-
مکدہ، بویاحیلقدہ، بعض صیرلردہ، بعض بویالک استحصالندہ، برلین ماویسی
تسمیہ اولنان بویانک استحضارندہ وتوتون طاوولامقدہ وسائرہدہ قوللانیلور مهم
اجزادندر.

طرونا Trona، اورآٹو Urao

جملہ واحد الفراشدہ تبلر ایدوب اکثریا منشور شکنندہدر، حبوی وسائر
انتساجلردہ دخی بولنوب نیم شفاف ویا بیاض ویا صاریمتراق اولور. ترکیب
کیمیوسی حامض قاربون وسود وعودن عبارتدر $(\text{Na}^4 \text{H}^2 \text{C}^3 \text{O}^9 + 3\text{H}^2 \text{O})$.
آفریقادہ فزانده، مصرک نظرون کوللرنده، هندستانده واقع نظام نام محلده
چیقار. استعمالی سودانک استعمالی کیدر، فقط هوادہ تحلیل ایتدیکندن
فزانک بعض طاشسز موقعلرنده ابنیہ طاشی اولہرق دخی قوللانیلور.

آزوریت^۱ Azurite، آلمانجہ: کوپفرلازور (۲) Kupferlasur، (ماوی نحاس)
جملہ واحد الفراشدن اولوب بعضاً کوزل بلورلری بولنور، اکثریا کثیف
وتراییدر ورنکی قویو و آجیق ماوی وچیزکیسی دخی آجیق ماویدر.
ص = ۳،۵ — ۴، ف = ۳،۷ و ترکیب کیمیوسی قاربونیت نحاس وحمض
نحاس وعودن عبارتدر $(2 \text{Cu CO}^3, \text{Cu O}, \text{H}^2 \text{O})$ وپوزده ۵۵ نحاس حاملدر.
حامضلر ایچنده غلیان ایله منحلدر. بعضاً مالاخیت نام معدنہ تحول ایدر.
آزوریت اکثریا مالاخیت ایله برلکده ظهور ایدوب اک کوزل بلورلری
فرانسهده لیون جوارنده شہسی و مجارستانده مولداوا نام محلده بولنور. باقر
استحصالی ایچون مهم بر معدن اولوب کبریتیت نحاس استحضارندہ وماوی بویا
اولہرق دخی قوللانیلور.

(۱) فرانسزجہ (azur) کونک ماویستہ دیرلر. (۲) (لازور) لاجوردن آئندہدر.

مالاخیټ^(۱) Malachite، (یشیل نحاس)

جمله واحد الفراسده تبلر ایدر ایسهده بلورلری پک اندر اولوب همان علی العموم مشترك المركز قبوقلرده وانتساج شعاعیده وبوبرک واستالاتیت کبی شکلرده چیقار وکشیف وترابی دخی اوله بیلور. استحاله کاذبه اوله رق کوپریت، آزوریت ویاخود باقر شکلرینه تحول ایدر. رنگی زمردی یشیل ایله زنکار (باقر پاسی) یشیلی بیننده اولوب اینجه خطرلرده بورنکلرک درجات مختلفه سی منقوشدر؛ چیزکیسی یشیلدر. $ص = ۳-۴$ ، $ف = ۷,۳-۴$ ، ترکیب کیمیوسی اساسی قاربونیت نحاس (Cu^2CO_3, H_2O) اولوب یوزده ۵۸ باقری حاملدر. حامضلر ایچنده غلیان ایله منحلدر.

اشبو معدنک بعض جنسلری کسیلوب جلا اولندقدن عقیق وبلغمی کبی نقشلر اراڻه ابتدیکنندن ترینانده پک چوق قوللانیلور ومقبول بر طاشدر وتسیح دخی اعمال اولنور. بعضکرده غایت اینجه پیراقلره کسیلوب سائر طاشلرک اوزرینه قابلامه اوله رق قونیلور. آنتیقه باقرلرک اوزرنده حاصل اولورایسه (باتینا) یاخود (باتین) تسمیه اولنور (صحیفه ۷۰). مالاخیټ باقر ایچون غایت مهم بر معدن اولوب اورال طاغلرنده، فرانسهده لیون جوارنده، مجارستانده بانانده، انکلترهده، آمریقای شمالیده و آسترالیاده وسائر محللرده چیقار. استانبول جوارنده هکبلی آطهده دخی بولنور.

لیبیکیت^(۲) Liebigite

پک اورآن معدنی اوزرنده ویشیل بر رنگده اوله رق ادرنده بولنور. ترکیب کیمیوسی بلما قاربونیت اورآنیوم ایله قاربونیت کالسیمیومدر. حامض قلور ماء ایچنده صاری بر رنگ کسب ایدرک منحلدر.

(۱) یونانجهدن ماخوذ اولوب (مالاخه) ایه کرمجی دیکدر. (۲) آلمان کیمیالرندن مشهور (لیبیک) نامنده.

(۴) کبریتیلر
(۱) بلاماء کبریتیلر

آنیدریت^(۱) Anhydrite

جمله معینه دن اولوب بلوراتی پك نادر در، اکثریا مکعبه مشابه صفایح تفلیقیه حالنده و یاخود بیوک و اوفق جهلی و یا کشف انتساجده ظهور ایدوب رنکسز و یا بیاض و چو قکره ماوی یه و قرمز یه مائل رنکلرده اولور، شفاف و نیم شفاف جنسلری دخی واردر . $ص = ۳ - ۳,۵$ ، $ف = ۲,۸ - ۳$ ، ترکیب کیمیویسی کبریتیت قالسیومدر ($CaSO_4$) . بعضکره ترکیب صو جذب ایدرک جبیس معدننه منقلب اولور . آنیدریت اکثریا جبیس و قیاطوزی ایله برلکده ظهور ایدوب صنعی کوبره اوله رق و سرت جنسلری ابنیه طاشی اوله رق مستعملدر .

باریتین^(۲) Barytine، المانجه : شور اسپات Schwerspath

جمله معینه دن اولوب لوحه و منشور ایله پك چوق ترکیات بلوریه سی واردر . الیافی، طبقی، حبوی و کشف انتساجلرده بولتدینی کبی ترابی دخی اولور (باریت طهرانی) و قابل تفلیقدر؛ رنکسز و رنکلی جنسلری وار ایسه ده نادراً قویو رنکده بولنور؛ شفاف و نیم شفاف دخی اولور . $ص = ۳,۵$ ، $ف = ۴,۳ - ۴,۷$ ، ترکیب کیمیویسی کبریتیت باریوم ($BaSO_4$) اولوب حملاج ایله تسخین اولندقدده شدتله چیتردار . وغایت کوچ اریوب علوی صاریمراق یشیله بویار . بعض جنسلری (مثلا بولونیا طاشی) ضیایه و یاخود آتسه ترك اولندقدنصکره قرانلقده پارلار . باریتین معدنی غانقلرده اولدیفی حالده بوهمیاده، محارستانده، فرانسه ده، انکلتزده ودها سائر محللرده پك چوق چیقوب استویج تقلیدی اوله رق و یاخود املاح باریتیه نك استحصالنده مستعملدر .

(۱) یونانجه (آتیدروس) موسوز دیکدر . (۲) یونانجه (باریس) آغر دیکدر . آلمانجه سی دخی بوندن کلوب آغر اسپات دیکدر .

سکستین^۱ Célestine

جمله معینه دن اولوب باریتین ایله متشابه الشکلدر . بلوراتی اکثراً استوانی شکله اولدینی حالد طاقم تشکیل ایدرله الیافی وقبوق کبی وکیف انتساجده دخی بولنور وقابل تفلیقه در؛ رنکسز اولدینی کبی ماوی نوعلری دخی واردر وبعضاً دخی شفاف وکنارلرنده نیم شفاف اوله بیلور . $\text{ص} = ۳ - ۳,۵$ ، $\text{ف} = ۴$ ؛ ترکیب کیمیوسی کبریتیت استرونیوم (Sr SO_4) اولوب استرونیوم بعضکده قسماً باریوم ایله مقیم اولور . حملاج ایله چیتردار واولدقچه قولای مذاب اولوب علوی قرمزی به بویار (باخصوص ترجع علونده قزدرلش نمونه بر مقدار حامض قلورماء ایله ایصالدقدنصکده ایو کوریلور) .

سکستین سیچلیا آطه سنده کوکورد ایله برلکده، محارستانده، آلمانیده چیقوب اولدقچه نادر معدنلردندر و صنایعده استرونیوم مستحضراتنده قولانیلور .

آنگله زیت^۲ Anglésite، (طرناق جوهری)

جمله معینه دن اولوب باریتین و سلسنتین ایله متشابه الشکلدر . بلوراتی غایت کوچکدر وغالان معدنه استحاله کاذبه کوسترر . مکسری صدفی ورنکی بیاض، بعضاً صاری واسمرمراق ولمعانی المائی ویا دسمیدر؛ شفاف ونیم شفاف دخی ولور . $\text{ص} = ۳$ ، $\text{ف} = ۶,۲۶ - ۶,۳۰$ ؛ ترکیب کیمیوسی کبریتیت اسربدر (PbSO_4) . اسقوچیاده وساردنیاده چیقیدینی کبی ممالک شاهانه دن بلغار طافی معدنده دخی چیقوب اورا معدنچیلری پیننده (طرناق جوهری) نامیله معروفدر .

(۱) لاتینجه دن کلوب کولک معناسه در بوده بعض نوعلرینک ماوی اولمسندن غلطدر . (۲) اسقوچیاده واقع (آنگله ز) نام محلدن .

(ب) بالما کبریتیلر

میرآبیلیت^(۱) Mirabilite، کبریتیت سودیوم (ملح غلور)

جمله واحد الفراشده تبلر ایدر ایسهده طبیعتده طپراق و طاش واسکی دیوارلرک اوزرنده تکرچ ایدر وقبوق اولهرق بولنور. ص = ۱,۵ - ۲,۰
ف = ۱,۴ - ۱,۵؛ ترکیب کیمیوسی بالما کبریتیت سودیومدر $(Na^2SO^4 + H^2O)$
رنکی بعضاً بیاض اولوب شفاف و یا نیم شفافدر. علوی قرمزمتراق صاریه بویار. لذتی طوزلو آجیدر و دیله سرینلک ویرر.
میرآبیلیت بعض معدن صولرنده و طوزلو کولردده و طوز معدنلرنده قیا طوزیله برلکده و دکر صوینده بولنور. طیده و جاحیلقدده مستعددر.

چبس^(۲) Gypse، آچی طاشی Plâtre

جمله واحد الفراشدن اولوب پک چوق ترکیبات بلوریهسی وارددر. سطوح بلوریهسی بعضاً محذب اولدیغندن عدسه کبی بولرل حاصل اولور؛ توأملی دخی پک چوقدر (شکل ۸۲). چبس بلوراتی تک باشنه و یاخود کومه کبی و یاخود طاقم (چبس کلی) اولهرق بولنور ایسهده اکثریا حبوی و کثیف انتساجده، نادراً استوانی والیافی اولور، قابل تقلیددر؛ لمعانی سطوح تقلیقیهسی اوزرنده صدیدر؛ الیافی چبسده ایپک لمعانی موجوددر. چبسک شفاف ونیم شفاف جنسلری دخی وارددر. ص = ۱,۵ - ۲,۰ (شکل ۸۲)
ف = ۲,۲ - ۲,۴؛ ترکیب کیمیوسی بالما کبریتیت قالسیومدر $(CaSO^4 + 2H^2O)$
و ۴۰۰ قسم صو ایچنده منحلدر.

چبسک متبلر و شفاف جنسلرینه (مریم جامی)، حبوی انتساجده فقط

(۱) (غلورک ملح متعیزی) Sal mirabile Glaubre نامیله قدیمدنبرو معروفدر. (۲) یونانچیدن کله ایسهده عربلر طرفندن دخی استعمال اولنشددر.

نیم شفاف اولان جنسنده (صومری) نام دیگر (قیمق طاشی) ویاخود (آلباتر) Albâtre تسمیه اولنوب اشبو ایکنجی جنس قدیمدنبو تریناتده و هیکلتراشلقدده (با خصوص ایتالیا دده) قوللانیلور .

هادی و غلیظ چیس (آلچی طاشی) نامیله پک چوق ظهور ایدن بر معدندر واکثریا قیا طوزی ایله برلکده بولنور و آز یاقق ایله ترکیبنده کی صو طیران ایدر و بویه یانمش آلچی صو ایله یوغریلور ایسه تکراراً ایکی زره صو ایله امتزاج ایدرک حجمی بر مقدار بیولتور و چاقق تصلب ایدر . اشته بو خاصیه بناءً یانمش آلچی قالب، کیت، طاوان تریناتی (Stuc)، مرمر صیوالر و صنی طاشلرده ودها پک چوق شیرده مستعملدر .

یانمش و یانماش آلچی اون ایدلدکنصکره صنی ککوره اولهرق دخی استعمال اولنور .

اک کوزل چیس بلورلری اسوچرده واقع به، آوستریاده سالجبورغ، وپارس جوارنده مشهور مون مارتدن کلوب اشبو مون مارت چیسنک بلوراتی توأم شکلنده و بر اوجی سیوری اولدینی حالده دیگر اوجی ایکی قولاقلی کیدر و (میزاق تیموری) Fer de lance نامیله مشهوردر .

مملک شاهانه دخی پک چوق آلچی معدنلری موجوددر . بکتاشی طاشی تسمیه اولنوب کمر طاشلرنده و سیغاره لقلرده و سائرده قوللانیلان نیم شفاف و کوزل رنکلی طاش چیسدر . بوندن بشقه اونیه و دیاربکر و چرکش حوالیسندده قیا طوزی ایله برلکده و باندرمه جوارنده سلطان چایرنده دخی، بوراسیت معدنلرینک یتاغی اولهرق، آلچی طاشی چیقار . و بو آلچینک بروسهده واقع جامع کیرک خرچنده قوللاندینی مرویدر .

آپسومیت^(۱) Epsomite، آلمانجه: بیتزالج Bittersalz (آجی طوز) جمله معینه دندر، فقط اکثریا طیراق و طاشلرک اوزرنده قبوق کبی تکرچ

(۱) انکلترده واقع (آپسوم) معدن صولرنده بولندیفندن .

ایدر و پک چوق معدن صولرینک ایچنده دخی بولنور. رنکسز، بیاض و پنبه اولور؛ ص = ۲ - ۲,۵، ف = ۱,۷۵؛ ترکیب کیمیویسی بالماء کبریتیت ماغنزیومدر ($MgSO^4 + 7H^2O$). لذتی آجیدر.

اشبو معدن دکر صوینده و مجارستانده و بوهمیاده و معدن ص-وی اوله رق انکلتزده واقع افسومده و بوهمیاده واقع سدلیچ ده بولنور. طبد و قاربونیت ماغنزیوم استحصالنده مستعملدر. عوام بیننده انکلین طوزی دیمکله معروفدر. بروسه ولایتنده بولنش بر نمونه کورولمشدر.

مَلاَنتَهِریت (۱) Mélantérite، (زاج قبریس)

جمله واحد الفراشده تبلر ایدر، رنکی یشیلدر، شفاف و نیم شفاف اولور؛ مکسری صدفی، لمعانی زجاجیدر. ص = ۲، ف = ۱,۸ - ۱,۹. ترکیب کیمیویسی بالماء کبریتیت حدیدر ($Fe^2SO^4 + 7H^2O$). لذتی بروشدیر یجیدر. طبیعتده ظهور ایدن زاج قبریس نادراً تبلر ایدوب اکثریا استلاقتیت، صالقَم، بوبرک و قبوق کبی شکلدرده اولور. کبریت حدید معدنلرینک تحللندن حاصل اولور.

بویاجیلقد، مستحضرات کیمیویده و فرنک مرکبی اعمالنده مستعملدر.

سیانوز (۲) Cyanose، (کوز طاشی)

جمله ذو ثلثة الفراشده تبلر ایدر فقط طبیعتده ظهور ایدن کوز طاشی اکثریا زاج قبریس ایله مخلوط اولوب نادراً تامایله متبلردر و اکثریا استلاقتیت و بوبرک کبی شکلدرده و یاخود قبوق و طلا اوله رق بولنور. رنکی قویو یاخود کوک ماویسیدر و نیم شفافدر. ص = ۲,۵، ف = ۲,۲ - ۱,۳؛ ترکیب کیمیویسی بالماء کبریتیت نحاسدر ($CuSO^4 + 5H^2O$)، لذتی غایت فنادر و صوده پک قولای منحلدر و منحل ایچنه تیمور بارچهسی آتلدقده باقر ترسب ایدر.

(۱) مشهور (پلین) طرفندن ویرلش بر استدر. (۲) یونانجه دن مأخوذ اولوب کوک ماوی دیکدر.

المانیاده بعض محللرده چیقار، بویاجیلقدہ و مستحضرات کیمیوہدہ قوللا۔ نیلور۔ طبیعتده صولر ایچنده بولندینی خالدہ تیمور ایله ترسب ایتدیریلوب باقر استحصال اولنه بیلور (اسوچده). ممالک شاهانه دن تیره بولی و کره نحاسده بویله صولر موجود اولوب (روش صوبی) یرلیر طرفندن بعضاً باقر چیقاریلور.

پیزانیت^(۱) Pisanite

اشبو معدن غایت چوق نحاسی حامل بر زاج قبریس اولوب یالکر اناتولیده واقع ارغنی نحاس معدننده بولنشدرد. زاج قبریس ایله متشابه الشکلدر، بلوراتی غایت کوچک و ماوی رنگده در و صوده منحلدر. ترکیب کیمیویسی نحاسلی زاج قبریسدر.

موره نوزیت Morénosite، (نیکل معدنی)

اوفق پارچه لرده والیافی یاخود شعری انتساجده چیقوب صدفی بر مکسری واردرد. رنگی زمردی ماوی فقط اینجه ایکنه لری همان شفاف کیسدر. ترکیب کیمیویسی بالماء کبریتیت نیکلدر $(\text{NiSO}_4 + 7\text{H}_2\text{O})$ و صوده منحلدر. المانیاده واسپانیاده چیقار. ممالک شاهانه دن اردودن کله بر نمونه کورلشدرد.

مجیدیت Medjидite، (مجدی)

بک نادر بر معدن اولوب اینجی ادرنده بولنشدرد و بالماء کبریتیت اورانیوم ایله کبریتیت قالسیومدن مرکبدر.

آلونیت^(۲) Alunite، شاب طاشی

جمله مسدسیه دن معین مجسم شکلنده تبلر ایدر فقط بلوراتی غایت اوفقدرد.

(۱) مسبو پیرانی تحلیل ایتمش اولدیغندن معدنیوندن مشهور کنتوت طرفندن بو اسم ویرلشدرد.
(۲) لاینجه (آلون) شاب دیکمدر.

اکثریا غلیظ وقوارس ایله مخلوط اوله رق بولنوب بوسیدن صلابتی تزايد ایدر .
رنکسز، بیاض، صاریتراق وقرمزیتراق اولور . ص = ۳,۵ — ۴, ف =
۲,۶ — ۲,۸ . ترکیب کیمیوسی کبریتیت پوتاسیوم، کبریتیت آلومینیوم
ومائیت آلومینیومدر $[K^2SO_4, Al^2(SO_4)^3, 2Al^2H^6O^6]$ معدن نکلس
ایدلکدنصکره صو واسطه سیله شاب آله بیلور . باشلیجه روما جوارلرنده
(تولفا) ده و محارستانده چیقار وشاب استحصالی ایچون پک مهم بر معدن
اولدینی کبی صلابتدنطولایی ابو دکرمن طاشی دخی اولور .

ممالک شاهانه دن شین قره حصارده سیه نیت طاشی ایچنده پک واسع
آلونیت یتاقلری بولنوب قدیمدنبرو یعنی روملر ورومالولر زمانندنبرو
معروفدر، حتی بوندن برایی یوزسنه اقدم اورویاه یالکر استانبول وازمیر
وفرات کنارنده واقع راقه دن پک کلیتلی مقدار شاب ارسال اولنور ایدی .
شمدیکی حالد شین قره حصار معدنلری معطلدر . پارس معبادن مکتبی
کیمیا خواجه سی مسیو (ریوو) طرفندن تحلیل ایدیلان شین قره حصار
آلونیتی آئیده کی نتیجه یی ویرمشدر :

۳۵,۷۵	یوزده	حامض سیلیسیوم
۱۴,۸۰		آلومین
۱,۲۰		حض حدید
۶,۵۵		پوتاس
۶,۴۵		سود
۸,۴۰		حامض کبریت
۲۳,۶۰		تنکلس اثناسنده کی زیان
<hr/>		
۹۹,۵۵		

شاب Alun

جمله مکعبه دن ذو ثمانية السطوح شککنده تبلر ایدر فقط بلورلری طبعنده
پک نادردر، اکثریا شعری والیافی وکشیف انتساجلرده بولنور؛ رنکسز، بیاض
ویارنکلی اولور ومختلف درجه لرده شفافدر . لذتی بروشدیریحی طاتلیدر .

ص = ۲ - ۳، ف = ۱،۶ - ۲؛ ترکیب کیمبوسی کبریت پوتاسیوم، کبریت آلومینیوم و ۲۴ زره صودن عبارت اولوب پوتاسیوم یرینه بعضاً سودیوم، آمونیوم، ماغزیوم، مانغاز، ویاخود تیمور قائم اولور ویاخود بونلرک بر قاجی بردن قائم اوله بیلور. اک جوق ظهور ایدن پوتاسلی شادر. شاب تکرج حالنده کبریت حدیدی حاوی طاشلر اوزرنده (کمر، شابی شست) وولقانی محللرده بونلور.

(۵) مولیدیت و تونفستیلر

وولفینیت^(۱) Wulfénite، ملینوز^(۲) Melinose (صاری قورشون معدنی) جمله مربعه دن، جوقکره لوحه شکلنده (ترکیب بلورسی شکل ۴۸) ویاخود غلیظ اولور. رنکی اکثریابالمومی ویا بال صاریسیدر و بالمومی پارلاقلی واردر و چیزکیسی بیاضدر. ص = ۳، ف = ۶،۳ - ۶،۹؛ ترکیب کیمبوسی مولیدیت قورشوندر ($Pb MoO_4$). اوستریاده قارتی ولایتنده واقع بلایبرک معدنلرنده و آمریقای شالیده (اوتاح) ده کلی مقدار بولسوب حامض مولیدن و قورشون استحصالنده مستعملدر.

شهلیت^(۳) Scheelite

جمله مربعه دن اهرام شکلنده تبلر ایدوب وولفینیت ایله متشابه الشکلدر و اشکال ناقصه سی دخی واردر. اهرامه کوره قابل تقلیدر؛ مکسری صدفی و غیر مستویدر. رنکی بیاض، سنجابی، ویاخود صاریمتراق اولوب لمعانی الماسیدر؛ آزیم شفافدر. ص = ۴،۵ - ۵، ف = ۵،۹ - ۶،۲؛ ترکیب کیمبوسی تونفستیت کالسیومدر ($CaWO_4$). و ترکیده یوزده ۸۰،۵۵ حامض تونفستن واردر. بوهمیاده وپیه مونده چیقوب حامض تونفستن استحصال ایدر لر.

(۱) مشاهیر ریاضیوندن اوستریالی (وولفن) نامندر (۱۷۲۸ - ۱۸۰۵). (۲) یونانجهدن مأخوذ اولوب رنگندن غلط اولرق بال معناستندر. (۳) (شله) مشهور کیمیاگر ایدی.

وولفرام (۱) Wolfram ، وولفرامیت Wolframite

جمله واحد الفراشده تبلر ایدر ایسهده چو قکره غلیظ اوله رق ظهور ایدر وقابل تفلیقدر . رنکی اسمر متراق سیاه ؛ چیز کیسی اسمر ؛ لمعانی معدنی الماسیدر ؛ ص = ۵ - ۵,۵ ، ف = ۷,۱ - ۷,۵ ترکیب کیمیو یسی تونفستیت حدیددر (FeWO_4) و یوزده ۷۶,۳۷ حامض تونفستن موجوددر . برابرنده بر مقدار مانفاز دخی بولنور . بوهمیاده و ساقسونیاده و آلمانیا ده چیقار . وولفرام معدنی دائماً قلا ی معدنی (قاسینه ریت) ایله بر لکده بولنوب اندن مختلف رنکدر و وولفرام متالی استحصال ایدر لر .

(۶) فوسفوریت، آرسنیت، وانادیتلر

ویویانیت (۲) Vivianite ، (فوسفورلی تیمور)

جمله واحد الفراشده تبلر ایدر ؛ ترابی جنس لری دخی وارددر . عن اصل رنکسزدر فقط هوا ده طور دجه ماوی اولور . ص = ۱,۵ - ۲ ، ف = ۲۷ - ۲,۶ . ترکیب کیمیو یسی بالماء فوسفوریت حدیددر . انکله رده و باویراده و قریمه چیقار و بعض محللرده ماوی بویاه قوللانور لر .

قالا ییت (۳) Calaïte ، فیروزه (۴) Turquoise

اوفق و بیوک قیریق پارچه لرده و یا طمارلرده چیق دینی کبی استلاقتیت شکلنده ، غلیظ و طاشلر ایچنده بنک بنک صاچلمش اوله رق و یا خود اوفق چاقل حالنده دخی بولنوب رنکی ککوک ماویسی و یا یشیلدر و آ ز بالموی پارلاقغنده فقط غیر شفافدر . ص = ۶ ، ف = ۲,۶ - ۲,۸ . ترکیب کیمیو یسی باشلیجه بر بالماء فوسفوریت الومینیومدر و برابرنده بر مقدار تیمور و باقر دخی وارددر .

(۱) آلمانجه « وولفریک » چو ییچی و او بر دیکدر بو تعبیرده ، معدن مذکور قلا ی معدنیله اذابه اولند قده قلا یك مقدار یی آزالدیغندن غلطدر . (۲) انکلیز معدنیونشدن (ویویان) نامندهر . (۳) قالالایس (تعبیری (پیلین) طرفندن ویرلشدر . (۴) فرنکیجه (تورکوا ز) یا خود (توزکیز) دنطسته سبب فیروزه تک عثمانلور طرفندن اورویایه یانلسیدر .

فیروزه نك اعلا جنسلری مقبول مجوهراتدن اولوب عجمستانده واقع مشهددن كلور. طورسینا شبه جزیره سنده عقبه برونندن بش كونك مسافده و بحر احمر سواحلی اوزرنده دخی بر فیروزه یتاغی بولنوب ازمئه قدیمده اورادن معدن مذکور چیقارلمشدر و عجم فیروزه سنه پك مشابه در. تجارتده فیروزه دیو سوریلان طاشلرك جوغی تقلید اولوب بوده فوسیل فیل دیشنی ماوییه بویاهرق یاییلور.

آریتین^۱، Erythrine، (قوبالت چیچکی)

جمله واحد الفراشدندر، بلوراتی اوفق و صاج کبی ویا شعاعی اولور و سائر قوبالت معدنلری اوزرنده ترابی بر طلا اولهرق دخی بولنوب رنکی قرمزی، لمعانی زجاجی، چیزکیسی شفتالی چیچکی رنکنده در. $v = 1,5 - 2$ ، $f = 2,9 - 3$ و ترکیب کیمیوسی بالماء آرسنیت قوبالتدر $(Co^3As^2O_8 + 8H_2O)$.

آنابرژیت^۲، Annabergite، (نیکل چیچکی)

غایت انجه صاج کبی بلور حالنده اولهرق سائر آرسنیقلی نیکل معدنلرینك اوزرنده ظهور ایدوب معدن مذکوره نك تحلیل ایتمسندن حاصل اولور. رنکی الما یشیلی ویا یشیلمتراق بیاضدر. ترکیب کیمیوسی بالماء آرسنیت نیکلدر $(Ni^3As^2O_8 + 8H_2O)$. المانیاده چیقار.

آپاتیت^۳، Apatite

جمله مسدسیه دن اکثریا منشور واهرام شکلنده تبلر ایدر (ترکیب بلورسی شکل ۶۹). بلوراتی طولاً قیصه و استوانی و بر طرفندن پایشق اولور. حبوی، کشف و ترابی اولان جنسلرینه (فوسفوریت) Phosphorite، رنکسز و یشیل اولان جنسلرینه (قوش قونماز طاشی) Spargelstein و ماویمتراق یشیل

(۱) یونانجه قرمزی دیمکدر. (۲) المانیاده هارجده واقع (آنابرک) نام محله چیقدیغندن.

(۳) یونانجه (آپاتائو) اغفال ایدرم دیمکدر زیرا بو معدنك تشخیصده چوق وقتلر الدالیشدر.

جنسنده (موروقسیت) ^(۱) Moroxite تسمیه اولنور. آباتیت سطوح بلوریه سی اوزرنده لمعان زجاجی و سطوح تفلیقیه سی اوزرنده لمعان دسمی اراؤه ایدوب شفاف، نیم شفاف ویا کنارندن نیم شفاف اولور. بعض جنسلری تسخین اولندقدن رنگلی بر ضیا نشر ایدر (فوسفوریت خاصه سی). ص = ۵، ف = ۳،۲ و ترکیب کیمیویسی فوسفوریت قالسیوم ایله قلور قالسیومدر $(3 \text{Ca}^3\text{P}^2\text{O}^8, \text{CaCl}^2)$. قلورک یرینه بعضاً فلوئور مقیم اولنه ییلور.

آباتیت معدنی قلاهی معدنی ایله برلکده اوله رق ساقسونیاده وانکلترده بولندینی کی سان غوتارتده ونوروچده و آمریقای شمالیده (بعضاً بیوک بلورلرده) جیقار. فوسفوریت ایسه اسپانیاده، المانیاده ناساوده و باویراده، فرانسه ده و جزایرده جیقوب غایت مهم بر معدندر و فوسفور استحصالنده و باخصوص صنی کوبره لرده استعمال اولنور.

پیرومورفیت ^(۲) Pyromorphite (یشیل قورشون معدنی) فوسفورلی قورشون جمله مسدسیه دن منشور شکلنده در ویاخود غلیظ اولور. رنگی اکثریا یشیل ویاخود صاری (صاری قورشون معدنی) اولوب لمعانی بالومی بارلاقلغنده و چیزکیمی بیاض یاخود صاریتراق اسمردر. ص = ۳،۵ — ۴، ف = ۶،۵ — ۷،۱ و ترکیب کیمیویسی فوسفوریت قورشون ایله قلور قورشوندر $(3 \text{Pb}^3\text{P}^2\text{O}^8, \text{PbCl}^2)$. بعضکده غالین معدنه تحول ایدوب کیرلی قورشونی رنکده استحاله کاذبه حصوله کلور و او زمان اسمنه (ماوی قورشون معدنی) دیرلر.

پیرومورفوریت اکثریت اوزره غالین معدنیله برلکده ظهور ایدوب بونکله برابر قورشون قال ایدرلر.

(۱) یونانجهدن مأخوذ اولوب ماو یعتراق دیکدر. (۲) یونانجه (پیر) ایش و (مورفه) شکل دیمک اولوب ادا بیدن مکره شکل بلوری اخذ ایتمسندن غلطند.

وانادینیت Vanadinite

جملهٔ مسدس‌ی‌دند منشور شکنده تبلر ایدوب پیرومورفیت ایله متشابه الشکلدر. رنگی صاری واسمر، لمائی زجاجی ونیم شفافدر. ص = ۳، ف = ۶،۸۳ — ۶،۸۹ و ترکیب کیمیویسی وانادیت قورشون ایله قلور قور-شوندن عبارتدر ($3\text{Pb}^3\text{V}^2\text{O}^8, \text{Pb Cl}^2$). مکسقاد، اوستریاده، اسقوجیاده الخ چیقار.

(۷) سیلیسینتر

(۱) آندالوزیت زمردی

آندالوزیت (۱) Andalousite

جملهٔ معینه‌دند اکثریا منشور شکنده تبلر ایدر و برازیلادن کلان شفاف و قرمزنی جنسلرده اوچ رنکلیک خاصه‌سی موجوددر، عادیلری سنجابی، قرمزیمراق ویا اسمر و نادراً یشیلدر. اکثریا نیم شفاف و غیر شفاف اولوب لمائی زجاجیدر. ص = ۷،۵، ف = ۳،۱ — ۳،۲ و ترکیب کیمیویسی حامض سیلیسیوم ایله حمض الومنینوم ($\text{Al}^2\text{O}^3, \text{SiO}^2$) اولوب بعضکره، باخصوص اوستریاده واقع تیرولدن کلان جنسلری تحلل ایدوب صلابت اصلیه‌لرینی غائب ایدرک یوشاق اولور.

دیستن (۲) Disthène، کیانیت Cyanite

جملهٔ ذو ثلثهٔ الفراشده تبلر ایدوب بلورلری اکثریا اوزوندر، استوانی والیافی انتساجده دخی ظهور ایدر و قابل تفلیقدر. چوقکره کونک رنکنده اولوب (کیانیت) Cyanite نامنی الور. بوندن بشقه بیاض، صاری، اسمر ویا سائر رنکلرده دخی بولنوب (ره‌تیزیت) (۳) Rhætizite تسمیه اولنور. دیستن معدنی نیم شفاف اولوب اوچ رنکلیک خاصه‌سنه مالکدر. ص = ۵ — ۷

(۱) اک اول اندلسده بولنشدر. (۲) یونجه (استنوس) قوت دیمکدر. (۳) اوستریاده تیرول اولکهنه لاتیجه (رجیا) Rhaetia دیرلر.

(ضلعارنده یعنی کسکین اوجارنده اک سرتدر، سطحار اوزرنده دخی استقامته کوره صلابت تخلف ایدر)، $f = 3,5 - 3,7$ ترکیب کیمیویسی سیلیسیت الومنیومدر (Al_2O_3, SiO_2) . میقاشیست وقوارس طاشلری ایچنده اوله رق تیرونده، سن غوتارنده وسائر محللرده چیقار .

توپاز (۱) Topaze

جمله معینه دن استوانی منشور شکلنده تیلر ایدر و سطحلری عمودی چیزکیلر ایله مستوردر . الیافی انتساجده و طاشلرک ایچنده صاجلمش اوله رق ویا چاقل حالنده دخی بولنوب قاعده یه کوره قابل تفلیقدر . رنکسز ورنکلی اولوب اکثریا بال صاریسی رنکنده در؛ شفاف و نیم شفاف اولور؛ لمعانی زجاجیدر . $v = 8$ ، $f = 3,4 - 3,6$ ترکیب کیمیویسی برسیلیسیت آلومنیوم اولوب مولد الحموضه قسماً فلوئور ایله مقیم اولور .

برازلیا توپازلری بال کبی صاری اولوب قزدیرلدقندزکمره قرمزی رنک کسب ایدر و (برازلیا یاقوتی) تسمیه اولنور . صولوق رنکلرده ویا یشیلمتراق بیاض ویاخود ماویمتراق بیاض توپازلر اورال طاغلرندن و سبریدان کلوب اوزوم صاریسی رنکنده اوله رق ساقسونیادن کلور ورنکسز توپازلر دخی چاقل حالنده اوله رق ینه برازیلیدن کلور .

ممالک شاهانه دن مغله سنجاغنده غایت کوزل و برازیلیا جنسنه معادل توپاز بلورلری بولنور .

توپازک شفاف وکوزل رنکلی جنسلری مجوهراتدن عد اولنور . زبرجد توپاز دکلدور .

استوروتید (۲) Staurotide ، (حجر صلیب)

جمله معینه ده منشور شکلنده اولوب اکثریا حاجواری توأملر تشکیل ایدر (شکل ۷۶) . قابل تفلیق اولوب مکسری صدفی یاخود غیر مستویدر . رنکی

(۱) (توپازوس) بحر احمدده واقع بر آله ناک اسم قدیمیدر . (۲) یونانجه (استاوروس) حاج دیمکدر .

اسمرمتراق قرمزی یاخود اسمر، لمعانی زجاجی، اینجه پارچه‌لری نیم شفاف و قالین پارچه‌لری غیر شفافدر. $\text{ص} = ۷ - ۷,۵$ ، $\text{ف} = ۳,۴ - ۳۸$ و ترکیب کیمیویسی حامض سیلیسیوم، آلومین، حمض حدیدی و ماغزیادن عبارت اولوب بونلرک مقداری تخلف ایدر. غنایس، میقاشیست و غضارشستی طاشلری ایچنده بولنوب حاجواری بلوراتی واسطه‌سیله قولایلقله طانیلور. سن غوتارنده وسائر محالرده حیقار.

(۲) طورمالین زمره‌سی

طورمالین (۱) Tourmaline

جلاه مسدسیه‌دن معین مجسم و منشور شکلنده تبلر ایدوب بلورنک ایکی باشی بشقه درلو متبلردر یعنی نصفی الشکدر (۲) (شکل ۷۷)؛ منشورلر عمودی چیزکیلر ایله مستوردردر؛ الیافی جنسلری دخی واردردر. رنکسز و اکثریارنکلیدر، یشیل و اسمر اولور، اگر قرمزی اولور ایسه (روبللیت) Rubellite، ماوی اولور ایسه (آندیغولیت) (۳) Indigolite دیرلر. اک زیاده سیاه رنکده بولنوب (شورل) (۴) Schorl نامنی الور. بعضکده دخی برتک طورمالین بلورینک بر قاج رنکده اولدینی کوریلور. طورمالین شفاف نیم شفاف و غیر شفاف اولوب لمعانی زجاجیدر و ایکی رنکلیک خاصه‌سنی حامل اولوب آلتسز کوز ایله بیله فرق اولنه‌بیلور؛ تسخین ایله الکتریقلنور (۵). $\text{ص} = ۷ - ۷,۵$ ، $\text{ف} = ۲,۹ - ۳,۲$ ؛ ترکیب کیمیویسی غایت قاریشیق و غیر معین اولوب باشلیجه سیلیسیت ماغزیوم، قالیسوم، حدیده، مانناز، سودیوم، پوتاسیوم، ولیتیومدن مرکبدر و ایکی آتوم آلومینیوم یرینه قسماً ایکی آتوم باریوم قائم اولور.

قرمزی طومالین (سبهریت) Sibirite نامیله سبریاده، اورالده، سییلان اطه‌سندده و اوستریاده موراویده؛ یشیل و بعضاً ماوی طورمالین برازیلیاده، آلبا

(۱) (طورماله) سیلان اطه‌سندن کله بر اسمر. (۲) صهیغه ۲۰ به مراجعت اولنه. (۳) (اندیغور) چیوید دیکدر. (۴) اسوج لسانده Skorl قابل انکسار یعنی قولای قیریلان شی دیکدر. (۵) صهیغه ۲۶ به مراجعت اولنه.

اطه‌سند، اسوچروده؛ اسمر اوله‌رق اوستریاده قارتی‌ده چیقار. اک مبذول اولان سیاه طورمالیندرکه طاشلرک اقسام مجتمعه‌سندن اوله‌رق بولنور. طومالین استقطاب آلترنده وایو جنسلری مجوهرجیلکده قوللانیلور.

Euclase (اوقلاز^۱)

جمله واحد الفراشده تبلر ایدوب قولایلقله قابل تفلیقدر، رنکسر، یشیل وماوی اوله یلوب شفافدر، لمعانی زجاجی، مکسری صدیدر. $\text{ص} = ۷,۵$ ، $\text{ف} = ۳,۰۸ - ۳,۱۰$ ، ترکیب کیمیوسی حامض سیلیسیوم، آلومین، تراب بهریل و سودن عبارتدر. برازیلاده واورالده چیقار.

(۲) آپیدوت زمهرمی

Épidote (آپیدوت^۲)، پیستازیت^۲ Pistazite

جمله واحد الفراشده تبلر ایدوب بلورلری عمودی استوانه شکلنده در وقاعده کوره قابل تفلیقدر. رنکی اکثریت اوزر صاریه مائل یشیلدر و لمعانی زجاجیده، شفافدن غیر شفافه قدر جنسلری اولوب شفافلری ایکی رنکیلیک خاصه‌سی اراءه ایدر. حبوی والیانی انتساجده دخی بولنور. $\text{ص} = ۶,۵$ ، $\text{ف} = ۳,۳۲ - ۳,۴۵$ ، ترکیب کیمیوسی سیلیسیت کالسیوم ایله سیلیسیت الومینیوم وحیددر. اک کوزل جنسلری نوروچدن، پیه‌موندن، فرانسه‌دن (دوفینه) و اوستریادن کلور.

Idocrase (وزووین^۳، Vesuvienne، ادوقراز^۴)

جمله مریعه‌دن اولوب اشکال بسیطه و مرکبه‌سی پک چوقدر. رنکسر

(۱) یونانجه‌دن کلوب قولایلقله یاریلق دیمکدر. (۲) یونانجه‌ده (اپیدوزیس) علاوه، ضم دیمکدر شکل بلورینسک تعییننده وقوعبولان برسه‌ودن ایلروکله براصعدر (۳) فیسطقی دیمکدر، یشیل رنکده اولمیسندن. (۴) یونانجه‌دن کلوب (آیدوس) شکل، هیئت، (قرازیس) مخلوط دیمکدر زیرا وقتیه بو معدنک شکلی ایوجه بیله‌میوب (زیرقون) معدنک شکلی ظن اولغشدر.

ورنگی اولوب اکثریت اوزره یشیل و سیاه رنگه در. شفاف، نیم شفاف و غیر شفاف اولوب لمائی زجاجی و یا خود دسمیدر. $\text{ص} = ۶,۵$ ، $\text{ف} = ۳,۳ - ۳,۲$ ، ترکیب کیمیویسی باشلیجه کالسیوم و آلومینیومدر. وزوین معدنی وزو طاغنده، پیه مونده، تیرونده و بوهمیاده واقع (اکر) جوارنده بولنور

(۴) اولیوین زمهره سی

اولیوین^۱، Olivine، پریدو Pèridot (زبرجد)

جمله معینه دن اولوب اکثریا زیتونی و یا یشیلمتراق رنگه بولنور، شفاف و یا نیم شفاف اولوب لمائی زجاجیدر، $\text{ص} = ۶,۵ - ۷$ ، $\text{ف} = ۳,۲ - ۳,۵$ ، ترکیب کیمیویسی باشلیجه برسیلیسیت ماغزیومدر. اولیوینک اک کوزل جنسلسری دانه بلور اوله رق شرق مملکتلرندن یعنی مصر علیا و سیلان اطه سندن و برازیل سدن کلوب قدیم دبرو (قریزولیت)^۲ Chrysolite و بزده (زبرجد) دیو معروفدر و جواهر جلیکده قوللانیلور. بازالت طاشلری و حدید سماویلرک ایچنده چیقان جنسلسری اشاغیدر. اوستریاده استیری ده و بوهمیاده چیقان اولیوین خبره لری (یعنی حبوی و کروی پارچهلر) ایله کاملاً اولیوین سدن عبارت اولوب (شاسینی) یه سقوط ایدن حجر سماوی مشهوردر.

قالامین^۳، Calamine، همیمورفیت Hémimorphite

جمله معینه دن اولوب بلوراتی اوفقدرد و نصفی الشکلدر (شکل ۷۸)؛ درلو انتساجلرده و ترابی اوله رق دخی بولنوب رنگی اکثریا آچقدرد. $\text{ص} = ۵$ ، $\text{ف} = ۳,۵$ ؛ ترکیب کیمیویسی بالماء سیلیسیت توتیا $(\text{Zn}^{2+}\text{SiO}_4 + \text{H}_2\text{O})$ اولوب یوزده ۶۷ توتیایی حاملدر. توتیا استحصالده قوللانیلور.

(۱) زیتونی دیمکدر. (۲) تونامجه (خریزوس) آلتون، (لیتوس) طاش دیمکدر یعنی صابرمتراق یشیل طاش. (۳) بومعدن و قتيله (سمیت سوئیت) معدنيله برانکده قالامین ناميله یاد اولنور ایدی فقط بوکون اوندن آیریلوب فرانسزلر (قالامین) و المانلر (همیمورفیت) تسمیه ایدرلر زرا نصفی الشکلدر.

(۵) ویله میت زمردی

ویله میت (۱) Willémit

جمله مسدسیه دن معین مجسم شکلنده اولوب اکثریا منشور ایله ایکی باشنده معین مجسملر مرکبدر . رنگسزه یشیل واسمر اولوب شفاف ویا نیم شفافدر؛ لمائی زجاجی، مکسری صدقیدر . ص = ۵,۵، ف = ۳,۸۹ — ۴,۸ ترکیب کیمیوسی سیلیسیت توتیادر . (Zn^2SiO_4) . فرانسه ده و المانیاده و آمریقادا بولنور .

دیو بتاز (۲) Diopase

جمله مسدسیه دن اولوب اکثریت اوزره معین مجسم ایله منشور ترکب ایدر و قابل تفلیقدر . مکسری صدق و یا خود غیر مستوی، رنگی زمردی یشیل؛ نیم شفاف؛ لمائی زجاجی؛ ص = ۵,۵، ف = ۳,۲۷، ترکیب کیمیوسی سیلیسیت نحاسدر (Cu^2SiO_4) . روسیه ده قرکیز اووه لرندن کلور .

(۶) غرنا زمردی

غرنا (۳) Grenat (سیلان طاشی)

جمله مکمیه دن اولوب ذواتی عشر المعینه ویا ذوا سطحه المنحرفه شکل لرنده و یا خود بوا یکسیله مرکب اوله رق ظهور ایدوب طاشلرک ایچنده کوملمش و یا اوزرنده یا بشق و حبوی و کیف انتساجده و اراضی منتقله ده جاقل و یا دانه جک حالنده اوله رق بولنور . اک چوق قرمزی رنگنده در و (آلماندین) $Almandine$ تسمیه اولنور . یشیل غرنایه (غروسولر) (۵)

(۱) هولاندا قرالی برنجی ویله لم نامنده . (۲) یونانیجه دن کلوب ایچندن، اورتسندن باقی دیکدر زیرا بومعدنلک درونندن باقلدقدقه تفلیق اثرلری کوریلور . (۳) لاتیجه (غرانونم) دانه دیکدر . (۴) اناتولیده بوکونکی منتشا سیجاغه تصادف ایدن (قاری) ده واقع (آلاندا) یعنی عربحصار شهرنده ازمند قدیمده سوریه دن کله سیلان تراش اولنور ایش . آلماندین مپییری الاباندان غلطدر . (۵) لاتیجه (غروسولاریا) بکتابی اوزوی دیکدر .

Grossulaire صاریمتراق اسمر اولور ایسه (قائل اشتاین)^(۱) Kaneelstein یعنی (دارچین طاشی)؛ اسمر و سیاه اولور ایسه (ملانیت)^(۲) Mélanite ناملری ویررلر. غرنالرك لمعانی زجاجی ویا دسمی اولوب شفافدن غیر شفافه قدر جنسلی واردر. $ص = ۶,۵ - ۷,۵$ ، $ف = ۳,۴ = ۴,۳$ و ترکیب کیمیوسی متغیر اولوب باشلیجه سیلیسیت کالسیموم، ماغنزیوم، حدید ومانفاز ایله سیلیسیت آلومینیوم، حدید، قروم ومانفازدن مرکبدر. (پروپ)^(۳) Pyrope تسمیه اولنان جنسی یالکز یوارلاق دانهلرده بولوب اولدقجه نیم شفاف ورنکی قان کبی قرمزیدر و ترکیب کیمیویسند قروم و ماغنزیوم زیادهدر و خصوصات سائره سی طبقی دیگر غرنالر کیدر. غرنالرك حامل بولندقلری اساسه کوره رنگلری دیکشور.

آماندین آوستریاده واقع تیرولدن (چیلرطال) و بوهمیادن (قولین) و هند ستاندن (پکو) کلوب قیو محیقده قوللانیلور و بزده (سیلان طاشی) نامیله معروفدر. (پروپ) بوهمیاده تحلل ایتش سرپانتین طاشی ایچنده و اراضی منتقلده بولوب ییقامقله طوبالانور و ۱۰ قیراطدن ده آغردانهلری پک نادر بولندیغندن بویلهلری تراش اولوب جواهر جیلکده پک مقبولدر. تراش اولنه میه جق کبی اوفق دانهلری ترازولرده طاره اوله رق قوللانیلور. عادی غرنا طاشلر ایچنده مبدول بر معدندر.

(اسقاربوقل) Escarboucle تسمیه اولنان طاش دخی الماندین نوعنددر.

آکسینیت^(۴) Axinite

جمله ذولثه الفراشده تیلر ایدوب اسمر قرانیقل رنگندهدر؛ شفاف و غیر شفاف اولوب اوج رنگلیک خاصه سنه مالکدر. $ص = ۶,۵ - ۷$ ، $ف = ۳,۳ = ۳,۳$ ترکیب کیمیوسی باشلیجه حامض سیلیسیوم، حامض بور، آلومین، کلس و حدید در. کوزل بلورلری فرانسه ده دوفینه ده (بورغ دوازان) چیقار.

(۱) لاتینیجه (قائللا) دارچین دیکدر. (۲) یونانجه (ملاس) سیاه. (۳) یونانجه (پروپوس) آتش، کوزلی دیکدر. (۴) یونانجه (آکسین بالطه) دیمک اولوب بلورانی بوکا مشبیه ایدرلر.

(۷) نفلین زمردی

لوسیت (۱) Leucite، آنفیژن (۲) Amphigène

جملهٔ مربعیه تبلر ایدوب شکل بلورسی طبقی ذو اسطحة المنحرفیه بکرر. رنگی قورشونی و لمعانی زجاجیدر. $ص = ۵,۵ - ۶$ ، $ف = ۲,۵$ ؛ ترکیب کیمیوسی باشلیجه سیلیسیت الومینیوم و پوتاسیومدر. ولقان لاولری دروننده باخصوص وزوده ومونته سوماده بولنور.

نفلین (۳) Nepheline، الهئولیت (۴) Elæolite

جملهٔ مسدسیه دن اولوب بلوراتی اوققدر. بلوری انتساجده دخی بولنوب قیریق محللرنده غایت یاغلی بر لمعان ارائه ایدر. $ص = ۵,۵ - ۶$ ، $ف = ۲,۶$ ؛ ترکیب کیمیوسی باشلیجه سیلیسیت پوتاسیوم، سودیوم و آلومینیومدر. اکثریا (نفلین) نامیله رنگسز و بیاض وقورشونی اولوب نیم شفاف وتبلر ایتمش اولان جنسلرینه تسمیه اولنوب (الهئولیت) اسمیله ده طونوق اوله رق یشیل، اسمر و قرمزى بولنوب اشکال غیر معینه ده وغلیظ پارچهلرده ظهور ایدن جنسلری اکلاشیلور. بویکی جنسی دخی بعض طاشلرک اقسام مجتمعه سندن اولوب اهمیتی حائزدر.

اوترمر Outremer، لاپیس لازولی Lapis Lazuli (لاجود طاشی)

جملهٔ مکمیسه دن ذواتی عشر المعینیه شکلنده تبلر ایدر ایسه ده نادر در واکثریت اوزره کشف انتساجده ویا غلیظ ویاخود بشقه طاشلر ایچنده صا. چلمش اوله رق بوانسوب رنگی لاجورد، چیزکیسی ماوی و لمعانی زجاجیدر؛ $ص = ۵,۵$ ، $ف = ۲,۳ - ۲,۴$ ؛ ترکیب کیمیوسی غیر معین اولوب باشلیجه

(۱) یونانجه (لریفوس) بیاض دیکدر، زیرا بو معدن اوللری بیاض بر غرنا ظن اولور ایمش.
(۲) یونانجه ایکی منشألی دیکدر. (۳) یونانجه (نفله) دومان دیکدر زیرا شفاف جنسلری حامض آزوت ایچنده بولانق وطونوق اولور. (۴) یونانجه لایون یاغ دیکدر.

سیلیسیت سودیوم والومینیومدر و برابرنده سودیومك برکبریت متناسی واردرد. حملاج ایله تسخین اولندقدده رنگنی غائب ایدوب بر بیاض جامه مذاب اولور. حامض قلور ماء ایله بر مقدار کبریت مولد الماء حاصل ایدر. بیاض کرج طاشی ایله برلکده و دروننده پیریت بنککری اوله رق ظهور ایدوب سبریاده بايقال کولی کنارلرنده، تانارستانده و بخاراده، تیتنده، چینده، شیلیده، وزوده مونته سوماده بولنور. رنگندن طولای کوزل پارچه لری کسیلوب جلا اولنور و تزینانده مستعملدر. اسکیدن (اوترمر) اسمنده اولان بویایی اندن ییارلر ایدی. فقط شمعی بویاحیلقدده کیمیا واسطه سیله یاپلمش صنعی اوترمر قولالانیلور.

(۸) میقا زمهره سی

میقارک کافه سی آلومینیوم و پوتاسیوم سیلیسیتلری اولوب بعضلرنده ماغزیا ولتین وکس دخی بولنور و جمله سی واحد الفراشده تبلر ایدوب قولایلقبله قابل تقلیدر و اینجه پیراقرله آیریه بیلور. سطوح تقلیقیه سی اوزرنده لمعان صدفی واردرد؛ صلابت و کشفاتلری آذرد.

موسقویت Muscovite، پوتاسلی میقا ۱

جمله واحد الفراشده اینجه لوحه شکلنده تبلر ایدر ایسه اکثریت اوزره ورقی و صفیحی و فلس انتساجده ظهور ایدوب قاعده سنه کوره قولای قابل تقلیدر. اینجه پیراقرلی شفاف والاستیقیدر؛ رنگسز، بیاض، قورشونی، صا ریمتراق، اسمرمراق ویشلمتراق دخی اولور ایسه ده اکثریا آجیق رنگده در. سطوح تقلیقیه سی اوزرنده لمعان صدفی واردرد. $۲ - ۳ = ۲,۸$ ف — ۳,۱ در.

پوتاسلی میقانک ترکیب کیمیوسی باشلیجه سیلیسیت آلومینیوم ایله پوتاسیو-مدر. حملاج ایله تسخین اولندقدده از چوق قولای اریسوب بر طونوق جام حاصل ایدر.

(۱) لاتیبنده (میقاره) پارلاق دیمکدر.

بومیقاپك چوق اجمارك اقسام مجتمعه سندن اوله رق ظهور ایدوب بیوجك یارچهلری ایسه انجق طاشلر ایچنده کی بعض بوشلقلرده ویاخود بیوک جهلی اجمار سیلیسیه (غرانیت، غنائس، میقاشیست الخ) اوزرنده اوله رق اورال طاغلرنده، سبریاده، آمریقای شالیده، اسقاندیناویاده، فینلانداده، سن غوتارتد. وسائر محللرده بولنور .

بیوک پیراقلی میقا سبریا جامی ویاخود موسقوف جامی نامیله پنجره لرده، صوبا قولرنده، لامپه بوریلرنده، و تیمورجی کوزلکلرنده وسائرده قوللانیلوب توز ایدلمش میقا دخی ریک اوله رق ویاخود رساملقده برونزلامق ایچون مستعملدر.

لپیدولیت ^(۱) Lepidolite، لیتنلی میقا

شکل وخواص حکمیہ سی طبق پوتاسلی میقایه بکزه یوب انجق بونک رنکی اکثریا پنبه ویا شفتالو چیچکی رنکده در. ترکیب کیمیویسنده بر مقدار (یوزده ۰،۹ — ۲،۳) لیتیوم واردر وحلاج ایله قولایلقله قبارارق اریوب بر بیاض مینا حاصل ایدر وعلوی دخی قرمزی یه بویار .

بومیقانک قرمزی نوعلری اوستریاده موراویده (طورمالین ایله برلکده)؛ بیاض نوعلری توتیا معدنیله برلکده اوله رق بوهمیاده چین و آلد وساقسونیاده التنبورغده بولنور .

بیوتیت ^(۲) Biotite، ماغزیالی میقا

جمله واحداالفراشدن اولوب بلوراتی لوحه شکلنده والواح مسدسیه غایت مشاهدرد؛ قبوق کبی وصفیحی و فلسی انتساجلرده وطاشلر ایچنده صاچلمش اوله رق دخی بولنوب قاعدیه کوره غایت قابل تقلیق واینجه پیراقلری الاستیقیدر. رنکی اکثریا قویو اوله رق قورشونی، یشیل، اسمر و سیاهدر؛ سطوح تقلیقیه سی اوزرنده معدنی یه مشابه بر صدقی لمعانی موجوددر . ص = ۲،۵ — ۳،۳ ف

(۱) یونانجه پوللی طاش دیکدر. (۲) فرانسه معدنیونندن مسیو پیو نامته در .

$= ۲,۷ - ۳,۱$ ، خواص بصریه جه واحدالمجورد در . ترکیب کیمیویسنده پوتاسیوم ایله برابر جوچه ماغنزیوم و بوندن بشقه تیموری حاملدر . احجارك اقسام مجتمعه سندن اوله رق (مثلا بازالت، تراخیت، پورفیر، غرانیت و سائر) اهمیتلی بر معدندر . وزوده، روسیه ده آمریقای شمالیده و سائر محللرده بولنور .

مارغاریت (۱) Margarite، کلسلی میقا .

جمله واحدالفراشده اینجه لوحه شکلنده تبلر ایدوب مسدسی لوحه لرله بکرر . رنگی بیاض، صاریتراق واسمردر، ترکیب کیمیویسنده قالیسیوم دخی واردر . اناتولیده آیاتلوغ جوارنده زمیره معدنی ایچنده جیقوب (آمریلیت) Émerilite و (آفه زیت) (۲) Éphésite نامنده نوعلری واردر .

(۹) کلوریت زمهره سی

کلوریت (۳) Chlorite

جمله واحدالفراشدن لوحه شکلنده تبلر ایدوب لوحه لری مسدسی به بکرر و چوقکره الواح مذکوره طراق، یرو و محروط کبی طاقلره تجمع ایدوب چوقکره دخی صفیحی و فلسی ویا کشف انتساجلرده بولنور و بعضکرده بیوک شیبستی طبقه لر تشکیل ایدوب (کلوریتوشیست) Chloritoschiste نامنی آور و بعضاًده غایت اوفقی پول حالنده اوله رق بشقه معدنلرک درونند کومولی ویا خود اوزرلرنده یابیشق بولنور . قاعده به کوره قولای قابل تقلیدر و غیر متطرق اولوب اینجه پیرا حققاری شفافدر و قابل انحناء اولوب فقط الاستیقی دکلدر، رنگی یشیل ویشیلک انواع درجه لرنده اوله بیلوب چیرکیسی یشیل متراقدر وایکی رنکیلک خاصه سنی حائر در (یشیل قرمزی) . $ص = ۱ = ۱۰۵$ ف =

(۱) یونانجه صدف و انچوکی پارلایان شیته دیرلر . (۲) (آفه ز) آیاتلوغک نام قدیمیدر . (۳) یونانجه (کلوروس) صاریتراق یشیل دیمکدر .

۲۸ — ۲۹ ترکیب کیمیویسی بر سیلیسیت ماغنزیوم اولوب سیلیسیومک جزوی مقداری آلومینیوم ایله مقیمدر ، میقلاره بکزر بر معدندر .

قلوریتوشیست کتله جبال اوله رق بولندی کی سربانتین ایچنده وجوهی یتاقلرنده و بعض سیلیسی طاشلرک بوشلقلرنده دخی جیقوب بعضاده ماغنیت معدنی بلورلرینی حاملدر .

(په نین) ^(۱) Pennine تسمیه اولوب اسویجرده بعض طاشلرک بوشلقلری ایچنده بولنان معدن طبق قلوریتیه مشاهددر و فوق العاده صورتده ایکی رنگلیک خاصه سنه مالکدر .

(۱۰) طلق زمره سی

طلق ^(۲) Talc

جمله واحدا لفراشدن اولدینی ظن اولنور و بلوراتی لوحه حالنده ایسه ده یک اندر و کوچکدر . اکثریت اوزره پیراقلی و پولی انتساجلرده و شیتی کتله لرده و بعضکده بتون بتون کشیف اوله رق بولنور؛ قابل تفلیق و متطرق، اینجه پیراقلری قابل انفخادر . رنگی یشیله و صاریه مائل بیاضدر؛ لمعانی صدفی و یاغلیدر . تفلیق اولنمش اینجه جک پیراقلری شفاف اولوب ضیای مستقطبه ذوا المحورین اولدقلری کوریلور . $ص = ۱$ ، $ف = ۲,۷$ ، $۲۸ =$ ترکیب کیمیویسی صو، حمض ماغنزیوم و حامض سیلیسیومدن ($H^2Mg^3Si^4O^{12}$) عبارتدر . حملاج ایله تسخین اولندقدده شدتله پارلا یوب پیراقلره طاغیلور و سرتلشور؛ غیر قابل ذوباندر .

طلق جبال اصلیه ده کتله لر تشکیل ایدوب طاش صره سنه کچر و (طلق شیست) نامی آلور . طلق غایت میوشاق و لمستی یاغلی کی اولدیغندن اینجه توز ایدیلهرک ماکنه لری واچا و ماشینلری یاغلامقده و دوز کونلرده استعمال اولنور .

(۱) په نین آلپلرنده بولندی کی ایچون . (۲) عربجه دن النمشدر .

استئاتیت (۱) Stéatite، صابون طاشی

کشیف بر طلق اولوب اکثریا استحاله کاذبه لرده ظهور ایدر؛ آزمطرق ولسیتی یاغلیدر؛ رنکی قورشونی، صاریتراق وقرمزیتراق بیاض اولوب بعضاً دروننده اغاج کبی نقشلر بولنور؛ چیزکیسی پارلاقدر . ص = ۱,۵، ف = ۲,۶ — ۲,۸؛ حملاج ایله تسخین اولندقدنه طلقدن ده سرت اولور .

صابون طاشی طلقدن ده آز ظهور ایدوب محارستانده، بومیساده، انکلتزده، آمریقای شمالیده بولنور . طاق کبی یاغلامق ایچون ویا حساب تختلری اوزرنده وچوقه وایک اوزرنده (اسپانیا صابونی، ویا ترزی صابونی نامیله) یازمغه وهیکلتزاشلقده وغازممسی اوله رق ویاغ لکهلربی چیقارمقدن وسائرده مستعملدر .

دکز کوپوکی (۲) Ècume de mer لوله طاشی

غلیظ واکثریا یرو کبی پارچه لرده اوله رق ظهور ایدوب مکسری ایجه ترابیدر و غیر متطرق اولوب رنکی بیاض ویاخود صاری و قورشونی یه مائلدر؛ لمستی آز یاغلی کبی اولوب رطوبتی جذب ایدر و بوسیدن دیله تماس ایتدیر . لکده شدتله یاپیشور . ص = ۲ — ۲,۵، ف = ۰,۸ — ۱,۶ (قوری حالنده) .

ترکیب کیمیوسی بر بالماء سیلیسیت ماغنزیومدر، فقط صوینی جاذب اولدیغندن ترکیبده کی صویک مقداری تغیر ایدر . حملاج ایله تسخین اولندقدن یوارلاق بر حاله کیروب سرتلشور و یالکز کنارلری ایریر . بو معدن، ترکیبی کندوسنه مشابه اولان بعض سیلیسیتلرک تحویلله تگون ایتدیکی ظن اولنور .

لوله طاشنک اک اعلا جنسی باشلیجه ممالک شاهانه دن اناطولیده اسکی شهر جوارنده چیقوب بتون اورویایه اورادن کیدر . بوندن بشقه یونانستانده

(۱) یونانجه (استثار) طوک یاغی دیمکدر. (۲) بو معدن دخی فرانسیزلر ماغنزیت Magnésite تسمیه ایدرلر ایسده بو اسمله یوقادولرده (صحیفه ۱۱۵) بشقه بر معدن کورلش ایدی.

(تب)، اسپانیاده مادرید وتوله دو جوارلرنده وآوستریاده موراویده چیقار .
جیوق وسیغاره اغزلی وسائزده مستعملدر .

سرپانتین^۱ Serpentine (حجرالحیه)

کشیف و بعضاً الیافی وحبوی اتساجلرده بولنوب بلوراتی یالکر استحالہ کاذبه یعنی اولیوین، اوژیت وهورنبلاند معدنلری شکلنده اوله رق بولنور و غیر متطرقدر . رنگی یشیل، صاری، قورشونی، قرمزی ویا اسمردر؛ تک رنگده اولدینی کبی آلاجه یعنی بئکلی، لکلی، شریتی و طمارلی اوله رق دخی بولنوب لمعانی بالومی پارلاقغننده ویا طونوقدر؛ الیافی اولوب (قریزوتیل) Chrysotile تسمیه اولتان نوعی اییک پارلاقغننده در؛ سرپانتین نیم شفاف و غیر شفافدر . $ص = ۳ - ۴$ ، $ف = ۲,۵ - ۲,۷$. ترکیب کیمیویسی بالماء سیلیسیت ماغنزیوم ایسده ترکیبده بولتان صویک بر نصفی قولای حقیقه بیلوب دیگر نصفی ایسه انجق شدتله تسخیندنصره طیران ایتدیکندن رموزی شو یوله ویرلمشدر $(H^2Mg^3Si^2O_8 + H^2O)$. ماغنزیوم قسماً حدید ایله مقیم اولور . حملاج ایله تسخین اولندقدہ بیاض رنگ کسب ایدوب انجق پک سیوری وایجه اولجری مذاب اولور .

آجیق رنگده ونیم شفاف اولوب اکثریا قالسیت ایله بر آرده چیقان نوعی مقبول برطاش اولوب قویو رنگلی و غیر شفاف و بشقه درلو معدنلر ایله مخلوط اولان نوعنده عادی سرپانتین دیرلر . قریزوتیل دینلان نوعی آمیانت کیدر (سرپانتین آمیاتی) .

سرپانتین اولدقچه مبذول برطاش اولوب ایوجنسملری جلا اولنهرق تزینانده وسائزده قوللانلدینی کبی آتسه تحمل ایتدیکندن طولایی فرونرده دخی مستعملدر . ممالک شاهانه دن مصرده اسکیدنبرو کوزل سرپانتین چیقلوب

(۱) لاتیجه (سرپنس) پیلان دیکدر بوده طاشک پیلان کبی لکلی و بئکلی اولمندن غلطدر .
عرب کتابلرنده (حجرالحیه) تسمیه ایدرلر .

قدیمه اسمنه (برام طاشی) دیرلر ایش. ارزنجانده وعلائیه کورفری ساحلنده واینه ولایتنده دخی سرپانتین طاغلری موجوددر .

یشیل بویا طوپراغی Terre verte، غلاوقونیت Glaucosite

غلظت وقبوق اوله رق ظهور ایدوب مکسری غیرمستوی وترابی؛ ص = ۱ - ۲، ف = ۲,۸ - ۲,۹ و ترکیب کیمیویسی بر بلما سلیسیت اولوب اساس اوله رق آلومین، حمض حدیدی، ماغنیزیا وپوتاس موجوددر . رنکی یشیل اولوب یشیل بویایه قوللانیلور . انقرمه وقبریس جزیره سنده وایتالیاده وسائر محللرد چیقار .

(۱۱) اوژیت و آنفیبول زمهره سی

برونزیت Bronzite

جمله معینده تبلر ایدر ایسه ده غلیظ وجبوی انتساجده اوله رق دخی بولنور؛ رنکی اسمر ویا طومباق رنکنده ویا خود یشیلمتراق صاری ولمعانی صدفیدر . ص = ۵ - ۶، ف = ۳,۱۲ - ۳,۲۵ و ترکیب کیمیویسی سلیسیت ماغنزیوم وحدیددر . برونز رنکنده اولدیغندن برونزیت تسمیه اولنشدر .

المانیاده (شیللر اسپات) Schillerspath تسمیه اولنوب کوزل وپارلاق بر لمعان ارائه ایدن معدن دخی بو جنسنددر .

هیپرستین^۱ Hyperstène

جمله معینده تبلر ایدر ایسه ده اکثرا غلیظ ودرلو انتساجلرده اوله رق احجارک دروننده ظهور ایدر . رنکی سیاهمتراق قورشونی ویا یشیلمتراق ویا خود اسمر ویشیل اولوب لمعانی صدفیدر . بعض نوعلری باقر قرمزیننده

(۱) یونانجه دن کلوب قوتندن زیاده دیکدرکه کهندوسته مشابه طاشلردن ده سرت اولمسندن کنایه در .

بر پارلاقنی حائزدر . ص = ۶ ، ف = ۳۲٫۵ — ۳۳٫۹ در . اک کوزل
جنسری لابرادورده، نوروجهده و فرانسه ده جیقوب ترینانده مستعملدر .

دیاللاژ^(۱) Diallage


بلوراتی پک معلوم اولیبوب غلیظ ولوحه شکلرنده اولهرق ظهور ایدر
وقابل تفلیقدر . رنکی سنجابی ویا اسمر متراق ویاخود یشیامتراقدر؛ لمعانی
صدفیدر . ص = ۴ ، ف = ۳٫۲ — ۳٫۳ و ترکیب کیمیوسی زیرده تعریف
اولنان اوژیت کیدر . (غابرو) تسمیه اولنان طاشک اقسام مجتمعه سندندر .

رودونیت^(۲) Rhodonite

اکثریا اوفقی جهلی ویا کشیف انتساجده بولنوب رنکی قویوکل قرمزیه
ولمعانی زجاجی ویا صدفیدر؛ نیم شفافدر . ص = ۵ — ۵٫۵ ، ف = ۳٫۵
و ترکیب کیمیوسی سیلیسیست مانعازدر . بیوک کتله لرده اولهرق اورالده
بولنوب ترینانده مستعملدر .

اوژیت^(۳) Augite، پیروکسن^(۴) Pyroxène

جمله واحدا فراشدن اهرام ایله منشوردن مرکب اولهرق تبلر ایدوب
تواملری دخی واردر (شکل ۸۳) و بونلرده کی زاویه
داخله واسطه سیله آنفیبولک توأمارندن قولای تمیز
اولنه بیلور . منشوره کوره آز قابل تفلیقدر . رنکی
قویو یشیل و سیاهدر، بعضاًده بیاض وقورشونی واسمر
اولور . ص = ۵ — ۶ ، ف = ۲٫۹ — ۳٫۳ ؛ ترکیب
کیمیوسی تخلف ایدوب باشایجه سیلیسیست ماغنزیوم،
قالسیوم وحیددر؛ قویو جنسلرنده سیلیسیست سودیوم




(شکل ۸۳)

(۱) یونانجه فرق دیکدر زیرا قابلیت تفلیق مختلفدر یعنی بر جهندن قولای دیگر جهندن کوچ
تفلیق قبول ایدر . (۲) یونانجه (رودون) کل دیکدر . (۳) یونانجه (آوغه) جیلا، لمعان دیکدر .
(۴) یونانجه (پیر) آتش، (قسه نوس) اجنبی دیکدر، زیرا مقدما بو معدن آتشک تأثیریه حاصل اولمش
ظن اولنیوب تصادفی اولهرق احجار ولقانیه دروننه کلش اعتقاد اولنور ایدی.

وبوتاسیوم بولنور، بولردن بشقه حمض آلومینیوم وحمض حدید دخی واردر .
(دیوپزیت) ^(۱) Diopside تسمیه اولنان نوعنک بلوراتی محور اصلینک استقامتده
اوزامش کیدر . استوانی، شعاعی والیافی انتساجلرده دخی بولنوب (اوزیت
آمیاتی) نه کچه بیلور . رنکسز، قورشونی و آجیق یشیل رنکلرده بولنوب
شفاف ویا نیم شفاف اولور . کوزل بلورلری پیهمونده، تیرولده، اسوچرده
واورالده چیقار . عادی اوزیت متبلر ویا غلیظ (اوزیت قیاسی) اولوب
چوقکره احجارك اقسام مجتمعه سندن اوله رق ظهور ایدر .

آنفیبول ^(۲) Amphibole، هورنبلاند ^(۳) Hornblende

جمله واحدالفراشدن اولوب اکثرا اهرام، منشور وقاعده سیله ترکیب



(شکل ۸۴)

بلوری تشکیل ایدر . توأملری دخی بولنوب (شکل ۸۴)
بولر ظاهراً نصفی الشكل بلورلره بکزر . طاشلر ایچنده
کومولی ویاخود اوزرنده یاپیشق اوله رق بولندینی کبی
استوانی والیافی وجبوی انتساجلرده دخی ظهور ایدر .
منشوره کوره قابل تقلیقدر . رنکی اوزیت کبی اکثرا
یشیل ویا سیاهدر، فقط بیاض، قورشونی واسمر دخی

اولور ؛ غیر شفاف ونیم شفاف جنسلری واردر . صلابتی، کثافتی و ترکیب
کیمیویسی اوزیت کیدر .

آنفیبول منشورلرینک مقطعی اوزامش ر معین ارانه ایدوب اوزیت منشورلرینک مقطعی
ایسه مکعبه یقین ر معیندر . بوفرقدندن بشقه اوزیت بلورلرینی طاش ایچنده بولندقلری
زمان آنفیبولدن تمیز ایتمک وباخصوص غایت اوفق وخرده بینی اولدقلری خالده تعیین ایتمک
ایچون معدنیوندن مسیو (چرماق) بر اصول ایجاد ایتشدر . شویله که معادن مذکوره بی
حاوی طاشدن اینجه بر لوحه کسلوب ضیای مستقطبده معاینه اولندقدن آنفیبول ایکی رنکلی
کورینوب اوزیتده ایسه بوخاصه غایت ضعیف اولور ویا هیچ ظاهر اولز .

(۱) یونانجه (دیس) ایکی کره، (اوپزیدس) منظره دیکدر، زیرا بلوراتی وضع اوونش کوره ایکی
درلو معین اولنه بیلور . (۲) یونانجه (آنفیبولوس) ایکی معنالی دیکدر، زیرا سیاه طورمالینه پک
مشابهدر . (۳) (هورن) المانجه بونوز دیکدر.

آنفیولک جنسلی شونلردر : (ترمولیت)^(۱) Trémolite یاخود (غرامایت)^(۲) Grammatite بیاض، قورشونی ویا آچیق یشیل اولوب بلورلی اوزوندور. استوانی انتساجده دخی بولوب لمعانی صدفی ویا حریریدر ونیم شفافدر . حبوی کرج طاشی ودولومی ایچنده اولهرق اسوچرده سن غوتارتده بولنور . — (آقینوت)^(۳) Actinote ویاخود (یشیل آنفیول) آچیق یشیل ویا سیاهمتراق یشیل رنگده وستون کی اوزون بلورلرده ویاخود شعاعی انتساجده اولهرق اکثریا طلق شیست ویا قلوریتوشیست ایچنده چیقار . — (آنفیول آمیاتی)^(۴) Amianthe ویاخود (آزبست)^(۵) Asbeste ترکیه ده (ایسک ویمپوق طاشی) ترمولیت و آقینوتک غایت انجه الیافی وشمیری جنسلی اولوب بعضاً ایسک کی پارلاق وباخصوص طلق شیست ایچنده بولنور . اورو - پاده بعضاً آمیانتدن مقوا ولامپه فیتلی، وبعض منسوجات اعمال ایدرلر ایسهده بو اکثریا سرپانتین آمیاتی جنسیدر .

ممالک شاهانهده پک کوزل وبیاض آمیانت باشلیجه آیدینده قوش آطهسی، اورله وتیره قضالری، و خداوندکار وارضروم و سوریه و حلب و یانیه ولایتلرنده بولنشدور . آنفیولک یشیلمتراق سیاه ویاخود سیاه و غیر شفاف جنسلیته (عادی هورنبلاند) تسمیه اولنوب غلیظ اولهرق دخی بولنور (هورنبلاند طاشی) ویاخود بعض غذایس طاشلرینک ایچنده صاحلمش اولهرق بولنوب انلرک اقسام مجتمعهسندن اولور . بر جنسی دخی اسمرمتراق سیاه و غیر شفاف اولوب بلوراتی هر جهتدن متبلردر و بازالت و تراخیت کی طاشلرک ایچنده بولندیفندن اسمنه (بازالتی هورنبلاند) تسمیه اولنور .

ترمولیتک کشف جنسنه (نفریت) Néphrite ویاخود (زاد) Jade (حجر کلیه) تسمیه اولنوب بولره یقین بر نوعنه دخی (زاده ییت) Jadéite دیرلر . ایکسیسیده اسکی زماندنبرو تزیناته ومهر طاشلرینه استعمال اولنوب

(۱) (وال ترمهولا) اسوچرده بر وادیدر . (۲) یونانجه (غرامه) خط، چیزکی دیمکدرکه بلوراتشک طولیل اولمستدن غلطدر . (۳) یونانجه (آقتیس) شعاع دیمکدر . (۴) یونانجه (آمیانتوس) خطاسمز، پاک دیمکدر . (۵) یونانجه (آزبستوس) غیر قابل احتراق دیمکدر .

اك اعلا لری چیندن ، و تركستاندن كلور . اسوچره كوللاری اوزرنده مسكون بولنان اقوام قدیمه نك بو طاشدن بعض آلات قولاندقلری موخرأ اجرا اولنان حفریاتدن اكلا شلمشدر .

قروسیدولیت ^(۱) Crocydolite

باشلیجه بر سودیوم و آلومینیوم سیلیسیتی اولوب رنگی اسمر ویا ماویدر وانتساجی الیافیدر . اسمر جنسی قاپ ممالکندن کلوب جلا اولنسدقده عین - الهه بکزر وشمیدلری (قپان کوزی) نامیله تریناتده مستعملدر .

(۱۲) به ریل زمهره سی

قوردیه ریت ^(۲) Cordiérite، دی خروئیت ^(۳) Dichroïte

جمله معینیه ده تبلر ایدوب رنگی بنفشوی ویا بونك درجات مختلفه سنده ولمعانی زجاجیدر ، بعض نوعلرنده فوق العاده صورتده اوچ رنگیلك خاصه سی موجوددر . ص = ۷،۵ — ۷، ف = ۲،۶ — ۲،۷ و ترکیب کیمیوسی حامض سیلیسوم، آلومین، حمض حدید و ماغزیادن عبارتدر .

ماوی رنگده وشفاف اولان نوعلری چاقل حالنده اوله رق سیلان آطه - سنده بولنوب یوزك وایکنه طاشلرنده مستعملدر و (صو صفیری) نامیله معروفدر .

به ریل ^(۴) Béryل، زمرد Émeraude، Smaragd ^(۵)

جمله مسدسیه دن اکثراً منشور ایله اهرام وقاعده مرکب اولدینی حالده تبلر ایدر (شکل ۶۸) . قاعده یه کوره قابل تفلیقدر؛ رنگسز، فقط اکثراً رنگلی وباشلیجه زمردی یشیل و صاری و ماویمتراق رنگدرده اولوب شفاف و غیر شفاف جنسلری وارد وایکی رنگیلك خاصه سی حائز اولوب لمعانی

(۱) یونانجه (قروقیس) لکه دیمکدر . (۲) (قوردیه) پارسده تاریخ طبیعی موزه سنده خواجه ایدی (مصحفه ۲۳) . (۳) مصحفه ۳۴ چه مراجعت اولنه . (۴) اسکی براسم اولوب نه رهن کلسدیکی معلوم نکدر . (۵) یونانجه (سماراقدوس) زمرد دیمکدر .

زجاجیدر . ص = ۷,۵ - ۸, ف = ۲,۷ ترکیب کیمیوسی آلومینیوم و به ریلیدوم سیلیسیتریدر . یشیل رنکده یعنی زمردی یشیل و شفاف اولان جنسیرینه (زمرد) تسمیه اولنوب اک مقبول مجوهراتندیر و قولومبیاده و اورال طاغلرنده و اوستریاده و مصرده بولنور . ماویمتراق و یشیله مائل یعنی دکر صوی رنکده و شفاف اولان جنسیرینه (آک مارین) Aigue-marine^(۱) تسمیه اولنوب باشلیجه برازیلاده و سبریاده چیقار .

عادی به ریل غیر شفاف و اکثراً کیرلی صاری و یشیل رنکلرده بولنوب بلوراتنک طولی بعضاً بر مترویه و قالینلی اوج سانتیمترویه بالغ اولور و آمریقای شمالیده غرایت اچنده و کوچک بلورلی باویراده و بوهمیاده بولنور .

(۱۳) زه ثولیت زمره سی

زه ثولیت^(۲) Zeolites نامیله بر طاقم اساسلری قلویات و اتربه قلویه و بعضاً آلومین اولان بلالم سیلیسیترله تسمیه اولنوب بولر عادی حامضلر ایله متأثر اوله رق حامض سیلیسیوم انفکاک ایدر و حلاج ایله بیراق اولور و قبارارق قولای مذاب اولورلر . رنکلی اکثراً آجیق و لماعرلی زجاجی و صدقیدر . ص = ۳-۶، ف = ۱,۹-۳,۳، علی العاده و لقانی طاشلرک بوشلقلرنده بولنوب هیچ بر وقت احجارک اقسام مجتمعه سندن اولزلر .

آپوفیلیت^(۳) Apophyllite، آلبین^(۴) Albine

جمله مرعبه ده تبلر ایدر و قاعدهیه کوره قابل تفلیقدیر . رنکسز و یا صولوق اولوب لمائی زجاجیدر فقط سطوح تفلیقه سی اوزرنده لمعان صدقی موجوددر؛ شفاف و غیر شفاف اوله بیلور . ص = ۴,۵ - ۵، ف = ۲,۲ - ۲,۴ . المانیاده هارچده، تیرونده و بوهمیاده بولنور .

(۱) لاتیجه (آقوامارینا) دکر صوی دیکدر . (۲) یونانجه دن کلوب قایشامق و چیتردامق دیکدر زیرا حلاجک تألیری التنده چیتردار . (۳) یونانجه اولوب یپراغی دوکک دیکدر زیرا ینه حلاج ایله یپراقره آیریلور . (۴) لاتیجه (آلبوس) بیاض دیکدر .

آنالسیم^۱ Analcime

جمله مکسیده دن اولوب اکثریا بیاض ویا سنجابی ویاخود قرمزیتراق رنکده در . ص = ۵,۵، ف = ۲,۱ - ۲,۳؛ تیرولده وبوهمیاده وسیقلوب آطه لرنده حیقار .

حارموتوم^۲ Harmotome (حاج طاشی)

جمله معینه ده تبلر ایدر و دائماً حاجواری توأم لرده بولنور ص = ۴,۵، ف = ۲,۴ در . ساقسونیادن و هارچدن کوزل جنس لری کلور .

استیلیت^۳ Stilbit

جمله واحد الفراشده اکثریا لوحه شکننده اوله رق تبلر ایدوب غایت قولای تغلیق قبول ایدر وسطوح تغلیقیه سی اوزرنده پارلاق بر لمعان صدفی موجود در . رنکسز، بیاض وات رنکنده دخی اوله بیلور .

مه زویتیپ^۴ Mésotype، نطرولیت Natrolite

جمله مربعه دن اینجه منشور شکننده ویاخود صاج کبی اینجه بلور حالنده اوله رق بر چوخی بر آرده ویاخود دمت وکره کبی تکشایده ظهور ایدر . رنکسز ویا بیاضه مائل سنجابی وچوقکره صاریه مائل بر رنکده اولور .

(۱۴) فلدسپات زمره سی

Feldspath

فلدسپات تسمیه اولنان معدنلر احجارك اقسام مجتمعه سی اوله رق پک بیوک اهمیتتی حائز اولوب کافه سی یا جمله واحد الفراشده ویاخود ذو ثلثه الفراشده


(۱) یونانجه (آنالقیس) قوتسز وضعیف دیمکدر، بوده غایت آز الکتریقلندیکندن کتایه در .
(۲) یونانجه (حارموزو) ربط ایتمک، (تمنو) قطع ایتمک دیمکدرکه بلورائی حاجواری بر بریی قطع ایتمسندن کتایه در .
(۳) یونانجه (استیلبه) لمعان دیمکدر .
(۴) یونانجه اورته شکل دیمکدر زیر ا بومعدن خواصجه استیلیت ایله آنالسیم بیننده بر موقع آلود .

تبلر ایدر و ترکیب کیموبلری بر سیلیستدر . کافه سی ایکی استقامنده یعنی قاعده و سطح منشوره کوره قولای قابل تقلیقدر . فلدسپاتلرک رنکی عمومیت اوزره بیاض و یاخود آجیق بر رنکدر و صلابتلی تخمیناً ۶ و کثافتلی ۲,۵ — ۲,۸ راده لرنده در .

جمله ذو ثلثة الفراشده تبلر ایدن فلدسپاتلره علی العموم (پلازیوفلاز)^(۱) Plagioclase اسمنی ویرلر زیر بونلرده تقلیق قبول ایدن ایکی استقامت یکدیگرینه عمود اولیوب بر زاویه مائله تشکیل ایدر (۸۴ درجه قدر) .

اورتوز^(۲) Orthose ، بوتاسلی فلدسپات

جمله واحد الفراشده تبلر ایدوب بلورلی بعضاً منشور معینی به مشابه ، بعضاً دخی لوحه و یا الی گوشه لی ستون شکلنده و یاخود زاویه قائمه لی ستون شکلنده اولور . توأملر دخی پک چوق اولوب اکثریا (شکل ۸۵) ده کوستریلان صورتده غرانیث و پورفیر طاشلری ایچنده ظهور ایدرکه بونلره (قارلسباد توأملری) تسمیه ایدرلر ، زیرا ک اول بوهمیاده قارلسباد قابلیجه لری جوارنده کی طاشلرده مشاهده اولمشدر .



اورتوز قاعده و منشورک سطحلرینه کوره غایت مکمل تقلیق قبول ایدوب رنکسز و بعضاً شفاف و براق ، فقط اکثریا رنکلی یعنی (شکل ۸۵)

آجیق قورشونی و یا قرمزیمتراق بیاض و یا قرمزلی و یا یشیلمتراق (آمازون طاشی) اولور . لمعانی قاعده به کوره اولان سطوح تقلیقیه سی اوزرنده چوقکره صدفیدر . شفاف و یانیم شفاف اولان نوعلرینه (آدولر)^(۳) Adulaire تسمیه اولنوب بونلر بعضاً شعشه لی بر ضیا نشر ایدر و (حجر القمر) pierre de lune نامی آلور و تزیناتده مستعملدر . غیر شفاف و طونوق رنکده اولان نوعلرندن اسوچده چیقان نوعک ماویمتراق بر شعشه سی واردر . اورتوزک ص = ۶ ، ف =

(۱) یونانیجه (پلاکیوس) اکری ، مائل دیمکدر . (۲) یونانیجه (اورتوس) طوغری دیمکدر ، بوده ایکی جهتدن حاصل اولان سطوح تقلیقیه تک یکدیگرینه عمود بر استقامنده اولمشدن کنایه در . (۳) اسوچرده واقع (آدولا) طاغلرندن .

۲,۵ — ۲,۶ ترکیب کیمیویسی باشلیجه سیلیسیست آلومینیوم وپوتاسیومدر $(K^2O, Al^2O^3, 6SiO^2)$ وپوتاسک یرینه قسماً سودیوم ویا قالسیوم قائم اولور . اورتوز معدنك پك چوغی دور زمان ایله تحلیل ایدوب (قائولن) . یعنی پورسیلین طیراغنه تحول ایدر . عادی اورتوزه بعضاً یالکیزجه فلدسپات دخی دینلوب غرانیت، غنایس، سیه نیت وپوفیر کبی طاشلارك اقسام مجتمعه سندندر واحجار مذکوره دروننده کی اورتوز بلورائی بعضاً حیلی بیوکدر . اوفق حبه کی وکشیف فلدسپات قوارس ایله مخلوط اوله رق غرانولیت وپوفیر کبی بعض طاشلارك خمورینی تشکیل ایدر .

(سانیدین) ^(۱) Sanidine یاخود (زجاجی فلدسپات) تسمیه اولنان معدن سنجابی ویا بیاضه مائل سنجابی اولوب نیم شفافدر واورتوزک بر نوعی عد اولنور . اکثریا تراخیت طاشلاری دروننده بولنوب شکلی لوحه کبی ولمعانی زجاجیدر و سطحلری اوزرنده اینجه یاریقلر موجوددر .

آلیت ^(۲) Albite، سودلی فلدسپات

جمله ذولثلاثة الفراشده تبلر ایدوب توأملری دخی چوقدر وقاعده سی اوزرنده چیزکیلر موجود اولوب ایکی جهتدن دخی قابل تفلیقدر . غلیظ و صاچامش اوله رق دخی بولنور شفاف و نیم شفاف اولور . رنگسز جنسلری بولندینی کبی اکثریا بیاض رنگده در . $ص = ۶ - ۶,۵$ ، $ف = ۲,۶ - ۲,۷$ ترکیب کیمیویسی سیلیسیست آلومینیوم و سودیومدر؛ بعضا بر مقدار قالسیوم وپوتاسیوم دخی بولنور .

بیاض و غیر شفاف اولان نوعلرینه (پریقیلین) ^(۳) Péricline تسمیه اولنوب بلورائی طویلدر .

(۱) یونانجه (سانیوس) تحت، لوحه دیمکدرکه بلوراتک یاصی اولمیسندن کنایه در . (۲) لاتینجه (آلبوس) بیاض دیمکدر . (۳) یونانجه (پریقیلینس) اطرافه میل ایتک دیمکدر بوده قاعده سنك شکلندن غلطدر .

آنورتیت (۱) Anorthite، کلسی فلدسپات

جمله ذوثلثة الفراشدن اولوب بلورلری آلیت ایله متشابه الشکلدر و تفلیق قبول ایدر . رنکسز و یا بیاض اولوب لمعانی زجاجیدر . شفاف و نیم شفاف اوله بیور . ص = ۶، ف = ۲،۶۹ — ۲،۷۵ و ترکیب کیمیویسی سیلدسیت آلومینیوم و قالسیومدر ($\text{CaO}, \text{Al}_2\text{O}_3, 2\text{SiO}_2$) . قالسیوم قسماً ماغنزیوم و پوتاسیوم یاخود سودیوم ایله مقیم اوله بیلور . کوزل بلورلری وزوک صوماسنده و احجار و لقانیه دروننده بولنور .

اولیغوقلاز (۲) Oligoclase، سودلی کلسی فلدسپات

جمله ذوثلثة الفراشده تبلر ایدر ایسهده بلورلری نادر اولوب اکثراً اوفق حبلرده بولنور . قاعده سنده چیزکیلر موجوددر؛ رنکی یشیلمتراق قورشونی و لمعانی یاغلیدر؛ نیم شفاف و یاطونق اولور . ص = ۶، ف = ۲،۶۳ — ۲،۷۳ و ترکیب کیمیویسنده سود ایله برابر کلس واردر . اکثراً غرانیت، غنائس، پورفیر، دیوریت و دیاباس طاشلری ایچنده بولنور.

لابرادوریت Labradorite (لابرادور)، کلسی سودلی فلدسپات

جمله ذوثلثة الفراشدن اولوب بلورلری نادر در . ایو تفلیق قبول ایدر و قاعده سنه کوره تفلیق اولندقدن سطوح تفلیقیه سی اوزرنده چیزکیلر واردر . رنکی قورشونی اولوب آز نیم شفافدر . بعض نوعلری غایت کوزل شمعنه ایله پارلایوب انواع الوان اراهه ایدر . ص = ۶، ف = ۲،۶ — ۲،۷ و ترکیب کیمیویسنده کلس ایله برابر سود موجود ایسهده بوراده کلسک مقداری سوددن زیاده در ،

لابرادوریت باشلیجه آمریقادن لابرادور سواحلنده و روسیهده کیو

(۱) یونانجه (آ) یوق، عدم و (اورتوس) قائم، مستقیم، طوغری دیکدر بوده زاویه قائمهده تفلیق اولماسندن کنایه در . (۲) یونانجه (اولیغوس) آز، (قلاؤو) تفلیق ایدرم دیکدر یعنی ایو تفلیق قبول ایتمز معناسنده.

جوارنده جيقوب پك چوق طاشلك اقسام مجتمعه سندنذر . كوزل وشعشلى
نوعلى تزينانده مستعملدر .

سيليسنلره ذيل

قائولن (۱) Kaolin (پورسيلن طوبراغى)

غليظ و ترابى اوله رق ظهور ايدوب بياض و ياخود بشقه رنگلرده اولور .
قورى اولدينى حالده لميقتى ياغلى دكلدر وهوادن شدتله صو جذب ايدوب
ديله تماس ايتدكده يابيشور . غلى قائلونده عجايب بركيل قوقوسى اولوب قوه
مصوريه سى زياده در يعنى يوغرلدقده هر بر شكله كيپر . ص = ۱، ف = ۲۲
و تركيب كيميوسى بالماء سيليسيت آلومينيوم ايسده صويك مقدارينك نصفى
بالكيميا مربوط بولنديغندن رموزى $(H^2Al^2Si^2O^8 + H^2O)$ ايله يازيلور ؛
حملاج ايله اريز .

قائلون باشليجه اورتوزك و بوكا مشابه معدنلرك تحللندن حاصل اولوب
تحلل ايتديكى محللردن صولر واسطه سيله بشقه طرفلره نقل اوله رق ترسب ايدر
و بو ائنده اجنبى معدنلر ايله قاريشه بيلور . پك مخلوط قائلون نوعى على العموم
(غضار) Argile ناميله ياد اولور . لوله جى طوبراغى و كيل وساثره هپ
عضارلردن اولوب كتابك طبقات الارض قسمنده تعريف اولنه جقدر . قائلون
ساقسونياده، بوهياده، فرانسده، انكلترده، چينده، ژاپونياده ودها سائر
محللرده چيقوب معمولات ترابيه نك ايو جنسنده يعنى پورسيلن اعمالنده
مستعملدر .

ممالك شاهانه دن باليكسر ايله دليكى قريه سى اراسنده وازميد ايله كيوه
بيننده و ايدينده واقع ميلاسده وساقر اطه سنده ودر سعادته صارى يارده
قائلون بولور .

(۱) چين لسانده (قائلونينغ) پورسيلن طوبراغى ديكدر .

ازمنه قديمه ايتالياده ناپوليده اعمال اولنان چناق وچوملك ايچون لازم اولان قاتولك ساقز اطه سندن كلديكي مشهوردر .

آغالما توليت^(۱) Agalmatolite (رسم طاشي)

غليظ و آز طبق اوله رق بولوب غير متطرق و مكسري ديش ديشدر . يالكر كنارلرندن نيم شفاف اولوب رنگي سنجابي، صاري، يشيلمراق ويا قرمزيدر و لمسيتي ياغلدير . $ص = ۲ - ۳$ ، $ف = ۲,۸ - ۲,۹$ و تركيب كيميوسي حامض سيليسيوم و آلومينيوم و پوتاسيوم و صودن عبارتدر . حملاچ ايله مزاب اواز و ديله تماس اولندقدده بايشمزمز. اوروپاده ساقسونياده، انكلترده و ترانسيلوانيده واقع نازياقنده چيقار . چينده چوقدنبرو اوفق پوت و هيكلرده و سائر رسم و تزئيناتده مستعملدر و (پوت طاشي) Pagodite ناميله دخی معروفدر .

تيتانيت Titanite، اسفن^(۲) Sphène

جمله واحد الفراشده تبلر ايدوب توأملري چوقدر، شفاف ويا نيم شفاف اولوب رنگي قرمزي و لمعاني زجاجيدر . $ص = ۵ - ۵,۵$ ، $ف = ۳,۳ - ۳,۷$ و تركيب كيميوسي سيليسيت قالسسيوم ايله تيتانيت قالسيومدن عبارتدر . تيروله، اسوجرده، نوروچده و قاناداده چيقار .

التجى صنف

— مرکبات عضويه —

معدنياتده مرکبات عضويه ديو نباتاتك ير التنده قالب تحلل ايدرك دور زمان ايله معدنه منقلب اولمش بر چوق قاربونلي مولدالماء مرکباتنه تسميه اولنورکه کورلر (آنتراسيت، معدن کموري، ليغنيت و طورب) واصل قاربونلي مولدالماءلر

(۱) يونانجه (آغالما) رسم ديمکدر . (۲) يونانجه قازيق ديمکدرکه شکل بلوريسندن سنايهدر .

یاخود (قار) لر Bitumes (پترول، آسفالت، اوزوسهریت الخ) وکهربا بوصفه داخلدر .

بواجسامدن بوراده یالکز کهربا تعریف اولنوب کمورلر ایله قارلردن کتابمژک طبقات الارض قسمنده بحث اولنه جقدر .

کهربا Succin^(۱) ، Ambre

یوارلاق پارچه ودانهلرده بولنوب طبق اغاجلرده حاصل اولان ساقزه بکزر . بعضاً دروننده سینک و بشقه اوفق حیوانلر ویاخود نباتات پارچهلری بولنور . آز غیر متطرق و مکسری صدفی اولوب رنگی صاریتراق بیاض، صاری ویاخود اسمرمتراق قرمزیدر و بعضاً اوزرنده چیزکیلر بولنور : شفاف و غیر شفاف اولوب لمعانی یاغلی کیسدر . دلك و تماس ایله الکتریقلنسور . ص = ۲ - ۲,۵ ، ف = ۱ - ۱,۱ ؛ ترکیب کیمیوسی قاربون ، مولدالماء و مولدالموضه دن عبارتدر . پارلاق برضیا ایله یانوب ایو بر رایحه نشر ایدر . کهربا ازمنه قدیمه ژه ثولوزیه دن بعض جام اغاجی نوعلرینک تحجر ایتمش ساقزی اولوب اراضی^(۱) نالنده و دیلوویون تشکلاتنده اوله رق باشلیجه المانیانک شمال طرفلرنده و غالیچیاده و سیچلیا آطه سسند و سائر بعض محللرده بولنور . بالطق دکزی سواحلی کهربا ایچون اک مهم موقع اولوب دکز کنارلرینی حفر ایتمکله قزانلدینی کبی دکزک طالغهلریله دخی بر چوق پارچه لر ساحله آتیلدیغندن محلنده طوبلانور . ممالک شاهانه دن جبل لبنانده لیغیت کمورینی حاوی اراضیده کهربا بولنور .

کهربا صنایعده تزینانده، سییغاره آغزلقلرنده، چپوق امامه لرنده، اولان توتسیلرده وکهربا ورنیسی اعمالنده وسائر شیلرده مستعملدر .



(۱) Succinum نامیله (هلین) نك کتابلرنده یاد اولنشدر .

کتاب ثانی

علم طبقات الارض

یاخود

ژه ئولوژی

معلومات ابتدائیه

علم طبقات الارض کره ارضك قسم صلبدن یعنی یالکز قشر ارضك ترکیب و صورت تشکندن بحث ایدر بر علمدر . اوروپا لسانلرنده بو علمه علی العموم (ژه ئولوژی) Géologie اطلاق اولنورکه معناسی علم الارض دیمکدر، لکن بو تعبیر ایله کره ارضك احوال عمومیه سندن بحث ایدر بر علم استدراک اولناملیدر زیرا بو حالده کره نك یالکز سیاره اوله رق مطالعه سی کفایت ایتیوب هوا وصو وقره ایله نباتات و حیوانات و انسانلرک دخی احوال مجموعه سی علم مذکورده ادخال ایدلمک لازم کلور ایدی ؛ علم طبقات الارض ایسه، بالاده تعریف اولندیفی وجهله، یالکز قشر ارضك احوالی بیلدیره جکدر .

جغرافیا یعنی تعریف الارض کره ارضك احوال حاضره سندن بحث ایدوب (ژه ئولوژی) ایسه ارضك صورت تشکل و توسعه یله مشغول اوله جقدر فقط ارضك تاریخ تشکلی انجق احوال حاضر سنک مطالعه سیله استخراج اولنه . بیه جکندن بو ایکی علمک یکدیگرینه اولان مناسبت و قرابتلری آشکار اولوب بونلر جغرافیای ریاضی ایله برلکده (علم الارض) تسمیه اولنان بر بیوک علمک مندرجاتی تشکیل ایدرلر . بو حالده علم الارض صورت آتیه ده تقسیم اولنه بیلور :

برنجیسی . — جغرافیای ریاضی

ایکنجیسی . — اصل جغرافیا

(۱) جغرافیای طبیعی

(۱) علامت جویه نك و اقلیمك توصیفی

(ب) صورك توصیفی

(ج) قره و طاغرك توصیفی

(۲) جغرافیای عضوی یعنی ذی روح مخلوقاتدن بحث ایدن قسمی

(۱) نباتاتك ارض اوزرنده تقسیم و توزیبی (جغرافیای نباتی)

(ب) حیواناتك ارض اوزرنده تقسیم و توزیبی (جغرافیای حیوانی)

(ج) جغرافیای تاریخی

اوجنجیسی . — علم طبقات الارض یا خود ژه نولوژی

علم طبقات الارضك تحصیل ایچون جغرافیای ریاضی و طبیعیك معلومات اساسیه سنه و قوف تامه کسب ایتك الزم بولندیغندن معلومات مذکورهدی جامع اولان قسم علم طبقات الارضك قسم اولنی یا خود (ژه نولوژی عمومی) یی تشکیل ایدوب یالکز قشرارضك بنیه و صورت تشکیلنی و طاشلارك ترکیبنی بیلدیرن قسم دخی علممزمك قسم ثانسی یا خود (ژه نولوژی خصوصی) اولمش اولور .

بوراده ژه نولوژی خصوصی تسمیه ایتدیکمز قسمه بمضاری طرفندن (ژه نوغوزی) Géognosie^(۱) دخی تسمیه اولنورکه (معرفت الارض) دیمکدر . علم طبقات الارض تاریخ طبیعیك الکی شعبه لرندن بری اولوب الکل اول کچن عصر میلادیده ساقسونیاده واقع (فرایرک) معادن مکتبی خواهجه لکنده بولنان مشهور (ورنر) Werner سایه سننده کندو باشنه بر علم صفتی آلمش و صکره لری طلبه سندن بولنان مشهور (علکساندر فون هومبولد) Alexandre von Humboldt^(۲) ایله (لئوپولد فون بوخ) Leopold von Buch^(۳) ک غیرت و همت فوق العاده لرله توسع ایتشددر .

(۱) یونانیجه (غنوزیس) معلومات، معرفت دیمکدر (۲) (آبراهام غولیب ورنر) ساقسونیالی اولوب ۱۷۵۰ ده طوغش و ۱۸۱۷ ده وفات ایتشددر (۳) هومبولد برلینلی اولوب ۱۷۶۹ دن ۱۸۵۹ قدر برحیات بولنشدر (۴) بوخ پروسیالی اولوب ۱۷۷۴—۱۸۵۳ قدر بر حیات بولنشدر .

قسم اول

ژه نولوزی عمومی

— برنجی فصل —

کره ارض بر سیاره در

کره ارضك احوال ابتدائیه سنه دائر علم هیئت معلومات ویرر، زیرا کره ارض سیاره صفتیله مسلك شمسه داخل بولندیفندن مسلك مذکورك تشكّل و صورت توسعی کره نك دخی تاریخ تشكّلنی جامعدر . مسلك شمسك جسم مرکزیسی اولان شمس وانكله برابر بلکه اجرام منیره سهاویه نك همان کافه سی آلآن ناری وماده لری قسماً غاز وقسماً مایع بر حالده بولندیفی کبی کره ارضك دخی بدایتده طبقی بویله ناری بر حالده اوله رق ماده سی غاز ومایعدن عبارت بولندیغنه کندو شکلی ایله خواص سائره سی بر دلیل قوی عد اولنه بیلور، چونکه ارض کره شکنده در وبو کروییت ایسه ابتدالرده ارضك انجق غاز ویا مایع بر حالده بولمنسی اقتضا ایدوب حرکت دوریه سی سایه سنده دخی قطبلرنده کی بصیقلق حاصل اولمشدر. اشبو حال ابتدائینك بر حرارت مشتعله ایله مربوط بولمنش اولسی دخی آلآن درون ارضده محفوظ بولنان توکنمز بر منبع حرارتك وجودیله اثبات اولنه بیلورکه بوده ینار طاغلردن اریش طاشلك و بعض منبعلردن صیجاق صولرك چیقمسی ومعدن و آرتزین قیولرنده درینه کیدلد کدیکی نسبتده حرارتك تزايد ایتمی کبی علائم متعدده ایله ظاهر اولور. هر بر صیجاق جسمك صفوق بر محله صفویه جنی درکار بولندیفی کبی کره ارض دخی صفوق اولان فضا ده (اهل نجوم و حکمت طرفندن فضا نك حرارتی صفردن ۵۰ — ۱۰۰ درجه ساتیغراد اشاغی تخمین اولنمشدر) بالتدریج تبرد ایتش وبونك نتیجه سی اوله رق بر زمان ککشدرکه مایعات تصلب ایتمه وغازلرده تمیع ایتمه

باشلامشدر . بناءً عليه كره ارضك اوزرنده مواد معدنيه دن عبارت بر قبوق حاصل اولوب آنك قاليناي دور زمان ايله جوف ارضه طوغرى تزايد ايتش وسطاح ارضك حرارتيده تناقص ايتمشدر . سطح ارضك صغوديني نسبتده وقيله مابع ناريدن آريلان وياخود عن اصل هواده بخار حالنده بولنان مواد دخی (مثلا صو) نکائف ايتمه مجبور اولمشدر . اشته بو صورته كره ارضك دکزلى حاصل اولوب قرملردن آيرلش وبوکونكى كره نك ارکان مختلفه سى تشکل ايتمشدر .

كره ارضك شكل وجسامت وكثافتى . — ارض شبه كره شكنده بر جسم اولوب خط استواسنك قطرى ۱۲۷۵۶ كيلومترو، فقط محورى نك طولى يالكز ۱۲۷۱۲ كيلومترودر . ديك اوليوركه ارضك شكلى قطبرى بصيق بر كره در . مساحه سطحه سى تخميناً ۵۰۹,۴ مليون كيلومترو مهربدر . كره ارضك كثافت متوسطه سى صويك كثافتدن ۵,۶ كره ده زياده در .

كره ارضك كونشدن اولان بعد وسطيسى تخميناً ارضك نصف قطردن ۲۳۳۰۰ كره زياده يعنى ۱۴۸,۶۷ مليون كيلومترو اولوب كونشه اك اوزاق بولندينى زمان (اوج) ۱۵۰,۶ مليون كيلومترو واك يقين بولندينى زمان (حضيض) ۱۴۶,۲ مليون كيلومترو بعدنده در .

ضيا كونش ايله ارض ييتنده كى مسافه يى ۸ دقيقه و ۱۷,۸ ثانيه ده قطع ايدر . اكر كونشدن بزه صداكلك ممكن اولسه ايدى مسافه مزبورده يى انجق ۱۵ سنده ده قطع ايده بيلور ايدى .

ارض شمسك اطرافنده تمام ۳۶۵ كون ، ۶ ساعت ، ۹ دقيقه و ۱۷,۸ ثانيه ده دور ايدر ، يعنى بربرى اوزرينه ساعتده ۱۱۰۰۲۳,۷ كيلومترولق بر مسافه قطع ايدر .

ارضك بيكى اولان قرك ارضدن بعد متوسطى ۳۸۴ ۴۲۰ كيلومترودر وبونك دخی شكلى كروى اولوب قطرى ۳۴۸۰ كيلومترودر . قرك طابله سى

ارضك طابله سندن تخمیناً $\frac{1}{13}$ قدر كوچك اولوب كتله سی ایسه ارضك كتله - سندن ۵۰ کره دها كوچكدر . قرك كشافی ۳,۰۶۸ در . کره نك اطرافی $\frac{2}{3}$ ۲۷ کونده دور ایدر .

کونش مسلك شمسك جسم مرکزیسیدر وشکلی کروی اولوب حرکت محوریه ودوریه ایله متحرکدر . کونشك قطری ۱۳۸۶۳۸۶ کیلومترو اولوب مساحه سطحیه سی ۶ تریلیون کیلومترو مربع وحجمی ۱,۴ قتریلیون کیلومترو مکبدر . بو حسابه کوره کونشدن ۱۲۸۰۰۰۰ عدد ارض جسامتده کره لر کسپله بیلور . کونشك کثافتی = ۰,۲۵ در . کتله سی ارضك كتله سندن ۳۵۵۰۰۰ کره و مسلك شمسی تشکیل ایدن اجرامك مجموعندن ۸۰۰ کره دها اغردر .

— ایکنجی فصل —

ارضك احوال عمومیه سی ^(۱)

کره ارضك مجموعی نظر تدقیقندن کجوریله جك اولور ایسه باشلیجه اوج بیوک رکنندن مرکب اولدینی وارکان مذکوره کثافتلرینه کوره یکدیگری اوززنده متحدالمرکز طبقه لر تشکیل ایتدیکی کوریلور . شویله که

(۱) هوای جوی یاخود (کره هوائیه) Atmosphere ^(۲)

(۲) دکز وصولر یاخود (کره مائیه) Hydrosphere ^(۳)

(۳) قشر ارض یاخود (کره حجریه) Lithosphere ^(۴)

بو اوج طبقه یه ایکی طبقه دها علاوه قلنه بیلوب انلردن بری طوغریدن طوغرییه رای العین مشاهده اولنه من

(۴) درون ارض یاخود (کره ناریه) Pyrosphere ^(۵) و یاخود (کره

(۱) ژه نولوژیك بو قسمته (ژه نولوژی حکمی) دخی دنیه بیلور . (۲) یونانجه (سفایرا) کله و کره و (آتموس) دومان دیمکدر . (۳) یونانجه (هیدور) صو . (۴) یونانجه (لیتوس) طاش . (۵) یونانجه (پیر) آتش .

ثقیله (Barysrhère^۱) و بشنچی طبقه‌ی دخی ارضك ارکان عضویه‌سی یاخود
(۵) (کره حیاتیه) Biosphère^۲) تشکیل ایدرکه ارکان مذکوره هوا
ایله کره حجریه مایینده ویاخود صو ایچنده نشو ونا بولورلر .

قرک احوال طبیعه‌سیله کره ارض ییتنده کی بیوک بر فرق قرک سطحی اوزرنده هوا
ایله صویک عدمیدرکه قرده ارکان عضویه‌نکده بولنماسنی ایجاب ایدر . دیک اولورکه قرده
نه کره هوایه ونه کره مایه ونده کره حیاتیه واردر . ظن اولندیغنه کوره قر تمامیه
تصلب ایتش وصغومش طاشدن بر کره‌در .
کونشک ماده‌سی ایسه کاملاً ینار بر حالده اولوب دروننده کی حرارت ۱۰۰۰۰۰۰
درجه سانتیگراددن زیاده تخمین اولور . کره ارضده اولدینی کبی کونشده دخی متعدد
متحد‌المركز طبقه‌لر تفریق و تمیز اولنه ییلور . شویله که :

- (۱) هوای شمس . — کسوف آتاشنده پارلاق بر ضیا اوله‌رق کورینور (قورونا) .
- (۲) طبقه ضیا یاخود (کره ضیاییه) Photosphère . — بوندن شمسک ضیا وحرارقی
تشمع ایدر .
- (۳) مرکز شمس . — بوتک غاز ویاخود مایع بر حالده بولندیقی ده‌ا صورت محققده
تبیین ایتدیریه‌امشدر .

اول امرده ارض مجموعتك ارکان خمسہ‌سی — زه‌ئولوژینك تحصیلنه لازم
کورندیکی قدر — نظر مطالعه‌دن کچوریه جکدر .

(۱) کره هوایه . — هوا کره ارضی تمامیه احاطه ایدوب انك هر بر
حرکتده یعنی حرکت سنویه وحرکت یومیه‌سنده اشتراك ایدر، بناءً علیه شکلی
طبقی ارض کبی بر شبه کره‌در فقط قطبلرینك بصیقطنی ده‌ا زیاده اولسی
ملحوظدر .

هوانك ارتفاعی ۵۰—۶۰ کیلومترو قدر تخمین اولنش ایسه‌ده خط استوا
اوزرنده بو مسافه‌ی پك چوق تجاوز ایتدیکی محققدر انجق بو ارتفاعلرده
هوانك فوق‌الحد تمتد بر حالده بولنسی ایجاب ایدر .
هوا الاستیقی وقابل تضییق اولدیغندن کثافتی سطح ارض اوزرنده

(۱) پوناچه (باریس) آغز، کشیف . (۲) پوناچه (بیوس) حیات دیمکدر .

مختلف ارتفاعلر ایچون مختلفدر و طبقات سفلاسی طبقات علیاسندن دها بیوک بر تضییقه تحمل ایده جکندن طبیعی الت طبقه لرینک کثافتی دخی زیاده اولور. سطح دریاده هوانک تضییقی حیوه ستوننک ۷۶۰ میلیمترو ارتفاعه (تضییق عادی) مساوی کلوب بر لیتره یابس هوا صفر درجه سانتیگراده = ۱,۲۹۴ غرام وزن ایدر (۱ مترو مربع هوا = ۱,۲۹۴ کیلوگرام). دیک اولیورکه هوا ۷۷۰ کره صودن و ۱۰۴۵۰ کره حیوه دن دها حیفدر. اگر صو = ۱ فرض اولنور ایسه هوانک کثافتی صفر درجه ده = ۰,۰۰۱۲۹۴ اولور ولکن مولدالماء = ۱ فرض اولنور ایسه هوانک کثافتی = ۱۴,۴۳ اولمش اولور.

هوانک کثافتی ۷,۵ کیلومترو ارتفاعده روی ارضده کی کثافتک ۰,۴ قانتسه (یعنی ۲۹۴ میلیمترولق بر بارومترو ارتفاعه) مساوی اولوب ۶۰ کیلو مترولق بر ارتفاعه حیقلملق قابل اولسه هوانک کثافتی انجق ۰,۰۰۰۳ (یعنی بارومترو ارتفاعی = ۰,۲۵ میلیمترو) اولمش اولدینی کوریلور ایدی که بوده عادی بر مخلیه الهوا ایله حصوله کتورلسی ممکن اولیان بر خلا دیمکدر.

قره لرك ارتفاع متوسطی حسابا آله رق هوانک تضییق مجموعیسندن وزنی دخی حساب اولمشدرکه بوده ۵۱۴۴۵۸۷ تریلیون (= $\frac{1}{8}$ ۵ قتریلیون) کیلوگرام ایدر.

کثاته هوائیه نك ارض کتله سنه (ارضک وزنی = ۵۹۵۵۶۰۰ قتریلیون کیلوگرامدر) اولان نسبتی ۱ : ۱۵۷۶۴۴ یاخود ۸۶۳۷ : ۰,۰۰۰۰۰۰۰۰۰۰۰۰ کیدرکه بوده ارض کتله سنک بر ملیونده بر قسمندن دها آذرر.

هوا بر ترکیب کیمیوی اولیوب آزوت ایله مولد الحموضه دن و بر مقدارده حامض قلابون و صو بخارندن عبارت بر مخلوطدر. هوا ده کی آزوت ایله مولد الحموضه نك نسبتی روی ارضک هر بر نقطه سنده و حالا ک مرتفع مواقعده دخی تغیر ایتمیوب ثابتدر، فقط حامض قاربون ایله صو بخارنک مقداری ایسه پک جوق تخلف ایدر؛ مثلاً ۱۰۰ حجم یابس هوا ده دائماً ۷۹ حجم آزوت (تخمیناً

(۳) و ۲۱ حجم مولدالمحوضه (تخمیناً $\frac{1}{3}$) موجود اولوب بوده وزن ایله یوزده ۷۶,۸ آزوت و ۲۳,۲ مولدالمحوضه ایتش اولور . بعضاً هواده تصادفی اولهرق بشقه غازلر دخی بولنه بیلور . مثلاً حامل آزوت اولان اجسام عضویه نك تحللنده آمونیاق و شمشکلی بورالرده تأثیرات الکتریقیه ایله حامض آزوت وینارولقانلرک آغزلری یقیننده حامض قلور ماء و حامض کبریتی . . . الخ کبی غازلر وجوده کله بیلوب هوایه قاریشور .

هواده دائماً و هر یرده غیر معین بر مقدارده توز دخی بولنور ، حالا ک آچیق دکزلرک واک یوکسک طاغلرک و بوزلرک اوزرنده کی هواده دخی توز بولنمشدر . هوانک حرارتنه کانه بو محضاً شعاعات شمسیه نك تأثیرینه تابع اولوب ارضک دروننده محفوظ بولنان حرارتک هوایه قابل حساب بر تأثیری یوقدر . خط استوایه یقین بولنان طبقات هواییه طبیعی قطب طرفلرینک هواسندن دها زیاده تسخین اولنور و بونک نتیجه سی اولان اختلاف حرارت و روزکارلر دخی یاغمور وقار و طولو کبی ترسبات جویه نك تولدینی موجب اولورلر .

اشبو مختصراً ویرمش اولدغیز . معلومات هوادن و هواده و قوعبولان حالندن خبر ویرن (مبحث علانم جویه) *Météorologie* ایله (مبحث اقالیم) *Climatologie* یعنی روی ارضک احوال اقلیمیه سندن بحث ایدن علمه عائد بولنوب انلره دائر کتابلرده تفصیلات مکمله آله بیلور .

(۲) کره مائیّه . — ارض اوزرنده موجود طاغلرک ارتفاعی پک چوق

تخلف ایتدیکندن صولر کره یی تمامیه احاطه ایدمز . صویک مقداری قره لردن دها زیاده اولوب کره حجریه نك چوقور محللرنده تراکم ایدرک مختلف درینلکده بولنان طاتلی صو و طولزو صو حوضه لرینی یعنی کول و دکزلری تشکیل ایدر . صویک بر قسمی منبع وایرمق و جای ونهر اولهرق دکزلره آقوب مدیکر بر قسمی دخی صو بخاری ویا صو غازی اولهرق غاز حالنده هواده بولنور و یاخود صلب اولهرق قار و بوز حالنده یوکسک طاغلرده و قطبلرده تراکم ایدر و یاخود کره حجریه دروننده رطوبت ونم اولهرق بولنور .

دکز . — کره ارضك مساحتہ سطحیہ سی تخمیناً ۵۰۹,۹ ملیون کیلومترو مربعدن عبارت اولوب بوندن ۱۳۵,۹ ملیون کیلومترو مربع قره و ۳۷۴ ملیون کیلومترو مربع صولره اصابت ایدر . ديك اولور که قره نك دکره نسبتی $= ۱ : ۲,۷۵$ کییدر . اگر ارضك سطحی $= ۱$ فرض ایدہ جك اولور ایسه ك قره لر انك ۲,۶۶, قسمی و دکز ۰,۷۳۴, قسمی قیامش اولور .

دکز صوینك حجم و کتله سی انجق تخمیناً حساب اولنه بیلور، زیرا دکرلرک درینسلکلری و قطب طرفلرنده کی حدودلری دها محقق صورتنده کشف اولنمامشدر .

دکرلرک عمق متوسطی اسکی مساحه لره کوره پك زیاده مبالغه اولنمشدر ، فقط مؤخرأ اجرا اولنان مساحه لرك نتیجه سی اوله رق بحر محیط اطالاسینك عمق متوسطی ۳۷۰۰ مترو دن آز زیاده یه حساب اولنمشدر که بوده اسیانك اك یوکسك اوو دلرینك ارتفاع متوسطنه مساوی کییدر .

بحر محیط هندیده دخی ۲۴۰۰ — ۳۷۰۰ مترولق بر درینك و بحر شمالیده اجرا اولنان متعدد اسقندیللرده ۴۴۰۰ مترولق بر درینك بولنمشدر . شمدی یه قدر اجرا اولنان مساحه لرده دریانك اك درین محلی ژاپونیانك جهت شرقی ساحلندن ۱۰۰ میل بحری آچیقلاقده بولندیغی تبین ایتمشدر، زیرا اوراده ۸۵۰۰ مترویه قدر اسقندیل ایدلدیکی حالده قعر دریا دها بولنمامشدر . بحر محیط جنوبیده عمق متوسط اوله رق ۳۷۰۰ مترو بولنمشدر .

اشبو بالاده ویردیكمز عددلر واسطه سیله دکرک عمق متوسطی ۳۷۰۰ مترویه وسطی ۳۷۴ ملیون کیلومترو مربعه حساب ایدہ جك اولور ایسه ك دکرک حجمی ۱۲۸۵ ملیون مترو مکعب ایتمش اولور ، حساب آخر ایلہ دیه بیلورز که کره مائیہ حجمنك تکمیل کره ارض حجمنه اولان نسبتی $۱ : ۷۸۰$ کییدر و کره مائیہ کتله سنك دخی تکمیل کره ارض کتله سنه اولان نسبتی $۱ : ۴۳۷۰$ کییدر .

(۱) اقلیم تعبیریلہ بر معین موقعده علامت جویه نك تأثیرات مجموعه سی اکلاشیلور .

دکز صوبی کیمیوی مطهر صو (H_2O) اولیوب دروننده اولدجه
چوق مقدارده ملح وغازلر منحل بولنور و بو سبدن لذتی آجی طوزلو وانسان
ایچون غیر قابل شربدر . آجیق دکز لک صوینده منحل بولنان اجسام صلبه نك
(یعنی طوزلرک) مقدار متوسطی یوزده ۳,۴۸ در .

۱۰۰۰ گرام دکز صوبی ایچنده اجسام مذکوره نك جنسی و مقدار ی شولردر :

۲۷,۱۸	گرام	فلور سودیوم
۳,۳۵	«	فلور ماغنزیوم
۲,۲۷	«	کبریتت ماغنزیوم
۱,۲۷	«	کبریتت فالسیوم
۰,۶۱	«	فلور پوتاسیوم
۰,۰۵	«	پروم ماغنزیوم
۰,۰۴	«	فانی قاربونیت فالسیوم

بولردن بشقه تخمیناً ۰,۰۱ گرام قدر دخی فلور رویدیوم ، فوسفوریت فالسیوم ،
فانی قاربونیت حدید و حامض سیلیسیوم بولنور که دکز صوینك طوزلری بربری اوزریته
جعماً یکده ۳۴,۷ ایدر .

انکین دکز لرده منحل اجسام صلبه نك مقداری ثابت ایسهده ایچ دکز لریله
طوزلو کوللرک طوزلری مقدارجه تخلف ایدر . مثلاً بحر اهرایله بحر سفیدک طوز
مقداری زیادهدهدر ، زیرا بویکی دکز صیجاق قره لریله احاطه اولندیغندن
صویک تجری دخی زیادهدر و اقان طاتلی صولر تجر ایله غائب اولان دکز
صوینك مقدارینه مساوی کلیوب انجق بشقه طوزلو صولر واسطه سیله مذکور
دکز لک سطحی موازنه کسب ایدر . بحر سفیدک طوزینك مقداری یوزده ۳,۷ —
۳,۸ اولوب بحر اهرک طوزلری یوزده ۳,۹ — ۴ راده لرندهدر .

بحر سیاه ایله بحر بالطقده بونك عکسیدر ، زیرا بو دکز لره پك چوق و بیوک
نهرلر منصب اولوب آقان طاتلی صولرک مقداری تجر ایله کیدن صولرک مقداری
مع زیاده تجاوز ایدر ، بناء علیه مذکور دکز لک صوبی آز چوق طاتلیلاشور
ومثلاً قره دکزده طوزلرک مقداری یوزده ۱,۷ و بحر بالطقده قونهاق جوارنده
یوزده ۱,۰۸ و قرونشتاد لیانی دروننده یوزده ۰,۰۶ یه قدر اینر .

بوکې طوزلو سولر يالکز دکزلرده بولميوپ بعض کوللرک دخى صوبى طوزلودر . طوزلو کوللرک اک مشهورى ارض فلسطينده واقع (بحر لوط) اولوب کثافتى ۱,۲۳ و طوزلرک مقدارى يوزده ۲۱,۷ (بوندن يوزده ۷,۱ قلور سوديوم) عددينه بالغ اولور و دروننده حيوانات و نباتات تعيش ايده من . آناتوليده قوچ حصار کولنک (ياخود بيوک طوز کولى) صوبى دها طوزليدر و بلکه دنياده اک طوزلى اولان کولدر زيرا يوزده ۳۲,۲ طوزى حاويدر و صوبنک کثافتى ۱,۲۴ در . اناتوليده دها پک چوق طوزلو کوللر موجود اولوب انلرک بعضيلرى (مثلا وان کولى) پک بيوک کوللردر .

بحر حزرک جنوب طرفلردهکى سولر يوزده ۱,۳ و آرال کولى يوزده ۱,۱ طوزى حاويدر . روسيه ده (آتون کولى) و آمريکاي شاليده (بيوک طوزلو کول) دخى طوزلو کوللرک اک مشهورلرنددر .

دکز صوبى ايچنده (طاتلى صوده دخى) منحل بولنان غازلر باشليجه مولدالمحوضه ، آزوت و حامض قاربون غازيدر و اشته بوغازلرک بولنسى صوايچنده يشايان مخلوقاتک حياتنه سبييت ويرر . على العموم تنفس ايدن حيوانلر ايچون مولدالمحوضه الزمدر . صو مولدالمحوضه ايله آزوتى هوا دن آلور ، فقط صو هوايى يالکز مص ايتيموب اولدقجه زياده مقدارده هوانک مولدالمحوضه سنى دخى حل ايدر . صوده مولدالمحوضه ايله آزوتک مقدارى ۳۴ : ۶۶ (ياخود ۱ : ۱,۹) نسبتده اولدينى حالده هوا مخلوطنده بولنرک نسبتى ۲۱ : ۷۹ (ياخود ۱ : ۳,۷) کيدر .

صوده تعيش ايدن نباتات ايسه كيفيت تمثيل ايچون صوده منحل بولنان حامض قاربونه محتاجدر . (نتکم قردهده يشايان نباتاتک هوا ده بولنان حامض قاربونه محتاج اولدينى کي) . بوندن بشقه حامض قاربون قاربونيت املاحنک محلى اوله رق دخى بيوک بر اهميت زه تولوزيه يي حائردر .

دکز صوبنک کثافتى ، حاوى بولندينى طوزلرک مقدارى (بربرى اوزرينه يوزده ۳,۴۸) نسبة زياده اولديغندن ، خالص صوبک کثافتدن زياده در ، يعنى صفر درجه حرارتده ۱,۰۲۸۸ (۱۴ درجه ره نومورده ۱,۰۲۶۴) در .

طوزك مقدارى ايله دگز صوينك كشافى دخى تغير ايدر، مثلاً بحر سفيد صوينك طوزلرى يوزده ۳,۷ — ۳,۸ اولدىنى حالد كشافى ۱۴ درجه ره نو. مورد ۱,۰۲۹ در .

طاتلى صويك اك يوكسك كشافى ۴ درجه سانتىگراده اولوب نقطه انجمادى صفر درجه ده در . كرك تسخين ايله و كرك ۴ درجه دن اعتباراً تبريد ايله طاتلى صوابساطر ايدر ودها خفيف اولور و ۴ درجه يه قدر تبريد اولنان صواشاغى اينر، پناء عليه هر بر درين كوله ۴۰ — ۵۰ مترو قدر درينل كده بولنان صو طبقه لرى بتون سنه ظرفنده همان ۴ درجه حرارتده كيدر ، فقط سطحنده بولنان صواياز موسمنده ايصينور و قيش موسمنده دخى اولقدر صفورك بوزلر سطحنده حصوله كلور .

دگز صوينده ايسه طوزلردن طولايى كشافك ان نهايت درجه سى ۴ درجه سانتىگراده اوليوب — ۴ ايله — ۵ يننده در ، يعنى طوزلرك مقدارينه كوره در . نقطه انجماد دخى طوزلرك مقدار متوسطنده — ۲,۲ درجه سانتىگراد ده در . على العموم دگز صوينك حرارتى اك درين طبقه لرينه وارنجيه قدر متادياً تناقص ايدر .

صورت مخصوصده كره ماينه لك احواليله مشغول اولان علمه (مبحث الميا) Hydrographie تسميه اولنور .

(۳) كره حجريه . — كره ارضى تماميله احاطه ايدن قبوق مواد صلبه دن يعنى طاش و صخوردن عبارت بولنوب (قشر ارض) Écorce terrestre ناميله تسميه اولنور و مذكور قبوق طيش طرفدن هوا و صوايله و ايج طرفنده ظناً مابع نارى ايله محدوددر .

كره حجريه نك كشافى طوغريدن طوغرى به تعيين اولنه مز، فقط سطحاً كورديكمز طاشلرك كشافى ۲,۶ ايله ۳ يننده بولنديغدن كره حجريه نك كشاف متوسطه سى ۲,۸ حساب اولنمشدركه بوده تكميل كره ارضك كشاف متوسطه سنك نصفه مساوى كيدر .

قشر ارضك اك مرتفع نقطه لری (هالا یاده نبال ایله شرقی تیت ییننده واقع آوره رست طاعی ۸۸۴۰ مترو ارتفاعنده) دكزلرك شمیدی یه قدر تخمیناً معلوم اولان اك درین نقطه لرینه (بحر محیط کیرده ۸۴۹۱ مترو) مساوی کیدر . فقط قره لرك دكزدن اولان ارتفاع متوسطی دكزلرك عمق متوسطندن دها آزدر ، یعنی $\frac{1}{8}$ نسبتده در .

قشر ارضك حرارتی باشلیجه اوج شینه تابعدر : (۱) حرارت ارضیه یعنی درون ارضده الآن محفوظ بولنان صیجاقلغه ، (۲) حرارت شمسیه یعنی کونشدن ارضه وارد اولان صیجاقلغه ، (۳) سطح ارضك فضایه تشع ایله ویردیکی حرارته تابعدر .

ارضك اوست طبقه لرنده حرارت دائماً متغیر اولوب یالکزر کونشدن آلدینی و تکرار تشع ایتدیکی حرارتك مقدارینه تابعدر ، فقط حرارت یومیه نك اختلافی انجق ۱ — $\frac{1}{4}$ مترو درینلکه قدر و قوعوبله بیلوب دها بیوک درینلکدرده یالکزر حرارت سنویه نك اختلافی حسب اولنور ، شویله کدرینه کیتدکجه حرارت تناقص ایدر و اورویای وسطی ایچون ۲۵ — ۳۰ متروده اختلاف حرارت زائل اولور یعنی مذکور درینلکده حرارت ثابتدر و بودخی تخمیناً موقعك حرارت متوسطه سنویه سیله متناسبدر ، مذکور درینلکدن اعتباراً اشاغی ایندلکجه حرارت تزاید ایدر .

درین معدن قبولرنده و آرتزین قبولرنده و یاخود سائر قبولرده اجرا ایدیلان تجارب عیدیه نظراً حرارت ۳۳ متروده بدرجه سانتیگراد آرتقمده در . بوندن برقاج سنه مقدم پروسیاده واقع (شلاده باخ) نام محله مخصوصاً حرارت ارضیه یی اولچمك ایچون ۱۳۹۲ مترو درینلکده قازیلان برقیونك قعرنده ۴۹ درجه حرارت بولنمشدرکه بوده بالاده کی نسبتی تصدیق ایدر . اگر حرارتك درون ارضده بولنشدن تزاید ایتدیکی فرض اولنسه ۳۰۰۰ مترو بدرینلکده صویك غلیانی و ۷۵۰۰ متروده پلاتینك اریمی لازم کلور و پلاتین اریدیکی حالده کافه طاشلرك دخی مذاب اولمی اقتضا ایدر .

قشر ارضك قالینلی طوغریدن طوغری به تعین اولنه میوب انجق درینده حرارتك تزیادی ^(۱) ویاخود مختلف نقطه لرده طبقات حجریه نك جسامت ووضعی واسطه سیله تخمین اولنه بیلور. هر قدر بالاده کوستریلان حساب ایله قشرك قالینلی ۷ ایله ۸ کیلومترو بینده اولق لازم کلور ایسه ده بونك صحتی دها بك چوق تجربه لره محتاجدر.

قشر ارضی تشکیل ایدن طاشلرك ترکیبی ایله بنیه داخلیه سی و صورت تکیونی علم طبقات الارضك قسم خصوصیه سنه عاندرکه بوده اوج قسمه آریلور:

(۱) مبحث احجار، طاشلرك جنس و ترکیبی بیلدر.

(۲) مبحث بنیان، احجارك وضعیت و استقامتدن و طاشلرك بنیه سنندن بحث ایدر.

(۳) مبحث طبقات، قشر ارضك طبقه لرندن و تشکلاتندن بحث ایدر.

قره لرك احوالندن جغرافیای حکمی تفصیلات ویرر.

(۴) کره ناریه. — درون ارضك احوالی مجهولنز اولوب انجق سطح

ارض اوزرنده اظهار ایلدیکی علائم ایله درون ارضه دائر بعض معلوماته واقف اوله بیلور. درون ارضك ماده سنك مایع ناری حالنده بولندی اوج حال ایله مثبتدر (۱) درینه کیدلدکجه حرارتك تزیاد ایتسی، (۲) منابع حاره، (۳) و لقانلرك آغزندن مایع ناری حالنده مواد حجریه نك (لاولرك) چیقمسیدر.

درون ارضك مایع ناری حالنده بولمنسه دائر قبول اولنان فرضیات، تکمیل کره نك دخی عن اصل بو حالده بولنوب صکره دن تبرد ایله اوزرنده برسرت قبوق پیدا ایتش اولدیغی اثبات ایدن برچوق حقایق نجومیه و حکمیه ایله دخی موافق و مطابق کلکده در.

کره ناریه نك ترکیب مادیسنه دائر خبر ویرن حالات دخی شونلردر:

(۱) قشر ارضی ترکیب ایدن موادك کثافتته نسبه تکمیل کره نك کثافت

(۱) آتیده کره ناریه بحثنه مراجعت اولنور.

متوسطه سی دها زیاده یعنی ۵,۶ اولسی، (۲) بازالت و اولیون کبی غایت درینلردن نشأت ایدن طاشلرک کثافتی (ف = ۲,۹ — ۳,۶) و حامل بولندقلری تیمورک مقداری سائر طاشلره نظراً دها زیاده بولنمیسدر.

اشته بویکی کیفیتدن درون ارضده کی موادک کثافت متوسطه سی کره ارضک کندو کثافت متوسطه سندن زیاده اولدینی اکلاشیلوب مواد مذکوره نك بلکه باشلیجه تیموردن (تیمورک کثافتی ۷,۸) مرکب بولندینی عقله یقیندر. بوسیدین جوف ارضه (کره ثقیله) نامی دخی ویرمشلردر.

آمریقا زه لوغلرندن مشهور مسیو (دانا) Dana نك قولنه کوره کره ارضک اوچ قسمده ایکسی تیموردن عبارت بولنیور، بوسورتده ۸۰۱ کیلو مترولق بردرینلکده تیموردن عبارت برچکرده تصادف اولنلق لازم کلور. مرکزک تیموردن عبارت اولسنه دلالت ایدن برکیفیت دخی کره ارضک اوزرینه آره صره سمان سقوط ایدن اجرام سماویه نك انقاضی یعنی (متهئوریت) لردرکه بونلرک بعضیلری و لقانلردن چیقان لاولرک ماده سینه یقیندر (حجر سماوی) دیگرلری ایسه بر مقدار نیکیلی حاوی بولنه رق صاف تیموردن (حدید سماوی) عبارتدر^۱. اشته بونلرک ایکی نوعی دخی بر طاقم پارچه لشمس اجرام سماویه نك پارچه لری اوله جغسندن حجر سماویلر اجرام مذکوره نك قبوغسندن وحدید سماویلر دخی مرکزنندن قوپه پارچه لر اولسی ماحوظدر.

(۵) کره حیاتیته. — کره حیاتیته روی ارضده یشایان کافه ارکان عضویه. بی جامعدر. ارکان مذکوره نك اقامتکاهی یا هوای نسیمینک قعریدر (قره مخلوقات ایچون) و یا خود هوا ایله اشباع اولنشمس صولردر (صو مخلوقات ایچون). نباتات و حیوانات انجق هوا سایه سنده نشو و نما بولورلر. حال حاضرده کره ارض اوزرنده موجود بولنان نباتات و حیواناتک نوعلری اک اول خلق اولنان نوعلر دکلسدر، زیرا یکدیگرندن پک اوزون

فاصله‌لر ایله آیرلمش بر چوق ادوار زه‌ئولوژیه‌دن صکره ارتق ارضك اوزری حیات عضویه‌نك یشامه‌سنه صالح بر حاله کیردکدن شو آنه کلنجهیه دکین پك چوق حیوانات و نباتات نوعلری نشو و نما بولوب ینه محو وهلاک اولمش و صکره یکیدن بشقه نوعلر یرادلشدر .

هوانك كثافت، ترکیب و جریان و حاوی بولندی رطوبتک مقداری و بونك نتیجه‌سی اولان ترسبات مایعه و حرارتک هواده تقسیمی اشته بونلر هب مولد حیوانی و نباتیک تکثر و توسی ایچون لازم اولان باشلیجه عناصردر .

بالخاصه منقرض اولمش حیوانات و نباتاتک احوالیله مشغول اولان علمه (علم متحجرات) و یاخود (باله‌ئولوژی) Paléontologie^۱ تسمیه اولنوب عام مذکور زه‌ئولوژینک آیر وجه بر شعبه‌سی عد اولانه بیلدیکی کبی علم حیوانات و یا عام نباتاتک دخی بر شعبه‌سی اوله بیلور .

علم متحجرات سایه‌سنده موالید حیوانیه و نباتیه‌نك تاریخی غایت قدیم اولدیغی و بونك دخی تاریخ توسع ارض ایله قرابت نامه‌سی بولندیغی استطالع ایدرز .

منقرض اولمش حیوانات و نباتاتک بقیه‌لری (اثار آله دخی دیرلر) کره حجریه‌نك طاشلری دروننده مدفون بولنوب بونلر بعضاً تک توك و بعضاً پك چوغی بر آرده اوله‌رق عظیم طبقه‌لر تشکیل ایدر و بوضورتله احجارک تکنونه فوق‌العاده خدمت ایتش اولورلر . بقایای مذکوره‌نك ماده‌سی طبقات ارضیه دروننده دور زمان ایله تبدل و تغیر ایتش ایشه‌ده شکل و هیئت و چوقکره بنیه‌سی دخی محافظه اولنشدر . اشته بونلره (متحجرات) pétification و یاخود هر لسانده جاری بر تعبیر ایله (فوسیل) fossile تسمیه اولنور^۲)

(۱) صحیفه ۱ مراجعت اولنه . (۲) صحیفه ۱ مراجعت اولنه .

ادولر سابقه نك حيوانات و نباتاتى يك مختلف صورته تحول و تغير ايدرك
طاشه منقلب اولمشلردر: (۱) تفحم، (۲) تحلل، (۳) برقبوق باغلامق ايله،
(۴) قالب وانطباع ايله، (۵) اصل تحجر اولوب بوش صورتك هر برى آيرى
آيرى زيرده تفصيل اولنور:

تفحم Carbonisation. — اجسام عضويه نك كوره تحول ايديشى باخصوص
بقايى نباتيه نك محافظه سى ايچون يك مهم اولوب بونلرده ماده عضويه كاملاً
محو و نابديد اوليوب انجق برصورت عجيده تغير ايتمشدر. حين تفحمده
تركيدن انفكاك ايدن مركباته (صو، حامض قاربون، بتاقلق غازى ايله) برلكده
كليتلو مولدالموضه و مولدالماء دخى بولنديفندن كيرو قالان ماده طبعى بوايكي
عنصر ك مقدارى آزالوب قاربونك مقدارى نسبة چوغالمش اولور. بوسيدن
فوسيل كمورلر ك اجناس مختلفه سنده ماده نباتيه آز و يا خود چوق تفحم ايتمشدر.
طوب، ليفيت، معدن كورى، آنتراسيت فعل تفحمك درجه مختلفه سنى اراه
ايدر.

مواد مذكوره نك تركيب كيميويه لى، حاوى بولندقلرى كول (يعنى مواد
معدنيه) ايله يك جزئى اولان آزوتك مقدارى داخل حساب ايدلديكي حالده
۱۰۰ قسم اعتباريله شودر.

آغاج	۵۰ قاربون	۶ مولدالماء	۴۴ مولدالموضه
طوب	۶۰	۶	۳۴
ليفيت	۵۷	۵	۲۰
طاش كورى	۸۳	۵	۱۲
آنتراسيت	۹۳	۴	۳


تحلل Décomposition. — بو واسطه ايله تحجر باشليجه عضوياتك سرت
وقاى اولان قسملرنده وبالخاصه قاربونيت قالسيوم و يا خود فوسفوريت قالسيومدن
عبارت بولان اسكلترنده وقوع بولور. حيوانات فقريه نك كيكلرنده كى حيوانى
طوتغال پواس يواس تناقص ايدرك نهسايت بتون بتون محو اولور. حيوانات

ناعمه وقتريه نك محفظه لری واستاقوز نوعلرينك وساثره نك قيوقلری دخی طبق تعريف اولندينی اوزره تحجر ايدر .

قبوق باغلامق Incrustation . — بونوع تحجر بقايای عضويه نك اوزرنده اينجه قوم ويا كيلدن قبوق باغلامق ايله وياخود ترسبات كيميوه ايله اولوب بونلرده واسطه تحجر اولان ماده اكثريا قاربونيت قالسيمودركه صوايچنده منحل بولندينی حاله صويك تجرنده جسمك اوزرنده برقبوق شكلنده قالور .

انطباعات Empreintes . — انطباع ويا قالب تسميه اولنان فوسيللر بر جسم عضوينك قوم، صلصال وياخود كرج ايچنده طول مدت كومولوب قالمسيله حصوله كلوركه بوموادك ايچنده جسم مذكورك طيش طرفنك يالكز برقالي وانطباعی قالمش اولور .

جسم عضوی بی احاطه ایدن طوپراق نقدر رقيق وتقدر مصور ايسه جسم مذکورك انتساج سطحیسی دخی اولقدر اصلنه مطابق بولنور . اگر جسم اصلینك کندوسی دخی تحلل ويا اشكال ايله محو اولمش ايسه هم انطباعات و همده جسم عضوينك بولندينی بوشلفی املايدن ماده در دست ايدلش اولورکه بونلرده (چکردك) Moule تسميه اولنور . (شكل ۸۶) ده اوست طرفنده بر حيوانك چکردکی والتنده دخی انطباعی کوسترلشدر .



(شكل ۸۶)


اصل تحجر Pétrification . — بونام ايله بر جسم عضوينك تماميله بر ماده معدنيه تحوّل ايدرك طاش اولسنه اطلاق اولنور و بوراده واسطه تحجر يا قاربونيت قالسيم ويا حامض سيليسيم وياخود کبريت حديد يعنی پيريت نام معدندر . بناء عليه بو قسمك فوسيللری كرج طاشندن ويا سيليسدن وياخود پيريتدن عبارتدر .

کيک وصدفلر کي هم عضوی وهم غير عضوی مواددن مرکب بولنان اجسامده اصل تحجر ايله برلکده تحلل کيفيتی دخی مراقت ايدر ، زیرا انلرده ماده عضويه تخريب اولته جفنسدن يرينه ماده تحجيره اولان معدن قائم اولور


و بوسیدن فوسیل کیکار علی العاده یالکز فوسفوریت قالسیوم ایله قاربونیت قالسیومدن عبارتدر .

بعضاً دخی واسطه تحجر فوسیل حالته کیرمش اولان جسمه اول راده ده نفوذ ایلمش اولورکه جسم مذکورک اک اینجه ورقیق بینه وانتساجی دخی محافظه اولمش اولور وبوکفیت باخصوص سیلیسه منقلب اولان اجسامده کوریلور . حبشی اولان نباتات ایچون حامض سیلیس اک برنجی راده ده برواسطه تحجر اولوب فوسیل اغاجلردن اینجه لوحه لر کسلدیکی حالده اغاجک کافه احوال تشریحیه سی یعنی سنه خلقه لری وشعاعاتی وحجراتی بيله صورت مکمله ده مشاهده اولنور .

علاوه . — بعضاً طاشلرک اوزرنده حیوانات مختلفه نك پنجه ویا آياقلىرىنىك انطباعاتی دخی بولنور (شکل ۸۷) وبعضاً دخی طاشلرک ایچنده برجوق یوارلاق چقورلقلر ظهور ایدوب بولنورده ازمنه قديمه ژه تولوزیه ده نزول ایدن یغمور طامله لرینك براقدقلى اثردر .



(شکل ۸۷)



(شکل ۸۸)

بودخی معلوم اوله که درون احجارده تحجر ایتش افرازا ت حیوانیه دخی بولنشدر وانلره علی العموم (قوپرولیت) Coprolite تعیر اولنوب (شکل ۸۸) افرازا ت مذکوره قننی جنس ونوع حیوانک اولدینی بلماعینه استخراج اولنه بیلور وهرقننی محله کثرت اوزره قوپرولیت بولنور ایسه آنلرک اراسنده ویاخود جوارنده حیواناتک اجناس مختلفه سندن بقیه لر وکیک ودیشلر و بالقی بوللری

موجوددر وبعض قوبروليتلرك دروننده دخى هضم اولمامش كيك بارچلرى بولنور .

— اوچنجى فصل —

كره ارض اوزرنده موجود قواى طييعيه نك يكديكرينه اولان تأثيرات زه نولورثيه سى

كچن فصلده كورديكمز وجهله ارضك مجموعى بش بيوك ركنندن ، يعنى هوا ، صو ، طاش ، آتش و مخلوقاتدن مركب اولوب علم طبقات الارضده بولنرك هر بيرينه برر (قوت) تسميه اولنور ، زيرا كره ارضك سطحنده وكر ك داخلنده وقوعه كلش وحالا كلمكده بولنش اولان تبدلات و تغيرات كونا كون انجق اركان مذ كوره خمسه نك يكديكرينه اجرا ايتدكلرى تأثيرات كثره و مختلفه دن ايلرو كلور . هر قدر علم طبقات الارض ايله مشغول اوليانلر كيفيت مذ كوره يي اصلا درميان ايده مزلر ايسه ده آتيدم كى فصلك مطالعه سندن استدلال اولنه جنى وجهله فى الاصل روى ارضك شكل و هيئتى بوكونكى مشاهداتمز كى اوليوب انجق ازمئه متعاقبه تدريجاً و بك متنوع اسباب ايله شمديكى حال و هيئتى اكتساب ايلمشدر .

(۱) هوانك تأثيرات زه نولورثيه سى

هوانك روزكار حالنده اوله رق سطح ارض اوزرينه اولان تأثيراتى بك متنوع در . شويله كه چوقكره و لقانلردن چيقان برنوع رقيق كول روزكارلر واسطه سيله بك اوزاق محللره نقل اولنوب كول و توف يغيرلى پيدا اوله بيلور ، مثلاً ۴۷۲ سنه ميلاديه سنده (وزو) ينار طاغنده اندفاعات وقوعبولدينى ائنده كوللرى استانبوله قدر كلوب ياغمور كى ياغدينى مشهور در . طبق بونك كى دها يقين و قنلرده يعنى ۱۸۷۵ سنه سنده اسلاندا آطه سنك و لقانلردن چيقان

کول نام ۱۹۰۰ کیلو مترو اوزاقلده بولسان استوقهولمک زوقاقرینه نزول ایتشدرد .

روزکارلرک تاثیراتسندن بریسی دخی بسیط وقمری قومصال اولان دکز کنارلرنده حصوله کلان قوم تپه لری اولوب بونلر (ا کشته السواحل) Dunes نامیله معروفدر .

اکشبه لرک ارتفاعی اکثریا الی مترودن یکرمی مترویه قدر اولوب نادراً اوتوز مترودن یوز مترویه واصل اولور وشکل لری دکز کنارنده براوفق طاق سلسه سی کیدر . اک غریبی شوراسیدرکه مذکور تپه لر روزکارلرک شدت هوبونه کوره قره یه طوغری حرکت ایدوب محل آخره انتقال ایدرک بعضاً مملکت لری تخریب وارضی مزروعۀ وسیع یی ستر واستیلا وچوله تحویل ایدر . ازجمله انکلتزده قورنوال وفرانسه ده بره تانیا وبسقای کورفرزنده وپروسیانک بحر بالطق سواحلنده بعض کوی وشهرلرک کاملاً قومه غرق اولدینی توارنخده مقیددر . سوریه سواحلنده وباخصوص بیروت جوارنده دخی بویله اکشبه لر موجود اولوب قره یه طوغری ایلرولمسی شهر مذکورده غرس اولسان چام اغاج لری ایله بر درجه یه قدر منع اولنمشدر . فی الواقع اوروپاده دخی بو آفاته شمعی یه قدر اغاج غرسندن بشقه بر چاره بولنمامشدر .

اکشبه لر یالکز دکز کنارنده تشکل ایتیموب آسیا و آفریقانک بیوک چوللر - نده دخی وقوعی چوقدر وطبق بونلر دخی ساحل اکشبه لری کی حرکت ایدوب کج دیکی یرلرده مزروع محللره تصادف ایتدکه تخریب ایدر . سوریه ده واقع تدمر خرابه لری نیک بر قسمی تمامیله قوم آلتنده بولنمقده در .

روزکارلرک آثار مهمه سندن بری دخی چین ممالکنده واقع (لوس) Loess سسمیه اولنان مواد حجریه درکه روزکارلرک آسیای وسطی دن نقل ایتدیکی توزلردن پیدا اولمشدر وبونلر ممالک مذکورده غایت درین وجسیم وادی لری املا ایلوب یاغمورلرک قلتدن ناشی بشقه طرفلره انتقال ایتیه رک واسع اراضی تشکیل ایتشلردر .

(۲) صویك تأثیرات ژه ٹولوژیسی

صویك تأثیراتی تعیریلہ صویك دوران دائمی، مواد حجریہ نك تحلل وائٹکالی، مواد متحللہ نك بشقہ طرفلہ نقلی و ترسب ایدرك یغین پیدا ایتسی و بوز و غلاسیہ لرك علائم و تأثیراتی اکلاشیلوب بالادہ کوریلان هوانك تأثیراتنه نسبتاً بونلرك اهمیتی دها بك زیاده در .

صویك دوران دائمی . — کره ارض اوزرنده بولنان صولرك مجموعی بر دوران دائمیله مشغولدر، شویله كه صو کیفیت تجزیله بخاره منقلب اولدقندسكره هوایه چیقوب تكاثف ایدرك ترسبات جویه شكنده ینه روی ارضه عودت ایدرك ترسبات مذكوره اوچ قسمه تقسیم ایدیله جك اولور ایسه علی العموم تخمین اولندیغی اوزره انك $\frac{1}{4}$ قسمی ینه هان تجز ایدرك حیوانات و نباتات طرفندن مص اولتور؛ $\frac{1}{4}$ قسمی طاش و طوبراق ایچنه نفوذ ایدرك و دیگر $\frac{1}{4}$ قسمی ایسه سطح ارض اوزرنده قالب جریان ایدرك .

بر الله کیدن صو بر طاقم چاتلاق و یاریقلردن و یاخود طاشلرك مساماتندن نفوذ ایدرك قشر ارضك قسم اعظمی دائماً علی بر حالدہ حفظ ایدوب چوقكره دخی سوزولهرك یر التنده کی بوشلقلرده و مغاره لرده و یاخود صوی کیچورمیان طبقه لرك اوستنده تراكم ایدرك و یاخود ینه مغاره و یاریقلر دروننده کندوسنه بر مجرا آچیوب جریان ایدرك . تحت الارض تراكم ایتش صولردن منبعلر حصوله كلور، بناء علیه منابع مذكوره ترسبات جویه نك بر نتیجه سی اولوب صولرینك مقداری برنجی درجده ترسبات جویه نك مقدارینه تابعدر، یعنی بر محله چوق یاغمور دوشرایسه منبعلرك صوی دخی زیاده اولور؛ قوراق اولان محللرده اكثر منبعلر كاملاً منقطع اولور .

ترسبات جویه دن نشأت ایدن صولرك حاوی بولندیغی مواد اجنبیه (یعنی طوزلر) دیگر طوزلو صولره نسبتاً بك جزوی اولدیغندن انلره علی العموم

(طاتلی صو) تسمیه اولنور . طاتلی سولرك كره حجریه اوزرینه اولان تاثیرات زه نولوزیه سی ایکی صورتله در، یعنی یاکیمیوی ویاخود میخانیکیدر .

طاتلی سولرك تاثیرات کیمیویه سی باشلیجه غازلری ومواد صلبیهی حل ایتمک خاصه سیدر وبوسیدن سطح ارض اوزرنده جریان ایدن سولرك هیچ بریسی کیمیوی مطهر صو دکلدرد .

یاغمور سولری بیله ماء مقطر کبی خالص اولیوب دروننده هوا وحامض قاربونو چوقکره دخی بر مقدار حامض آزوت (شمشك ائناسنده) وآمونیاق منحلدر . منبع ونهر سولری ایسه کچدکلری محلدن دائماً حل ایتدیکنندن حاوی بولندقلری مواد اجنبیه نك مقداری دها زیاده در . مواد مذکورهدن حامض قاربون اك چوق اهمیتی حائزدر، زیرا پك چوق املاح باخصوص قاربونیت قالسوم وقاربونیت ماغنزیوم خالص صو ایچنده غیر منحل اولدقلری حالده حامض قاربونلی صویك ایچنده منحل اولور . دیمك اولیورکه املاح مذکورهدنك سولر ایچنده بولنمسنه حامض قاربون سیبیت ویرمکده در . بر صویك ایچنده املاح مذکورهدن چوق بولنور ایسه اکا علی العموم (آجی صو) واکر آز ایسه (طاتلی صو) تسمیه ایدرلر .

منبع سولرینك اکثریسی آجیدر، زیرا آنلرك طاشلر ایله نقطه تماسی زیاده اولدیغندن اثنای جریانده چوق مواد اجنبیه حل ایدرلر . نهر سولری ایسه بالعکس اکثریتله طاتلیدر، زیرا طاش وطوپراق ایله تماسلری آزدر .

معادن سولری . — معدن صوی نامیله معروف اولان سولر صغوق ویاخود آز چوق صیجاق اولوب حامل بولندقلری طوزك مقداری عادی منبع وقیو ونهر سولرنده کی طوزلردن زیاده در . مواد مذکورهدنك جنسنه کوره بر قاج درلو معدن صوی تمیز ایدرلر، شویله که :

(میه کلسیه) Eaux calcaires ده باشلیجه حامض قاربون وقاربونیت قالسوم (ثانی قاربونیت اوله رقی) منحلدر؛ پیموق قلعه سی صوی کبی .

(مياه سيليسيه) *Eaux siliceuses* زياده چه مقدار حامض سيليسیومی
حاوی اولوب حرارتی اکثرا زياده در .

(مياه حامضه) *Eaux acidules* و يا خود (غازی صولر) *E. gazeuses*
باشليجه حامض قاربونی حاویدر .

(مياه حديدیه) *Eaux ferrugineuses* و يا خود (چلیک صویی) حامض
قاربون ایله برابر قاربونیت حديد دخی منحلدر .

(مياه کبريتیه) *Eaux sulfureuses* يا خود (کوکوردلی صو) لوده کبريتیت
و قاربونیت لر میاننده سربست کبريتلی مولد الماء دخی منحلدر . بروسه نك
کوکوردلی قابليجه لری کبی .

(مياه مالحه) *Eaux salines* اکثرا قیا طوزی بولنان محللرده ظهور
ایدوب قور سودیومی حاویدر . (بیغاده طوزله منبی) . اگر برابرنده
کبريتیت ماغنزیوم و کبريتیت سودیوم بولنور ایسه (آجی صو) *Eaux amères*
تسمیه اولنور (سدلیچ صویی کبی) .

(مياه قلوویه) *Eaux alcalines* ده قاربونیت سودیوم منحلدر . مثلا فرانسه ده
ویشی و ممالک شاهانده جیتی صولری .

طبیعی مفاره لر . — کرك منبع و كرك نهر صولر ينك حامل بولندقلری
مواد معدنيه نك كافه سی طاش و طوبراقلرك صولر ایله اشكال و یقائمسندن
نشأت ایدر و حسابسز بر مدتنبرو دوام ایتمکده بولنان اشبو اشکالك نتیجه
طبیعی سی ير التنده بر طاقم عظیم بوشلقرك و (کهوف) و (مفاره) *Grottes* لرك
حصوله کلسیدر .

بوکی مفاره لر اکثرا کرج طاشی و یا چپسدن متشکل اولان طاغلرده بولنور
واک مشهورلری بلجیقاده واقع (هان) *Han* و آوستریاده تريسته جوارنده واقع
(آدلسبرک) *Adelsberg* و آلمانیا ده (کیس شلوته) *Gypsschlotten* نام مفاره لدر .
ممالکمزدن ارناؤدلقده ارکری جوارنده دروننده برکولی حاوی برجسیم
مفاره بولندینی کبی بروسه جوارنده واقع (این قیا) نام محله واراض فلسطینه

قدس شریف جوارنده و شریعه وادیسند و سائر محالرده دخی بوکی طبیعی مغارلر موجوددر .

على الموم طاشارك تحلل و تخریب و یورشایوب طاغلمه سی و اشکالی یعنی آشنمی دخی صولرک تأثیرات کیمیویه سنک اثرلریدر. فقط اشبوتائیرات کیمیویه یالکن تخریب و انتقالدن عبارت اولیوب بلکه یکیدن تشکلاتک حصوله سیدیت دخی ویرر. باخصوص میاه کلیسیه یعنی کر جلی صولر حامل بولندقلری حامض قاربون سایه سنده کر جلی طبقات ارضیه دن یک چوق مقدارده نانی قاربونیت قالیسیوم حل ایتدکدنصکره ترکیده نیم مربوط بولسان حامض قاربون صویک تجری واسطه سیله و یاخود نباتاتک تأثیریه طیران ایتدکده قاربونیت قالیسیوم تکرار ترسب ایدر .

ترسبات مذکوره طبیعی مغارلرده وقوع بولدقده انلره (طامله طاشی) دینلور.




(شکل ۸۹) آدلسیرک مغاره سی

اگر طامله طاشلری یوقارودن اشغانی طوغری صارقش ایسه (استالاقیت)

Stalactite واکر مظاره نك قمرندن یوقاری طوغری چیقمش ایسه (استالانمیت) Stalagmite تسمیه اولنوب بو ایکسینک برلشمسندن (طامله طاشی ستونلری) وجوده کور. (شکل ۸۹، صحیفه ۱۸۵) مشهور (آدلسبرک) مفاره سنک بوکی تشکلاتی پک کوزل صورتده اراڤه ایدر.

تراورتن. — اگر کر جلی صولرک ترسباتی سطح ارض اوزرنده وقوعبولور ایسه (توف کلس) Tuf calcaire ویاخود (تراورتن) Travertin تسمیه اولنوب بولره الک کوزل مثال ممالک شاهانه دن اناطولیده دکزلی سنجاغه تابع سرای کوی جوارنده واقع (پیموق قلعه سی) در. محل مذکورده ازمنه قدیمده (هیهراپولیس) Hiérapolis نامیه بر شهر عظیم موجود اولوب قابلیجه ومعبدلری پک معروف ومعتبرایدی؛ انجق متعدد زلزله لره وقوعیله بوکونکی کون برخرابه جسیمه حالنده بولنور ایسه ده جریان ایدن معدن صولرینک براقذینی اثار سایه سنده ینه دنیانک الک مشهور نقطه لرندن بری عد اولنور. مدت وفیره دنبرو ضبط وربطنی غائب ایدن صولر کچدیکی محللرده غایت بیاض وپیوغه مشابه ترسبات براقده اولوب عادتا اوزاقدن کلان یولجی یوزمترو یوکسک ودرت کیلومترو ککیش وکپوکی قارکی بیاض برسلسیل مشاهده ایده بور ظننده بولنور (شکل ۹۰) وبرجهته ده



(شکل ۹۰) پیموق قلعه سی

دخی طبیعی برکوپری پیدا اولوب اوزرندن صو جریان ایدر وهی تقدیر ترسباتک

اوست طبقه‌لری حقیقهٔ بیاض و اولدقجه یوشاق ایسه ده درینه کیتد کجه سرتلشوب رنکی صاریتراق واسمر اولوب عادتاً برجنس طمارلی هممر حکمنه کیرمشدرد. آتیقه ابنیه و مزارلرک معاینه سندن اکلاشلدینی وجهله بونلره استعمال اولسان طاشلرک کافه سی صویک حاصل ایتمش اولدینی طاشلردن عبارت بولنمشدر و خرابه نیک اوست طرفده بولنان تکمیل طاغلرک بیله ترسبات کلسیه دن تشکل ایتدیکی کوریلور .

(هیه راپولیس) شهری خرابه حاله کیرمزدن اولدخی صولرینک خواص تجزیه سی معروف ایدی . جغرافیون یونانیون اما سیله مشهور (استرابون) جغرافیا سنده شوو وجهله تعریف ایدرکه ^(۱): « هیه راپولیس حاوی بولندینی صیجاق صولرک خواص غریبه سیله و (پلوتونیوم) ^(۲) ایله معروف اولوب فی الواقع مذکور صولر او یله بر صورتله تصلب ایدرکه اطراف اهالیسی حاصل اولان سرت قبوقلرک اوزرنده اولوق آچهرق استدکلری محله صوی آقته بیلورلر ». ده ابر آشاغیده استرابون دیرکه : « (لالودیکه) اووه سنک (یعنی دکزلی اووه سی) دیگر صولرنده دخی بوتصلب خاصه سی بولندینی و (هیه راپولیس) صولرینک بویاجلیق خصوصنده اوصاف غریبه یه مالک اولدینی مرویدر . شویله که عادی کولک بویا سیله بویانمش بیاغ مذکور صولر ایله ییقاندقده رنکی او یله برونق اخذ ایدرکه قرمز و فیرفیر رنکلرینه مرجح طوتلمق لازمکلور . صولرایسه هیه راپولیسده اولقدر مبدولدرکه هر ادیمده حوض و طیبی حاملره تصادف اولنور » .

بوکی تراورتنلر رومایه یقین (تیولی) Tivoli جوارندن اقان و صوی غایت کر جلی اولان (آنیو) Anio نهرندن دخی حاصل اولوب قدیم رومالور ابذیه جسیمه لرینه هب مذکور تراورتنلردن طاش کسمشدردر . فرانسه ده (قلمون) جوارنده (سنت آلیر) St. Allyre و آمریقاده مشهور (ماموت) منبعلرنده و جزایرده قسطنطین ولایتده واقع (حمام المسکوتین) نام محله دخی بوکی تراورتنلرک تشکلی مشهوردر .

(۱) جغرافیا نیک ۱۳ نجی کتابک ۴ نجی فصلنده . (۲) اپلورده و لقانلر بحثنده بودخی تعریف اولته جقدر .

جوهر يتاقلرينك اكثرىسى دخى انجق ترسبات كيميوپه واسطه سيله صولردن
تكون ايتملاردر وليونيت و اوقر نام تيمور معدنلرينك بتاقلقرده حاصل اولمى
بر طاقم تيمورلى صولرك بولمىسندن ايلروكلور و اكثر حامله جوهر بولسان
غانقلرك يعنى طاش طمارلرينك بيله صورت تشكلى انجق محلولات معدنيهك
طاشلر اراسنده كى يارقلردن ترشخ ايتمىيله وقوعبولدىنى قوياً ظن اولنور .

نهر و كوللرك تأثيرات ميخانيكيه سى . — تأثيرات مذكوره اوج نوعدر:
(۱) تأثيرات تخرىبه ياخود (اشكال) Erosion، (۲) تأثيرات نقله ياخود (انتقال)
Transport، (۳) يفتى حاصل ايتك ياخود (ترسب) Sedimentation .

(۱) اشكال . — هر بر آقان صو كندوسنه بر مجرا آجق ايچون كچديكى
محللرى آشنديره رق تخرىب ايدر و طاش و قياردن آريلان موادى بشقه طرفره
نقل و ايصال ايدر . بو حالحه صويك مجراسى كيتدكجه درينلشوب نهايت بروادى
ميدانه چيقاركه بونره (اشكال واديسى) تسميه اولنور . هر وادينك تشكلى اولاب
چوق اوفق صو طمارلرينك مائل سطحلى اراضى اوزرنده جريانيله بدا ايلوب
مذكور طمارلرك بر قاجى صكره لرى برلشهرك دائماً مجرا لىنى توسيعه چاليشور . اشبو
كيفيت صفوق اقليملرده برودتك مواد حجريه يه اولان تأثيريله تسهيل اولمش اولور ،
زيرا تأثيرات تخرىبيه يى موجب اولان اسباب مهمه دن بريده ترسبات جويه اولوب
صو مجرا لرينك ايكي طرفده كى قيا و طاشلرده تحليل واسطه سيله حاصل اولان
اوفق ياربىق و چاتلاقلرده تراكم ايدن يا غمور صولرى انجماد ايلدكده طبيعى
بر انبساط وقوعبوله جفتدن كويا قازيق ايله ياريلمىش كى طاش پارچهلرى انفراق
ايدر و اشته بو وجه اوزره اك محكم طاغلر و اك جسم مرتفع اووه لر بيله دور
زمان ايله تامر كز لرينه قدر حفر اولنوب ياريلور . پك چوق يوكسك و ديك
طاغ صرتلرينك و سيورى تپه لرك حاصل اولمى دخى صولرك تأثيرات مؤتكله
سندن ايلروكلديكى كى اك نهايت انلرك دخى هدم و تخرىبى موجب
اولور . والحاصل آقان صولر متباديا يوكسك يرلى هدم و درين محللرى املا

ایدرک سطح ارضك اوزرنده ارتفاعه بر موازنه حاصل ایتمكه چالیشورلر .
طاغلرده کی کچید وبوغازلر اکثریا تعریف اولنان صورتله حاصل اولمشدر .
آمریقا ده واقع قولورادو ممالکنده (قانیون) Canon تسمیه اولنان بوغازلر اک
مشهور بوغازلردن معدوددر وبونلرک درینلکی بعض محللرنده ۱۵۰۰ متروی
تجاوز ایدر .

آناطولیده سقاریا نهرینک مجراسی بعض مواقعه بر ایکیوز متروندن دریندر .
جبل لبنان ده طبقی آمریقا قانیونلری کی بوغازلر موجوددر . آتی لبنان دن
شامه کچن بوغاز دخی بر اشکال وادیسیدر .

(هیلان) Eboulement تسمیه اولنان کیفیت دخی اقان صولرک تاثیراتندن
ایلر و کلوب اکثریا یوکسک و طاغلق اراضیده وقوعولور . شویله که صولر
مسامانی اولان طاشارله نفوذ ایدرک صوبی کچورمیان کیل طبقه لینه اصل
اولدقدنصرکه انی تجاوز ایده میوب یان طرفلردن یوللر بولهرق طاغک اتکلرینه
قدرکلور . لکن صولر حاصل ایلدیکی مجرالرده جریان ایده ایده بعض طاشارله
دخی تأثیر و آنده بر طاقم تفرق و تحلل پیدا ایده چکی درکار اولوب حتی کیل طبقه سنی
بیله میوشاته رق بر نوع جاموره تبدیل ایدر و اوزرنده واقع دیگر طبقه لرک
موازنه سنی بوزهرق طبقات مذکوریه طاقیله اشاغی ایندیرر . ایشته بو کیفیته
(هیلان) تسمیه اولنور . هیلانه مشهور بر مثال اسوچرده واقع (روسبرک)
Rossberg نام طاغک قایمسیدر . شویله که سطح بچردن ۱۵۳۰ مترو ارتفاعنده
اولان مذکور روسبرکک اوست طبقه لری مسامانی و جاقل ایله قاریشیق قوم
طاشندن عبارت اولدیفی حالد بونلرک التنده برکیل و طین طبقه سی بولنوب درجه
انحراف لری تخمیناً ۴۵ درجه ایدی . صولرکیل طبقه سنی جامور حاله کنورد کد نصرکه
اوستنده کی طبقه لرک مستندلری زائل اولهرق پایدار اوله میوب تاریخ میلادک
۱۸۰۶ سنه سی ایلولنک ایکنجی کونی طاغک اون کیلومترو عر ضنده وبرکیلومترو
ارتفاعنده بر پارچه سی یرندن قایوب پک بیوک وکوک کورلسنه مشابه بر کورلتی ایله
اشاغی اینمش و وادی بی طاش و طوبراق و جامور ایله طولیدر مشندر والتنده اتی بدی

کوی و متعدد چفتلکله درخی قالب خراب اولمشدر . اول جوارده بولنان (لوورس) نام کوله کتله سی ۴۰ میلیون مترو مکعب حساب اولنان عظیم بریغندی واصل اولوب صولری شول مرتبه طاشدرمشدرکه کولک اوتنه جانبنده واقع کوی بیله غرق واستیلا و برقاج خانیهی هدم و کولک بالقلیخی اطراف واکناهه یایمشدر . بومصیبتده طقوز یوزی متجاوز آدم تلف اولمشدر . ینه اسوجرده واقع (آلم) Elm شهری جوارنده (پلاتن برک) Plattenberg نام محله ۱۸۸۱ سنه سی ایلونک ۱۱ نجی کونی برهیلان وقوعبولوب تخمیناً اون میلیون مترو مکعب مواد حجریهی وادی به ایندرمشدر .

بویله اراضک یرندن قائمی بعضاً بردن بره وقوعبولوب تدریججه درخی اولور واول اراضینک اوزرنده کوی واریسه زمین ایله حرکت ایدر .
آناطولینک بعض محللرنده وخصوصاً اماسیه به ملحق برکویده وقره دکز ساحلنده واقع بالچقده زمین بویله تدریججه یرندن قائمدهدر .

هوا ویاغور و برودت و متحرک صو وروزکارلر و نباتاتک و سائر نک طاشلر اوزرینه اولان افعال تخریمیه و تحلیله سیله حصوله کلان مواد متفرقه طاش قریبی و مولوز حالنده اوله رق صرتلرک و وادیلرک اتکلرنده تراکم ایدوب قالورکه بونله علی العموم (دتریتوس) Détrit^۱ و یاخود (تشکلات دتریتیه) Dépôts détritiques اطلاق اولنور .

(۲) مواد حجریه نک انتقال و ترسی . — طاغلرک تحللندن حاصل اولان مولوز و سائر کبی مواد یاغورلر واسطه سیله طاغلرک ایرمقلرینه و آندن نهر و چایله کیدوب بونلر واسطه سیله درخی دیگر محللره نقل اولنورلر و نهایت بر محله ترسب و تراکم ایدرک (صخور مکسوره) Roches clastiques^۲ تسمیه اولنان طاشلرک تحدث و تکنونه سبیت ویرر . اثنای انتقالده مواد حجریه نک اینجه ورقیق قسمی بیوک و قالین پارچه لردن ایرلیه رق فرش اولنور . نقل اولنوب تکرار ترسب ایدن موادک منشائی نقدر اوزاق ایسه مواد مذکوره اولقدر رقیق اولور . بو کیفیت

(۱) لاتیجه آشنش دیکندر . (۲) یونانجه (کلاستوس) پارچه لنش، خراب اولش دیکندر .

ایکی سببه میندر، اولاً اوزاق مسافه لده مواد حجریه نك بیوجك قسملری (مثلاً چاقل) یکدیگرینه سورتەرك کیت کیده حجمندن غائب ایدر و کوچولور، ثانیاً بیوک نهرلرک میلی ازالدقجه صولرک قوتی دخی تناقص ایده جکندن بیوک قیا پارچه لری و چاقلر صولر واسطه سیله دها اشخی نقل اولنه میوب یالکز رقیق اولان قوم وصلصال صولرایله حرکت ایده بیلور. اشته بوسیدن طولانی هر بر نهرک ایچنده بولتان مواد حجریه دن اک اول قیا پارچه لری و بیوجك چاقلر و صکره اوفق چاقلر ترسب ایدوب اک صکره نهرک آغزینه طوغری قوم وصلصال ترسب ایدر.

صولر ایله نقل اولنان موادك ترسبی دائماً صولرک سرعت جریانی اوالدینی موقملرده وقوعبولور، بوده بیوک نهرلرک ایچ مقعر طرفنده و صارب طاغلردن اقان سیلرک دیگر بریواش جریان ایدن نهر ایله برلشیدیکی محله و یاخود ایرمقارک طاغدن اینوب اوولره واصل اولدینی و یاخود نهرلرک کولره و دکرلره منصب اولدقلى محللرده مشاهده اولنور.

واسع اراضینک قوم و چاقل ایله ستر و املا اولنسی و نهرلرک ایچنده کی اطه لرك حصوله کلسی و جسم مولوز یغینلرینک و طاغ اتکلرنده مشاهده اولنان یلپازه شکلنده کی طاش یغینلرینک و درین اوولرده بریکوب (آلویون اووه سی) تسمیه اولنان طوپراق و قوملى اراضی ایله نهرلرک دکره منصب اولدقلى محله قوملى و جامورلى اراضینک یعنی (دلنا) لرك تشکلى اشته بولنرک کافه سی صولرک تأثیرات ترسیه سنک نتیجه لریدر.

دلنا — کافه انهارک بحره منصب اولدقلى محله احداث ایلدکلى اراضیه علی الاطلاق (دلنا) تسمیه اولنوب سبب تسمیه سی اراضی مزبورە نك اکثریا مثلث الشکل و یونانی حروفاتندن دلنا حرفنه مشابه بولنمسیدر. ایدى برنهرک بحره منصب اولدینی محله وقوعبوله جق مد و جزرک تأثیراته تابع اولدینی کبی مواد منتقله نك دخی بوندن متأثر اوله جنى اشکار اولوب اگر او محله مد و جزر یوق ایسه مواد مذکورە بلامانع ترسب و تراکم ایدر. یوق اگر مد و جزر

اولورده نهرک صولری مریح الجریان ایسه مدوجزرك مقاومتته غلبه ایدرك ینه دلتا حاصل ایده بیلور. نیل، ولغا، رون، پو و طونه نهرلری مدوجزرمز بحرلره منصب اولوب انهار مذکوره اوروپاده دلتا حاصل ایدن صولرك اك مشهورلریدر. (نیل) نهری ازمئه قدیمده قاهره جوارنده دکره منصب اولدینی حالده بوکون قاهره نك دگردن اولان اوزاقلی ۲۰۰ کیلومترودر. نیلك نقل ایلدینکی مواددن حاصل اولان دلتانك مساحتہ سطحیسی ۲۲۱۹۴ کیلومتر و مریح اولوب شمیدیکي حالده مذکور دلتانك توسی انجق دیناطایله رشیدجوارنده وقوعبولور، بوده حسابہ کوره ۳۰۰۰ سنه دنیرو انجق ۴ مترودن عبارتدر. دلتانك دیگر جهتلری بومدت ظرفنده ثابت قالمشدر.

(رون) نهری بحر سفیده سنوی ۲۱ میلیون متر و مکعب مواد حجریه دوکوب دلتاسی ۱۷۳۷ سنه دنیرو سنوی ۵۷ متروایلر و لمکده در ورومالورلك زمانندنیرو دلتانك توسی ۳۰۰ کیلومتر و مریح حساب اولمشدر.

ایتالیاده واقع (پو) نهری فوق العاده فعال اولوب ونیدک کورفرینه سنهده ۲۷۶۰۰۰۰ ۴ متر و مکعب قوم دوکر و دلتاسی سنهده ۷۰ متر و ایلرلر. (آدریا) شهری قدیمده برلیان ایکن بوکون دگردن بك اوزاق قالمشدر.

(طونه) نهری بحر سیاهه سنوی ۶۰ میلیون متر و مکعب قوم سوق ایتیمکده در. آمریقادا واقع (میسسیپی) نهرینك دلتاسی سنهده ۱۰۰ متر و ایلر و لمکده در. بنکاله کورفرینه آقان (غانز) نهرینك دلتاسی دنیانك اك بیوک دلتاسی اولوب مساحتہ سطحیسی نیل دلتاسنك ایکی مثلیدر.

اناطولی قطعہ سنك نهرلرندن قره دکره آقان قزل ایرمك آفرنده حاصل اولان دلتانك مساحتہ سطحیسی تخمیناً ۴۷۰ کیلومتر و مریح اولوب ایکی یوز الی سنه دنیرو تخمیناً سنوی ۱۰ متر و ایلر و لمکده در. جغرافیون عثمانیه دن مشهور اولیا افندی زماننده یعنی بوندن ایکی یوز الی سنه اقدم قزل ایرمق اوزرنده واقع (بافره) شهری دکر کنارنده بولندینی حالده بوکونکی کون ساحلدن ۵۰ کیلومتر و ایچروده قالمشدر.

یشیل ایرمق دلتاسی ۶۰۰ کیلومترو مربع براراضی ضیط ایدر. اسکندرون کورفرینه آقان (سیحان) و (جیحان) نهرلرینک منصلبری ۲۲ عصردنبرو یعنی میلاددن ۴۵۰ سنه اقسمدنبرو تام الی دفعه برلشوب تکرار آیرلشدر و بواننده حاصل ایتدکری دلتانک مساحه سطحیه سی تخمیناً ۱۶۷۰ کیلومترو مربع اولوب شمدیکی حالده مذکور دلتا ایکی نهرک اراسنده در. جغرافیون اسلامیه دن مشهور ابوالفدانک تعریفنه کوره هجرتک ۵۵۹ سنه سننده جیحانک منصبی قره طاش برونی جوارنده واقع قدیم مالوس شهری یقیننده بولنمشدر.

نهرلرک ترسباتیله حاصل اولان اراضی یه علی العموم (لحق) یاخود (تشکلات نهریه) dépôts fluviatiles و یاخود (آلویون) Alluvion و کوللرده تگون ایدن اراضی یه (تشکلات برکیه) dépôts lacustres و نهر منصلبرنده یعنی طاتلی نهر صوبی ایله طوزلو دکر صوینک برلشدیکی محله تگون ایدن اراضی یه دخی (تشکلات نهریه بحریه) dépôts fluvio-marins ناملری ویریلور.

طوزلو صولرک تأثیرات کیمیویه سی. — طوزلو صولرک حامل بولندی
طوزلرک بالکیما ترسبنه انلرک تأثیرات کیمیویه سی اطلاق اولنور. طوزلو کوللرک و یاخود دکر کورفرلرینک صوبی متدایاً تخر ایتدیکی حالده برطرفدن ینه صولر واسطه سیله طوزلر منضم اولدقده نهایت درجه اشباعی بیله تجاوز ایدرک طوزلرک ترسب ایتسی مجبوریت تحتیه کیرر. اشبو کیفیت ترسب مختلف طوزلر ایچون برصورت معینه ده یعنی طوزلرک قابلیت انحلالنه کوره وقوع بولور، شویله که اک اول اک کوچ منحل اولان طوزلر، باخصوص چیس و صکره قیا طوزی واک صکره دخی اک قولای منحل اولان طوزلر یعنی پوتاسیوم و ماغنزیوم ملحلی ترسب ایدر. اشته دکرک و طوزلو کوللرک کنارلرنده (ملاحه) Saline نامیله طوز استحصالنه مخصوص محللرده املاح مختلفه بوجه محر ترسب ایدوب اک التنده چیس یعنی کبریتیت قالسوم ملحی و صکره قیا طوزی واک اوست طبقه ده دخی پوتاسیوم و ماغنزیوم ملحلی مفروش بولنور.

آناطولیده واقع بیوک قیا طوزی معدنلرنده دخی طوزلرک ازمئه سابقه زه‌ئولوژی‌ده بالاده تعریف اولندینی وجه اوزره ترسب ایتمش اولدینی الآن طاشلارایچنده مفروش بولنان مختلف طوز طبقه‌لرینک وضعیتدن استدلال اولنور. پروسیاده ماغده‌بورغ جوارنده واقع مشهور (استاسفورت) Stassfurt و قراقووی جوارنده واقع مشهور (ویلیچکا) Wieliczka طوز معدنلرینک طبقاتی و آلب و قارپات طاغلرینک متعدد چپس و آیدریت و قیا طوزی طبقه‌لری هب بویولده ترسب ایدرک تگون و تخدمت ایتشلردر.

دکزک تأثیرات میخانیکیه‌سی. — تأثیرات مذکوره دکز صوینک حرکتیه و قوعوبولوب اسباب موجبیه درت نوعدر: (۱) دکز لرده‌کی آفیدیلر، (۱) مدوجزر، (۳) روزکار و فورتنه‌لر، (۴) حرکت ارض.

دکز لرک تأثیرات میخانیکیه‌سی طبق نهرلرده اولدینی کبی اشکال و انتقال و ترسب کبی علائم ایله ظاهر اولور.


دکز لرک اثار اشکالیه‌سی الک زیاده قره و آطه‌لرک روزکار و فورتنه‌لره قارشو اولان صارب سواحلنده مشاهده اولنوب دوز ویا صیغ اولان سواحله دخی مواد مؤتکله‌نک ترسب و چوکوندیسی و قوعوبولور.

اشکالک درجه شقی طاشلرک طبیعتنه و طبقه‌لرک وضعیتنه کوره‌در. بر بیوک فورتنه‌ده دکز بعضاً برقاج مترو مکعب حجمنده قیالری تحریک ایدر واک سرت قیالری بیله آلت طرفلرندن آشنیدیره‌رق اوفق و بیوک پارچه‌لرینی دکره القا ایدر و بوبارچه‌لر دکز لرده جاقلمنه‌رق چاقل و قوم و صلصال تسمیه اولنان مواد منقلب اولور.

دکز لرک اشکالنه یک کوزل بر مثال اولمق اوزره (شکل ۹۱، صحیفه ۱۹۵) ده کلیولی ساحلنک بر محلی کوسترلمشدر. استانبول جوارنده واقع مقری کوبنده و قنار بفعه‌سنده و سائر محللرده دخی دکز لرک اشکالی مشاهده اولنه بیلور.

دکز لر قره‌لردن قوباردینی مواد حجریه‌یی دیگر محللرده ترسب ایتدیرمه‌ک

مجبور در . هر قدر بعضاً سونکر طاشی و آماج پارچه‌لری کبی حقیف و یوزه بیلان مواد دکز آق‌دی‌لری واسطه سیله بشقه طرفله نقل اولنه بیلور لر ایسه ده دکزک



(شکل ۹۱) کلیبولیده دکزک اثار انشکالیسی

یوزنده یوزه میان مواد حجریه نك الكرقیق بيله اصلا اوزاق محلله نقل اولنه مز. انجق عظیم بوزکته لرینک اوزرنده مختلف جسامتده طاش پارچه‌لری نقل اولنه رق مؤخرأ بوزک ارمیسيله مذکور طاشلر قعر دریا به دوشر . بوسیدن آجیق دکز لرده احجار مکسوره نك ترسی وقوعبولمز . احجار مکسوره شکلنده اوله رق ترسبات بحریه یالکز سواحل یقیننده وقوعبولوب ترسبات مذکوره لب دریادن بدأ ایله دکزک ایچروسنه طوغری قسم قسم فرش اولتور ، یعنی طبقی نهرلرده مواد حجریه نك منبعدن منصبه طوغری مختلف طبقه لرده فرش اولیشی کیدر ، شویله که اول امرده بیوک چاقل طاشلری دکزکنارنده قالب قوم وصلصال ایسه طالع لرك کیرویه عودتنده چاقل طاشلرندن آریله رق صولرایله دکزک ایچروسنه طوغری یاییلور . سواحلده حاصل اولان تشکلاته (رسوبات ساحلیه) dépôts littoraux دنیلور .

فهردریاده ترسب و تراکم ایتمکده اولان مواد حجریه (رسوبات قهریه)
 dépôts pélagiques تسمیه اولنورایسده رسوبات مذکوره ارکان حیوانیه نك
 آثاریدر .^(۱)

طونمش صو . — طونمش صودن مقصد بوز وقاردر . بوز علی العاده
 جمله مسدسیه دن ایجه ایکنه کی بلورلردن عبارت اولوب بلورات مذکوره نك
 محور اصلیلری دائماً سطح انجماده عمود بولنور . بوز بر قاج نوعدر : بری
 طاتلی صو بوزی اولوب نهرلرده و طاتلی صو کوللرنده حاصل اولور ، ایکنجی
 نوع بوز (استلاقییت بوزی) نامیله معروف اولوب رطوبتلی مغاره لرك دروننده
 قیش موسمنده و یا خود جریان هوا و تخر واسطه سیله وقوعه کلان اختلاف
 حرارتدن حاصل اولور . اوچنجی نوع بوز دخی دکر بوزیدر . دکر بوزی
 انجق — ۲,۲ درجه سانتیگراده حصوله کله سیلوب بو حرارتده دکر صوینده
 منحل بولنان ملح لرك کافه سی انفکاک ایدم جکندن اریتمش دکر بوزی طاتلی
 وقابل شرب بر صو ویرر .

غلاسیه لر و غلاسیه لرك علامتی . — مرتفع طاغلرک کافه سنده
 عرض جغرافییه و خصوصات اقلیمییه کوره مختلف ارتفاعلردن کیچمک
 اوزره بر قار حدودی تعیین اولنه بیلوب مذکور حدودک اوست یاننده ترسبات
 جویه دائماً صلب اوله رق یعنی قار شکنده نزول ایدر و اورالردن قار هیچ بروقت
 کاملاً اریوب محو اولمدیغندن طولایی انلره (دائی قار) لر Neiges persistantes
 دخی دیرلر . آلپ طاغلرلنده دائی قارلرک حدودی ایچون عدد متوسط
 اوله رق ۲۷۵۰ متر و اق بر ارتفاع قبول اولنمشدر، فقط ۴۰۰۰ مترودن یوقارو
 اولان مواقعه ده بولنان قارلر هوانک برودت و رطوبتدن طولایی هان دائماً
 غیر متغیر بر حالده قالور و اگر بو قار یغینلری تضییق واسطه سیله متمادیاً

(۱) ایلروده تأثیرات حیاتییه بحثنه مراجعت اولنه .

اشاغی به طوغری اینکه مجبور اولیه ایدی کتله‌لی دخی آرتار و بیور ایدی .
ارتفاعی ۴۰۰۰ مترودن اشاغی اولان مواقده ایسه قارلر کونشک
وصیجاق روزکارلرک تأثیرله سطحاً اریوب حاصل اولان سولر التده کی قار
طبقه‌لرینه نفوذ ایدر و بوراده طبیعی صفوق قار ایله تماس ایده جکندن مذکور سولر
تکراراً انجماد ایدر . بوسبدن قاردن اوفق و یوارلق جه جکلر حاصل اولوب
یکدیگرینه التصاق واتصال ایدرک یکپاره کبی بر عظیم قارکتله‌سی تشکل اتمش
اولور . بوجنس قار، بوز ایله قار اراسنده بر حالدله بولندیغندن، (قاربوزی)
نامنی آلورکه آلپرده فرانسزلر (نهوه) Nêvé و آلمانلر (فیرن) Firn تسمیه ایدرلر.
مرتفع طاغلرده بویله قاربوزیله مستوز بولنان مواقعه (نهوه اووه‌سی) و یاخود
(نهوه دگری) اطلاق اولور .

جهلی انتساجده اولان مذکور قاربوزی، طبقی نواحی مرتفعه‌نک عادی قارلی
کبی، ثقلت قانوننه اتباعاً متدایاً اشاغی طوغری یورر . صارب و اوچورم اولان
محللرده بریکن قاریغیلری ایسه تضییقه تحمل ایده‌میوب یرندن قوپه‌رق برابر
طاش وقیا پارچه‌لرینی دخی سوروکلیه یوب فوق‌العاده بر قوت ایله دره‌له
دوشر و تصادف ایتدیکی کوی واورمانلری هدم و تخریب ایدر . بوکبی وقعه‌لر
طاغلق محللرده نادراندن اولیوب باخصوص آلب طاغلرندله وقوعی پک چوقدر
ویوکیفیه لسان عثمانیده (چیچ) تسمیه اولنوب فرانسزلر (آوالانش) Avalanche
و آلمانلر (لاوینه) Lawine نامنی ویررلر . طربزون ولایتنده واقع زیغانه طاغلنده
دخی بوکا مائل قار یغینلری دره‌له دوشوب وادیلری خراب ایتدیکی واردر .
اسوچرده (واله) قانتوننده ۱۸۱۹ده دوشن برچیچ ۱۳۰۰۰۰۰ مترو مکعب
حجمنده اولدینی حساب اولمشدر .

اگر طاغ یا جالری‌نک میلی آز اولور ایسه (نهوه) بعد زمان وادیلرک
ابتدالرنده کی ککیش محللرده تراکم ایدرک اورادن یواش یواش وادی بویونجه
یوریمکه باشلا یوب صیجاق حوالی‌یه کلدیکی نسبتده حرارتک تأثیر دخی
تزايد ایده جکندن کاه اریوب کاه طونار و بوسرده نهوه یغینلرینه طبیعی

بر تضييق دخی منضم اوله جفتدن نه وه صيق و کشف بر بوزه منقلب اولور که بوکا (غلاسيه بوزی) و بوزکته سنک مجموعنه بردن (غلاسيه) Glacier اطلاق اولور . ديمک اوليسور که نه وه يفتلرينک انهناسنی غلاسيه لر تشکيل ايدر . قاربوزينک اصل غلاسيه بوزينه تحول ايتمندن طولاي حرکتی منقطع اوليوب هر قدر بوزکته لری ظاهرأ غير متحرک کورينور ايسده بوزک بر درجه يه قدر حائر اولدینی قوه مصوريه سی و يوقارولره نزول ايدن قارلرک اغرلنی سایه سنده تکميل غلاسيه غایت يواش فقط متمادی بر صورتده اشاغی طوغری حرکت ايدر و اگر غلاسيه لرک اتهالری صيچاق نواحی يه واصل اوله رق اريکه مجبور اولامش اوله ایدی وادی بويونجه تادکره قدر وارد قلری کوريلور ایدی . هر قدر غلاسيه لرک اشبو سير و حرکتی آلب طاغلری سکنه سنه قديم نبرو معلوم برشی ايسده اسباب صحيحه سيله تابع اولد قلری قوانينک فنا کشف و تعينی حیلی بر وقته محتاج اولمشدر .

غلاسيه لرک حرکتی باشليجه ايکی سببه مبنيدر : اولاً بوزک حقيقه معجون و خورکی مصور اولميسدر که تجربه ايله طوغريدن طوغری يه ثابت اولور ، شويله که بوزدن کسلمش بر لوحه ويا بر ستون ايکی اوچندن طياندینی حالده اورته سنه بر اغرلق قولسه قيرلقمزين طبق مهر بالموميسي کبی اورته سی اکیلوب قوس پيدا ايدر . بوزک متحرک اولسی ايجون دهامهم بر خاصه دخی ايکی بوزپارچه سنک يکديکرينه تطبيق اولندقدده و باخصوص بر مقدار تضييق ايدلدکده قاينايه رق يکپاره کبی اولميسدر که بويکفته انگليز حکما سندن مشهور مسيو (تيندال) Tyndal (انجماد مکرر) Regélation تسميه ايتمشدر .


امدی بوزکته سنک اوزرنده بی حساب اينجه ياريق و جاتلاقلر حاصل اولوب آريلان قسملر يوقارودن واقع اولان تضييق واسطه سيله يکديکريله اتصال کسب ايدرک تکرار انجماد ايدر . بو حالک نتيجه سی اوله رق تکميل بوزکته سنک قوه مصوريه سی آرتوب حقيقت حالده طبق قويو قوامده کی بر جسمک خصوصيتی اخذ ايتمش اولور ، شويله که غلاسيه قمری ميلي اولان وادی

بویونجه حرکت ایتدیکی ائناده یتاغنده کی اراضینک هر بر شکل و هیئته تبعیت ایدر و بولندینی وادی طارلاشور ایسه غلاسیه دخی طارلاشور، اگر وادی کیشلنور ایسه غلاسیه دخی ککیشلنور الخ. هر برنده برر غلاسیه بولنان ایکی وادی کسب التصاق ایدر ایسه طبقی ایکی نهرک برلشمسی کی مذکور غلاسیه لر دخی برلشهرک دها بیوک بر غلاسیه حصوله کلور وانجماد مکرر واسطه سیله ده سطح التصاق همان غائب اولور .

غلاسیه لرک سیر و حرکتده کی سرعت حالات مختلفیه تابعدر، مثلاً یاز موسمنده سرعت حرکت قیشدن زیاده در و غلاسیه یتاغنک میلی زیاده اولدقه آز میلی اولان غلاسیه لر دن دها چابق حرکت ایتدیکی کی بیوک غلاسیه لر دخی علی العاده کوچک غلاسیه لر دن دخی سریع حرکت ایدر . غلاسیه لرک حرکتی ۲۴ ساعت ظرفده بربری اوزرینه ۲۰ — ۲۵ سانتیمتر و خساب اولنمش ایسه ده مساعد حالده بعضاً بر متروی دخی تجاوز ایدر. فقط عینی غلاسیه ده دخی سرعت حرکت مختلفدر و طبقی بر بیوک نهرک صوبی کی بوز دخی یتاغنه سورتمسندن طولای قهرنده و ایکی جهته ده دها یواش و سطحنده و باخصوص اورتیه سنه یقین اولان محللرنده دها چابق حرکت ایدر و بوسیدن غلاسیه لرک اوزرنده اکلیکنه اوله رق موجود بولنان یاریقلرک اورتیه سی دائماً اشاعی طوغری اکر یلور . بوزلرک سطحاً اریوب تخر ایتمسندن طولای غلاسیه کتله - لرینک دخی حجمی ازالقده در و بواریمکدن حاصل اولان صولر قسملاً غلاسیه نك سطحندن و قسملاً دخی یاریق و چاتلاقلردن کچهرک غلاسیه نك التندن جریان ایدر و نهایت غلاسیه سنک اتهاسنده برلشهرک بر ایرمق تشکیل ایدر که بوکا (غلاسیه ایرمقی) نامنی ویرلر (شکل ۹۲، صحیفه ۲۰۱) و بو ایرمغک چیقدینی محله ده (غلاسیه قپوسی) نامیه اکثریا بیوک بر بوز مغاره سی دخی حاصل اولور. غلاسیه ایرمغک صوبی حامل بولندینی قوم و چاموردن طولای ایتدالری بولانق ایسه ده سکره لری مواد مذکوره ترسب ایتدیکندن براق اولور و بو ترسباته (غلاسیه چاموری) و اگر غلاسیه نك یتاغی کرج طاشندن عبارت ایسه (غلاسیه تباشیری) و یا خود (غلاسیه سودی) تسمیه اولنور .

غلاسیه لرك اوزرنده بر چوق قیا و مولوز پارچه لری دخی بولنوب بولنره
 علی العموم (مورن) Moraines تسمیه ایدرلر . اشبو مورنلر غلاسیه لرك ایکی
 طرفنده طاغلردن قوپوب دوشن مواد حجریه اولوب غلاسیه نك حرکتیه انلر
 دخی برابر حرکت ایده جکندن غلاسیه نك بویونجه اوزون طاش یغینلری پیدا
 اولمش اولور . بر قاق نوع مورن فرق و تمیز ایدیلور : شویله که غلاسیه نك
 ایکی یاننده حاصل اولان مورنلره (جانبی مورنلر) Moraines latérales
 دنیلور و ایکی غلاسیه برلشدکده برینك صاغ و دیگرینك صول طرفنده کی
 جانبی مورنلر دخی کسب التصاق ایدرک بیوک غلاسیه نك اورته سنده (وسطی
 مورنلر) Moraines médianes پیدا اولور . غلاسیه یتاغنی تشکیل ایدن وادیلرک
 عدم انتظامندن یعنی اینیشلی چیقیشلی اولمسندنطولایی بوزکته سنده اکیه بویه
 بیوک یاریقلر حاصل اولوب مواد حجریه نك بر قسمی دخی مذکور یاریقلره
 تصادف ایدرک غلاسیه نك ایچنه و یاخود تا قعرینه قدر دوشر و غلاسیه ایله برابر
 حرکت ایدوب (قعری مورنلر) Moraines profondes نامنی آلور .
 غلاسیه لرك الت باشنده کی بوزک اریمسندن مورنلر یره دوشه رک
 پیدا ایتدکلری مولوز یغینلرینه ده (اتهای مورنلر) Moraines terminales
 یاخود (جهبی مورنلر) Moraines frontales اطلاق اولوب بولنر اکثریت
 اوزره چیقندسی اشاغی طوغری اولق اوزره نصف دائر شکنده اوله رق
 غلاسیه نك اتکینی احاطه ایدر و اشبو اتهای مورنلرده غلاسیه جوارنده بولنان
 طاغلرک تکمیل طاشلردن نمونه لر موجود بولنور ایسه ده، نهر و دکرلرده اولدینی
 کبی، مذکور طاشلر حجمه کوره قسم قسم آریلمیوب بیوک و کوچک قارمه قاریشق
 و غیر مفروش بر حالد اوله رق تراکم ایدر . بعضاً غلاسیه مورنلردن بیوک
 قیا پارچه لرینك التده کی بوزک اطرافنی اریه رک طابله شکلی آلور و بولنره
 (غلاسیه طابله سی) تسمیه اولنور . بولنرک سطحی بعضاً ۲۵ متر و مریعدر .
 (شکل ۹۲، صفیحه ۲۰۱) و یانه معلملرندن پروفور سیمونی نك اثری اولان
 غلاسیه رسمی اولوب غلاسیه لره عائد علائک کافه سنی جامعدر .

اسوچرہ دہ واقع غلاسیہ لک عددی ۱۰۰۰ دن متجاوز اولوب مجموعک مساحتہ سطحیہ سی ۲۰۹۶ کیلومترو مربعدر . اک جسیم غلاسیہ (آلچ) غلاسیہ سی اولوب طولی ۲۴ کیلومترو ومساحتہ سطحیہ سی ۱۰۰ کیلومترو مربع وحجمی دخی ۲۰ — ۲۴ ملیار مترو مکعبدر . یالکز مون بلاندن اینن غلا-سیہ لک مساحتہ سطحیہ سی ۲۸۲ کیلومترو مربعدر . مون بلان غلاسیہ لردن (بوز دکزی) Mer de glace نام غلاسیہ دہ فرانسہ طبعیونندن مشهور



(شکل ۹۲) غلاسیہ رسمی

(سوسور) Saussur طرفندن ۱۷۸۸ سنہ سندنہ غلاسیہ لہ دائر ایلک تجربہ لر اجرا ایدلش اولدیغندن اسوچرہ نک اک مشهور غلاسیہ سیدر . غلاسیہ لردن آقان سولردن بیوک نہر لر حاصل اولور، مثلا رون نہری (رون غلاسیہ) سندن و آر نہری (آر) غلاسیہ سندن چیقار . اسوچرہ غلاسیہ لری آوروپا قطعہ سی ایچون بیوک بر نعمتدر زیرا قوراق و قتلردہ پک چوق منبع لر چکلدکده سولرک قسم اعظمی غلاسیہ لردن کلور .

اوستریاده تیرول اولککسندنه و پیره نه طاغلرنده و اسقاندیناویا ده وقاقاسیه ده دخی مهم غلاسیه لر اولدینی کبی آسیا و آمریقانک مرتفع طاغلرنده دخی بیوک غلاسیه لر موجوددر . قطب طرفلرنده قار حدودی دکره یقین (شمالده ۸۰ درجه عرض شمالی) و یاخود بتون بتون لب دریاه واصل اولدیغندن غلاسیه لر دخی دکره منصب اولور و (قطبی غلاسیه) لر اول حوالینک نهرلری مقامنه کیرر . غرونلاندده واقع مشهور (هومبولد غلاسیه سی) ۲۱' و ۷۰° عرض شمالیده بولنوب انتهای تخمیناً ۷۰ کیلومترو عرضنده و ۱۹۰ مترو عمقنده در .

دکر صوینک حرارتی زیاده اولدیغندن طالغله لر متدایاً قطبی غلاسیه لری آشنیدیره رق نهایت صیحه عظیمه ایله بیوک بوز پارچهلرینک قوپوب دکره دوشمسنی موجب اولور ؛ فقط بوز کثافتی اقتضای ینه سطح دریاه چیقوب عظیم بوز طانغی حالنده دکر آقندیلری واسطه سیله پک اوزاق محللره و بعضاً ۴۰ درجه عرض قدر بیله سوق اولنور . دکرک اوزرنده یوزن اطه کبی بوز طاغلرینک کتله سندن یالکر اونده بر قسمی صودن طیشارو بولنور و اوزرلرنده پک چوق قیالر و مولوز پارچهلری بولنوب بوزک کاملاً ایریمسندن مذکور مواد حجریه قمر دریاه سقوط ایدر .

(اجار ضاله) و یاخود (رضام سیاره) Blocs erratiques نامیله معروف اولان قیا و طاش پارچهلرینک بر قسمی تعریف اولدینی وجهله بوز طاغلری اوزرنده نقل اولدینی فرض اولنوب ادوار جدیده ژه نولوزیه ده دکرلرک چکلیمسندن مذکور طاشلر قرده قالمشدر . اجار ضاله نک بعضیلری ۴۰۰۰ مترو مکب حجمنده در واسوچرده آلپ و ادیلرنده و ژورا طاغلرنده و فرانسه ده و المانیاده پک چوق بولنور . مثلاً پروسیاده پومرانی ولایتده بولان ۸۴۰ مترو مکب حجمنده و برلین جوارنده بولنوب الان موزه خانه نک اوکنده حوض خدمتی ایفا ایدن بر بیوک طاش و کذا پترسبورغده بیوک پترونک استاتوسنک ایغی اولان ۱۵۰۰ تون ثقلتده کی غرایت پارچه سی اسقاندیناویا طاغلرندن منتقل طاشلر اولدینی مؤخرأ تحقیق ایتمشدر .

اسوچر ده والہ قانتونندہ موجود ۹۴۰۰ مترو مکعب حجمندہ کی قیابارچہ سی
احجار ضالہ نك اك مشهور لردن اولوب اوزرندہ برده قلبہ بنا اولمشدر .

مورن لردن بشقہ غلاسیہ لرك فعل تأثیری اولہرق کچدکلی محللری صورت
منتظمہ ده چیزوب وجلا ایدوب آشنیدینی مشاہدہ اولوب كرك مورن
یغینلری وكرك جلا اولمش قیالر واسطہ سیلہ قدیم غلاسیہ یتاقلری وانلرك
صورت توزیع وتوسی اکثراً صورت محققہ ده کشف وتعیین اولنہ بیلور . ازجلہ
بوکونکی (رون غلاسیہ) سنك ازمنہ قدیمہ ده لیون شہرینہ قدر کلدیکی یعنی ۴۹۵
کیلومتر و اوزونلغندہ اولدینی معلومدر . اسوچر ده واقع لوسرن شہرندہ
غلاسیہ امارہ سی اولہرق محلا قیالر وسائرہ بولمشدر . برن شہری جوارندہ
عظیم مورن یغینلری موجوددر . والحاصل اوروپانك پك جوق محللرندہ بویلہ
غلاسیہ اثرلری کشف اولمشدر .

ممالك شاهانه نك روم ایلی وناطولی قطعہ لردن هیچ برندہ غلاسیہ
بولندینی کبی آثار و امارہ سی بیلہ کشف اولنماشدر . انجق سوریه ده طورسینا
وجبل لبنان مورن یغینلرینك بولندیغہ وحالا مشهور لبنان چاملرینك بولندینی
اراضینك دخی برقدیم مورن یغینی اوزرندہ اولدیغہ بعضاً ژہ ئولوغلر ذاہب
اولملار ایسہ ده الآن صورت معینہ ده تحقق ایتماشدر .

(۳) تأثیرات ناریہ

تأثیرات ناریہ تعیریلہ ارضك قوای داخلہ سنك سطح ارض اوزرینہ
وقوعبولان تعاملی یعنی کرۂ ناریہ نك تأثیرات ژہ ئولوژیہ سی استدلال اولنور .
تأثیرات ناریہ نك اظهار ایلدیکی علائم باشلیجہ (ولقانلر) و (منابع حارہ)
و (زلزلہ) لردن عبارت ایسہ ده طاغلرك صورت تشکل وتکونی دخی تأثیرات
مذکورہ نك اثرلری اولدینی کوریلہ جکدر .

ولقانلر و علائم و لقانیه

(ولقان) Volcan^۱ و یاخود (ینارطاغ) دیو دروندن وقت وقت اریش مواد حجریه چیقان طاغلره تسمیه اولنور. ولقانک یاغمنه علی العموم (اندفاع) و یاخود (فوران) Eruption و اندفاعاتک و قوعبولدینی آغزه دخی (قراتر) Cartère و یاخود (فتحه و لقان) اطلاق اولنوب (شکل ۹۳) اگر ولقانک اغزی



(شکل ۹۳) (ب) ولقانک باجه سی،
(ج) ولقانک مخروطی

طاغک زروه سنده ایسه (تپه قراتری) و اگر یانده ایسه (جانب قراتری) ناملرینی ویرلر. ولقانلردن چیقوب مایع ناری حالنده بولنان مواد حجریه یه (لاو) Lave و یاخود (لاوا) تسمیه اولنوب مواد مذکوره دائماً برابر چیقان صوبخارلرینک قوتیله یوکسک محللرده قدر آتیلوب بعضاً دخی قراترک کنارینه قدر چیقوب طاشه رق طاغک یماچندن اشاغی آقار .

اکثر ولقانلرک شکلی تپه سی کسک بر مخروط کبی اولوب ولقاندن چیقان مختلف الجنس مواد حجریه و لاولر واسطه سیله تشکل ایتمشدر. ولقانلرک جسامتی پک مختلف اولوب یماجلرینک افق ایله تشکل ایتمکلی زاویه ۳۰ ایله ۴۰ اراسنده در . ولقانلرک ارتفاعی دخی مختلفدر . سکونته فقط متماداً ایشلیان ولقانلرک مخروطی اکثریتله یوکسک اولوب اگر اندفاعات شدتله و قوعبولور ایسه مواد مندفعه اوزاق محللره آتیله جفی کبی ولقانک اغزی دخی هدم و تخریب اوله جفندن بو صورتده مخروط ولقان بالعکس آلقی قالور .

آمریقای جنوبیده واقع آند طاغلرینک بعض ولقانلری دنیانک اک یوکسک طاغلرندن معدوددر ، مثلاً شیلیده واقع (آقوتقاغوا) ۶۹۷۰ مترو و اقوادورده واقع (شیمبورازو) ۶۲۵۰ مترو و (قوتوباقسی) ۵۹۶۰ مترو ارتفاعنده در . آسیا ولقانلرندن قفقاسیه ده (بیوک آارات) ۵۱۷۰ مترو ،

(۱) ولقان لفظی پک قدیم اولوب عربلرک قوللاندقاری (برکان) تعبیری ولقاندن غلطدر .

قناریا اطلرلرندن (پیق دو تریفا) ۳۷۱۰ مترو وسیچیلاده (آنا) ولقانی ۳۳۱۳ وناپولی جوارنده (وزو) ولقانی ۱۲۸۰ مترو ارتفاعنده در. بعض ولقانلر ارتفاعی دخی یالکز ۳۰ مترو دن عبارت بولنه یلور.

قراترلر دائماً ولقان مخروطنك درونندن یکن باجهنك آغزنده کی بر دلیك اولوب شکلی اکثریا هونی کیدر. قراترک بیولککی دخی پک مختلفدر، بعضاً یالکز بر اوفق دلیکن عبارت اولدینی کی بعضاً دخی بش کیلومترو کیکشلهکده اولدینی واردر. از جمله وزو ولقاننك قراتری ۶۲۰ مترو، لیاری آطلرلرنده (استرومبولی) ولقاننك قراتری ۶۷۰ مترو، اتنا ولقاننك قراتری ۷۰۰ مترو، مکسیقاده واقع (پوپوقاله بتل) ولقاننك قراتری ۱۷۰۰ مترو وساندویچ آطلرلرندن هاوایده واقع (ماوانالووآ) ولقاننك جانب قاترلرندن (قیلاوهآ) نام قراتر دخی تمام ۴۷۰۰ مترو قطرلرنده بولمشدر.

مايع ناری حالنده ولقاندن فوران ایدن مواد حجریه ولقاننك یماجلرلرندن اشاغی طوغری آقندیلر پیدا ایدر وتصلب ایتدکنفسکره ترکیب معدنیسنه کوره (بازالت) Basalte ویاخود (تراخیت) Trachyte ناملری ویریلور، (بازالت لاوی، یاخود تراخیت لاوی).


انهای اندفاعده ولقاننك درین محللرندن قویان اوفق و بیولک طاش پارچهلری تضییق التسه بولنان صوبخارلرینك قوتیه یوکسك ارتفاعلره آتیلوب قسماً تکرار ولقان مخروطی اوزرینه دوشر. مواد مذکور مختلف اسملر ایله یاد اولنور، شویله که اک رقیق وایجه توز کی اولان قسمنه (ولقان کولی)، دها براز بیوجک وقوم کی اولور ایسه (ولقان قومی) دنیلور که بو اکثریا هر جهتی تمامیه متبلر بلورلرندن عبارتدر (مثلاً استرومبولی ولقاننك اوزیت قومی). فندق وجویز جسماتده اولان جروف پارچه لرینه (راپیلی) Rapilli ویاخود (لاپیلی) Lapilli ویرودن باش بیولکلکنه قدر اولان پارچه لره (ولقان خبره می) Bombe تسمیه اولنور ومذکور خبره لر تصلب ایتمش لاو پارچهلری اولوب ولقاندن آتیلور ایکن سرعتله دور ایتدکلرندن کروی

و یاشبه کړه شکل لری اخذ ایدر . خبره لردن دها بیوک پارچه لره (ولقان قیاسی) تسمیه اولنور . اشبو مواد منفرقه ترسب ایتدیکی وقت صو ایله قارشور ایه (ولقان توفی) Tuf volcanique تسمیه اولنان طاشلر حصوله کلور .

مخروط شکلنده بولنان جبال ولقانیه مواد مندفعه نك تراکیمه یواش یواش بنا اولدیغندن بیه لری یان یانه ویا بربری اوزرینه مفروش لار اقدیلرندن وسائر مواد منفرقه طبقه لردن وتوف ترسباتندن عبارتدر طبقات مذکورنك دروننه چوقکړه ینه عمودی لار طمارلرینك قول صالحینی کوریلور . عمودی لار طمارلرینه (دیق) Dyke دخی تسمیه اولنوب بولنر اکثریا قراترک درت جانبدن تشمع ایدرک اشاغی طوغری حاصل اولان یاریقلرک ایچروسنی املا ایدن لار اقدیلریدر . بوکې جایی ویا شعاعی یاریقلردن دخی چوقکړه اندفاعات وقوعه کله بیلوب بیوک مخروطک یا جنده اوفق مخروطلر پیدا اولورکه بولنره (طفیلی مخروطلر) Cónes parasites تسمیه اولنور . ازجمله اتنا ولقاندنه شمعدیه دکن وقوعبولان لار سیلاننك کافه سی بوکې جایی یاریقلردن خروج ایتش اولوب مذکور ولقاندنه یدی یوزی متجاوز طفیلی مخروط موجوددر .

بر مخروط عبارت بولندی بایشلیجه ماده کوره لار مخروطی، جروف مخروطی، کول مخروطی وتوف مخروطی تعبیرلری مستعملدر . بعضاً ولقان مخروطلرینك بالاسی مدور وخلقه شکلنده اولوب بو ایه سکونت زماننده قراترک ایچرویه طوغری منهدم اولسندن نشأت ایدر . جاوا آله سنده وقوعی معلوم اولدینی وجهله بوکې انهدام واسطه سیله مخروط ولقان ارتفاعی کلی مقدار غائب ایدرک یالکز قاعده سی خلقه کې بر دیوار ایله محاط قالب اورته سنده دخی آغزی توسع ایتش اولان قراتر موجود بولنور . مؤخرأ اندفاعات وقوعیه خلقه شکلنده اولان طاغک اورته سنده یکیدن بر مخروط حصوله کله بیلور (شکل ۹۴، صیفه ۲۰۷) . بوکې متعدد مخروطلردن مرکب اولان ولقانلره اک کوزل مثال (وزو) و (پیق دو تریفا) و بنکاله کورفرزنده واقع آنده مان آله لردن (بارن) آله سی، الح ولقانلریدر .

(وزو) Vésuve ولفانك شمديكى مخروطى ميلادك ۷۹ نجى سنه سندن
برو وقوع بولمقده اولان مختلف اندفاعاتك اثرى اولوب قبل التاريخ حصوله



(شكل ۹۴) (ب) ولفانك باجيسى، (ج) اسكى مخروط، (د) مواد منهدمه، (ه) يكي مخروط


كلهرك منهدم اولمش بر مخروطك اورته سندن تكون ايتمشدر ومذكور اسكى
مخروطك بر قسمى آلآن يكي مخروطك جهت شماليسنده نصف دائره شكلنده
اوله رق موجود اولوب (صوما) ^(۱) Somma ناميله معروفدر . صومانك
ايچ طرفه ناظر اولان ديواريله شمديكى وزو مخروطك ييتنده كى دوز محله
(آتریو دل قاوللو) Atrio del Cavello ياخود (آتریوم) Atrium ^(۲) تسمیه
اولنور . سائر بوكا مشابه ولفانلرده دخى (آتریوم) و (صوما) تعبيرلىرى
مستعملدر .

بعض نواحى ولفانيه ده حوض كى چوكش قراترلر مشاهده اولنوب
بونلرك اطرافى يا توف وخبره لردن عبارت آلچق بر ديوار ايله محاطدر وياخود
بوديوار دخى اوليوب دوزدر وبونلردن هيچ بر وقت لاولرك سيلانى
وقوع بولماشدر . بوكى چوكنديلر اكثريا منتظم دائره شكلنده اولوب
درونلرى چوقكره صوايله مملو بولنديغدن عاا صو حوضى كيدر وعلى العموم
(مار) Maar ياخود (قراتر كولى) تسمیه اولنور . (شكل ۹۵، صحيفه ۲۰۸)
آلمان ياده آيفل طاغنده بر (مار) ك رسميدر .

اندفاعات ولفانيه يالكز قرملرده اوليوب قمر درياده دخى وقوعى واردر .
آنچق تحت البحر حاصل اولان ولفان مخروطلرينك چوغى دكرلرك درينلكندن

(۱) ايتالياچ (صاوم) Saum دن كلور . (۲) لاتيجه حولى ديكدر .

طولاي سطح درياه واصل اولمز ؛ بعضيلری ايسه سطح دريایی پك چوق
تجاوز ايدر، نتكم لياری آطه لرندن (ولقانو) آطه سنده وبجر جنوینك بیوك
ولقان آطه لرنده اولدینی کبی .



(شكل ۹۵) آفیلده بر (مار)

خلقه شكلنده واورتهسی لیمان کبی صو ایله مملو ولقان آطه لری دخی
واردر . مثلاً بجر محیط هندیده (سن پول) آطه سی و جزائر یونانیه دن
(سانتورین) آطه سی بویله در . سانتورین آطه سنك قدیم قراری منهدم
اولدقدنصكره سطح دریاده یالكز صوماسی خلقه شكلنده قالمش ایكن ۱۸۶۶
تاریخنده ینه اندفاعات باشلایه رق خلقه نك اورته سنده یكیدن (یورکی ولقانی)
نامیله معروف اولان مخروط چیقمشدر . بو حالده سانتورین آطه سنك
آتریومی صو التنده بولنیور . بر وجه تعریف ولقان آطه لری صاغلام لاو
آفسیدیلریله تحكیم اولنیوب یالكز ولقاندن چیقان مواد متفرقه ایله بنا اولنش
ایسه دكز طالعهرلینك تأثیرات تخریبیه سنه مقاومت ایده میهرك محو ونابدید
اولور . از جمله ۱۸۳۱ سنه سنده بجر سفیدده واقع سیچلیا آطه سیله پانتلاریا
یئننده حاصل اولان (فردینسانده آ) نام ولقان اطه سی اندفاعات متبادیه ایله
۷۲ مترولو بر ارتفاع قزاندینی حالده الی آی صكره بجر سفید طالعهرلینك
تأثیراتیه منهدم اولمشدر .

ولقاندلر متادياً فعال بولنمىوب اندفاعاتك وقوعى وقت وقت و آزچوق امتداد ايدر فاصله لر ايله اولور . بر ولقاندە اندفاعاتك باشليه جنى اولجه بر چوق علائم ايله بللى اولور . علائم مذكورەك اك برنجيسى غاز و بخارلرك طيرانيدر و باخصوص صوت بخارى قرارتدن و اطرافده بولنان ياريقلردن مدەش صدا و كورولتى ايله چيقەرق ولقاندك اوزرنده اوزون و بياض بر بخار ستونى تشكيل ايدر كه بعضاً بو پك اوزاق محللردن بيله رویت اولنه بيلور .

صو بخاريله برابر ولقانلردن مختلف مقدارده اولەرق كبريتلى مولدالما، حامض كبريتى، كبريت بخارى، مولدالما، حامض قلورما، حامض بور الخ دخی طيران ايدر . حامض قلور مانك وجودى قلور پوتاسيوم، قلور سوديوم، قلور قالسوم، قلور ماغنزیوم، قلور نحاس قلور اسرب، قلور حدید الخ كبی بر چوق طيار قلور مثالنسك تشكلى باعث اولوب مرکبات مذكوره اوزرينه دخی حامض كبريت تأثیر ايدرك كبريتيت سوديوم، كبريتت ماغنزیوم، كبريتت قالسوم و كبريتت حدید كبی بر طاقم حامض كبريت ملحولى تشكيل و متحد ایدە بيلور . قلور حدیدك غایت يوكسك حرارته صو بخارى واسطه سيله تحلل ايتمسندن دخی اولر بىست معدنك بر نوعى اولان (تيور ميقاتى) حصوله كلور كه بونك اك كوزللى وزو ولقاندە ظهور ايدر .

اشبو بالاده تعداد اولنان بخار و غازلرك طيراني كيت كیده شدت كسب ايدرك اصل اندفاع باشلار، فقط بو ائشاده اكثر يا شدتله حركت ارض دخی وقوع بولوب ير التندن مخوف و كوك كورلدیسنه مشابه صدارل ظهور ايدر و منبعلر چكيلوب جوارك قبولرى قورير و اگر مخروطك اوزرنده قار وار ايسه بر دنيه ايرير . مذكور مهيب صدارل بعضاً محال بعيديه قدر واصل اولور، مثلاً آمريقادە واقع (قوتوپا كسى) نام ولقاندك ۱۷۴۴ تاريخندەكى احتراقده حاصل اولان صدارل ايكوز اللى ساعتك بعد و مسافهده بولنان شهرلردن بيله اشيدلمشدر . حقى مشهور مسيو (هوبولد) روى درياده دخی قعر دريادن كلور كبی صدارل استماع ايليوب ذكر اولنان قوتوپا كسى ولقاندك مؤخرأ وقوع بولان بر اندفاعندن نشأت ايتمش اولديغنى تحقيق ايلمشدر .

اشته بو حالات ولقاندە شدت بولەرق سكوتى ائشاننده قبالى اولان قرار ياريلوب درونندن اول امرده عظيم وقويو بر دومان ستونى عموداً سمايه طوغرى

صعود ایدر ویوقارولرنده دومانلر یاییلهرق جسم بلوطلر حاصل اولور وکیجه وقتی درون ولقاندەکی آتیشک ضیاسی انلره قدر عکس ایدر .


مذکون دومان ستونی کول ولاپیللی وخبرهلردن عبارت اولوب بونلر کثرتله طیران ایدن صوبخاری قوتیله یوکسکه سوق اولنور. خبره ولاپیللی کبی آخرجه اولان موادینه همان اشاغی دوشر، فقط ولقان کولی حقیف ورقیق اولدیفندن روزکارلر واسطه سیله اوزاق محلله قدر نقل اولنور (۱). ولقانک یقیننده بولنان مملکتلره دخی قره بلوط کبی کول یاغوب ظلمتده براقور، مثلاً ۱۸۲۲ سنه سنده وزو ولقانک احتراقده اطرافده کی شهرلرده کوزکوزی کورمن اولدیفندن اولرده وزو قاقلرده قدیل یاقشیلردر. سیاه دومان ستونک ایچنده آره صره بیاض صوبخاری ستونی دخی مشاهده اولنور، هریکی سنک دخی فوق العاده صورتده (یعنی ۳۰۰۰ مترولق) بر ارتفاع کسب ایتدیکی واردر ومذکور بخار کتله لری آغر بلوطلره منقلب اولدقدنصره تکاثف ایدرک آنلردن ولقانک اوزرینه طوغری شدتله یاغور یاغار وشمشک چقار (شکل ۹۶، صیفه ۲۱۱).

کول یاغوری ویرالتیدن کلان صدا وزلزله لره ک زیاده شدتی مایع نارینک چیه جغه یقیندر. مایع ناری یا قراترک کندوسندن ویاخود ولقانک یماجلرنده حاصل اولان یاریقلردن خروج ایدرک اشاغی طوغری آقار .

لکن خفی اولیه که بر ولقانک حدوثی کیفیات مشروحه واشکال مذبورەنک جمله سنی ایجاب ایتدیرمیوب بعضاً زلزله اولمقسرین ومایع ناری چیقمسزین ویالکتر ولقانک یانلرنده کی یاریقلردن اوله رقت اندفاع وقوعبوله بیلور، فقط مواد غازیه وبخارلرک انتشاری وکلی حرارتک حصولی کافه ولقانلرک احتراقده مشاهده اولنور .

لاولرک قوامی تخمیناً اریمش تیمور ویاخود جامک قوامی کبی اولوب سیر وحرکتی چوقکره زمینک شیوینه واسباب سائریه تابعدر . بعضاً لاو آقندیلری آز زمانده مسافه کثیره یعنی ثانیه ده ۸ متر و قطع ایتدیکی واردر،

بعضا دخى بر قاچ ساعتده انجق بر ايكى مترو ايلروليه بيلور، مثلاً اتنا ولقانتك بر اندفاعنده يوقوشلى محللرده لاوك ساعتده درت يوز و بعضاً سكر يوز مترو



(شكل ۹۶) (وزو) ولقانتك ۱۸۲۲ سنه سنده كى اندفاعى

قدر ودها زياده مسافه يي قطع ايلديكي كورلمشدر. اكر لاولر حركت وجرياننده موانع محليه به تصادف ايلر ايسه آنده بر مقدار تراكم ايدر وجوقور بر محل اولدينى حالده اورايي طولديروب بر كول پيدا ايدر كينه بر طرفدن جرياننه دوام ايدر و بعضاً دخى ايكى ويا متعدد قوله منقسم اولور. اكر مواد سياله نك يولى اوزرنده اورمان وارايسه يقارق كچر و معاذ الله بر شهر ك بدنلري اوزرينه هجوم ايدمك اولور ايسه ديوارلرك ارقه لرنده تراكم ايتدك دك نصره تجاوز ايدر ك زوقاقره دوكيلور و خانه لرك جوانب اربعه سنى احاطه ايدر .


لاولرك حرارتی ۱۰۰۰ — ۲۰۰۰ درجه سانتیگراده بالغ اولدینی واردر .
مکسیقاده واقع (زورولو) ولقانتک ۱۷۵۹ سنه سننده کی اندفاعنده چیقان
لاولرده ۵۱ سنه صکره بیله بعض مرتبه صیجاقلق حس اولنشدرد .
وزو ولقاندن ۱۸۵۸ سنه سننده چیقان لاولرك سطحنده یدی سنه صکره
۷۲ درجه حرارت اولچلمشدر .

بر اندفاعده حاصل اولان لاولرك مقداری تخلف ایدوب بعضاً عقلدن
خارج بر مقدارده اولور . آمریقاده (ماونالوآ) ولقاندن ۱۸۵۵ و ۱۸۵۶
سنه لرنده چیقان لاولرك اقدیسی ۱۰۰ کیلو مترو اوزون و ۴۸۰۰ مترو ککیش
وبعض محللرنده ۱۰۰ مترو درین ایدی . (بوربون) آله سننده ۱۷۸۷ سنه سننده
چیقان لاولرك کتله سی تخمیناً ۸۶ ملیون مترو مکعب اولوب بوده ضلعی ۴۴۰
مترولق بر مکعبه مساوی دیمکدر . وزو ولقانتک ۱۷۹۴ سنه سننده کی اندفاعی
(توره دل غره قو) نام کویی تخریب ایدرك حاصل ایلدیکی لاو اقدیسی ۵۷۰۰
مترو طولنده و انتهای ۶۵۰ مترو عرضنده و ۱۵ مترو درینلکده اولوب
جمعی ۱۵۶۰۰۰۰۰ مترو مکعب حساب اولنشدرد .

پک چوق و قندنبرو محترق اولیان بر ولقانه (سونمش ولقان) تسمیه ایدرلر
ایسه ده بو تعبیر ایله اکثریا احتراقی تاریخجه مقید اولیان مغروطلر اکلاشیلور ،
فقط چوق و قتلر سونمش ظن اولنان ولقانلرك مؤخرأ یاغنه باشلادیخی دخی پک
چوقدر . از جمله نابولی جوارنده کی (وزو) ولقانتی رومالورلر چوقدن سونمش
فرض ایلدکری حالد میلاددن ۷۹ سنه صکره بردن بره اندفاع ایدوب بو
اثناده مشهور (هرکولانوم) Herculaneum و (پومپئی) Pompéi و (استابه)
Stabiae شهرلری تخریب اولنش و مشهور فیلسوف (بیوک پلین) Pliny دخی
هلاک اولمشدر .

فرانسه ده (اوورن) Auvergne طاغلرینک سونمش ولقانلری مشهوردر
(شکل ۹۷، صحه ۱۱۳) . آلمانیا ده دخی سونمش ولقانلر موجود اولوب
اک مشهورلری (آیفل) Eifel طاغنک ولقانلریدر .

ممالك شاهانده الآن فعال ولقانلر يوق ايسهده بر چوق سونمش ولقانلر
بولسوب فقط بونلردن بعضلرينك ازمنه قديمهده احتراقى تاريخجه دخى مثبت
واحوال زه ثولوويه لرى غايت غريب وييلمكه شاين اولديفندن بوراده برمقدار
تفصيلات وپرلدى :



(شكل ۹۷) اوورن طاغلرينك سونمش ولقانلرى

ازميرك جهت غريبسنده واقع قوله ايله عشاق ييننده كى اراضى اوزرنده
وقتيه اول مرتبه بر فعاليت ولقانيه وقوعبولمشدركه مملكتك سكنه قديمهسى
اراضى مذكوره يه (قاناكه قومنه) تسميه ايتمشلدر، بوده يونانجه (نواحى متحرقة)
معناسنده. نواحى مذكورهده الآن بر چوق منتظم مخروط وقراترلر ايله
انلردن چيغان لاو اقسديلرى وجرووف يفينلرى كوريلوب بونلر (اوورن)
و (آيفل) وبلكه (وزو) ولقانك احوال ولقانيه سيله مقايسه اولنه بيلور. ايكي
انكليز زه ثولوغك مشاهداتنه كوره (نواحى متحرقة) ده اوچ بيوك احتراق
دورى تميز وتفریق اولنه بيلوب بونلك اك يكيلى ازمنه تاريخيه ظرفسده
وقوعبولمشدر. اشبو اوچنچى دورك مخروطلارندن قولهك شرق شاليسنده

بولنان (قره دیویت) نام طباغ اک مرتفعی اولوب، اوو مدن تخمیناً ۵۰۰ مترو یوکسکدر. نواحی متحرقة و لقانلرندن چیقان سیاه بازالت لاولری قوله قصبه‌سنه قدر واصل اولور.

جغرافیون یونانیه‌دن آماسیه‌لی مشهور (استرابون) جغرافیاسنده نواحی متحرقة اوزرینه بروجه آتی معلومات ویرمشدرد^۱:

«فاناکه قومنه تسمیه اولنان اراضی ۵۰۰ استاد طولنده و ۴۰۰ استاد عرضنده (۱ استاد = ۱۸۵ مترودر) اولوب بوراده اغاجدن هیچ بر اثر یوق ایسه‌ده اوزوم باغلیری پک مشهوردر. اراضینک دوز اولان قطعهمسی کول ایله مستور اولوب طاغ و قبالق اولان قطعهمسی سیاه و یاغش کی اولدیفندن برچوق مؤلفر بوحالی یلدریم و سارسمادن ایغه آتشلره اسناد ایتمشلدرد. لکن یالکز هوانک آتشیله اولقدر واسع اراضینک هر بر نقطه‌سنده بدن احتراق وقوعنی فصل قبول ایغلی؟ حالات مزبوریه تحت‌الارض موجود اولوب شمدی سونمش اولان آتشنک افعال مقامیه‌سنه حل ایتمک البت ده صوابدر. زیرا بو مملکتده الآن (فیر) یاخود (کوروک) نامیه‌یکدیگرینه ۴۰ استادلی بعد و مسافه‌ده بولغنی اوزره اوج عدد درین چوقورلق موجود اولوب اطرافنده تپلر واردر و بوتپلرک دخی داخلدن چیقان مواد ناریه ایله تکنون ابتدکی اغلب احتمالدر».

اشته (استرابون) بوندن اون سکر عصر اول نواحی محترقه‌نک احوالی و قراترلرک وجودنی وانلرک درونندن چیقان مواد ایله مخروطلرک حصوله کلدیکنی بر صورت محققه و صحیح‌دهه سویله‌مشدر.

اناطولینک دیکر بر قطعه و لقانیه‌سی دخی قیصریه‌ده واقع (ارجیش) طاغی و شعباتیدر. (ارجیش) اناطولینک اک یوکسک طاغلرندن اولوب سطح بچردن ارتفاعی ۴۰۰۰ مترویه قریب و شکلی مخروطیدر (اتنا و لقانسدن ۶۰۰ مترو ده مرتفعدر). زروه‌سنده واسع هونی کی بر قرتر بولنوب اطرافلی قار ایله مستوردر و اوزاقدن تپه‌سنه بیاض برکولاه کیمش کی کورینور. جوارده وقوعبولان اندفاعاتک مرکزی ارجیشک کندوسی عد اولنوب اطرافنده بولنان یا یایلا و یماجلرک اوزرنده دخی پک چوق مخروطلر موجوددر و بولنلردن

(۱) استرابونک جغرافیاسنده ۱۳ نجی کتابک ۱۱ نجی فصلی.

چيقان كول وسائره کي مواد مندفه ايله سيلان ايدن تراخيت لاولري اطرافه يابلمشدر .

علي طاغ وييلان طاغ ويرليلر طرفدن (قارني ياريق) اسميله معروف اولان (اودرك) جوارنده کي بر چوق مخروطلر دخي هپ ارجيشك تفرعاتنددر . ارجيش طاغنده ميلادك دردنجي عصرينه قدر آتش مشاهده اولنديني محققدر . (استرابون) جغرافياسنده قيصره شهريني وارچيش طاغلك احوالي حكايه ايتديكي صرهده كيجه لين مذکور طاغدن آتش کورينديکني سويلر (۱) . ميلادك دردنجي عصرنده بر حيات بولنان روما شاهلرندن مشهور (قلودين) دخي شعرلرنده ارجيشك آتشي تپهلرندن بحث ايتمشدر .

ارجيش طاغلك ازمنه تاريخه ظرفنده احتراق ايلديکنه بر دليل دخي قيصره جوارنده بولنان بعض مسکوکات عتيقه نك اوزرنده ينار طاغ رسملرينك بولنميسدر .

وان كولينك يقيننده واقع (سبحان طاغی) ۳۷۰۰ مترولق بر سونمش ولقانددر . ينه مذکور كولك ساحلنده بولنان نمروود طاغی دخي ۲۶۰۰ مترولق سونمش بر ولقان مخروطی اولوب اوزرنده هوني کي ودروني صيچاق صو ايله مملو چوکنديلر موجوددر . بو طاغ اوزرينه مرحوم کاتب چلبی جهان نماسنده ديرکه (۲) :

«جبل نمروود» بدليس شمالنده بر کوه عظيمدر . حالا زميندن ايکي يک زراع مرتفع جبل مذبورک باشنده بردرپاچه واردر . دروني اوج فرسخ قدر واطراق صعب سنکستانددر ومذبور كولك کنارنده باججا اسي صول منبى واردر . اطرافنده اولان طاشلر کویا که يانمشدر وجانب شمالنده طاغ بر مرتبه اشاغی اوپرولوب دمر جروفي کي ماده یردن چيقوب اشاغی دوکلکدهدر . التیوز زراع قدر طولده والی زراع قدر مرتفع بر پشته اولوب کيتدکجه ازدياد بولمدهدر .

بايزيدک جنوب غربييسنده واقع (تندروک طافی) دخي مخروطی الشكل

(۱) استرابونک جغرافياسنده ۱۲ نجی کتابک ايکينبي فصلنه مراجعت اولنه . (۲) مطبوع جهات نما مصيفه ۴۱۷ .

براسکی ولقان اولوب تپه‌سندنه بولنان ۷۰۰ مترو قطرندمه کی قراتردن دائماً دومان چیقمقدمه در .

بیوک و کوچک (آارات) دخی عظیم ولقان مخروطلریدر و بونلردن (بیوک آارات) میلادک اون بشنجی عصرینه قدر فعال بولنمشدر .

سوریه‌ده واراض فلسطینده و عربستانده دخی قدیم ولقانلرک اماره‌لری کوریلور . شویله‌که (جبل حوران) ایله (دیره التلول) تسمیه اولنان بیکلرجه تپه‌جک‌لرک کافه سی بازالت طاشلرندن عبارت بر طاقم مخروطلردر . (طبریه) کولی جوارنده واقع (جولان) دخی ولقانی اراضیدر و بو اوچ قطعه ولقانی‌ده دخی قدیم لاو اقدیلری موجود در و مخروطلرک بعضلری طبق فرانسه‌ده (اوورن) طاغلرند (پوئی) Puy تسمیه ایتدک‌لری سونمش ولقان مخروطلرینه مشاهددر . اشبوسوریه ولقانلرینک احتراقی قبل التاریخ و قوله‌ده کی نواحی محترقه‌نک احتراقندن ده‌ا اول و قوعوبولدیغی اکلاشله‌مشدر .

سطحی دکزک سطحندن ۳۹۲ مترو اشاغی بولنان (بحر لوط) ک مساحه سطحیه‌سی ۱۲۰۰ کیلومترو مربع اولوب موقعی تأثیرات ولقانیه ایله حاصل اولمش بریارینک ایچنده در و بویاریفک استقامتی دخی شریعه وادیهی و طبریه کولی ایله تعیین اولنمشدر . سونکر طاشی، کوکورد، قطران، اطرافده کی منابع حاره . قراتر شکلنده بر طاقم تپه‌لر و لاو اقدیلری و جروف یغینلری هپ بو جوارده فعلنی اجرا ایتمش اولان ولقانلرک اثار و اماره‌لریدر .

بحر لوطک صوبی غایت طوزلی اولدیغی کچن فصللرده سولنمش ایدی (۱) . فقط مذکور کولک اوزرنده آره‌صره بیوک قطران پارچه‌لرینک دخی یوزدیگی کوریلوب ظن اولندیغنه نظراً اشبو قطران قیالردن سوزوله‌رک کولک قمرنده یختیلاندقدنصرکه حرکات ارضیه ایله صویک یوزینه چیقار . حتی جوار اهالیسی مذکور قطران پارچه‌لرینک دائماً بر زلزله عقیبنده چوقالیدیغی بیان ایدرلر . بحر لوطه قدیمده (بحر آسفالت) تسمیه ایدرلر ایدی؛ بو کونکی کون لسان فرنکیده (بحر موت) Mer Morte تعمیری مستعملدر .

(استرابون) بحر لوطك خواص و لقانيه سنی بك ابو اكلايه رقی قطرانك نصل چقیدغنی واهالینك نه صورتله انی طولیادیغنی تعریف ایتدکدنصکره دیرکه ^(۱) : « بو جوارك طوراغنده افعال ناریه دن بر چوق علامات و اماره لر ده واردر . ازجمله (موازادا) جوارنده کی قیالده یاریق و چانلاغر و کول یغینلری بولندیغنی کبی اوزرلری مجلا کبی قیالردن زفت طامله لری سوزوله رك کوله قدر آقار و کولك صوبی دخی قانبار کبی اولوب اوزاق محله ره قدر فنا قوقول نشر ایدر . بوندن بشقه اطرافده بر چوق کوی و مسکن خرابه لری دخی موجوددر . یری اهلینك روایتنه کوره (سودوم) شهرینك اطرافنده و قنبله اون اوج شهر موجود اولدیغنی حالده الیوم بونلردن اثر قالیوب یالکز سودوم شهرینك قلعه دیواری خرابه لری باقییدر . بر چوق زلزله رك وقوعی و مواد ناریه و صیجاق صولوك و قطرانلی و کوکوردلی موادك اندفاعی نتیجه سی اوله رق قیالر یانوب مسکن مذکوره نك بعضیسی کاملاً باتمش و دیگرینك دخی اهایلیسی قاجش اولدیغندن مؤخرأ خرابه حالته کیرمشدر » .

و الحاصل بحر لوط اسکی بر طاتلی صو کولنك بقیه سی اولوب یتاغی افعال و لقانیه ایله حاصل اولمش بر یاریغك ایچنده در و صوینك طوزلنسی دخی مؤخرأ وقوعبولوب بوده ینه افعال و لقانیه سنك بر اثریدر .

عربستاندن حجاز و ین قطعهلرینك جهت غریبسی همان کاملاً اراضی و لقانیه ینه منسوب اولدیغنی کبی بحرا حمرده واقع (جبل طیر) نام آطه دخی و لقانی اولوب ده یقین و قتلرده اندفاع ایتمشدر . حبشستانده دخی متعدد سونمش و لقانلر واردر . حجازده اندفاعات قدیمه و لقانیه نك اثرلری اولان سیاه بازالترك احاطه ایلدیکی مرتفع اوله ره (حره) تسمیه اولنوب (جبل حره) و (حره الحییر) و (حره المدیینه) الخ ناملریله متعدد مواقع و لقانیه موجوددر . حره الحییرده هجرت نبویه نك یدنجی و اون طقوزنجی سنه لرده ^(۲) آتش ظهور ایلدیکی کبی ینه هجرتك یدنجی عصرنده (میلادك اون اوچنجی عصری) مدینه منوره جوارنده واقع حره المدیینه دن بر و لقانك اندفاعی دخی کتب هریبه ده محرردر ^(۳) . شوبله که ۶۳۴ (برروایتده ۶۵۴) سنه هجریه سی جمادی الاخرینك برنجی کونی مدینه منوره ده حرکت ارض باشلایه رق ایک آلتیسنه قدر دوام ایلمش و بو اثناده بك چوق ابنیه و دیوارلر منهدم اولمشدر . جمعه کونی صبحاحلین

(۱) استرابون جغرافیاسنك ۱۶ نجی کتابنك ۲ نجی فصلی . ۲) جهان نما . ۳) منجم باشی تاریخنك ایکنجی جلدنده دخی مقیددر .

فوق العاده برکوردی ایله شهرک یقینده یر یاریلوب اولاً سیاه دومانلر صعود ایدرک اطراف واکنافی کیجه کبی قرانلق ایتیش و بونی متعاقب علولر چیقوب آردندن نهر کبی قرمزى و ماوی بر آتش فوران ایتیشدر. بو آراق یرالتدن کولک کورلدیسی کبی صدارلر دخی ایشیدلمشدر. ولقاندن علولرک چیقمسى تمام بش کون و آتش نهرینک سیلانی اوج آى امتداد ایلوب اشبو لاواقندیسک طولى ۴ فرسخ و عرضی ۱۶ فرسخ و قالینلی ۸-۹ قدم بولمیشدر و کجیدیکی محللرک قیالرینى کاملاً یاقش ایسهده آغاچلر محافظه اولمشدر. (وزو ودها سائر بعض ولقاندردہ دخی لاولرک اراسنده قلان آغاچلرک بویله محافظه اولمى معلومدر). مدینه منوره اهالیسی بو حادثه اثناسنده پک چوق خوف و تلاش ایتیشلر ایسهده لاولرک اقدیسی شهرک جهت شرقیسنده واقع (جبل ویرا) ۶ طوغری دونوب اوراده قالمشدر. لاولرک کجیدیکی وادی به (الشهد) نامى ویرمشلردر. ولقانک آتشلری ییغ و مکّه مکرمه دن دخی کورلدیکی روایت اولنور.

استانبول بوغازینک یاریلمسى دخی تأثیرات ولقانییه حمل اولنور. فی الحقیقه بوغاز ایچنک قسم علیاسی بتون صخور ولقانیه دن عبارت بر اراضی اولوب روم ایلی جهتنده یکی محله دن بدأ ایله قره دکز ساحلنده واقع کلیایه قدر وانا طولی جهتنده اراضی مذکورہ بحار قلعه سندن بدأ ایله فیل برونی وقره بروندن کچهرک ریویه قدر امتداد ایدر. بوندن بشقه بالطه لیمانی وروم ایلی حصاری و بیک وارنبود کوی تپه لرندہ وچاوش باشی چفتلکی جوارلرندہ دخی متعدد نقطه لرده صخور ولقانیه باش کوسترمشدر. فقط بوغاز ایچنک اندفاعاتی اناطولیده و سوریده تعریف ایتدیکمز اندفاعاتک کافه سندن ده قدیدر.

مملکت مزده موجود علائم ولقانیه نک اک باشلیجه لرینی اجمالاً تعریفدن صکره بیلنمسی الزم اولان ایکی کیفیت ده موجود اولوب انلری هر قدر فعال ولقانلر صره سنه درج ایتک لازم کلور ایسهده اراک ایلدکلی فعالیت جزوی قیلندن اولدیغندن بوراده ذکرى مناسب کورلدی :

جزایر بحر سفیددن ردوس آطه‌سی یقینده واقع (نیزروس) نام دیگر (اینجیری آطه) سنده بر طاقم مخروطی موجود اولوب انلردن قدیم‌نبرو آره‌صره بخار و صیجاق صولرک غلیانی و کول و مواد سائره‌نک اندفاعی کبی فعالیت و لقانیه‌دن بر چوق نشانه‌لر کور و لمکده‌در. حتی و لقانی کو کوردک دخی حصوله کلدیکی بالاده کتابکزک علم معادن قسمنده سویله مش‌ایدک^(۱). بوندن اون سکز سنه مقدم و قوعبولوب اطراف و اکنافی تخریب‌ایدن بر شدتلی اندفاع‌نبرو اینجیری آطه‌سنک و لقانلری سکونت اوزره بولندیفی حالدیه بو دفعه یعنی ۱۳۰۴ سنه رومیه‌سی حزرانک ۲۶ سنده زلزله و تحت‌الارض مخوف صدرلر ایله قراترلرک برندن پک چوق کول و صیجاق صولر غلیان ایدرک باغ و بغچه‌لری خراب ایتمشدر و اهالی جزیره ال و آق‌لرینی یاقه‌رق حندق حفر ایدوب مایعه بر مجرا آچوب قصور باغلرینی کوچ حال ایله قورتاره بیلمشلردر. لاولرک فورانی و قوعبولقسزین و لقانینه سکونت کسب ایتمشدر.

دیگر بر حادثه و لقانیه اشبو ۱۳۰۵ سنه‌سی تموز رومینک یکریمی برنده ارضروم ولایتنده طورطوم قضاسی داخلنده واقع (قانیجوریک) نام قریه‌ده و قوعبولوب اولاً تحت‌الارض مخوف بر کورولدی ایله طاغدن بیوک بر پارچه قوپدق‌نصکره صیجاق جامورلر سیلان ایدرک محل مذکور کی کاملاً باصمش و یوزی متجاوز جان تلف اولمشدر. برمدت صکره سیلان سکونت کسب ایدرک چیقان جامورلر تصلب ایتمشدر. جامور اقدیسنک طولی تخمیناً سکز کیلومتر و عرضی یوزدن ایکی یوز مترویه قدر بالغ اولمشدر.

علام سائر و لقانیه

یر التدن چیقان غاز و بخارلر ایله صیجاق صولر و جامورلر دخی علام و لقانیه‌دن اولوب بونلرک همان کافه‌سی اراضی و لقانیه اوزرنده ظهور ایدر

وعلائم مذکوره جو فکړه دخی ولقانلرک احتراقی اثناسنده ویاخود اندفاعاتک نتیجه سی اوله رق مشاهده اولنور .

موفت Mofette . — حامض قاربون غازی منبعلرینه (موفت) تسمیه اولنوب بونلر اکثراً ولقانلرک جوارلرنده طیران ایدر . تأثیرات تسمیمیه سی معلوم اولان حامض قاربون غازینک کثافتی هوانک کثافتدن دها زیاده اولدیغندن دائماً درین موقعلرده ، مثلاً چوقور وادیلرده ومغارلرده هوا ایله قاریشمقسزین تراکم ایدر و تصادفی اوله رق مذکور غاز طبقه سینه کیرن حیوانات بایله رق هلاک اولور .

موفتلرک اک مشهوری ناپولی جوارنده واقع (کوک مکغارهی) نام مغاره دروننده بولنوب غازک تأثیرات تسمیمیه سی زواره کلبلر ایله اراڻه ایدیلور . آلمانیاده (آهل) طاغنده وباخصوص (لاخ) نام کولک جوارنده بیکی متجاوز وفرانسه ده (اوورن) طاغلرنده دخی پک چوق موفتلر موجود اولوب بونلرک غازی کاه اسکی ولقانلرک هونی شکلنده اولان آغزلرینی وکاه مغاره لرک درونخی املا ایدر . جاوا آطه سنده (موتا وادیس) نامیله مشهور اولان برمحلده اولقدر حامض قاربون طیران ایدرکه اوزری بتون غاز طبقه سینه تصادفی ایدوب هلاک اولان حیواناتک لاشه وبقیه لرله مستوردر .

آناطولیده واقع (پیموق قلعه) سنده دخی ازمئه سالفده (پلوتونیوم) Plutonium اسمیله برمغاره دروننده حامض قاربون منبعی بولندی متعدد مورخلرک تعریفلرندن مستبان اولور ایهده مذکور مغاره مؤخرأ پک چوق تحری اولندینی حالده کشفی قابل اوله ماشدر . هر کوردیکی شیئی بر صورت صحیح ده محاکمه ایدرک کتابلرینه درج ایتمش اولان (استرابون) پیموق قلعه سی صولرینک خواص غریبه سندن بحث ایلدیکی صروده دیرک^(۱) :

«پلوتونیوم کلجه سلسله جبالدن آیرلش بر اوفقی تپه جکک ایتکنده بولنان بر دلکدن عبارت اولوب ککیشلدی انجیق بر آدمک کیره بیله جکی قدر ، فقط ایجروسی غایت دریندر .

دلیک آغزنده مربع بر پارمقلق بولنوب اوزری دایما بر دومان ایله مستوردرد. هوا گوزل اولدقدده پارمقلغه یاقلاشجه انسان ضرردیده اولمز، چونکه اوزمان مذکور دومانلر هوا ایله قاریشیموب انجق پارمقلق ایچنده قالور، فقط ایجروه کیرن حیوان، مثلا بر بوغایله، اول آندده دوشوب هلاک اولور. بوکیفتی کورمک ایچون بالذات بر قاج دانه سرجه قوشی دلیکدن ایجروه بر اقدم و آئیده دوشوب هلاک اولدیغنی کوردم. شوراسی غریبدرکه یقینه بولنان معبدک خادملی بلا ضرر ایجروه کیره یلورلر، فقط بو مدت ظرفنده تنفس ایجوب نفسلری طوندقلری صکره خارجه چقدقلرنده لهجه لرندن اکلاشیلور .

اشته استرابونک بو تعریفندن (پلوتونیوم) تسمیه اولنان مغاره نك ایچنده عادتاً بر موقت بولنش اولسی وبلا ضرر مغاره نك ایجروسنه کیره بیلان خادملر دخی انجق باشلری غازی طبقه سنک اوستنده طومق شرطیله کیردکلی اشکار اولور.

سولفاتار Solfatare. — سولفاتار دیو صوبخاریله کوکورد بخاری ویاخود کبریتی مولدالماء ایله حامض کبریتی غازلرینک مخلوطی طیران ایدن منبعله تسمیه اولنور وبو منبعلرک اطرافنده پک چوق تصعدات کبریتیه حاصل اولدیغندن بیوک کوکورد معدنلرینک تکنونه دخی سبیت ویرر.

سولفاتارلر علی العاده سونمش ولقانلرک ویاخود سکونت اوزره بولنان فعال ولقانلرک قراترلری ایچنده اولور. اسلاندا و جاوا ویک زه لاندآ آطهلرنده پک چوق سولفاتارلر واردرد. ناپولی جوارنده واقع (پوجوئولی) نک سونمش قراترلرنده کی سولفاتارلرک مشهوردر. اینجیری آطه سنده کی کوکورد معدنلری دخی سولفا تارلردن حاصل اوله در. ایرانده واقع (دماوند) نام سونمش ولقان ۴۰۰۰ متر ارتفاعنده اولوب قراترلرنده پک چوق سولفاتارلر موجوددر.

فومرول Fumerolle. — فومرول تسمیه اولنان منبعلر دخی اراضی و لقاینده بولنوب درونلرندن بر چوق بخارلر طیران ایدر و بو بخارلرک باشلیجه سی صوبخاری اولوب انک واسطه سیله قلور مرکباتی و حامض کبریتی و حامض بور،

الخ شکی مرکبات طیاره دخی منتشر اولور. ایتالیا نك شمال طرفنده و یکی زه لاند ا
آطه سنده ودها سائر محللرده بك چوق فومرولر واردر .

Salse . — ویاخود (چامور و لقانلری) Volcans de boue

عضارلی برچاموردن معمول اوفق مخروطلردن عبارت اولوب تپه لرنده بولنان
قراتر کی دلیکلردن وقت وقت غازی بر چامور غلیان ایدر، اکثریا سالسرك
بك چوغی بر آره ده اولوب ارتفاعلری نادرأ ۶ مترونی بولور . اسلاندا
آطه سنده و آمریقای وسطی ده و یکی زه لاند ا آطه لرینك شمالنده کی آطه ده
سیجاق سالسرك بك چوق اولوب سائر او جوارده کی آثار و لقانیه ایله
مناسبت تامه لری واردر. ایتالیا ده (آه ن) طاغلرنده و قریمده و بحر حزر
سواحلنده دخی سالسرك واردر. سیچلیا آطه سنده کی سالسرك (ماقولوب)
Macalube دخی تسمیه ایدرلر. ارضروم ولایتده واقع (قانجوریک) قربنده
وقوعبولوب بالاده تعریف اولنان حادثه و لقانیه دخی برنوع چامور و لقاننك
ظهوری اوله جفی مأمولدر ۱). اکثر سالسرك چامورلی فومرول ویاخود
چامورلی سولفانارلردن عبارتدر.

غازمشتعل . — کره ارضك بك چوق محللرنده و بعضاً و لقانلره بعید
مواقعه یردن قابل اشتعال غازلر حیقوب انلرك بمضیلری من القدیم و دیگرلری
ایسه انجق وقت وقت ویاخود محضاً آتش و یرمکه اشتعال ایدر. بوکی غازلرك
ترکیب کیمیوسی باشلیجه قاربونلی مولد المائلر اولوب بر آز حامض قاربون
و آزوت غازلریله مخلوطدر.

ایتالیاده (آه ن) طاغلرنده و بحر حزر سواحلنده (باکو) ده وهننده
وچینده و آمریقاده غاز مشتعل کلی مقدارده طیران ایدر. هندده واقع بنکاله
ملکته سنده برهمنلر آنکله اطعمه طبع ایدرلر. آمریقاده بوکی عازلری غازو

(۱) ضمیمه ۲۱۹ مراجعت اولنه .

مترولده طوبلايوب بعض شهرلك تنويرينه صرف ايدرلر وچينده مملحه لده
آتش يرينه قوللانورلر؛ با كوده آتش پرست مجوسيلر آكا طبارلر.

مملكتمزده علام طبعيه نك همان كافه سنه بربر مثال بولمق قابل اولديني كي يردن
چيقان غاز مشعلك دخي الك غريب واك عجبي ينه مملكتمزده بولنشدر. شويله كه
اناطوليده انطاليه كورفزي سه واحلنده واقع تحتلي طاغ اتكنده (دليك
طاش) نام قريه يقينده بر موقع بولنوب آندن من القديم برعلو چيقمقده در،
يريلر اورايه (ينارطاش) ديرلر.

ينار طاشك موقعي سطح بحردن تخميناً ۲۵۰ متر و ارتفاعده اولوب قياسي
بر نوع سربانين در وعلوك چيقديني محله چوقور بردليك بولنوب علوك كندو
بوي ۱ — ۱,۵ متر و قدردر، خوش بر ايبود قوقوسي دخي منتشر اولور.
بو علوك يقينلرند بر قاج كوچك علورلر ده چيقارلر.

ينار طاش ازمنه عتيقه دنبرو معلوم اولوب يونانييلر اكا (خيمه را)
Chimaera اسمي ويرلر ايدى، حتى تخميناً ميلاددن ۹۰۰ سنه اقدم بر حيات
بولنان شاعر مشهور (هومر) بيله شعرلرند ينار طاشك علورلرني ذكر
ايتمشدر و صكره لري ده پاك چوق شعرا و مورخين كتابلرند آندن بحث
ايتمشدر. والحاصل تخميناً ۲۷۹۰ سنه دنبرو ينار طاشك علوي اصلا
سونما مشدر. باكونك علورلي اوروپالور طرفنده كشف اولنديني وقت
ينار طاشك علوي همان ايكي بيك سنه يي متجاوز اوروپاده معلوم برشي ايدى.
سيسام جزيره سنده دخي بو مثللو غازلرك طيراني سويلرلر. روم ايلیده يانيه
ولايتنده واقع اولونيه ده زفت منبعلى بولنوب آلنرك جوارنده دخي ينار
غازلرك چيقديني قديم دنبرو معروف ايسده شهرتي ينار طاش قدر دكلدر.

منابع حاره Sources chaudes. — منابع حاره ناميله معروف اولان
منبعلر بالاده تعريف اولنان قومروللره پك مشابه اولوب انجق منابع مذكوره ده
صو بخاري تيم ايتدك دصكره يعنى صيحاك صو حالنده اوله رق سطح ارضه

واصل اولور، فقط صویک حرارتی نقطه غلیانه یقیندر . منابع حاره دائماً اراضی و لقانیه ده ظهور ایدر واک مشهورلی اسلاندا آله سنده و یکی زلاندانک شمال طرفنده کی آله ده و امریقای شمالیده یلستون و میسوری نهرلرینک منبعلی یقیننده واقع (قیالی طاغ) نام محله بولنور .

منابع حاره ایکی نوع اولوب بریسی دائی الجریان دیکری مناوبه الجریاندر . برنجی نوع منابع حاره نک صوری بعضاً جامورلی و کورودی اوله بیلور، متدباً و بلا فاصله اقرار .

(مناوبه الجریان) اولان منبعلر اسلاندا آله سنده یک چوق بولنوب یرلیر طرفدن انلره (غایرز) Gayser تسمیه اولندیقندن بشقه محللر ایچون دخی بواسم تعمیم ایتمشدر . اشبو نوع منبعلر ده صولر فاصله ایله و انجق معین و قتلر ده چیقوب بعضاً اولمرتبه یوکسکه فشقیبرکه عادتاً بر صو اندفاعی حکمنه کیرر . منابع مذکورده نک صوبی معتدل و یاخود آز قلوبی تعامل ایدوب غایت برادر و دروننده کلی مقدار حامض سیلیسیوم منحل بولندیقندن صویک تجزنده منبعک آغزنده سیلیس ترسب ایدر و بورسوبه (غایزه ریت) Gaysérite دیرلر و بعضاً اندن برقاق مترولق اوفق مخروطلر دخی پیدا اولور . اسلاندا آله سنده غایزرلرک عددی یک چوق اولوب آنلردن بری (بیوک غایزر) نامیه له معروفدر و یکزیمی درت و یاخود اوتوز ساعتده برکیر طیران ایدرک اندفاعی انجق اون دقیقه دوام ایدر . فشقیبران صویک قطری اوج مترو اولوب بعضاً صو ستوننک ارتفاعی ۵۰ متروبی بولور .

یکی زه لانداندا آله سنده ۷۶ عدد قدر غایزر موجود اولوب طیران ایدن صولرک اقدینی محللر ده ترسبات سیلیسیه و قوعوبله رق پیوق قلع سنده اولدینی کبی سلسبیللر پیدا ایدر .

اشبو تعریف اولتان منبعلرک مناوبه ایله طیران ایتسنک سببی شمده یه قدر ده پاک لایقیله اکلاشیه مامش ایه ده بو باده یک چوق فرضیات اتخاذا اولمشدر . بعضلرینه کوره غایزرلرک آغزنده ترسب ایدن سیلیسی صویک

طیراننده کی مناوبه بی موجب اولور . دیگر لرینه کوره صویک کج دیکی باجه به بشقه صیجاق صو طمارلری دخی منصب اوله رق بر طبقه سنی زیاده سیله تسخین و بلکه بخار حاله ارجاع ایتدیکندن تضییق ایله اوستنده کی صو ستوتی یوقارویه انداخت ایدر و بوکیفیتک تکرریله غایزلرک فعالیتی وقت وقت منقطع اولمش اولور . ممالک شاهانه دن چناق قلعہ سی یقینسده واقع (طوزله منبی) دائمی الجریان اولان منابع حاره دن عد اولتیق لازمدر . ترکیبی بلکه یالکز قلور سودیوم منحلندن عبارت بولنان اشبو منبع ۳۵ سانتیمتر و قطرند اوله رق قیادن افقی بر استقامتده فشقیروب صویک ستونی ۱,۵ متر و اوزونلقده در و حرارتی اوروپا قطعه سنک کافه صورینه فائقدر ، زیرا صویک صیجاق اولنان اسلاندا غایزرلرینک حرارتی سطحاً ۷۶ — ۸۹ درجه سانتیگرادی تجاوز ایتدیکی حالده طوزله منبعنک سطحند اولان حرارت ۱۰۰ درجه سانتیگرادی دائماً کچر . طوزله منبعی پک قدیمدنبرو معروف اولوب شاعر (هومر) بیله میلاددن ۹۰۰ سنه اقدم شعرلرنده اندن بحث ایتشدرد .

مذکور منبعنک جوارنده ده پک چوق اوفقی طوزلی منبعلر بولنور و بونلرک اجتماعندن (طوزله صوی) وجوده کلوب بابا برونی جوارنده دکره منصب اولور . طوزله صویندن سنوی پک چوق مقدار طوز استحصال اولنور .

— زلزله —

قشرارضنک بر طرفنک صارصلمسنه (زلزله) یاخود (حرکت ارض) اطلاق اولنور .

زلزله نک مرکزی دائماً قشر ارضنک دروننده بولنوب بعضاً حس اولنیه جق درجه ده حقیف و بعضاً دخی اولدرجه شدتلی اولورکه حادثات و خیمه بی موجب اولور . صارصندی تموج قوانین عمومیه سنه امتثالاً طاشلرک ایچندن هر جانبه سرایت وانتقال ایدرک نهایت بتون بتون زائل اولور . فقط قشر ارضی

تشکیل ایدن اجبارك جنسلى مختلف اولديغندن حرکت ارضك اطرافه انتقالی دخی علی السویه اولیوب يك چوق سکتهدار اوله جنى اشکاردر .

سطح ارض اوزرنده زلزله دن حصوله کلان صارصندی (رجفه) Secousse تسمیه اولنور . رجفه لرك انواعی يك چوق اولوب باشلیجه اوج درلو رجفه تفریق و تمیز اولنور، شویله که : اگر صارصندی اشاغیدن یوقارویه طوغری ایسه (عمودی رجفه) و اگر یاندن کلور ایسه (افقی رجفه) و اگر متعدد مرکز لرك تأثیر یله سداچ ارض اوزرنده طالغلی حرکت وقوعبولور ایسه (حرکت تموجی) ناملى ویریلور .

زلزله نك سطح ارض اوزرنده اظهار ایلدیكى باشلیجه علائم شونلردر : اولریزده اشیا یرندن آتیلور، ابنیه و دیوارلر منهدم اولور، طاغلردن قیالر قوپوب هیالان ایدر، یرده یاریق و جاتلاقلر پیدا اولور و مذکور یاریقلر آچیلوب تکرار قیالنور، یریوزی یوکسلوب آچالور و بعض منبعلر منقطع اولوب دیگر طرفدن یکیدن صولر چیقه بیلور، الخ .

اشبو تعداد اولنان علائمن بشقه زلزله ائناسنده اکثریا تحت الارض صدارل و کوك کورلمسی و یا خود بر تیمور یول قطارینك کجمنی کبی مخوف و مهیب کورلایلر دخی اشیدیلور و علو و شمشك کبی علائم الکتریقه کورینور و یردن بخار و غازلر چیقوب دها يك چوق حالات غریبه ظهور و حدوث ایده بیلور . فقط شوراسیده معلوم اوله که ذکر اولنان علائم حادث اولیه رق دخی زلزله وقوعبولدیغی واردر و چوق کمره یالکزجه کورلدى و علو ظهور ایدوب زلزله اولمز، مثلا آمریقاده بروقت بر قاج آیلر درون ارضدن عظیم صدارل استماع اولندیغی حالده زمین اصلا اهتزاز ایلمامشدر .

قمر در یاده زلزله وقوعنده دکر اوزرنده بولنان کیلر کویا قره یه اوطورمش کبی بر صارصندی حس ایدر، فقط سطح دریا طالغله نیوب یالکز حقیف بر اهتزاز مشاهده اولنور . اگر رجفه ساحله یقین محللرده وقوعبولور ایسه اولزمان طبق صو ایله مبلو بر لکن کنارندن صارصلدیغی وقت ایچنده کی صویک

اورته‌سی قباروب کنارلره چارپدینی کبی دریا دخی بردن بره کپروا چکیله‌لرک تکرار ساحله چارپار و بعضاً ساحلی حیلی تجاوز ایدوب اراضی‌ی استیلا ایدر . دریانک بویله تلاطم و تموجی پک اوزاق ساحلره قدر سرایت ایدوب اوراده دخی دریانک بر قاج کره لر چکیلوب ینه عودت ایتدیکی واردر . مثلاً میلادک ۱۷۵۵ سنه‌سنده (لیزابون) شهرنده وقوعبولان برزلزله عظیمه‌ده دریانک تلاطمی اولدرجه ایدی که ایرلاندا جزیره‌سنده کیمیر قریه دوشدی واسوج و آمریکا و آفریقا سواحلنده بیله صارصندی حس اولندی و میلادک ۱۸۶۸ سنه‌سی اغستوسنده زلزله‌دن حاصل اولان بر طالعغه (پرو) ده تمام ۳۰۰۰۰ کشتی‌ی هلاک ایتمشدر .

زلزله کره ارضک هر طرفنده وبلا استتنا و لقانی و غیر و لقانی اراضیده وقوعه کله‌بیلور و بلکه ارض اوزرنده هیچ بر نقطه یوقدرکه زلزله ایله صارصلمامش اولسون و دقت اولنه‌جق اولسه هر کون و بلکه هر دقیقه کره ارضک بر طرفنده زلزله اولمقده ایدوکی تحقق ایدر، فقط بالاده دیدیکمز وجهله زلزله‌لرک چوغنی حس اولمیه‌جق درجه‌ده حقیقدر . زلزله‌نک امتدادی اکثریا یالکز بر قاج ثانیه و یاخود دقیقه‌دن عبارت بولندیفی معلوم ایسه‌ده بر قاج کون و بعضاً بر قاج آی دخی ممتد اولدینی واردر . هجرت نبویه‌دن ۴۲ سنه اقدم انطالیکه‌ده برتک زلزله‌ده ۱۲۰۰۰۰ جان تلف اولمشدر و هجرتک ۵۳۳ تاریخنده سوریه قطع‌ه‌سنده بر کیجه‌ده سکسان دفعه زلزله حس اولمشدر و ینه هجرتک ۵۳۴ سنه‌سنده کنجه وارزنجان نواحی‌سنده وقوعبولان برزلزله‌ده علی روایه ۲۳۰۰۰۰ کشتی و هجرتک ۱۱۶۹ سنه‌سنده (یعنی میلادک ۱۷۵۵ سنه‌سی تشرین اولک برنده) کی لیزابون زلزله‌سنده الی دقیقه ظرفنده ۳۰۰۰۰ کشتی تلف اولمشدر . بروسه زلزله‌سی هجرتک ۱۲۷۱ تاریخنده وقوعبولوب ایلك رجفه یالکز یکریمی ثانیه سورمش ایسه‌ده بر مدت اوراده زلزله اکسک اولمامشدر . هجرتک ۱۲۲۷ تاریخنده آمریقا‌ده (قاراقاس) مملکتنده شدید برزلزله اولوب زمین دکرکی طالعغه‌لئوب عادتاً بر مایعک غلیانی کبی قاینامشدر (حرکت تموجی) .

بر قاج سنه مقدم ساقز و چشمه وازمير و عشاقده و اشبو ۱۳۰۵ سنه رومي سي تشرين اولئك اون دردنده مدلی جزیره سنده و قوعبولان حرکات ارضیه نك ایرات ایلدیکی حالات متأسفه آلآن جمله نك خاطر نده در. مذکور مدلی زلزله سی چناق قامه سنده، کلیولیده، کوملنجه ده، ادرنه ده، ساقز ده، استانبولده ودها سائر محللرده دخی حس اولمشدر .

زلزله نك تحری اسبابی . — علائم عظیمه طبیعییه میاننده زلازل ارضیه قدر اناری مدهش و اسبابی اسرار خفیه ایله مستور برشی تصور اوله من . زلزله نك مبادیسی اولان انار ابتدائیه نك طبیعتی افاده ایتمک ایچون باشلیجه اوج فرضیات نظر اعتباره النوب آنلرک اک قدیمی اولان برنجی فرضیاتده قشر ارضک قسم صلبی تحتده بر طاقم صعودات غازیه و بخاریه نك زلزله یی موجب اولدینی قبول اولمشدر، فقط بو نظریات انحق نواحی و لقانیه ده ظهوره کلمکده اولان محلی حرکات ارضیه یه قابل تطبیقدر . فی الحقیقه نواحی مزبوره ده آچیلش اولان زمین یاریقلرندن بر چوق غاز و بخارلرک چیقیدینی دخی مشاهده اولنور .

بعض ژه ثولوغلر ایسه حرکات ارضیه یی قشر ارضک طبقات عمیقہ سنده صولرک تأثیراتیه حاصل اولان عظیم بوشلقلرک انهدامنه اسناد ایلمشدر . اسوچره ده واقع (واله) قانتوننده ۱۸۵۵ تاریخنده و قوعبولان زلزله لر بو کبی انهداماتدن ایلرو کلدیکی کبی بلکه ۱۷۰۰ سنه سندنبرو هان هر سنه اسوچره اراضینی سارصمقده اولان زلزله لر دخی انار مذکوره نك نتیجه سیدر دنيله . بیلور . لکن بو یولده و قوعبولان زلزله لر ایچون صولرک صیزمسنه مساعد وچیس و قیاطوزی کبی قابل حل و یاخود غضار کبی عوشامغه صالح قیالرک وجودی شرط اولدیغندن بو کبی زلزله لر دخی محدوددر .

اشبو ایکی نوع زلزله دن ماعدا دیگر بر طاقم زلزله لر دخی واردرکه بونلرک ساحه تأثیری پک واسع اولدیغندن سبب ظهوری دخی افعال عمومیه ارضیه ده تحری اولنق لازم کلور، زیرا معلومز اولدینی وجه اوزره کره ارض حرارتی

متادياً ضایع ایدرك تبرد ایتمکده و بناءً علیه حجمی مرکز طوغری کوچلتمکده در ؛ اشته بو ائناده طبقات ارضیه موازنه یی غیب ایدرك یرلرندن اوینایه جفی وسطح ارض اوزرنده انواع صارصندی پیدا اوله جفی امر اشکاردره . بو اوچنجی نظریاته بر دلیل قوی اولقی اوزره علاوه قلنه بیلورکه زلزله لر اکثریا طبقات ارضیه نك موازنه اصلیه لرینه حلل کلهرك قارشمش و یارلمش اولان طاغلق محللرده وقوعبولوب زمینک افقیقی باقی اولان مواقعه ایسه بالعکس حرکت ارض نادر و یاخود هیچ اولمز . مثلاً فلسطینده واقع شریعه وادیسى طبقه لرك اوینامسیله حاصل اولمش برعظیم یاریقی اولوب قدیمدنبرو وادی بوینجه پك چوق زلزله وقوعبولمقدهدر . طبقات ارضیه سی پك چوق انقلاباته اوغرامش اولان ارضروم وازمیر ولایتی طاغلرنده زلازل ارضیه اکسک اولمز . فقط آلمانیا نك شمال طرفنده وروسیه ده زمینک افقیقی شمیدلک سکتهدار اولمديغندن اورالرده بالاده بیان اولنان حادثات مدهشه نك وقوعی کورلمز .

زلزله لر حقتده علی العموم جاری اولان اشبو اوج فرضیاتدن بشقه بر قول ده ا واردرکه قول مذکوره کوره زلزله یی مسوجب اولان اسباب اجرام سماویه نك با خصوص قمرک قوه جازبه سی اولوب کویا معین موسملرده درون ارضده کی مایع ناری قوه مذکوره ایله تحریک اولنه رقی مد و جذرکی چکیلوب تکراراً قشر ارضه چارپمسندن بر صارصندی حاصل اولور ایش . بو فرضیاتی اک اول مسیو (پره) Perrey زلزله ایستاتستقلرینه استناداً اتخاذا ایش و صکره لری آوستریالی مسیو (فالبه) نام مهندس طرفندن کمال مهارتله اثباته قالشلمش ایسه ده مشاهیر ارضیون فرضیات مذکوره یی قبول ایتیموب صورت قطعیه ده رد ایتمکده درلر .

— ارتفاعات و انحطاطات —

کره ارضک پك چوق محللرنده زمینک یوکسلدیکی و یاخود آچالیدینی مشا .

هده اولنوب بونلردن برنجيسنه (ارتفاع) Soulèvement وایکنجيسنه (انحطاط) Affaissement تسمیه اولنور. بو کیفیتک ایکیسی دخی اک ايو دکر کنارلرنده مشاهده اولنديغندن اسکی حکما کیفیت مذکوریهی دکرک چکلمسنة ویاخود یوکسلمسنة حمل ایتشلر ايسهده علم طبقات الارضک ترقیبی ايله زعم مزبورک باطل اولدینی وانجق زمینک نتو وانحطاط ایلدیکی اکلشلمشدر. ارتفاعات وانحطاطات زمین ایکی درلو اولوب بری بردن بره وديکری یواش یواش وقوعبولور.

(۱) ارتفاعات وانحطاطات آنیه. — بونلر اکثراً برزلزله عقبنده وقوعه کلور. مثلاً شیلی سواحلی ۱۷۵۰ تاریخده وقوعبولان برزلزلهده بردن بره ۸ متر و قدر ترفع ایتشدر. ارضروم ولایتده واقع کینی قضاسنه تابع (اورور) قریهسی ۱۳۰۴ سنه رومیهسی مایسنده وقوعبولان برزلزله عقبنده اون بش متر و قدر چوکمشدر.

(۲) ارتفاعات وانحطاطات بطیه. — بو بالعکس اولدرجه یواش وقوعبو. لورکه یوز سنهده انجق برمترو ویاخود برمترودن بر از زیاده زمینک یرندن اوینادینی کوریلور. اسقاندیناویانیم جزیره سنک شمال طرفی متادیا ترفع ایتمکده وديکر طرفی انحطاطات ایتمکده در. (اسپچبرک) آطهسی ترفع ایتمکده اولوب ۳۴ عصر صکره اسقاندیناویا ايله کسب التصاق ایده چکی حساب اولتمشدر. فرانسه نك بحر سفید سواحلی ترفع ایدر، فقط مانش سواحلی بالعکس انحطاط ایتمکده در. (مون سن میشل) مناستری میلادک ۷۰۹ سنه سنده بیوک براورمان اورته سنده بنا اولدینی حالده بوکون مانش دکرزنده بر آطه حاله کیرمشدر. هولانداده دخی زمین بر صورت متادیهده انحطاط ایدر، زیرا (سویدرزه) اسکیدن یالکز بر بتاقلق حالده ایکن صکره لری برکول ونهایت برکورفز حاله کیرمشدر والیوم اولدرجه درینلشمشدر که اک بیوک کمی بيله مذکور کورفرزه دخول ایده بیلور.

اناطولینک بحر سفید سواحلی ترفع ایتمکده اولوب مسیو چیحاجفک قولنه

کوره ازمئه تاريخيه نك بدايتدنبرو دكردن ۴۸۰ كيلومترو مربع اراضى قزا- نلمشدر. سوريه وفلسطين قطعه لرينك سواحلنده ايسه اناطولى سواحلنده اولدينى كې بر اطراد كوريله مامشدر، زيرا اسكندرون كورفزي سواحلى متماديا ترفع ايلديكى حالده يروت جوارى انحطاط ايتكمده در ويرونده واقع بر قوله نك خيلى وقتدنبرو يره كومولمكده اولدينى معلومدر. صور شهرى وقيله بر آطه ايكن بوكون ساحل ايله رابطه كسب ايتمشدر، ديك اوليوركه اورالرى ترفع ايتكمده در. سويش جوارى اراضيسيله افريقا چوللرينك چوغى ترفع ايله دكردن چيقدقلى مامولدر.


بعضركه دخى عىنى موقعده هم ارتفاع وهمده انحطاط وقوعبولدينى كورلمشدر. بوكاك مشهور مثال ناپولى كورفزنده (پوچوئول) نام محله واقع (سراپيس) معبدنك خرابه سى اولوب ميلاددن صكره بركره چوكديكى حالده مؤخرآ ترفع ايتمش اولدينى خرابه مذكوره ده آلآن موجود بولنان اوج عدد اون ايكي مترولق مرمر ديركك احوالندن استدلال اولتور (شكل ۹۸). شوييله كه



(شكل ۹۸) سراپيس خرابه سى

اورالرى استيلا ايدن ولقان كولنك ازاله سندن صكره ديركلرك قاعده سندن اعتبارآ درت مترو قدر محلى دوز وغير متغير اولوب بونك اوستنده كى اوج مترو محلى حيوانات بحريه اثاريله مستور ودها اوست طرفى ينه دوز وغير متغير بولندينى كوريلور. بوكونكى كون معبدك زمينى ۳۰ سانتيمترو قدر ينه صو ايچنده بولنقمده در؛ ديك اولوركه معبد زميندن درت مترولق بر ارتفاعه قدر ولقان كولى ايله ستر اولندقدن صكره ۷ مترو انحطاط ايتمش و بواشاده ديركلرك آچقده قلان اوج مترو محلى حيوانات بحريه ايله تخریب اولنمشدر؛ بعده ترفع وقوعبوله رق معبد كاملاً صويك خارجه چيقمشدر. معبدك زمينى شمدى ۳۰ سانتيمترو قدر صو ايچنده بولنسى اوراده ينه بر انحطاطك باشلديغنه دلالت ايدر.

پوچوئول معبدنك احواله یقین بر مثال دخی ممالك غنایه ده موجود در .
(شکل ۹۹) ده ارانه ایدیلان بر آنتیقه قبر مگری کورفرزی سواحنده بولنوب



(شکل ۹۹) مگری کورفرزنده صو ایچنده بولنان قبر

مذکور قبرك قاعده سی صو ایچنده ایسه ده عن اصل صو ایچنده اولیوب صکره
زمین ایله برابر چوکش اولسی امر اشکاردر . بعض سیاحلرک روایتنه کوره
طبقی پوچوئول معبدنك مرمر دیرکلرنده کورلدیکی کبی مگریده کی مزار طاشنك
اوزرنده دخی حیوانات بحریه دلیکلی موجود ایمش؛ اشته بو آثاره استناداً اراضینك
اولجه انحطاط ایدرك مزارخیلی مدت صو التنده قالدقدنصکره تکرار ترفع ایتدیکی
ظن اولنمقده ایدی، فقط بوندن برقاچ سنه اقدام سیاح دوقتور (لوشان)ك محلنده
اجرا ایلدیکی کشفیاته کوره مذکور حیوانات اثرلرینه اصلا تصادف اولنمديغندن
مزارك صو ایچنده بولنسی آلآن دوام ایتمکده اولان بر انحطاطه حمل ایتك
لازم کلور .

زمینك ارتفاعات و انحطاطاتی موجب اولان اسباب زلزله نك اسباب موجبہ سنك عینی اولوب بونك دخی افعال عمومیۂ ارضیہ ایله مناسبت تامہ سی بولندی بی اغلب احتمالدر؛ زیرا بالادہ زلزله بختہ سہو یلہ نلدیکی وجہلہ کرۂ ارض متبادیاً تبرد ایتمکده و بناءً علیہ منقبض اولہرق حجمی مرکزہ طوغری کوچلتمکده در . اشته بو ائنادہ سطح ارض اوزرنده برچوق حرکات و تغیراتك واقع اولہجنی امر بدیہدر .

— شکل جبال —

کرۂ حجریہ بر محکم قمل اوزرنده بولمیبو التندہ کرۂ ناریہ تسمیہ ایلدی کمز مایع ناری وارددر واشبو مایع ناری متبادیاً تبرد ایتمکده و بناءً علیہ منقبض اولہرق مرکزہ طوغری حجمی کوچلتمکده اولدیغدن اوزرنده بولنان قشر صلبك دخی مذکور تقبض کیفیتہ تمامیلہ اتباع ایتسی مجبوریت تحتہ در . اشته بو ائنادہ ہر نقطہ در بر چوق جانی تضیق لرك حاصل اولہجنی درکار اولوب مذکور تضیق لرك قوتہ و احجارك طبیعتہ کورہ طبقات ارضیہ در پك چوق (انشقاقات) Dislocation وقوع بولہرق طبقہ لر یرندن قایار و افقیت اصلیلرینہ حلل کلوب عمودی ویا مائل وضعیتلر اخذ ایدہ بیلور . والحاصل سطح ارض اوزرنده انواع بروشو قلق (یعنی طاغلر) پیدا اولور والآن کوردیکمز طاغلرک صورت شکل و تکوئی اشته بو یولده در . شوراسیدہ خفی اولیہ کہ ہر نقدر شکل جبالی کرۂ ناریہ نك تاثیرینہ حمل ایتک لازم کلور ایسہ در بواصلا اشاغیدن یوقارو کلہرک زمینك قبارمسنہ سبیت ویریجی بر تاثیر اولیبو انجق افقی یعنی یاندن کلان بر تاثیردر، بناءً علیہ طاغلرک تشکلی اوللری ظن اولندی بی کی بردنبرہ وقوع بولیبو بلکہ طول مدت امتداد ایتمش اولان ادوار مختلفہ زہ ٹولوزیہ نك ائاریدر . طاغلرک ووادیلرک بو کونکی اشکال ظاہرہ سی ایسہ مؤخرآ صولرک و بوزلرک تأثیرات تخریبیہ و ائتکالیہ سنك نتیجہ سیدر .

ابن سینا مشهور کتاب الشفا سنده تشکل جبال مسئله سنی اولدنجیه اصول جدیدیه موافق بر صورتده حل ایشددر . عبارۀ مندرجه سی عزیزک مرحومک کییاسنده مترجم بولندیغندن بوراده عینله ذکری مناسب کوردلی : «جبالک حصوله بادی اولان سبب ایکیدر یرسی شدید بر حرکت ارض ولزش خاک سبیله قشر ارضک نتوات یعنی قبارمسندن حاصل اولق دیکری دخی صولرک جریاندن حصوله کلکدر شویله که صولرک جریان وسیلایله دره لر حاصل اولدینی کبی طاغلر دخی حاصل اولمشدر . سبب اولدن حصوله کلان جبالک احجاری صلب وسخت اولدینی کی سبب ثانیدن حصوله کلان طاغلرک طاشلری سست ولیندر . ماء وهوانک احجارلینیه حل ومحو ابتدکلری مسلم واحجار صلیه اوزرینه اصلاً تأثیرلری اولدینی ثابتدر وطاغلرک تگونه بادی اولان اسباب مذکوره معادنک حدوتنه دخی بادی اولمشدر وشو تبدلات پک چوق عصرلر کذراندن صکره رونما اولمشدر وشمدی ایسه طاغلرک یوکسکلکری تنزل ایتدیکی احتمالدن بعید دکلدر » .

ابن سینانک تشکل جبال حقنده بیان ایلدیکی اشبو ایکی سبیدن برنجیسی یعنی برحادنه ایله یرک قبارمسی حقیقت حاله مغایر ایسده ایکنجی سبب یعنی صولر واسطه سیله طاغلرک تشکلی وسیلار ایله اشکال وادیلرینک پیدا اولمسی الیوم جاری اولان اصول فنییه تمامیه مطابق بولمشدر . ابن سینا کمال قوه ذکوتیه شمدی طاغلرک یوکسکلکری تنزل ایدر دیسی کندوسنک عالم طبیعتده نه درجه لرده مشاهدات وانتقالاتی اولدیغی اثبات ایدر، زیرا صولرک تأثیراندن بحث ایدن فصلده ^(۱) دییش ایدک که صولر متادیاً سطح اوزرنده کی یوکسکلکری ایندیرمک وزمینی تسویه ایتمکه مشغولدر .

(۴) افعال حیاتیه وتأثیرات عضویه

کره حیاتیه نیک تاثیرات زه تولوزیه سی یعنی حیوانات ونباتاتک افعال حیاتیه سیله سطح ارض اوزرنده حصوله کلان علائم زه تولوزیه پک متنوعدر . حیوانات ونباتات تعیشلری ایچون هوایه (یعنی مولدالموضه وحامض قاربونه) وصویه واحجارک مواد معدنیه سنه محتاج اولوب باخصوص هوانک حامض

(۱) ۱۸۸ نجی صحیفه به مراجعت اولنه .

قاربونندن اخذ اولنان قاربون پک بیوک اهمیتی جائزدر، زیرا قاربون کافه مرکبات عضویه ایچون برنجی درجهده بر ماده اولدینی کبی فوسیل کمورلرک وکرج طاشلرینک (یعنی قاربونیت قالسیموم) ترکیبنده دخی اک باشلیجه اولان مادهدر .

قاربون دوران دائم ایله مشغولدر، شویله که نباتات یراق وکوکری واسطهسیله حامض قاربونی مص ایدوب قلوروفیلی اولان قسملریله (باخصوص یراقلریله) انی اولاً نشسته یه وصرکه حیرانک تشکنه لازم اولان ماده قلب و تحویل ایلر . اشته بو صورتله قاربون نباتاتک دروننده تراکم ایتدکدنصرکه اوج طریق اوزره ینه هوایه رجعت ایدر: (۱) نباتات کیفیت تحلل واحترقه دوجار اولدقده ماده نباتیه صو و حامض قاربون و آمونیاقه آریلوب قاربون حامض قاربون شککنده هوایه کیدر . (۲) مواد نباتیه جامور وطوپراق التده قالدقده چوریوب کموره (یعنی طورب، لیغیت، طاش کمورینه) منقلب اولور و کمورک بالاخره احتراقده قاربون ینه حامض قاربون شککنده هوایه رجعت ایدر . (۳) بو اوچنچی طریق حیوانات واسطهسیلهدر؛ حیوانات تعیشلری ایچون طوغریدن طوغرییه ویاخود بالواسطه مواد نباتیهیه محتاج اولوب جسدلرنده تراکم ایدن قاربونک قسم اعظمی تنفس وافرارات ایله انفکاک ایدرک حامض قاربون شککنده ینه هوایه عودت ایدر و قاربونک بر قسمی دخی اسکلتلرده وباخصوص قبوقلی حیواناتک قبوقلرنده قاربونیت قالسیموم حالنده تراکم ایدوب حیوانات مذکورهنک هلاکنده — اکر قبوقلرک پک چوغی بر آرده ایسه — عظیم طاغلرک تشکنه سبیت ویرر .

نباتات واسطهسیله حصوله کلان طاشلره (صخور نباتیه) Roches phytogènes^(۱) تسمیه اولنور . فوسیل کمورلر بو طاشلرک قسم اهمینی تشکیل ایدر . (تریولی) Tripoli یاخود (آنفوزوار طوپراغی) Terre à infusoires تسمیه اولنان بر بیاض ویاغسز طوپراق دخی نباتاتک ائاری اولوب (دیاتومه) نامنده کی صو

(۱) یونانجه (فیتون) نبات؛ (کنوس) منشأ، بدایت دیکدر.

یو صونلرینک سیلیسدن معمول غایت اوفق و خرده بینی اولان یاقسندن عبارتدر و بونلرک ضبط ایتدیکی اراضی بعضاً پک و اسعدر .

حیواناتک افعال حیاتیه سیله تگون ایدن طاشلرده (صخور حیوانیه) Roches zoogènes^۱ تسمیه اولنوب صخور مذکوره ایچون باخصوص (فورامینفر) Foraminifères و (آنتوزوئر) Anthozoaires و (آکینودرم) Echinodermes و (ناعمه) Mollusques انواعک کلسدن معمول قبوق و صدقلری مهمدر و کرج طاشلرینک اکثریسی حیوانات مذکوره نک افعال حیاتیه سی سایه سنده شکل ایتشدرد .

فورامینفرلرک درین دکرلرک قعرینی اسکان ایدوب براققلری قبوقلردن حاصل اولان بر نوع کرجلی صلصال غایت واسع اراضی ضبط ایدرد . فورامینفر فالیاسندن اک زیاده بویولده خدمت ایدنلر (غلوبیژهرینا) Globigérina و (تکستیلاریا) Textilaria و (بیلوکولینا) Biloculina و (قریستلاریا) Cristellaria نوعلریدر .

(فورامینفر) لرك ازمینه سالفه ژه ٹولوزیهده و قوعبولان افعال حیاتیه سی شمدیکندن دها بیوک بر مقیاسده اولدینی (کلس نومولیتی) و (کلس آفیسته زیتی) تسمیه اولنوب حیوانات مذکوره نک ائاری اولان کرج طاشی طاغلرینک وسعت و جسامتدن استطلاع اولنور .

اناطولیده بوکی طاغلر پک چوق اولوب قیصریه نک جهت شرقیسنده واقع (قوراماس) طاغنک (مرجک طاغی) تسمیه اولنان قسمی کاملاً حقیقه^۱ مرجک شکله بولنان نومولیتلردن عبارتدر . درقوس کولی جوارنده واقع بوغاز کویی ایله ارنبود کویی جوارلرنده و سوریهده صیدا و نابلیس جوارلرنده دخی کلس نومولیتی تگون ایتشدرد .

(ناعمه) و (آکینودرم) لرك دریا ایچنده کی افعالی دخی طبقی فورامینفرلرکی کندولرینه کلسدن محفظه و صدف و پول بنا ایتک اولوب حیوانات مذکوره نک

(۱) یونانجه (زوٹون) حیوان دیکدر .

دائماً يك چوغی بر آرده يشادقلرندن هلاكلرندن صكره بر اقدقلری قبوقلرك بر قسمی طالعقر واسطه سیله میلیونلرجه ساحله آتیلور و بر قسمی دخی قمر دریانك دوز اولان محللرنده تراكم ایدر . اشته بونلر هرايکی صورته دخی (بانق) Banc تسمه اولنان عظیم كرج طاشی تشكلاتی موجب اولوب حاوی بولندیقی حیواناتك نوغنه كوره (كلس قرینوئید) و (آمونیب مرمری) و (استریدیا) بانقلری نامیله یاد اولنور .

از جمله استانبول جوارنده واقع مقری كوینده چیقوب اوته دنبرو استانبول ابنه لرینه استعمال اولنان طاش بتون بوکی حیواناتك اثریدر و دقت ایله باقیله حق اولسه دروننده ناعمه بقایاسندن بشقه بر شی مشاهده اولنه مز .

زمان حاضرده اك بیوك مقیاسده اوله رق كرج طاشی پیدا ایدن مخلوقات (مادره پور) Madrépores و یاخود (پولیپیه) Polypier تسمیه اولنان حیوانات مرجانیه ایسه ده بونلرك افعال حیاتییه سی ایچون بولندقلری دكرك حرارتی اصلا ۱۸ درجه سانتیغراددن اشاغی اولماق شرطدر ، بناءً علیه حیوانات مرجانیه انحق كره ارضك منطقه حاره دكلرنده تعیش ایده بیلوب قطبین طرفلرنده بولنلزلر . حیوانات مرجانیه ك حاصل ایتدكلری طاشلره (شعب) Corail دنیلوب دكلر ایچنده کی شعب اطه لرینه علی العموم (رصیف) (Récif^۱) نامی ویریلور . اوج نوع رصیف فرق وتمیز ایدرلر :

(۱) ساحل رصیقلری Récifs frangeants . — بونلر دائماً قره و آطه لرك سواحلنه متصل اولوب یالکز نهرلرك دكلره منصب اولدقلری محللرده ارتباطلری منقطع اولور . شعب دكزی تسمیه اولنان بحر احرك شعبلری بو نوع رصیقلردن اولدینی کی سیلان اطه سنی و بحر محیط هندیده واقع نیقوبار

(۱) Récif کلمه سی فرانسزجه ده دكرك یوزینه چیقمش قیاله دنیلوب لالیتیه دن اوله رق شكست اولق معنا سینه كلان Rescindere دن مأخوذدر كه بوده كخیلرك بوکی مرجان قیالرینه كثرتله چاروبوب شكست اولمسندن غلطدر . لسان عربیده هر تقدیر رصیف تعبیری بو معناده مستعمل دكل ایسه ده متین و حکم نسته به و قالدیرم طاشلرینه تسمیه اولندیغندن بوراده شعب اطه لرینه علم اولق اوزره عربی املا ایله رصیف کلمه سی قبول اولندی .


اطه‌لرینی و هند غربی اطه‌لرینی و آمریقای شمالیده واقع فلوریدا نیم جزیره‌سینی و الخ احاطه ایدن شعبلر دخی ساحل رصیفلرندندر .

(۲) سد رصیفلری Récifs barrières . — بونلر ینه قره واطه‌لرک سواحلی بویونجه بولنوب انجق مابیننده از چوق ککیش بر قنال موجوددر و آره صره قپو کبی آجیق محللری بولدیغندن ایچ طرفده کی قنال دکر ایله رابطه کسب ایدر . بو کبی رصیفلر آجیق دکرلرک طالع‌لرینه قارشو بر سهر اولدیغندن رصیف ایله قره اراسنده کی صولر چوقکیره اک ایو واک امین طبیعی لیمانلردن عد اولنور . بحر محیط جنوبیده واقع مرتفع اطه‌لرک همان کافه‌سی، مثلاً قارولین، یکی قله دونیا، ویتی و ساموآ اطه‌لری و جمعیت اطه‌لری (تا هیتی) ... الخ هپ به به سد رصیفلریله احاطه اولنش و ایو لیمان شهرتی آلمش اطه‌لردر . سد رصیفلری بعضاً فوق‌العاده ککیش واوزون اولور؛ (بیوک رصیف) Great Barrier نامیله اوسترالیا نك شرق شمالی سواحلنده بولان رصیف اک جسم رصیف اولوب طولی ۱۸۵۵ کیلو مترو وساحلدن اوزاقلی ۷۴ — ۸۹ کیلو مترودر .

(۳) آتوللر Atolls . — آتول تسمیه اولنان رصیفلر گوشه‌لی و غیر منتظم خلقه شکلنده اطه‌لر اولوب خلقه نك دروننده کی اوفق کول کبی محله دکر صوبی بولنور (شکل ۱۰۰، صحیفه ۲۳۹). آتوللره (جزائر مرجانیه) Iles Coralliennes دخی اطلاق اولنوب جزائر مذکوره نك دکردن ارتفاعی ۲ — ۴ مترو و خلقه نك ککیشلکی نهایت ۱۰۰۰ — ۱۲۰۰ مترودر . خلقه‌لرک آجیق دکره ناظر اولان طرفلری غایت اوچورم اولوب اک بیوک کمیلر بیله یناشه بیلور، فقط ایچ طرفی صیغدر و صوبی دخی دائماً را کد اولدیغندن اوراسی پک چوق حیوانات بحریه نك موقع اجتماعیدر .

بحر محیط اطلاسیده ۳۰۰ قدر آتول موجود اولوب اندن یالکر (بوموطو) جزائرینه ۷۰ — ۸۰ آتول اصابت ایدر . قارولین، راداق، رالیق و کنیکس میل جزائر ی داخنده دخی پک چوق آتوللر واردر . اک بیوک آتوللر بحر محیط

هندیده واقع لاقادیو و مالادیو آلهلری اولوب انلردن بعضیلرینک قطری
۱۰۰ کیلومترویه بالغ اولور .



(شکل ۱۰۰) برآتول

رصیفلرک صورت تشکنی مشهور (داروین) Darwin قعر دریانک انحطاطنه
حمل ایدرک ساحل رصیفلرندن اولاً سد رصیفلری و صکره دخی آتولار پیدا
اولور دیش ایسهده مؤخرأ (سمپر) و (راین) اسمنده ایکی آلمان ایله انکلتزلی
مشهور (موره) طرفسندن اجرا ایدیلان کشفیات و تتبعات عمیقہ واسطه سیه
داروینک قوی حقیقت حاله مغایر ویالکز بر فرضیاتدن عبارت اولدینی اکلا-
شلمشدر . تحریات جدیدیه سکوره مرجان رصیفلری تخمیناً ۱۰۰ مترو
ارتفاعنده بولنان تحت البحر یوکسک اووه کبی موقعلرک و بانقلرک اوزرنده بنا
اولنوب بولنره قبوقلری کلسدن معمول بر جوق حیوانات بحریه نك دخی یاردم
ایتدیکی و رصیفلرک اوج نوعیده یکدیگرینه یقین و یاخود هر بری آری آری
ویالکز باشنه دخی ظهور ایلدیکی ثابت اولمشدر . رصیفلرک شکل ظاهریسی ایسه
انجق حیوانانک قعر دریاده بنالرینه تمّل اتخاذا ایلدکاری زمین ایله مواد غدائیہ نك
مقدارینه تابعدر زیرا حیوانات مذکورہ نك قنّی طرفلرده زیاده غداع بولور
ایسه اول طرفده اک زیاده نشو و نما بوله جقلری امر طبیعیدر .

ایکنجی قسم

ژەئولوژی خصوصی

علم طبقات الارضك قسم خصوصىسى يالكزجه قشر ارضك تركيب و بنیه و صورت تشکيله اشتغال ایده جکدر، بو سیددن قسم مذکور (مبحث احجار) و (مبحث بنیان) و (مبحث طبقات) دیو اوج فصله تقسیم اولمیشدر.

— برنجی فصل —

مبحث احجار

کره حجریه بی تشکیل ایدن مواد معدنیه یه علی العموم (طاش) اطلاق اولنور، فقط عوام یئنده طاش تعبیله انجق سرت وقائی اولان مواد حجریه اکلاشیلوب حالبوکه کیل وچامور کبی یوشاق و قوم و صلصال کبی متحرک اولان مواد دخی طاشلردن عد اولدیغندن عمومی شامل اولق اوزره علم طبقات الارضده (صخره) لقی مستعملدرکه فرانسزجه (روش) Roche لفظنک مترادفی اوله جقدر، بناء علیه کیل، تباشیر، کرج، طاش کموری، قیاغن طاشی و قوم دخی صخورنددر.

طاشلرک تکون و تحدثنه برنجی درجه ده اوله رق مولد معدنیه یاردم ایتمشدر^(۱)؛ ایکنجی درجه ده اوله رق مولد حیوانیه و نباتیه نک یاردیمی واردر، زیرا کچن فصللرده کوردیکمز وجهله حیوانات و نباتاتک افعال حیاتیه سیله جسم طاغلر بیله حصوله کله بیلور.

(۱) مبحث احجارک مطالعه سندن اول طاشلری تشکیل ایدن معدن نوعلرینک باشلیعه لرله کسب معارفه انجک لازم اولوب سهولت اولق اوزره بوراده معادن مذکوره نک اسملری تعداد اولندی و آنلرک احوال خصوصیه سی ایچسون کتایمیزک علم معادن قسمنه مراجعت اولنق اقتضا ایدر. کوکورد، غرافیت، ماغنیت، لیونیت، مانفانیت، غرنا، طورمالین، دیستن، آنفیول، اوژیت، هیپرستن، اولیون، فلدسپاتلر، نفلین، قوارس، تریدمیت، اوپال، میقلر، قلویت، طلق، سرپانتین، قالسیت، دولومی، ماغنزیت، آپاتیت، آلونیت، چبس، قیاطوزی.

اشته بو سبیدن طاشلری (صخور معدنیه)، (صخور حیوانیه) و (صخور نباتیه) ناملریله دخی تفریق وتیمیز دخی ایدرلر .

اگر صخور معدنیه یالکتر برتک معدندن عبارت ایسه، مثلاً قوراس قیاسی، کرج طاشی، قیا طوزی کبی، انلره (بسیط) و یا (متجانس) تسمیه اولنور واکر بالعکس متعدد معدنلر دن عبارت ایسه انلره ده (مخلوط) و یا (غیر متجانس) دنیلور، نتمک غرانیت طاشنک قوراس، اورتوز ومیقا معدنلرندن مرکب اولدیفی کبی. برطاشی ترکیب ایدن معدنلره اول طاشک (اقسام مجتمعه) سی اطلاق اولنور .

صخور نباتیه ایله صخور حیوانیه نك ترکیب وصورت تشکندن قسم اولده بحث اولنش ایدی (صحیفه ۲۳۵ و ۲۳۶).

طاشلر بیه وانتساجلرینه نظراً ایکی بیوک قسمه تقسیم اولنمشدر، برینه (صخور بلوریه) و دیگرینه (صخور مکسوره) دنیلور .

(صخور بلوریه) Roches cristallines تسمیه اولنان طاشلری ترکیب ایدن بلورات معدنیه دانهلری بلا واسطه یعنی پینلرنده ربط ایدیجی بر خمور اولمقسزین یکدیگریله متلاصق اولمشدر. مذکور بلورات دانهلرینک بیوکلککنه کوره (بیوک دانهلی) و (اوفق دانهلی) و (کشیف) تعیرلری مستعملدر . مثال : بیوک دانهلی غرانیت (پکماتیت) ، اوفق دانهلی غرانیت (قبو طاشی غرانیتی) و کشیف بازالت .

اگر صخور بلوریه نك انتساجی غیر منتظم یعنی اقسام مجتمعه سی قاریشق وغیر مفروش (مثلاً غرانیت کبی) اولور ایسه انلره (صخور بلوریه مصمته) Roches cristallines massives واکر بالعکس بر انتساج موازی ارائه ایدر یعنی اقسام مجتمعه سی یکدیگریله متوازی ومنتظم بر صورتده مفروش اولور ایسه (مثلاً عنایس کبی) انلره ده (صخور بلوریه شیسسته) Roches cristallines schisteuses^۱ اطلاق اولنور.

صخور شیسسته بر طرفدن قولای و دیگر طرفدن کوچ یاریلور . (شیسیت) ایله (تطبق)

(۱) روناچه (شیسستوس) یارمق، شق ایتمک دیکدر.

ایکسی بر دکلر^۱ عاربة الشكل طاشلر يك نادر در ، مثال : اوپزیدن و پخشناين .
(صخور مکسوره) Roches clastiques طاغینق طاش پارچه لرینک
بر خور (چیمتو) واسطه سیله تصلب ایتسندن وجوده کلور^۱ . صخور
مکسوره دخی دانلرک بیوکلکنه کوره اوچ قسمه تفریق اولنور، شویله که بیوک
دانلی اولور ایسه (پسه فیت) Pséphite^۲ (مثلا قونغلومرا و برش طاشلری)
اوفق و قوم دانلی اولور ایسه (پسامیت) Psammite^۳ (مثلا غره لر و یا قوم
طاشلری) واکر غایت رقیق اولور ایسه (په لیت) Pélite^۴ تسمیه اولنور که
(غضار) لرده اولدینی کییدر .

طاشلر صورت تشکله نظراً ایکی بیوک قسمه تقسیم ایدیلوب برینه
(صخور اندفاعیه) ایکنجیسنه (صخور رسوبیه) اطلاق اولنور .

(۱) (صخور اندفاعیه) Roches éruptives طبقی بوکونکی و لقانلردن
چیقان لاولرکی مایع ناری حالده اوله رق یرالتدن اندفاع ایدرک سطح ارض
اوزرنده تصلب ایتشدر و بنه لری دائماً صیق و کتله وی اولدیغندن انلره
(صخور بلوریه مصمته) دخی دیرلر .

غرانیت، سیه نیت، دیوریت و پورفیرکی ازمئه عتیقه ده فوران ایدن صخور
اندفاعیه یه (صخور پلوتونیه) Roches plutoniques و تراخیت و بازالت کی
ازمئه جدیدده حاصل اولانلره دخی (صخور و لقانیه) Roches volcaniques
تسمیه اولنور .

(۲) (صخور سوربیه) Roches sédimentaires صولرک چوکندیسندن
حاصل اولمش طاشلردر . اکر صخور مذکوره بالکیمیا ترسب ایتش ایسه
انتساجلری بلوری اولور واکر صولرک تأثیرات میخانیکیه سیله ترسب ایتش
ایسه انتساجلری کساری الشكل اولمش اولور . صخور سوربیه بر (طبق)
ارائه ایدر، یعنی صخور مذکوره مختلف قالینلرده طبقه لر تشکیل ایتک اوزره
یکدیگری اوزرنده مفروشدر و طبقه لرک هربری آیری آیری زمانلرده
وقوعبولان ترسباتک اثرلریدر .

(۱) ۱۹۵۰ نجی صحیفه به مراجعت اولنه . (۲) یونانجه (پسه فوس) کوچک طاش . (۳) یونانجه (پساموس)
قوم . (۴) یونانجه (په لوس) کیل، چامور دیمکدر .

— صخورك توصيفى —

کتابزده طاشلر (صخور بلوریه مصمته و یاخود اندفاعیه) و (صخور بلوریه شیسستیه) و (صخور رسوبیه) دیو اوج قسمه تقسیم اولنه رق توصیف اولمش و بونلردن هر بری دخی متعدد زمره لره تفریق ایدلشدر . زیرده کی جدول صخور اندفاعیه نك احوالی اجمالاً اراہ ایدر .

(۱) صخور بلوریه مصمته و یاخود صخور اندفاعیه

«۱» حامل فلدسپات اولان صخور بلوریه مصمته

(۱) غرانیت زمره سی گرانیت سیه نیت		(۲) دیوریت زمره سی دیوریت دیاباز
(۳) پورفیر زمره سی پورفیر قواری پورفیریت		(۴) ملافیر زمره سی ملافیر پورفیر اوژیتی
(۵) تراخیت زمره سی قوار تراخیت قواری تراخیت		(۶) بازالت زمره سی بازالت آندزه زیت
قوارس		قسماً قوارس
اورتوز، سائیدین		لا برادوریت
اولیغوقلاز		
میکا		هورنبلاند
۲,۷—۲,۵		۳,۲—۲,۷
آچیق، اکثراً قرمزیمتراق		قویو
پیوک دانلی و اوفق دانلی چوقکره دخی زجاجی، نادرا کشف		اکثراً کشف و لوزی شکل
$3-6 \text{ K}_2\text{O} \quad 0.60-0.80 \text{ SiO}_2$ $0.01-0.02 \text{ Na}_2\text{O} \quad 0.01-0.02 \text{ Al}_2\text{O}_3$		$0.01-0.02 \text{ K}_2\text{O}$ $0.01-0.02 \text{ Na}_2\text{O}$ $0.01-0.02 \text{ CaO}$ $0.01-0.02 \text{ MgO}$
$0.01-0.02 \text{ FeO}$ $0.01-0.02 \text{ Fe}_2\text{O}_3$		$0.01-0.02 \text{ FeO}$ $0.01-0.02 \text{ Fe}_2\text{O}_3$

«۲» حامل اولیوین اولان صخور: اولیوین قیاسی، سربانتین... الخ (صحیفه ۲۵۲)

(۱) غرانیت زمردی

صخور بلوریه مصمته نك اك قديمی وكره ارض اوزرنده اك جوق ظهور
ايدن قسمی غرانیت زمرد سنه داخلدر .

غرانیت ۱) . — غرانیت طاشی اورتوز (جوقكره دخی اولیغوقلاز ایله
برلكده) وقوارس ومیقامعدنلرندن مركب اولوب معادن مذكوره بیوك ویاخود
اوفق دانهلی اوله بیلور . اورتوزك مقداری علی العاده دیکرلرینه غالبدر؛ میقا
بیاض موسقویت میقاسی ویاخود سیاه بیوتیت میقاسیدر؛ بعضاً دخی میقانك
یرینه طلق، قلویت ویاخود قسماً هورنبلاند قائم اوله بیلور. جوقكره غرانیتك
قوارسند غایت اوفق وخرده بینی بوشقلر بولنوب درونی قلور سودیوم منحل
ویاتمیع ایتمش حامض قاربون ایله مملودر؛ برسانتیمترو مكعب اوزرنده مذکور
بوشقلردن ۵۰۰ ملیون تعداد اولنمشدر .

غرانیتك طبیعتده ظهوری ایکی درلودر، یا یغین تشکیل ایدر ویاخود
طمارلرده بولسور . یغین حالنده اولان غرانیت طاغلرك كتله مرکزیه سنی
ضبط ایدر، بالقانلرده دسپوت، استرانجه و سپریم واناطولیدن طربزونده واقع
بالخار وزیقانه طاغلری وقبو طانی وطور سینا دها سائر محملرده غرانیت
بولنور . غرانیتك اك مهم نوعلری شونلردر :

(غرانیت پورفیری) یاخود (بلورلی غرانیت) كه بیوك بیوك اورتوز
بلورلرینی (قارلسباد توأملرینی) حاویدر .

(گرانیتیت) Granitite دیو باشلیجه قمری اورتوز، بیاض یاخود یشلمتراق
اولیغوقلاز، قوارس وماغزلیلی میقا وجوقكره دخی هورنبلاندی حاری اولان
غرانیت دنیلور . بونك اعلاسی مصرده واقع (اصوان) ده Syène چیقوب
قدیم مصریون انی دیکلی طاشلرده معبدلرك ابنیه لرنده قوللانمشلردر. استانبولده
سلطان احمد میداننده واقع دیکلی طاش دخی اورادن کله بر غرانیتدر .

(۱) لاتیغه (گرانوم) دانه دیکدر .

(پروتوژین Protogine^۱) یاخود (آلب طاسغی غرانیتی) تسمیه اولان غرانیتده میقانک یرینه قسماً ییشلمتراق بر طلق قائم اولوب آلپردن مونبلان و سن غوتارتده ودها سائر محللرده چیقار .

(پگماتیت) Pegmatite دیو اقسام مجتمعه سی بیوک بیوک پارچه لردن مرکب اولان غرانیت اطلاق اولنوب برابرنده چوقکره طورمالین ، آپیدوت، غرنا بهریل، توپاز و سائر معدنلر دخی بولنور .

(یازی غرانیتی) Granite graphique اورتوز بلوراتی توأملرینک بر وضعیت منتظمه اخذ ایلمسندن وقواریس دانه لرینک دخی صفیحی بر شکله کیرمسندن حاصل اولوب سطوح مکسوره سی اوزرنده کوشلی و عریانی یازییه مشابه اشکال ارائه ایدر؛ بوسیدن یازی غرانیتی نامی ویرمشلردر.

سیه نیت (Syénite^۲) . — سیه نیت صخره سی اورتوز ایله هورنبلاندندن مخلوط اولوب بهضکره برابرنده جزئی اولیغوقلاز، سیاه میقا وقواریس دخی بولنه بیلور . اگر قواریس ایله برلکده زیرقون دخی بولنور ایسه (زیرقونلی سیه نیت) نامی الور. اک اعلاسی ساقسونیاده درسده شهری جوارنده واقع (پلاون) Plauen نام محله چیقار. ممالک شاهانه دن روم ایلیده بالقانلردن ویتوس طاغنده واناطولیده کموشخانه ایله شیین قره حصار بئننده واقع قانلی وکومت طاغلرنده وایوالقی جوارنده واقع مادرا وقاز طاغنده الح بولنور .

سیه نیت غرانیتده اولدینی قدر جسم یغینلر تشکیل ایتمز . کرك غرانیت وکرك سیه نیتک صلابتی زیاده اولوب کوزل جلا قبول ایدرلر وتضییقه وهوانک تأثیریه مقاومت ایدرلر وانلردن یکپاره عظیم پارچه ویدرکیر کسپله بیلورکه بویله یکپاره طاشاره (مونولیت) Monolite نامی ویریلور. قدیم مصریون معبدلرنده بوکبی مونولیتلر استعمال ایتمشلردر. استانبولده آیاصوفیه و سلطان محمد و سلطان بایزید جوامع شریفه لرنده عظیم غرانیت دیرکیر موجود

(۱) یونانجه (پروتوگینه) ایلك طوغان دیکدر . (۲) سیه نیت تعبیری آسواندن آلهدر، فقط آسوانده چیقان قرمزی صخره سیه نیت اولوب غرانیتیت در .

دره غرائیت و سیه نیت قالدیرم ایچون برنجی طاشدر . مرمره ده واقع قبو
طاغنده چیقان اوفقی جهلی غرائیت سرت وایو بر غرائیت اولوب استانبولک
بعض زوقاقلرنده اندن قالدیرم یاللمشدر .

(۲) دیوریت زمهره سی

بو زمهره نك صخره لری حاوی بولندیفی هورنبلاده، اوژیت و سائر معادنن
طولانی اکثریا قویویشیل برنك اخذ ایدر، بو سیدن انلره (غر و نشتاین)
Grünstein دخی دیرلرکه آلمانجه (یشیل طاش) دیکدر.

دیوریت Diorite (۱)

دیوریت صخره سی اولیغوقلاز ایله هورنبلانندن مخلوط اولوب دانه لی
ویا خود کثیف اولور و بعضاً دخی یوارلاق پارچه لردن عبارت اولوب (کروی
دیوریت) D. orbiculaire یا خود (قورسیت) Corsite نامی آلور، زیرا قورسیقا
ده اعلاسی چیقار . روم ایلیده بر قوفجه بالقانی وانا طولیده بروسه جوارنده
وقونیه ده آق طاغ و سوریه ده وادی عقبه ده دیوریت واردر.

دیوریتک برجنسی دخی واردرکه (مقالی دیوریت) تسمیه اولنوب اولیغو-
قلاز، هورنبلانده، وماغنزیالی میقادن مرکبدر و طمار حالنده اوله رق ظهور
ایدر. مصرده آصوان ایله جزیره الفیل یئئنده دخی چیقوب (سیاه پورفیر)
نامیله شهرت بولمشدر و قدیم مصریون اندن سیاه هیکلر یامیشلردر .

دیاباز Diabase (۲)

دیاباز اولیغوقلاز و یا خود قسماً لابرادیوریت و اوژیتدن مخلوط اوله رق
حبوی و یا خود کثیف انتساجده بر صخره اولوب عارضی اوله رق برابرنده
کلوریت و ماغنیت دخی بولنور. روم ایلیده بالقانلرده چیقار.

(۱) پونا بجه (دیوریزو) تفریق و تمیز ایدرم دیکدر. (۲) پونا بجه (دیابازیس) چکید دیکدر.

ديابازك برنوعنه (يشيل پوفير) ياخود (اخضر عتيق) Vert antique اطلاق اولوب قديمدينبرو فن معماريده يك مقبول برطاشدر ورنكي قويو يشيل اولديني حالنده دروننده آچيق يشيل لابرادوريت بلورلي كوريلور. ديوريت ودياباز غايت ايو قالديرم طاشي اولور.

(۳) پورفير زمهره سي

پورفير زمهره سنه داخل اولان صخره لرك كندولرينه مخصوص برانتساجي اولوب اكا (انتساج پورفيري) تسميه اولنوركه بوده غايت كثيف برخوراچنده بيوك بلور دانهلرينك بولنمسيدير.

پورفير قوراسي (Porphyre quartzifère)^۱

بو صخره نك خموري آچيق واكتريا قرمزيمتراق بررنكده اولوب دروننده قوارس واورتوز بلوراتي مدفوندر. صخره مزبورده عظيم اورتي شكلنده ظهور ايلديكي كبي قبلر دخي تشكيل ايدر. روم ايلينك بالقانلرنده وارض فلسطينده واديء ابيض وجبل بني هارونده الح كثرته بولنور. عاري الشكل وجام كبي اولان نوعنه (پخشتاين) Pechstein^۲ تسميه اولنور.

پورفيريت Porphyrite

پورفيريت ناميله خموري اسمر ويا قرمزيمتراق اسمر رنكده اولوب دروننده اوليقوقلاز بلورلي بولنان قويو پورفيرلر اكلاشيلور. اعلاسي مصرده جبل دخانه چيقوب قديمدينبرو (قرمزي پورفير) وياخود (احمر عتيق) Rouge antique اسميله معروفدر. استانبولده چنبرلي طاش بو نوعدندر. ارض فلسطينك عرابه وادي سنده كثرته بولنور.

پورفيرلر غايت سرت اولديغندن انلري تراش ايتك و ايشلمك مشكلدر، فقط

(۱) يونانجه (پورفيرا) فيرفير، فيرمزي ديمكدر كه بوده پورفيرلرك اكثريسي قرمزي رنكده اولمىندن كناهيدر. (۲) آلمانجه زفت طاشي ديمكدر.

ماثرات جوییه مقاومتری زیاده اولدیغندن فن معماریده بك مقبولدرلر.
اسوجده واقع (الفدالن) Elfdalen و آلتایده واقع (قولیمانسک) ده Kolymsk
پورفیر طاشلرینی ایشلمکه مخصوص قابریقهلر واردلر.

(۴) ملافیر زمهره‌سی
ملافیر زمهره‌سنه برطاقم قویو رنکده صخره‌لر داخل اولوب انتساجلری
پورفیریدر. ملافیرلر قالدیرم طاشی اوله‌رق مقبولدر.

ملافیر (Mélaphyre)^۱

اولیغوقلازیله اوژی‌تدن مخلوط اولوب بر مقدارده ماغنیت بولنور و ظهوری
اولدقچه چوقدر. ازنیق کولی جوارنده بازار کوینده بولنور.
ملافیر چوقکره دخی (انتساج لوزی) ارائه ایدر، یعنی صخره‌نک دروننده
بولنان برجوق بوشلقلر مؤخرأ بشقه معدنلر (مثلاً قوراس، عقیق، زه‌تولیت
الح) ایله املا اولمشدر؛ بو سبیدن ملافیر صخره‌لرینک دروننده غایت کوزل
عقیق یرولری بولسوب صخره‌نک تحلل ایدرک طاعلمسندن مذکور یرولر
(زه‌تود) اوله‌رق میدانده دوکیلور.

پورفیر اوژی‌تی Augitophyre (اوژی‌توفیر)

ملافیره مشابهدر؛ اوژی‌ت ایله لابرادوریتدن مخلوط اولوب چوقکره
اوژی‌ت دانهلری بیوجکدر. باشلیجه طربزون ولایتنده بولنور.
(۵) تراخیت زمهره‌سی

بو زمهره‌نک صخره‌لری اکثریا پروزلی و مساماتلی اولوب رنک‌لری آجیق
اولوق اوزره بیاض، سنجایی صاریمتراق، قرمزیمتراق ویشیلیمتراق اولور.

تراخیت (Trachyte)^۲

سانیدین، قسماً اولیغوقلاز، هورنبلاند و میقادن مخلوطدر.


(۱) یونانجه (ملاس) سیاه دیمکدر. (۲) یونانجه (تراخیس) پروزلی و سرت دیمکدر.

تراخیت قوراسی Trachyte quartzifère

بوکا ریولیت Rhyolite دخی دنیلوب قوراس، سانیدن، میقا وهورنبلانندن مخلوطدر.

آندهزیت Andésite^(۱)

اولیغوقلازایله هورنبلانندیواخوداویژیتدن مخلوطدر. بعض جنس آندهزیتلرده برمقدار قوراس وجزوی میقا دخی بولنوب (داسیت) Dacite نامنی الور. تراخیتلر بعضاً طمار و آقندی و بعضاً دخی قبه ویاخود یغین حالنده ظهور ایدر. ممالک شاهانده پک چوق تراخیت بولنوب باشلیجه ادرنه ولایتک آردا نهری حوضه سنده واناطولینک ارجیش و حسن طاعنی و آفیون قره حصاری وازمیر شهری جوارلرنده الخ کوریلور. استانبول بوغازینک اراضی ولقانیه سی دخی تراخیت نوعلرندن متشکل اولوب باشلیجه یشیل آندهزیت، داسیت وریولیت صخره لیدر و بونلرک هر بریله مربوط ولقانی توفلر دخی واردر^(۲). آندهزیتلرک الکی جنسلری باخصوص روم ایلی جهتنده بیوک لیمان واناطولی جهتنده یوم برونی کورفزنده غایت کوزل و بازالت ستونلرینه مشابه ستونلر تشکیل ایلمشدر (شکل ۱۰۱). ینه آندهزیتلردن اولوق اوزره ولقانی قونعلومرالر



(شکل ۱۰۱) استانبول بوغازنده واقع یوم برونک آندهزیت ستونلری .

(۱) (آند) طاعلرنده بولندیقندن. (۲) ۲۱۸ نجی صحیفهیه مراجعت اولنه.

دخی بولتوب بوغازك خارجنده كى اوركه آطه لرى (شكل ۱۰۳، صیغه ۲۵۸) بولردن متشكدر ^(۱) .

فونولیت Phonolite. — فونولیت صخره سی طبقه طبقه دخی آریلوب اینجه لوحه لینه ضرب اولندقدده صدا ویرر. رنگی یشیلمتراق سنجابی اولوب سانیدین ونفلین معدنلرندن مخلوط بر خوردر و دروننده اکثریاینه سانیدین وهورنبلاند معدنلری بولور. فونولیت طاغری غیر منتظم مخروط ویاخود سیوری قبه شکلرنده اولور. فرانسه ده مون دورده وسائر محلرده چیقار. (اوبزیدین) Obsidienne، (نخشتاین تراخیتی) Pechstein trachytique و (پرلیت) Perlite نام صخره لر دخی ترکیب کیمیویجه تراخیتلر کی اولوب فقط زجاجی و عاریة الشکل و مینایه مشابه بر حالده درلر و بولره (ولقانی جاملر) دخی دنیله بیلور. سونکر طاشی Pierre ponce الیافی و کپوک کی مسامانی بر نوع اوبزیدین در وصو اوزرنده یوزر. اشبو زجاجی تراخیتلر علی العموم نواحی ولقانیده ظهور ایدر (مثلا ارجیش طاغنده، سانتورین آطه سنده لیباریا واسلاندا اطله لرنده الخ).

تراخیت صخره لرینک کافه سی ایو ابنیه وقالدیرم طاشی اولور، بناءً علیه بوغاز ایچنک آنده زیتلری لزومی حالنده استانبول قالدیرملری ایچون غایت الویریشلی برطاش اوله بیلور. برنوع تراخیت دخی واردرکه دروننده برطاقم کوشلی بوشلقلر موجود اولوب (دلیکلی تراخیت) Trachyte carverneux ^(۲) نامیله یاد اولنور و بوندن غایت ایو دکرمن طاشی اولور.

(۶) بازالت زمهره سی

بو زمهره نك صخره لری علی العموم قویو وسیاه رنگلرده اولوب اکثریا غایت منتظم اسطوانی و منشوری شکلر ارائه ایدر.

(۱) اك اول بوغاز ایچنك اراضی ولقانیه سی معاینه ایدنلر صخره لری بازالت ظن ایتمشدر. صخره لری چیچاچف دوله ریت دیو تمیین ایش و ستونی اولانلره بازالت دیمشدر و برده دیوریت کوسترمشدر. فقط مؤخرًا مسیو اندریان اورالری عریض و عمیق معاینه و کشف ایدوب جنس لرینی صورت صحیحده تمیین ایتمشدرکه بژانك کتانبندن الفرق یوقاروده درج ایلدك. (۲) لایتنجه (قاورنوزوس) دلیکلی دیمكدر.

دوله ریت Dolérite (۱). — لابرادوریت، اوژیت و ماغنیت دن مخلوط اولوب
حبوی انتساجده در؛ لابرادوریتک یرینه نفیلین، لوسیت و بونلره مماثل دیگر
معدنلر کله بیلور و اولزمان (نفیلینی دوله ریت) الح^۱ تعبیرلریله فرق تمیز اولنورلر.
اوفق جبهلی دوله ریت (آنامه زیت) Anamésite دیرلر. اناتولیدن ارضرومده
بیک کول و بالان دوکن طاغلرنده و کموش حاجی کویی جوارنده الح^۱ بولنور.

بازالت Basalte (۲). — بازالتک ترکیبی طبقی دوله ریت کبی ایسده
انتساجی کثیفدر و دروننده چوقکره اوژیت، هورنباند و بیوتیت میقاسی
و باخصوص اولوین بلورلری و دانهلری دخی بولنور.
ماده^۱ اصلیه سنک ترکیب کوره فلدسپاتلی، نفیلینی و یاخود لوسیتلی بازالت
تعبیرلری مستعملدر.

بعض بازالت نوعلرنده انتساج لوزی دخی مشاهده اولنوب بوشلقلرک
درونی زه ثولیت ایله و یاخود سائر بر معدن ایله ملودر. بازالت غایت مبذول بر
صخره اولوب طمار، قبه، آقندی، اورتی حالنده بولندینی کبی عظیم طاغلر
دخی تشکیل ایدر.


ممالک شاهانه دن باشلیجه عشاق ایله قوله بیننده کی نواحی محترقه ده
و حوراند و حجازده واقع حره تسمیه اولنان مواقعه و فرانسه ده اوورن
و آلمانیا ده آیفل طاغلرنده ظهور ایدر. اسطوانی بازالت ایرلاندا آطه سنک
شمال ساحلنده واقع (آنتریم) واسقوجیانک غرب ساحلنده واقع (استافا) نام
آطه ده کی مشهور فینغال مغاره سنده بولنور که (شکل ۱۰۲، صحیفه ۲۵۲) بو
مغاره نك بر قسمی ارائه ایدر.

بازالتلر غایت سرت و طیانقلی اولوب قالدیرم و ابنیسه و صو بنالری ایچون
غایت مقبول و مرغوب صخره لدر.

(۱) یونانجه (دوله روس) آلداتیچی دیکدر. (۲) مشهور (بیلین) بازالتس تعبیری قوللامشد.

(۷) اولیون زمره سی

بو زمره به باشلیجه سرپاتین وحبوی اولیون داخل اولوب برابرلنده بر مقدار دخی قرومیت، اوزیت و بعضکرده فلدسپات، هورنبلاند و ماغنیت بولور. سرپاتین لرك اکثریسی مؤخرأ استحالہ ایله اولیون قیالرندن حاصل اولمشلردر و سنلرینه نظراً مختلف ادوار زه ئولوژییه متعلق بولورلر. سرپاتین



(شکل ۱۰۲) فینفال مغازه سنک بازالیت ستونلری

روم ایلیده یانیه ولایتده واناطولیده انطالیه کورفرزنده واقع تحتہ لی طاغده الح جیقار. فن معماریده مقبولدر (۱).

(۲) صخور بلوریہ شیستیه

(۱) غنایس زمره سی

غنایس Gneiss. — غنایس صخره سی اورتوز، قوارس و میقادن مخلوط اولوب شیستی برانتساجده در؛ بعضاً برابرنده اولیغوقلاز، غرنا، طورمالین و معادن سائرہ دخی بولنه بیلور؛ میقابوتاسلی و یاخود ماغنزیالی میقادر. غنایسک اقسام مجتمعه سی طبق غرانیت کیدر، فرقی یالکز غنایسک شیستیت و تطبق ارائه ایتسیدر. غرانیتده اولدینی کبی غنایسده دخی میقانک

(۱) صحیفه ۱۳۷، ۱۴۶، ۲۱۲ به مراجعت اولنه.

یرینه قسماً و یاخود کاملاً قلوریت، طلق، هورنبلاند الخ قائم اوله بیلور. غنایس بک واسع اراضی احاطه ایدر؛ سطح ارضک اوزرنده بولنان جبال اصلیه نک باشلیجه کتله لری غنایسدن متشکلدرد. بالقانلرک و تکمیل روم ایل طاغلرینک اساسی غنایسدر؛ اناطولیده سجاو ایله بیغادیچ اراسنده واقع آق طاغ و آیدین ولایتنده ودها بک چوق محللرده غنایس بولنور. آلپ طاغلرینک اساسی دخی غنایسدر.

اگر غنایسک شیسیتی تناقص ایدر ایسه (غنایس غرانیتی) نامی الور، آلپ طاغلرنده اولدینی کبی. غنایسده هورنبلاند بولنور ایسه (هورنبلاندلی غنایس) و میقانک یرینه طلق و یاخود قلوریت قائم اولور ایسه (غنایس پروتوزنی) ناملری و یریلورکه بو آلپلرده پروتوزین تسمیه اولنان غرانیت ایله برلکده بولنور. اگر میقانک یرنده غرافیت بولنور ایسه (غرافیتی غنایس) تسمیه اولنور.

غرانولیت Granulite. — اورتوز، اولیغوقلاز و قوارسدن مخلوط اوفق حبسلی و شیسیتی بر صخره اولوب دروننده دائماً اوفق غرنا دانه لری و چوقکره دخی بر مقدار کیانیت بولنور. غرانولیت دیگر صخور شیسیتی ایله برلکده اوله رق اناطولیده بالیکسر سنجاغنده ظهور ایدر. بوهیاده و ساقسونیا ده اولدقچه واسع اراضی احاطه ایدر.

غنایس و غرانولیت صخره لری ابنیه طاشی اوله رق قوللانیه بیلور؛ حبوی نوعلرندن قالب طاشلر کسرلر و زیاده شیسیتی اولان نوعلرندن ایسه زردبان و یایه قالدیرمی و سائره ایچون دوشمه لک لوحه لر کسرلر.

(۲) میقاشیست زمهره سی

میقاشیست Micascchiste. — بو صخره میقا و بر آزده قوارسدن عبارت بر مخلوط اولوب دروننده چوقکره غرنا بولنور. صخره نک رنکی حاوی بولسندینی میقانک رنکده تابعدرد. میقاشیست طبقی غنایس کبی جبال اصلیه نک

برقسنی تشکیل ایدر نتکم بالقانلرده، آلپلرده، اسفانندیناویاده الخ اولدینی کی.

قوارسیت Quartzite. — بونده قوارسک مقداری زیاده اولوب میقا آذر. قوارسیتک بر نوعی دخی قوارس، میقا، طلق و یاخود قلویتدن مخلوط اولوب (ایتاقولومیت) Itacolumite^۱ نامیله معروفدر. اینجه لوحه‌لری الاستیقیدر. وبعضاً بر مقدار آلتونی دخی حاویدر و برازیلیا الماسلرینک یتاغی اولدینی مرویدر.

قلوریتوشیست Chloritoschiste. — باشلیجه قلویتدن عبارت اولوب اکثریا برابرنده بر مقدار قوارس، ماغنیت، غرنا، طورمالین الخ بولنور، رنگی یشیلمتراقدرد. آلپلرده وسائر محللرده ظهور ایدر. اگر باشلیجه طلقدن عبارت ایسه (طلق شیست) Talcschiste نامی الورکه برابرنده بر مقدار دخی قوارس، قلویت، میقا الخ بولنور.

آنفیبولوشیست Amphiboloschiste. — باشلیجه هورنبلاندن عبارت اولوب برابرنده آز مقدار فلدسپات، قوارس واسمر میقا دخی بولنور. بو صخره جبال شیستیهده پک مبذول اولوب اکثریا غنایس و میقاشیست ایله مرافقت ایدر.

یشیلمتراق بر هورنبلاندن مخلوط اولدینی حالده دروننده غرنا و یاخود دیستان معدنلری بولنور ایسه (آقلوژیت) Éclogite نامی ویریلوب بو غایت کوزل بر طاش اولدیغندن فن معماریده پک مقبولدر.

(۳) فیلاذ زمره‌سی

فیلاذ Phyllade. — بوکا (شیست غضاری، اصلی) Schiste argileux primitif دخی دیرلر. غایت کثیف و شیستی بر انتساجده و سنجایی رنگده اولوب پارلاق بر لمعان اراؤه ایدر. فیلاذر میقاشیستدن شیست غضاری به بر کچیدر.

(۱) (ایتاقولومی) برازیلیاده برطاغک اسمیدر.

ترکیبی باشلیجه قوارس، اورتوز ومیقا (فیلاذ غنایسی) ویاخود هورنبلا ند ایله اورتوز (فیلاذ آفییولی) اولوب صخور مکسورده دن اولان شیت غضاریدن ایپک کبی اولان لمعانی واسطه سیله تمیز اولنه ییلور؛ سطحی اوزرنده دخی دائماً بر بروشوقلق کوریلور .

(۴) صخور شیتیه بسیطه زمهره سی

بوزمهره صخره حالنده ظهور ایدن معادن داخل اولوب انلرک الک مهمی شونلردر : قوارس (قوارس صخره سی حالنده)؛ شیت سیلیسی؛ بلوری کرج طاشلری وبلوری مرمرلر (بوکا سیپولن Cipolin دخی دیرلر)؛ ماغنزیت ودولومی؛ شیت غرافیتی .

علاوه : غنایس، میقاشیت و فیلاذ زمهره لرینک صخره لرله، قوارس صخره سی وبلوری کرج طاشی، ماغنزیت و غرافیت صخره لرینه صخور بلوریه شیتیه تسمیه اولندیغی کبی (صخور مستحله) یاخود (صخور متامورفیه) Roches métamorphique دخی دنیلور، زیرا بعض ژه ئولوغلرک قولنه کوره بو صخره لر تشکلات اصله دن اولیوب صو، تضییق و حرارتک تأثیرله بر طاقم ترسبات میخانیکه دن تحوّل ایتشلردر .

(۱) صخور رسوبیه

«۱» صخور رسوبیه مکسوره

(۱) بسه فیت زمهره سی

برش Brèche . برش دیو بر طاقم گوشه لی طاش قیریقلرینک بر خور ایله تصلب ایتسندن حاصل اولان صخره لره تسمیه اولنوب مذکور طاش قیریقلرینک جنسنه کوره قوارس برشی، غنایس برشی، پورفیر برشی واکر فوسیل کیکلردن مخلوط ایسه کیمک برشی الح ناملری ویریلور .

قونغلومرا Conglomérat . — بونلر چاقل و سائر یوارلامش بر طاقم طاشلرک بر خور ایله تصلب ایتسندن پیدا اولور .

پسه فیتلرک خجوری غضاری، ویاخود سیلیسی اوله بیلور .
(۲) پسمایت زمره سی یاخود قوم طاشلری

غره Grès، قوم طاشی . — غره لر اکثریا قوارس قومنک تصلب ایتمسندن حاصل اولوب برابرنده آز چوق میقا دخی بولنه بیلور . قومک حین تصلبنده خجور خدمتی ایفا ایدن ماده نک جنسنه کوره غضارلی، سیلیسی، تیمورلی ویا کلسلی غره دیو یاد اولنور لر . چوقکره دخی غره لری ظهور ایتدک لری اراضی یه کوره تسمیه ایدر لر، مثلا (غره تباشیری) دیو اراضی تباشیری ده چیقان، (غره فحمی) دیو اراضی فحمیه ده الخ چیقان غره لر اطلاق اولنور . یاخود موقعه کوره اسم ویریلور، مثلا نوبیه غره سی الخ ؛ بعضکره دخی رنکنه کوره (غره احمر) الخ دیو تسمیه اولنور . پسه فیت وپسمایتلرک انواعی ابنیه طاشی اوله رق غایت مقبولدر؛ سرت و بیوک دانه لی اولان غره لردن (قوم طاشلری) غایت ایو دکرمن طاشی حاصل اولدینی کبی اوفق جهلی غره لر دخی بیلکی طاشلرنده مستعملدر .

(۲) په لیت زمره سی یاخود غضاری صخره لر (کبل طاشلری)

بو زمره یه غضاری چامورلردن تصلب ایتش اولان صخره لر داخل اولوب درجه تصلبه کوره شو نوعلر فرق وتمیز اولنور :

شیشیت غضاری Schiste argileux یاخود آرژیللیت Argillite . — طاش کبی سرت اولوب غایت شیشیتی وایخه لوحه لره قابل تفلیقدر ورنکی بیاضه مائلدر . ترکیبی سیلیسیت آلومینیوم ایله صودن عبارت اولوب برابرنده بر مقدار قوارس و غایت اوفق میقا پوللری بولنور . اگر سیاه رنگده اولور ایسه (قیانن طاشی) یاخود (آردواز) Ardoise تسمیه اولنور که یازی لوحه لرنده و طاملرده کر میت مقامنده استعمال اولنور .

غضارشیشیتی Argile schisteuse . — دیگرلردن یوشاقدردن و شیشیتی آزدردن، هواده طور دجه طاغیلور . کمور ایله قاریشق اولور ایسه (شیشیت فحمی)

نامی آلوب قویو ماوی یاخود سیاه اولور و حامل بولندینی کمورک مقداری زیاده اولور ایسه ینار .

غضار Argile، کیل . — سیلیسیت آلومینیوم ایله صودن مرکب اولوب رنکی اکثریا ماویمترق سنجابیدر. قوری برحاله ایکن پارچه نوب طاغیلور، فقط یاش و غلی ایکن یوغرلغه صالح اولدیغندن کرمه میت وانواع اعمالات تراییه صرف اولنور . حرارته شدتله مقاومت ایدر ایسه ده برابرنده قاربونیت قالسیموم بولندینی حالدو بو خاصه تناقص ایدر. صوبی شدتله جذب ایدوب دروننده حفظ ایدر، فقط برکیل طبقه سندن صو ترشح ایده مز. کیلک کندوسنه مخصوص برقوقوسی واردر (طوپراق قوقوسی).


غضارک نوعلری: جوملکچی چاموری، لوله چی چاموری، پورسیان طوپراغی یاخود قاتولن اولوب بو قاتولن غایت بیاض و تمیز و اورتوزک تحلل ایتسندن حاصل اوله برغضاردرکه اعمالات تراییه نک اک اعلاسی، مثلا چین معمولاتی وساقسونیا وسهور پورسیلنلری اندن یاییلور. بوغاز ایچنده واقع صاری یار جوارنده وساقزده قاتولنه مشابه بر طوپراق واردر. غضارک ترکیبی: یوزده ۶۸-۷۵ حمض سیلیسیوم، ۱۷-۲۰ حمض آلومینیوم، ۱-۲ حمض حدید، ۱-۲ حمض قالسیموم و ماغنزیوم، ۰.۵-۲ قلیات، ۵-۶ صو .

طین Limon، آلمانجه: Lehm . — بوده برجنس کیل اولوب انجق بر مقدار قوم و قاربونیت قالسیموم ایله مخلوط اولدیغندن کیل قدر قوه مصوبه سی یوقدر و تراییدر. برابرنده کلس دخی بولنور ایسه (لوس) Loess نامنی ویررلرکه اولدجه ترابی و غیر مفروش بر حالدو اوله رق بعض نواحی بسیطینی املا ایتشدیر. لوسک دروننده ظهور ایدن یوارلاق و بوبرک شکنده کی طاشلره (لوس چوچوغی) تسمیه ایدرلر. طین عادی چناق و چوملکه قولانیله بیلور. اگر برابرنده بالماء حمض حدید بولنور ایسه (طین حدیدی) Argile ferrugineuse

ویاخود (اوقر) Ocre تسمیه ایدیلوب قرمزی اولور ایسه (طین احمر) Ocre rouge صاری اولور ایسه (طین اصفر) Ocre jaune نامی ویریلورکه بونلر آشی بویالرنده مستعملدر.

طیابنده قولانیلان (طین مختوم) Terre sigillée یاخود (کیل ارمنی) Bol d'Arménie دخی کیل نوغندن اولوب جزائر بحرسفیده، باخصوص لینی اطهسند قديمدنبرو چیقاریلوب عوام بینده شهرت بولشد^(۱).
(۴) صخور مکسوره ولقایه زمهرسی

ولقانی توفلر وولقانی قونغلومرالر. — بونلر ولقانلردن چیقان مواد منفرقه^(۲) تصلب ایتسیله حصوله کلوب مواد مزبورده نك جنسنه کوره تراخیت توفی، بازالت توفی، فونولیت توفی ویاخود قونغلومراسی ناملری ویریلور. ناپولیده چیقوب سونکر طاشندن عبارت اولان توفه (بوزیلیپتوفی) Tuf du Pausilippe تسمیه اولنور. (شکل ۱۰۳) آندهزیت قونغلومرالردن عبارت اولان قره دکز بوغازنده واقع اورکه اطهرینک رسمی ارائه ایدر.



(شکل ۱۰۳) قره دکز بوغازنده واقع اورکه اطهری

(۵) صخور مکسوره متحرکه زمهرسی

طاغ مولوزی. — کوشه لی وغیر منتظم اولان طاش قیریقلرینه تسمیه اولنوب قیالرك اشکال و تخریبندن حصوله کلور.

(۱) بوخصوصده نعیما تاریخی پکچوق معلومات ویردیکندن اوچنجی طبیک ۶ نجی جلدنده صحیفه ۲۰۹، ۲۱۰، ۲۱۱ مراجعت اولنه. (۲) ۲۰۵ نجی صحیفه په مراجعت اولنه.

چاقل. — صولرك ايجنده جالقنهرق وياخود يكديكرينه سورتهرك يوارلاق برشكل اخذ ايتمش اولان چاقل طاشی انواعنه دينور.

قوم. — اوفق معدن دانهلری يغيرينه قوم تسميه اولنوب بولر اکثريا قوارس دانهلرندن عبارتدر، فقط بعضکره دخی ميقاء، کلس، هورنبلانده، اورتوز وياخود سائر بر معدننک قومی اوله بيلور (مثلا آلتون، ماغنيت و محوهرات قومی).

«۳» صخور رسوبی حیوانیه

(۱) کرج طاشلری زمرهسی

کشیف کرج طاشی. — کشیف و مصمت کرج طاشی انواع رنگده ظهور ایده بیلوب (رنکلی مرمر) ناميله فن معماریده پک مقبولدر. روم ایلی و اناطولیده پک چوق مرمر چیقار. استانبول جوارنده واقع قنار بفتح سنده غایت کوزل رنکلی مرمر بولنور.

کشیف و شستی کرج طاشلری اکثريا بر مقدار غضاری حامل اولوب انلردن غایت ایو لیطوغرافیا طاشی و دوشمه لک طاشلر الخ استحصال اولنور. آلمانیا ده واقع (سولن هوفن) Solenhofen لیطوغرافیا طاشلری دنیانک اک مشهور لیدر. ایوالق جوارنده واقع مادرا طاغنده و جبل لبنان ده واقع خاقل ده بویه شستی کلسلر چیقوب دروننده پک چوق بالق متحجراتی ظهور ایدر.

مارن Marne. — مارن دیو کثرتله غضاری (یوزده ۴۰ - ۶۰ قدر) حاوی بولنان کرج طاشلرینه و یاخود دولومیلره اطلاق اولنوب اگر کلسک مقداری عضاردن زیاده ایسه (مارن کلسی) و اگر عضارک مقداری زیاده ایسه (مارن عضاری) تسمیه اولندی بی کبی اگر قاربونیت ماغنیزوم غلبه ایتمش ایسه (مارن دولومیتی) و اینجه قوارس قومی حامل ایسه (مارن رملی) ناملری

ویریلور. (جیمتو مارنی) دیو یاقق و پارچه‌لق ایله (کلس. ماٹی) بی حصوله کتورن مارن کلسی‌یه اطلاق اولنور .

جبل لبنانده واقع (ساحل علما) نام محلهه چیقوب پک چوق بالی متعجراتنی حامل بولنان شیشتی صخره‌لر دخی مارن کلسیدندر (مبحث طبقاتده اوچنجی دوره مراجعت اولنه) .

کلس ترابی . — بو صخره‌یه بیاض یازی تباشیری داخلدرکه اک اعلاسی انکلتزه ده، فرانسه‌ده و بحر بالطقده واقع آلمانیا اطه‌لرندن (روکن) نام اطه‌ده چیقار .

دکزلرده حاصل اولان کلس مرجانیدن وسائر مختلف حیواناتک حصوله کتوردیکی کرج طاشلرندن زه‌ئولوزی عمومیده (صحیفه ۲۳۶) بحث اولنمشدر .
استانبول جوارنده واقع مقری کوینده چیقوب قدیمدنرو استانبولک ابنه‌لرینه استعمال اولنان طاش دخی صخور حیوانیه‌دندر و باشلیجه (سیره‌ن) Cyrène و (ماقتر) Mactre نام صدفلی حیوانلرک بقایاسندن متشکلدر .

(۲) بون‌بد Bone-bed یاخود طبقات ذات‌العظم زمره‌سی .

(بون‌بد) دیو باشلیجه حیوانات فقریه بقایاسندن و باخصوص کیمک، دیش، بول، و افرازات متحجره یعنی (قوپرولیت) (۱) دن عبارت اولان قیا طبقه‌لرینه اطلاق اولنور .

«۳» خجور رسویه نباتیه

(۱) آنتراسیت یاخود فوسیل کورلرک زمره‌سی

آنتراسیت Anthracite . — بوکا قارسز طاش کوری دخی دنیه‌یلوب رنکی سیاه و چیزکیسی دخی سیاهدر و یوزده ۸۵ — ۹۶ قاربون ایله آز مقدار مولد الماء و مولد الحموضه و کولی حاویدر .
آنتراسیتک نوعلری : (عادی آنتراسیت) قدیفه‌کی سیاه رنکده و نیم معدنی

(۱) یونانجه (قوپرس) نجاست دیمکدر . (۲) یونانجه (آنتراکس) کمور دیمکدر .

برلماعنده اولوب مکسری صدفیدر . — (آنتراسیت غرافیتی) ضرافیته مشاهدن، رنکی تیموری سیاه اولوب بویاسی چیقار .

آنتراسیتلر آتش ایچینده غیرقابل ذوباندر وانجق پک قوتلی بر جریان هوا ایله متحرق اولوب علوی و دومان یوقدر، فقط حاصل ایتدیکی حرارت کمورلرک جمله سنه فائقدرد .

آنتراسیت نادر کمورلردن اولوب باشلیجه آمریقای شمالیده وبر مقدار دخی انکلتزده و ساقسونیاده استخراج اولنور . چین ممالکننده غایت زنکین آنتراسیت بتاقلری موجوددر .

طاش کوری Houille یاخود Charbon de terre . — بونک دخی رنکی و چیزکیسی سیاه اولوب یوزده ۷۵ — ۸۵ قاربون وبرابرند آز چوق مولدالماء، مولدالموضه وبر مقدار غیر ثابت دخی کولی حاویدر .

طاش کورینک نوعلری : پارلاقلغه کور (پارلاق کور) یاخود (طونوق کور) ناملری ویریلوب بونلر قابل انکساردر وچاق طاغیلور و مکسرلری بیوک صدفیدر . — (قوروو ملی کور) یاخود (الیافی کور) دیو ایپسک کی پارلایوب طبق اودون کوری کبی بویاسی جیقان کورله درلرکه بونلر پارلاق کور ایله طونوق کورک بیننده اینجه بر طبقه حالنده ظهور ایدوب اصل طاش کورینک ظهورینه بر علامت صحیح عد اولنور . — (فانل قول) Cannel coal (۱) دیو انکلتزده جیقوب زیاده قارلی یعنی یاغلی اولان بر طونوق کورده اطلاق اولنور؛ بونک لمعانی طونوق بالومی کی اولوب رنکی غایت سیاهدر وقابل انکسار اولمیدیفندن ایشله یلوب جلا قبول ایدر واندن انواع معمولات دخی پیارلر . هوا غازی استخراجی ایچون فانل قول اک الویریشلی کوردرد . طاش کورلرینک غازی اندقندن صکره کبرویه قلان سرت وکوشی رنکده کی ماده یه (قوک) Coak اطلاق اولنور .

طاش کورلری (آنتراسیت دخی) دائماً حوضه شکلنده بولتان محللرده ایکی طبقه اراسنده ظهور ایدرایسده اراضی اندفاعیه ایله اراضی رسوبیه جدیدده کاملاً مفقوددر . اوروپا قطعه سنده اک زنکین کور معدنلری انکلتزده اولوب فرانسه ده، آلمانیا ده و روسیه ده الخ دخی پک چوق چیقار . اک زیاده کور

(۱) انگلیزجه (قندل) قندیل دیکدر .

استخراج اولنان محل آمریقای شمالیدر . چین ممالکنده دخی غایت زنکین کمور یتاقلری وارددر . ممالک شاهانهک تکاوین فحمیهسی دخی پک مهمدر ، اناطولیده باشلیجه درت موقعده ظهور ایدرکه بونلرک اوجی قره دکر سواحلنده واقع ارکلی ، اماصره واینه بولی در وبری دخی آطنه ولایتده واقع حاجین قضا سنک جهت جنوبیسنده بولنورکه بوندن دها استفاده اولنماشدر . بو اناطولی کمورلری اصل اراضی فحمیه نام تشکلاته داخلدر .

لیغنیٹ Lignite . — اکثریا سیاه رنگده اولدینی حالده چیزکیسی اسمردر ، یوزده ۴۴ — ۷۵ قدر قاربونی حاوی اولوب کولنک مقداری زیاده جدر ؛ اوزون ودومانی وقوروملی برعلو ایله ینار . لیغنیٹک دخی مختلف نوعلری اولوب طبقهسی قدر یکی ایسه دروننده کی بنیه خشیه اولقدر ایومشاهده اولنور . لیغنیٹلر اکثریا جام آغاجلرینک تفحم ایتمسندن حاصل اولمشدر وطبقات جدیدده بولنورلر ، ممالک شاهانهک روم ایلی و اناطولی قطعه لرنده پک چوق واعلا لیغنیٹلر چیقار .

طورب Tourbe . — بر چوق نباتاتک بتاقلقلرده تراکم ایدوب تعفن ایتمسندن حاصل اولورکه اک یکی کموردیمکدر وزیاده جه (یوزده ۳ — ۱۵) کولی حاوی اولوب قاربونک مقداری یوزده ۵۰ — ۶۰ قدردر . طورب چیقاریلان محللره (طوربیه) Tourbières اطلاق اولنور . طورب اوروپاده پک چوق استخراج اولنوب صوبه لرده وقابریقه لرده محروقات اوله رق کثرتله استعمال اولنور .

(۲) قاربونی مولدالمالرک زمره سی ، یاخود (قار) Bitumes

آسفالت Asphalte . — بوکا (قفر الهود) دخی تسمیه اولنوب سیاه ویاغ کی پارلاق و قطران قوقولی بر ماده در واشاغی حرارتلرده تصلب ایدر ایسه ده آز تسخین ایله قسولای اریر وقوروملی برعلو ایله ینار ، پترول یاغی ایچننده منحلدر ، کثافتی ۱٫۲ در .

بحر لوطده ^(۱) و آمریقای جنوبی آطه لرندن ترینیداد اطمه سنده واقع آسفالت کولنده پک چوق آسفالت چیقار. ممالک شاهانه دن بغداد و سوریه ولایتلرنده و جبل لبنانده ودها سائر محللرده دخی پک چوق بولنور. آسفالت قالدیرملره، دوشمه لره و بعض کاغد مقوالره و سائریه کثرتله استعمال اولنور.

اوزوسهریت (Ozocerite ^(۲)، (یرساقزی). — زنیکی یشلمتراق اسمردن صارییه قدر اولوب ساقز و بالومی کبی میوشاقدیر و اکثریا پترول ایله برلکده ظهور ایدر. بوندن باشلیجه (پارافین) و (سیریزین) استحصال ایدرلر.

پترول (Pétrole ^(۳)، نفت Naphte. — بوکا (طاش یاغی) دخی اطلاق اولنوب صاری، اسمرمتراق قرمزلی و جوقکره دخی یشلمتراق رنکلرده بر مایعدره کثافی ۰.۷—۰.۹، اوروپاده الک اعلا پترول غالیچیاده چیقار و پک چوق مقدارده اوله رق آمریقادن و بحر حرز سواحلندن کلور. ممالک شاهانه دن اناتولیده پک چوق محللرده دخی پترول کشف اولمشدر.

(۳) انفوزوار طوپراغی زمهره سی

بو زمهره یه بالاده (صحیفه ۲۳۵) تعریف اولنوب دیاتومه انواعنک سیلیسلی اسکلتلرندن عبارت اولان بیاض و یاغسز طوپراقلر داخلدر.

(۱) ۲۱۶ جیمی صحیفه یه مراجعت اولنه . (۲) یونانجه (اوزه) قوقو، (کدروس) بالوی دیمکدر .
(۳) لاتبجه (هترا) طاش، (اوله نوم) یاغ دیمکدر .

— اېنگېجې فصل —

مبحث بنیان

(یاخود طبیعتده خخورك وضعیتی و جبالك بنیه سی)

— وضعیت صخور —

صخره لرك طبیعتده اراهه ایلدیکی وضعیت باشلیجه ایکی درلودر، برینه (منتظم) و دیگرینه (غیر منتظم) دنیلور .


وضعیت منتظمه صخور رسوبیه ده مشاهده اولنور، زیرا بولنرده بر طبقه دیگر طبقه نك اوزرنده موضوع بولنور . بوحاله (تطبق) Stratification دخی تسمیه ایدرلر .

یکدیگری اوزرنده مفروش بولنان متعدد طبقه لره بردن بر (مجموعه طبقات) *Système des couches* اطلاق اولنوب هر بر طبقه نك قالینلی مساحه ایله تعیین اولنورق فلان طبقه نك (نخنی) *Puissance* شو قدر مترودر دینور .

بر مجموعه طبقاتك طبقه لرندن بعضلرنده ترکیبات معدنیجه بر اختلاف مشاهده اولنور ایسه بویله لره (یتاق) *Lit* اطلاق اولنور، مثلا غنایس دروننده کرج طاشی یتاغی و غره فحمی دروننده طاش کوری یتاغنك الخ بولنسی کی . بر طبقه نك اوستنده بولنان طبقه یه اول طبقه نك (طاوانی) والتنده بولنان طبقه یه دخی (طاوانی) تسمیه اولنور .

صخور رسوبیه صولرك چوکن دیسیله حاصل اولدیغندن انلرك کافه سی عن اصل بر وضعیت افقیه ده و یاخود هیچ اولمز ایسه وضعیت افقیه یه یقین بر وضعیتده بولنشددر و هر زده ده بو وضعیت افقیه مشاهده اولمز ایسه یعنی طبقات رسوبیه چاریقی و یاخود بتون بتون باش اشاغی اولمش کی بر حالده بولنور

ایسه اوراده مؤخرأ طبقه لرك افقیته خلل كلهرك یرندن اوینادیغه حکم ایدیلور. اشته بویه طبقه لرك یرندن اوینامسنه فرنکجه علی العموم (دیسلوقاسیون) Dislocation اطلاق اولنوب لسان عثمانیده بو مضایی افاده ایتک اوزره (انشقاق) تعمیری قبول اولمشدر. معدنلرده وطاش اوجاقلرنده بوکی انشقاقاته پک چوق تصادف اولنوب طبقاتک بر جایی یوکسلمش ویا حود آلماش کی کورینور. فرانسه معدنیلری بو حاله (فای) Faille دخی اطلاق ایدرلر. (شکل ۱۰۴) برکور معدنک فایلینی ارئه ایدر. فایلرک کثرتی جواهر



(شکل ۱۰۴) برطاش کموری معدننده (فای) لر.

معدنیه نك وطاش کمورلرینک تحری واستخراجی پک چوق تصعیب ایدر. یرندن اوینامش اولان طبقه لرك موقع زه ئولوزیسی بولق دخی پک مهم اولوب بوده طبقات مزبورده نك (استقامت) و (میلی) تعیین ایتمکه اولور.





بر طبقه نك (استقامتی) دیو اول طبقه نك سطحی اوزرنده چکلمش فرض اولنان برخط افقینک جهات اربعه یه اولان استقامتنه دیرلر (زاویه استقامت). بر طبقه نك میلی ایسه اول طبقه نك بر سطح افقی ایله اولان خط تقاطعیدر (زاویه میل). استقامت دائماً جهت میله عموددر.

استقامتنک تعیینی ایچون (معدنجی پوصله سی) نامنده مخصوص بر پوصله مستعمل اولوب بو پوصله نك دروننده (قلینومتر) تسمیه اولنان متحرک بر قول واسطه سیله دخی طبقاتک زاویه میلی تعیین اولنور.

طاغلق محللرده همان علی العموم یرندن اوینامش طبقه لره تصادف اولنور؛ دوز و اووهلق موقعلرده ایسه طبقه لرك افقیته اصلیه لری بدرجیه قدر محافظه اولمشدر.


بعضاً دخی طبقه‌لرک بروشوق و طالغله‌لی اولدینی کوریلور؛ بونک سبی تشکل جبال بختنده سویلنمش ایدی (صحیفه ۲۳۳). اگر طبقه‌لرک بروشوقانی یوقاری طوغری ایسه بر (سمر) Selle حاصل اولمش اولور (شکل ۱۰۵ ب-۱)؛ بالعکس اشانی طوغری بولکشم ایسه بر (تکنه) Fond de bateau پیدا اولمش اولور (شکل ۱۰۵ ح-۱). اگر طبقه‌لرعمودی بر وضعیت کلمش ایسه، یعنی میللری ۹۰ درجه اولمش ایسه اولزمان طبقه (باش اشانی) اولمش در دینور. بعضاً دخی طبقه‌لر (پلازه) شکلده بر وضعیت اخذ ایتشد (شکل ۱۰۶) بو حاله آبلرده بک چوق تصادف اولنور.

تیکدیکری اوزرینه متوازیاً فرش اولنمش اولان طبقه‌لرک و یا خود طبقه مجموعهرلینک وضعیتنه (تطبق متوافق) Stratification concordante دینلور (شکل ۱۰۷ ح-۱). فقط چوقکره بر مجموعه طبقات دوریلوب بر دیگر مجموعه طبقاته طیانمش کی اولور (شکل ۱۰۸ ح-۱) که بویه‌لرده (تطبق غیر متوافق) Stratification discordante تسمیه اولنور.



استانبول جوارنده بولان کرج طاشی طبقه‌لرکده باخصوص قولله‌لی ومقری کوبی طاش اوجاقلرکده مذکور تطبق غیرمتوافق بک کوزل صورتده مشاهده اولنه ییلور. (وضعیت غیر منظمه) یه کلنجه بو اکثریا صخور اندفاعیه‌ده کوریلوب باشلیجه درت درلو وضعیت تفریق وتیمیز اولنور: (۱) غانق یا خود طمار، (۲) قبه، (۳) یغین، (۴) اورتی و آقندی.

(غانق) Gang^۱ یاخود (طمار) Filon دیو یرده کی یاریق وچاتلاقری
املا ایتمش اولان صخور اندفاعیه اطلاق اولنوب (شکل ۱۰۹، ۱) طاشک
نوعنه کوره غرانت طماری، پورفیر طماری، بازالت طماری الخ نامری
ویریلور. اکر بویله طمارلرک ایچنده جوهر وار ایسه (جوهر طماری) نامی
آلور، مثلاً آلتون طماری، کوش طماری، باقر طماری، قورشون طماری
الخ کبی. فقط جوهر طمارلرنده جوهر ایله برلکده دائماً غیر معدنی برطاقم
معدنلر (مثلاً قوارس، قالسیت، باریت، فلوئورین الخ) دخی بولندیغندن بولنره
معدنیلکده علی الاطلاق اول جوهرک (غانقی) تسمیه اولنور. مثلاً بر جوهر
طمارنده کوش ایله برلکده قوارس بولنور ایسه قوارس کوشک غانقی اولمش



(شکل ۱۰۹) (۱) طمار، (ب) یغین، (ح) قبه، (د) آقندی واورق

اولور واکثر یا بر جوهر طمارندن بحث اولندقدہ انک غانقی ندر دیو سؤال
وارد اولور.

(یغین) Amas دیو بیوک برمقیاسده اندفاع ایدرک یاردینی قیالرک ایچنه
قول صالمش اولان صخور اندفاعیه اطلاق اولنور (شکل ۱۰۹، ب) یغینلر
کرك سخور رسوبیه وکرك سخور مصمتہ درونندن کچمش اوله بیلوب هیئت
بعضاً عدسه، مخروط ویاخود شبه کره وبعضاً دخی بتون بتون غیر منتظم بر
شکلده در. (مثلاً غرانت، سیه نیت یغینلری).

(قبه) Dôme بو وضعیت انحق سخور اندفاعیه ده کوریلوب سخور
مذکورہ نك حین اندفاعده قراترک اوزرنده قبه کبی تراکم ایدرک تصلب
ایتمسندن حاصل اولور (شکل ۱۰۹، ح) و بو باشلیجه پورفیر، بازالت، تراخیت
صخره لرنده کوریلور وپورفیر قبه سی، بازالت قبه سی دخی دیو یاد اولنور.

(اورتی) Nappe ديو صخور اندفاعيه نك ديكر صخره لرك اوزرنده ياييلمسنة
اطلاق اولسوب اكر بو بر جهته طوغرى آقوب اوزامش ايسه (آقندى)
Coulée نامى الور (شكل ۱۰۹، د، صحيفه ۲۶۷)، نتيكم پورفير وملافيير
اورتيلرى ولاو وبازالت آقنديلرنده اولدينى كې.

— صخور ك سنى —

وضعيت صخور ك مطالعه سندن استدلال اولنور كه صخره لرك كافه سى بر
زمانده وبلافاصله مدت تكون وتحدث ايتش اوليوب بلكه وقت وقت ترسب
وياخود اندفاع ايتكمه وپك اوزون زمانلر امتداد ايتش فاعله لر ايله وجبده
كلشردر.

قشر ارضى تشكيل ايدن صخور ك سن حقيقى سنى، يعنى تشكيلدن بو آنه
قدر قاج سنه مرور ايلديكى تعيين ايتكم قابل دكل ايسه ده صخور مذكوره نك
يكديكرينه اولان وضعيتدن انلرك (سن نسبي) Ages relatifs لرى، يعنى ايكي
صخره دن قنيسنك دها اول تولد ايتديكى بولمق ممكن اوله بيلور. بو بابده
جارى اولان قاعده عموميه دخى شودر كه بروضعيت منتظمه ارايه ايدن صخور
طبقه ده دائما الت طبقه اوستنده كى طبقه لردن دها اسكيدر. وضعيت غير منتظمه ده
بولنان صخور اندفاعيه ده ايسه بر كنه نك انچندن كجوب اكا قول سالمش اولان
صخره دائما يارلمش اولان صخره دن دها يكيدر. اشته بو كې وسائط وعلائم
ايله صخور رسوبيه واندفاعيه نك سنى تعيين اولنورق بر زمان ظرفده تولد
ايدن صخور ك مجموعه ن بردن بر (ارض) Terrain وياخود (تشكلات ژئولوژيه)
Formations géologiques تسميه اولنور كه هر بر ارض دنيا نك تاريخ توسعك
بر معين زمانى جامع اولور. اراضى ژئولوژيه دن بر درجه يه قدر يكديكرينه
مناسبتى اولانلر برلشدير يله نك انلره بر (دور ژئولوژى) Période géologique
نامى ويريلور.

تشکلات رسوبیه مک احوالنه و دروننده بولنان متحجراته نظراً تاریخ ارضه
 بش بیوک دور تقریق و تمیز اولنوب برنجیسنه (دور قدیم) P. archaïque
 یاخود (ارضیء ابتدائیہ) Terrains primitifs؛ ایکنجیسنه (دور حیوانات
 قدیمه) P. paléozoïque^۱ یاخود (ارضیء اولیه) T. primaires؛ اوچنجیسنه
 (دور حیوانات متوسطه) P. mésozoïque^۲ یاخود (ارضیء ثانیہ)
 T. secondaires؛ دردنجیسنه (دور حیوانات جدیدہ) P. caïnozoïque^۳ یاخود
 (ارضیء ثالثہ) T. tertiaires؛ بشنجیسنه (دور انسانی) P. anthropozoïque^۴
 یاخود (ارضیء رابعہ) T. quaternaires اطلاق اولنور.

آئیدہ کی جدولہ ادوار ایله ارضیء ژئولوژیہ وانلر ایله ہم عصر اولان
 اندفاعات اجمالاً ارانہ ایدلمشدر.


— ادوار —		تشکلات	صخور مصمتہ
(۵) دور انسانی	یاخود ارضیء رابعہ	(۱۳) الووبون (۱۲) دیلوویوم	لاولر
(۴) دور حیوانات جدیدہ	ارضیء ثالثہ	(۱۱) پلوسن (۱۰) میوسن (۹) مہوسن	بازالت تراخیت
(۳) دور حیوانات متوسطہ	ارضیء ثانیہ	(۸) ارض تباشیری (۷) ارض ژورائی (۶) ارض تریاس	ملاقیہ اوژیتوفیر پورفیر سربانتین
(۲) دور حیوانات قدیمہ	ارضیء اولیه	(۵) ارض پرمی (۴) ارض فحمی (۳) ارض دوونی (۲) ارض سیلوری	ملاقیہ پورفیر سربانتین دیاباز پورفیر دیوریت
(۱) دور قدیم	ارضیء ابتدائیہ	(۱) ارض ابتدائی (صخور بلوریۂ شیشیہ)	سربانتین دیوریت پورفیر سیہ نیت غرانیت

بالادہ کی جدولہ ارانہ ایدیلان تشکلاتک قشر ارض درونندہ اخذ ایتمش

(۱) یونانجہ (پالایوس) اسک، قدیم دیکدر. (۲) یونانجہ (مہزون) وسط دیکدر. (۳) یونانجہ
 (قائوس) یکی، جدید دیکدر. (۴) یونانجہ (آنتروپوس) انسان دیکدر.

اولدقلری وضعیت آتیده کی (مقطع فرضی) Coupe idéale ایله اشکار اولور
(شکل ۱۱۰) .

دکز ولقان بازالت قبه سی پورفیر قبه سی غرابت یغیی



(شکل ۱۱۰) قشر ارضك مقطع فرضیسی (۱)

(۱) کره ناربه، (ب) صخور بلوری مصمته، (ج) صخور بلوری شستی، (د) صخور رسوبی مکسوره
[اراضی اولیه، ثانیه، ثالثه و رابعه بی چامعدر]

اشبو مقطعه کورلیدیکی وجهله کره جبری یکیدیکری اوزرنده قبوق کی
صورت منتظمده مفروش و موضوع طبقه لردن عبات اولیوب صخور طبقه نك
انشقاقانندن و صخور مصمته نك اندفاعانندن طولایی صخور مختلفه سطح ارض
اوزرنده بالعکس یان یانه اوله رق ظاهر اولور .

اراضی مختلفه نك سطح ارض اوزرنده صورت توزیع و ظهورینی اراثة ایتک
ایچون (زه تولوزی خریطه لری تنظیم و ترتیب اولنوب هر بر ارض ایچون بر
معین رنك انتخاب اولنمشدر. (زه تولوزی مقطعلری) دخی بر موقعك صخورینك
صورت وضعیتینی تفهیم ایدر .

بر ملکتهک طه و جغرافیا خریطه لری نقدر مکمل ایسه طبقات الارض
خریطه سی دخی اولقدر صحیح و مطلوبه موافق اولور. کتاتبزه ربط ایلدیکمز
اوروپا قطعه سنك طبقات الارض خریطه سنده اراضی ابتدائی آچیق قرمز،
ارض سیلوری و دوونی اراضی متوسطه نامیله اسمر؛ ارض فحمی کولرنکی؛

(۱) ویانه مبلرندن متوفی (مومشتتر) طرفندن تنظیم قلنشد.

تریاس آجیق اسمره؛ ژورا ماوی؛ ارض تباشیری صاری؛ اراضی ناله آجیق کول رنکی؛ اراضی ولقانیه آتشی قرمزی رنکلی ایله بویانمشدر.

مالك شاهانه ایچون اك اول مشهور (آمی بونه) Ami Boué ۱۸۳۹ تاریخنده روم ایلینک بر اوفقی زه تولوژی خریطه سنی یامشدر؛ مؤخرأ متوفی (هوهشتنر) Hochstetter ینه روم ایلینک بعض جهلریقی و یقینلرده دخی و یانه دارالفنون مملردن مسیو (طولا) Toula بر قاق سنلردنبرو روم ایلی قطعه سنده اجرا ایلدیکی کشفیات زه تولوژی به نکی نتیجه سی اوله رق بر زه تولوژی خریطه سی تنظیم ایلشدر. اناتولی قطعه سنک بر اوفقی زه تولوژی خریطه سی سیاح (چهاچف) طرفندن یابیش اولوب سوریه ولایتک بعض طرفلری و باخصوص بحرلوط جوارى دخی فرانسز زه تولوغلرندن مشهور (لارته) Lartet نك همتیله صورت مکلده ترسیم اولمشدر.

— بنیه جبال —

قره لرك شعبات عمودیه واقیه سنی یعنی طاغلرك و مرتفع اووه لرك^(۱)، وادیلرك، نواحی بسیطه نك، شبه جزیره لرك، اطه لرك، سواحل بحرك و نهر حوضه لرینك احوال ارتفاعیه سیله شكل و هیئت لرینی و تقسیم و توزیع لرینی جغرافیای حکمی تفصیل ایدرك علائم جویه نك و نباتات و حیواناتك ارض اوزرنده انتشارینی تعیین ایدرك. مبحث بنیان ایسه سطح ارضك هیئتی بنیه جبال واسطه سیله استخراج ایدرك اشكال ظاهره ارض ایله ترکیبات حجریه و وضعیت صخور و تشکلات اراضی بیننده کی مناسباتی تحری ایدرك.

طبقی عالم عضویه اشكال اجسادى اكلامق ایچون تشریحیه احتیاج مس ایتدیکی کی کره ارضك سطحنك شكل و هیئتی لایقی و جهله استدارك ایتك دخی انجق ارضك بنیه داخلیه و اقسام مختلفه سنك ترتیب و وضعیت و تاریخ تشکیلیه تبدلات و تغیرات متوالیه سنك عریض و عمیق مطالعه سیله ممکن اوله یلور.

قره لری سطح بحردن اولان ارتفاعات تامه لرینه کوره (نواحی بسیطه)

(۱) طاغلرك و مرتفع اووه لرك احوالی صورت مخصوصده (توصیف الجبال) Orographie تفصیل

و (نواحی مرتفعه) دیو ایکی به تفریق ایندکری کبی انلرک اراڤه ایله یکی سطحک شکل وهیشته کوره دخی (اووه)، (طاغ) و (جبال) ناملری ویریلور .

نواحی مرتفعه ایله نواحی بسیطه بینده برحد اولمق اوزره قره لک ارتفاع وسطیسی ۴۴۰ مترو عد اولنه یلور

نواحی بسیطه . — بونلر اکثریا دکزلره متصل اولوب قره به طوغری توسع ایندکجه مائل اووه ویاخود سد شکلنده قدمه قدمه ترفع ایدر . قره لک ایجروسنده بولنوب دکز ایله اتصالی اولمیان نواحی بسیطه به (نواحی مقعره) تسمیه اولنوب بونلر چوقکره سطح دریادن بیله اشاغی بولنورلر . مثلاً بحر حززی حاوی اولان اراضی سطح دریادن ۲۵ مترو وشریعه وادیسی تقعرنده بولنان طبری کولی سطح دریادن ۲۱۲ مترو وبحر لوط ۳۹۲ مترو اشاغیدر .

نواحی بسیطه نك اکثریسی ده اادوار جدیده ژه تولوزیه به قدر دکز ایله مستور بولنش اولدقلى اثبات اولنه یلور . نواحی مذکور نك اراضیسی علی العاده ترسبات جدیده، یعنی قوم، چاقل، غضار وکیل کبی مواددن تشکل ایتیش اولوب طبقاتنك افقیات اصلیه سی الان باقیدر وچوقکره اوزرلرنده طوزدن برده قبوق بولنور .

نواحی مرتفعه . — بونلر مرتفع اووه، طاغ و جبالدن عبارتدر .

(مرتفع اووه) دیو اتفاع بحر یلری ۴۰۰ متروی تجاوز ایدن اووه لره اطلاق اولنوب بولنده ینه اصل مرتفع اووه لر ایله یایلالی طاغلره (پلاتو) آیریلور . طبیعت ژه تولوزیه لر ینه نظراً مرتفع اووه لر عن اصلی نواحی بسیطه کبی طاتلی صو حوضه لر ینك قوریمسیله حاصل اولمشدر . اناطولینك مرکزنده بولنان (طوزلی اووه) سطح بحردن ۱۰۰۰ مترو قدر مرتفع اولوب بو کبی اووه لره اک کوزل بر مثالدر . یایلالی طاغلره کلنجه بونلر اوستلری دوز و طابله لی طاغلر اولوب آز چوق افقی وضعیتده بولنان مجموعه طبقاتك اوستی دیمکدر .

اکر اندفاعات و لقانیه ایله خروج ایدن مواد مذابه اورتی کبی یاییله رق تراکم ایدمک اولور ایسه ینه یایلالی طاغلر وجوده کله یلور . از جمله حجازده

(حره) تسمیه اولنان اراضی هب اندفاعات ولقانیه ایله حاصل اولمش بازالت یایلاریدر^(۱). حبشستان وهنده واقع دقان اراضیمی دخی ولقانی پلاتولردندر. (منفرد طاغلر). — نواحی بسیطه ویاخود مرتفعه نك اووه لری ویاخود یایلالی طاغلرک دوزلک لری اوزرنده چوقکره نك توك اطه کبی طاغلر کوریلوب زه ئولوژی نقطه نظرندن بونلرک اهمیتی پک بیوکدر و صورت تشکیلی دخی اسباب مختلفه یه عطف اولنه ییلور. چوق دفعه بوکبی طاغلرک اثار ولقانیه دن اولدقلری کوریلوب بحر محیط کیرده موجود اولان ولقانی اطه لر ایله مقایسه اولنه ییلورلر. سوریه ده واقع حوران ودیره التلول نام طاغلر بتون منفرد بازالت قبه لیدر. اوفق بر منفرد طاغه (تپه) دخی دنیلور.

منفرد طاغلر بعضاً دخی انحطاطات ایتمش دیگر طاغلرک بقیه سی اوله بیلدیکی کبی بعضاً دخی بر سلسله جبالک اتهاسنه تصادف ایدن تپه لر ویاخود اطرافی اشکال ایله آشینهرق تپه کبی قالمش بر مجموعه طبقاتک بقیه لری اوله بیلورلر. ارتفاعات تامه لرینه کوره جبالی ایکی یه تقسیم ایدرلر: بری (جبال متوسطه) درکه زروه لرینک ارتفاعی ۶۰۰ ایله ۲۰۰۰ مترو ییننده در. دیگر ی (جبال مرتفعه) درکه ارتفاعی ۲۰۰۰ مترو دن یوقارودر.

طاغلری ارتفاعات تامه لرینه کوره ایکی یه تقسیم ایدرلر: بری (جبال متوسطه) درکه زروه لرینک ارتفاعی ۶۰۰ ایله ۲۰۰۰ مترو ییننده در؛ دیگر ی (جبال مرتفعه) درکه ارتفاعی ۲۰۰۰ مترو دن یوقارودر.

زه ئولوژی نقطه نظرندن طاغلر (جبال بسیطه) و (جبال مرکبه) ناملریله تفریق اولنسه بیلوب بینه لری دخی نظر مطالعه یه النه جق اولور ایسه قبه، مصمت، یایلا ویاخود سلسله شکنده طاغلر دیو تسمیه اولنه بیلور.

(جبال بسیطه) دیو برتک جنس صخره دن ویاخود قسم اعظمی برتک جنس صخره دن ویاخود برتک جنس اراضیدن عبارت بولنان طاغلره دنیلور؛ مثلاً ارچیش طاعی یالکز صخور ولقانیه دن وجبل لبنان اراضی تباشیره دن عبارتدر.

(۱) صفحه ۲۱۷ یه مراجعت اولنه. حجازده کی حره لرک اوزرنده کی دوزلکاره عربلر (صحنه) تسمیه ایلدکلرندن بو تعبیر (پلاتو) پرنه قوللا نیله بیلور.

(جبال مرکبه) ايسه مختلف دورلره عائد ومختلف صورتده تشکل ايتمش صخوردن عبارتدر؛ مثلاً بالقانلر، طوروس طاغلری وآپلر الح.

(قبوی) یاخود (مخروطی) طاغلرک شعباتی کورلیوب اکثریا برطاقم یان یانه ویاخود برطاقک اطرافنده تجمع ايتمش قبهوی الشکل طاغلردر وبونلرک همان کافهسی افعال ولقانیة جدیده نکه اثرلری اولوب جبال بسیطه دن معدوددرلر.

مثال: ارجیش طاغی، سبجان طاغی تراختیلردن وجبل حوران بازالتدن مرکب قبه ومخروطلر اولدینی کبی. (جبال مصمته) یاخود (یا یلالی طاغلر) تسمیه اولنان طاغلرک شکلی وتوسی غیرمنتظم اولوب انلرده بر معین طول وطولانی وادیلر مشاهده اولمز وبونلرا اکثریا بر مرکزک اطرافنده آز چوق متناظر اولدقلری حالده تجمع ايتمش طاغلردر ویاخود یکدیگرینه طیانمش جبال کتله لری اولوب انلرک بر جهتی صارب وواجورم اولور (مثلاً اسقاندیناویا نیم جزیره سی). جبال مصمته نکه مـواد محبزه سی اکثریا مختلف تشکلاته متعلقدر بناءً علیه جبال مرکبه دن معدوددرلر وترکیبلرنده باشلیجه غرانیث وغنایس الح کبی اک اسکی صخره لر بولنوب صخور مذکوره نکه اوزرنده دخی اراضی سائر موضوعدر.

(جبال متسلسله) تسمیه اولنان طاغلرک توسی طولانی اولوب منتظم شعباتی وطولانی وعرضانی وادیلری اولور. جبال متسلسله نکه رزوه لری ارتفاعجه جبال مصمته نکه رزوه لری پک چوق کچر ودنیانک اک یوکسک طاغلری جبال مذکوره ده بولنور. آوروپا قطعه سنده جبال متسلسله دن اوله رق بالقانلر، پیرهنلر، آلپلر، قارپاتلر واورال طاغلری؛ آسیاده قفقاسیه، هیمالایا وتیان شان؛ آمریقاده قوردیللر، آند الح طاغلری مشهوردر. جبال متسلسله نکه بنیه سی جبال مصمته یه نسبةً ده زیاد قاریشیق اولوب همان کافهسی جبال مرکبه دن معدوددر واکثریا (مثلاً آلپلرده) صخور بلوریه دن عبارت برسلسله مرکزیه سی بولنوب بونک ایکی جهتنده تشکلات رسویه صره ایله موضوع اولور وپک چوق التوات (بروشو قلق) وانشقاقات اراءه ایدر.

جبالک تشکلی حقنده جاری اولان معلومات اساسیه کتابکزک قسم عمومیسنده (صحیفه ۲۳۳) مختصراً بیان اولنمشدر.

مبحث طبقات

ياخود

طبقات وتشكلاتك تعريف وتوصيفى

مبحث طبقاتده اراضى ايله طبقات مختلفه طبيعتهده ظهور ايديشلرينه كوره نظر مطالعه يه النور . هر بر صخره طبقهسى بر معين زمانك محصولى اولدينى كى يكدىكرى اوزرينه موضوع اولان طبقه لر ايله درونلرنده بولنان آثار آله ييتمده دخی بر مناسبت كامله موجود اولديغندن . مبحث طبقات واسطه سيله كره ارضك وحاوى بولندينى ارکان عضويه نك تاريخ توسعى دخی استطلاع اولمش اولور .

طبقات وتشكلاتك طوغريدن طوغرى يه يكدىكرى اوزرنده موضوع بولندينى وياخود آره يرده بعض طبقه لك نقصان اولدينى تقديرده متحجراته مراجعت ايتمكسزین ييتملرنده برسن نسبي تعين ايتك هان امكان خارجنده كيدر، زيرا حيوانات ونباتات منقرضه نك اشكال متنوعهسى ير التده قارمه قاريشق بر حالده بولنيوب ارضك صورت توسعى نسبتنده ارکان مذ كوره دخی اشكالى مبادياً اتمام واکمال ايتمكده بولمش اولديغندن هر بر طبقه وهر بر ارضك كندوسنه مخصوص حيوانات ونباتاتى واردر . اشته بو سيدن فوسيللر تشكلات مختلفه ايچون بر علامت فارقه در و طبقى بر معمار برابنه نك تفتيش احوالندن انك قنى عصرده بنا اولنديغنى وياخود بر آثار عتيقه اهلى بر قبردن حفر اولنان مسكوكات واساحه واسطه سيله مذ كور قبرده بولنان جسدك قنى قومه عائد وقنى زمانك آدمى اولديغنى بيلديكى كى زه بولوغلر دخی فوسيللر سايه سنده طبقاتك سنى كشف و تعين ايده بيلورلر .

شويله ديه بيلورزكه فوسيللر ك صخور دروننده بولنسى تكوينات و انقلابات

متوالیه‌نك ظهور ایتمش اولسنه دلیل قوی وادوار سالفه ژمه‌تولوژییه علامت بدیهه‌دن اولدیغندن خلقت عالم ایچون برجنس مدالیه یعنی تصاریف‌ایام و تقالیب ادواره برنوع علامت و نشانه اولوب اولوجهله تسمیه اولمغه شایان و سزادر . اراضیء مختلفه‌نك تصنیف و تقسیمی مبحث بنیانه (صحیفه ۲۶۹) تصریح اولمیش اولدیغندن آتیده اراضیء مذکوره‌دن هر برینك آرو آرو تعریفه جرات اولندی .

برنجی دور

دور قدیم یاخود اراضیء ابتدائی

دور قدیمك تکویناتی باشلیجه صخور بلوریه سیلیسیه‌دن عبارت اولوب بونلر یا صخور مصمته‌در : غرانیت، سیه‌نیت، دیوریت، قوارسلی پورفیر کبی؛ یاخود صخور بلوریه شیشه‌در : غنایس، میقاشیست، آنفیبولوشیست، غرانولیت و فیلاذ و بونلرک کافه‌سیله مربوط اولق اوزره قوارسیت، سرپانتین، حبوی کرج طاشی، ماغنزیت و غرانیت دخی بولنور . اشته بوتعداد اولان صخره‌لر معلومز اولان قیالرک الک‌اسکیلری اولوب بولندقلری طاغله (جبال ابتدائی) نامی دخی ویرلر و کره ارضک جبال اصایه‌سنی انلر تشکیل ایدوب بقایای عضویه‌یی حامل بولان صخور مکسوره رسوبیه‌نك کافه‌سی انلرک اوزرنده موضوعدر . جبال ابتدائی‌نك جوهر یتاقلری و انواع جوهر طمارلری و معادن مفیده سائره‌سی پک زنکیندر .

جبال ابتدائی‌ده معادن مقبوله‌دن اوله‌رق آلتون، کوش، پلاتین؛ معادن غیر مقبوله‌دن اوله‌رق قورشون، باقر، قلا، توتیا، تیمور، توبالت، نیکل، آنتیوان الح ظهور ایدر . مجوهراتدن : الماس، یاقوت، صفر، اسپیل، زمرد، المارین، زیرقون، توپاز؛ بونلردن بشقه غرنا (سیلان)، بهریل، طورمالین و قوارسک انواعی بولنور . فقط مجوهراتک چوغی طبق آلتون و پلاتینده اولدیغی کبی قوملرک ایچندن یتقامقله قزانیلور (صحیفه ۵۶، ۷۴، ۷۶)، تشکلات ابتدائی‌ه طبقه‌لری بعض محله ۳۰.۰۰۰ مترولق برقالینلق اخذ

ایده بیلوب بونلرک طبیعتی ارضک قطعات مختلفه سنده همان برکیذر، فقط طبقاتک وضعیتی انواع انشقاقات والتوآت ایله پک چوق سکتهدار اولمشدر. اوزرلرنده تشکلات سائر طبقه لری بولنقمسزین بالقانلرده و آلپلرده ودها سائر طاغلرده دور قدیم اراضیمی مشاهده اولنور .

تشکلات ابتدائیه نک صخورینه (ناری) ویاخود (غیر حیاتی) Azoïque دخی دنیلور، زیرا تشکلات مزبور دروننده بقایای عضویه دن هیچ بر اثر یوقدر، فقط بو کیفیتن طولای انلرک اثنای تگوننده یر یوزنده ارکان عضویه بولنماشدر ظن اولنسون، بالعکس ارکان عضویه نک ارض اوزرنده ظهوری دور ابتدائیده بدأ ایتش اولسی اغلب احتمال اولوب حالا صخور بلوری شیسسته دروننده بولنان غرافیت بیله نباتات بقیه سی اولدینی ظن اولنور .

ایکینجی دور

دور حیوانات قدیمه یاخود اراضی اولیه

صخور بلوری دن مرکب اولان جبال اصلیه نک تودت و تگونندن اعتباراً، یعنی دور حیوانات قدیمه نک بدایتدنبرو — اندفاعات مخلقه نک محصولاتی ایله ارکان عضویه نک حصوله کتوردیکی صخور مستثنا اولقی شرطیله — سطح ارضک اوزری بر طرفدن تخریب و دیگر طرفدن اراضی جدیده نک تشکیله متمادیاً تبدل و تغیر ایتمکده بولنمشدر. بوسبدن دور اولیه ایله اندن صکره کلان دورلرک صخوری باشلیجه صخور رسوبیه مکسوره ایله صخور حیوانیه و نباتیه دن عبارتدر . جبال اصلیه نک اوزرینه جبال متراسبه کلور که دور حیوانات قدیمه نک جبال متراسبه سنده الک اسکی حیوانات و نباتاتک بقیه لری مدفوندر . دور مذکورک متحجراتی کرک شکل ظاهر یلرینه و کرک بنیه داخلیه لرینه نظراً شمیدیکی یشایان ارکان عضویه دن پک چوق فرقیذر و متحجرات مذبوره نک اکثریسی بوگونگی بیلدیکمز حیوانات و نباتات صنفلرینک هیچ برینه ادخال ایدیه مدیکی کبی نوعلری دخی بتون بتون منقرض اولمشدر .

دور حیوانات قدیمہ تک (مجموعۂ نباتیہ) سی Flore یالکزجہ (نباتات خفیہ) Cryptogames دن مرکبدر وبونلرک باشایجہلری (یوصون) Fucus، (اکرلئی۔ اوتی) Fougères، (کبریثیہ) Lycopodes، (خیلیہ) Equisétacées جنسلریدر، فقط (ذات الفلقبتین) Dicotylédones تک کافہ سی (مثلاً پیراقلی آغاجلر) و (وحید۔ الفلقہ) Monocotylédones لرک اکثریسی مفقوددر۔ اولزمانده بولنان نوعلرک عددی دخی شمدیکی نباتات نوعلرینہ نظراً پک محدود اولدیغی شایان دقتدر۔ (مجموعۂ حیوانات) Faune دخی بوکا مہاندر: شویله کہ بوکونکی کون دنیانک ہرطرفہ پاپلمش اولان بیوک حیوانات فقریہ صنفندن مملی حیوانلر ایلہ قوشلر معدومدر۔ (زواحف) Reptiles ایلہ (ذوالماشین) Amphibies لرک نوعلری پک محدود اولوب یالکز (بالقار) خیلی تنوع ایتشددر۔ بودورک اک مہم حیوانلری (معدوم الفقرات) Invertébrés صنفندن اولان (حیوانات نباتیہ) Zoophytes (باشایجہ مرجانلر)، (اکیئودرم) Echinodermes، (ناعمہ) Mollusques و (آرتروپود) Arthropodes جنسلریدر۔

دور حیوانات قدیمہ تک اقلیمی صیحاقت اولدیغی کی حرارت دخی دنیانک ہرطرفندہ برسیاق اوزرہ بولنشددر وبوحالہ استناداً دور مذکورده یشایان ارکان عضوینہ یکدیگرینہ مشابہتہ بعض نوعلرینک (بالخصوص مرجانلرایلہ عضد رجليہ Brachiopodes لرک) دنیانک ہرطرفندہ، مثلاً روسیہ تک آمریقانک شمال طرفلرنده، امید پروندہ، اوسترالیادہ واوروپادہ نوطن ایتش اولملری اکلاشیلور۔ دور مذکورک قرہلری یالکز برقاچ اوفق وباصیق اطدلردن عبارت بولنوب بحر محیط ساحلسز بردیا ایدی۔

دور حیوانات قدیمہ درت ارضہ تقسیم اولنوب جملہ سنہ بردن (اراضیٰ اولیہ) Terrains primaires نامی ویریلور:

(۱) ارض سیلوری^(۱) Terrain silurien

(۲) ارض دوونی^(۲) « dévonien

(۳) ارض فخمی^(۳) « carbonifère

(۴) ارض پرمی^(۴) یاخود دیاس^(۵) permien, Dyas

(۱) (سیلور) انکلتزہدہ اسکی برقرالیت اسمیدر۔ (۲) (دوون شایر) انکلتزہدہ برقوقنٹقدرد۔ (۳) بر طبقہدہ طاش کجورلری ظهورایدرد۔ (۴) (پرم) روسیہ ولایتندن بریدرد۔ (۵) یونانجہ (دیاس) ایکی دیکندرد۔

بعض مواقععه اشبو درت اراضی یکدیگری اوزرنده موضوع اولدینی حالده بولنور، مثلا روسیه نك اوروپا قطعه سنده بویه لرل واردر. آسیه قای شمالینك برمحله ارض پرمنك غیری اوج اراضی دخی یکدیگری اوزرنده صره سیله واقع اولمشدر.

اراضی اولیه نك یوقارودن اشاغیه طوغری اولان تقسماتی شو وجهله در:

<p>ایلك ذوالعاشین دن ضبایه لك جدا کبری اولان (آرکوزوروس) Archegosauria وایلك زاحفله (پروتوزوروس) Protosaurus و بونلردن بشقه يك چوق غیر متناسط قویروقلی غانوتید بالقلری (پالئونیسکوس) Palaeoniscus الخ (شکل ۱۱۸) ویک چوق عضد رجليه لر . انواع فوسیل اناجلر (تجیر ایش اکراتی اونی، تخلیه وچام اورمانلری) .</p>	<p>(۲) طبقه علیاسی (قوم طاشلری، حامل نفاس قارلی شیتلر، چیس وقیا طسوزی یتاقسلری و کرج طاشلری ردلولمیلر). شیتلر، چیشتابن</p> <p>(۱) طبقه سفلاسی (قوم طاشلری، پورفیرلر و ملافیرلر). غره اجر</p>	<p>(۴) ارض بری یاخود دیاس</p> <p>غیر متناسط قویروقلی (غانوتید) بالقلری نك وایلك (ذوالعاشین) ایله (زاحفه) لرك عصری</p>
<p>قره نباتات خفیه سی : (پوللی آناجلردن لیبیدو دندرون (Lépidodendron) سیژیلله و قالامیتلر ایلك چام آناجلری . ایلك عنكبوتلر وحشرات</p> <p>تریلویتلر منقرض اولور. قریئویدلر فوق العاده صورته تکثر ایدر .</p>	<p>(۲) طبقه علیاسی (قوم طاشلری، غضار شیتیلر و طاش کوری یتاقلی) طاش کوری عصری</p> <p>(۱) طبقه سفلاسی (کرج طاشلری، قوم طاشلری، شیتلر غضاریلر) کلس فحسی</p>	<p>(۳) ارض فحسی طاش کوری تشکلاتی.</p> <p>نباتات خفیه وایلك عنكبوتلر ایله حشرات عصری</p>
<p>اسقوچیانك قرمزى غره عتیقنده عجایب شكلده زرهلی بالقلرك ظهوری</p> <p>قره نباتات خفیه سی : قیاقلی مرجانلر (قالسه ثولا ساندالینا) Calceola sandalina؛ قریئویدلر و بونلرك صابهلر نك چکر دکاری</p> <p>ناعملر (غونایتلر و عضد رجليه لر) تریلویتلر (استانیول اراضیسی) .</p>	<p>(۳) طبقه علیاسی (کرج طاشلری، مارنلر و شیتلر غضاریلر)</p> <p>(۲) طبقه وسطاسی کرج طاشلری و مارنلر</p> <p>(۱) طبقه سفلاسی غراواق، قوم طاشلری، شیتلر غضاریلر</p>	<p>(۲) ارض دورنی یاخود یکی (غراواق) تشکلاتی</p> <p>زرهلی بالقلرك وایلك قره نباتاتك عصری</p>
<p>صو بوصولری، مرجانلر، غراپتولیتلر، قریئویدلر، ناعملر (نوبیلر و عضد رجليه لر) ، تریلویتلر و بالقلردن ایلك اثرلر .</p>	<p>(۴) طبقه علیاسی (کرج طاشلری و شیتلر)</p> <p>(۳) طبقه وسطاسی (قوارسیتلر و شیتلر غضاریلر)</p>	<p>(۱) ارض سیلوری یاخود اسکی (غراواق) تشکلاتی</p>
<p>تریلویتلر و عضد رجليه لر (اورتیس Orthis)</p> <p>(اولدهامیا آنتیقا) Oldhamia antiqua اسمنده بر صو بوصونی یاخود بریوزورک ارکان عضویه نك اک قدیمیدر . (خراطینیه) Annelides لردن دخی ایلك اثرلر ظهور ایشدر .</p>	<p>(۲) طبقه سفلاسی (غراواق شیتلری و شیتلر)</p> <p>(۱) طبقه قادیبری (قونفلورمالر، قوم طاشلری، قوارسیتلر و شیتلر غضاریلر)</p>	<p>تریلویت و غراپتولیلرک عصری</p>

(ارض سيلورى) كره ارضك اك زنكين آلتون يتاقلرنى حاوى اولوب آلتونك غاننى اولان قوارسك تحلل ايدرك طاغلمسندن آلتون قوم شكلنه كچر. اورال طاغلرينك واوستراليانك آلتونلى قوملىرى هپ سيلورى اراضيده بولنور. بوندن بشقه اراضى سيلوريدى غايت زنكين تيمور وغانل معدنلى موجوددر؛ فقط قياطوزى وچيس آز بولنور. ممالك عثمانيده سيلور اراضيسى مفقوددر.

(ارض دوونى) دخى زنكين برارضدر وهرقدر ارض مذكوره آلتون بولمز ايسده انك يرينه پك چوق كموش، قورشون وچيوه (اسپانياده المعدن)، توتيا وتيمور معدنلى قائم اولور. ممالك شاهانده روم ايلي واناطوليدى ارض دوون واردر. نفس استانبول دوون اراضيسى اوزرنده واقعدر.

(ارض فحمى) تسميه اولنان تشكلاته اك زنكين واك واسع طاش كمورى يتاقلرى داخلدر و آنتراسيت وسياء طاش كمورى كچي اك اعلا كمورلر دخى اندى بولنور. ممالك شاهانده درت محله ارض فحمى بولنوب اندن اوجى قره دكر سواحلنده (اركللى، اماصره، اينه بولى) وبرى اطنه ولايتده حاجين جوارنده واقع اولمشدر.

(ارض پرمى) باشليجه باقر، قياطوزى وچيس معدنلىنى حاويدر. ارض مذكور آلمانيا وروسيله پك واسعدر. ممالك شاهانده تشكلات پرميه وقوعبولمامشدر.

دور حيوانات قديمه نك اك مهم حيوانلريله نباتاتى


كره ارضك اوزرنده اركان عضويه نك ابتدائى ظهورى مجهولمزددر. ايرلانداده واقع قامبرى شيستلى دروننده كشف اولنوب (اولدهاميا آنيقوا) *Oldhamia antiqua* ^(۱) ناميله معروف اولان فوسيل آثار آليه نك اك قديمى اولديغنده شك وشبه يوق ايسده مذكور فوسلى صوبوصونى اوله رق نباتاتى يوخسه (بريسوزوئر) اوله رق حيواناتى اداخل ايتك لازم كلديكى دهاتين

(۱) (اولدهام) مشهور بر انگليز ژئولوغيدير.


ایده مامشدر. فقط قامبری طبقه لرینک اوستنده تشکل ایدن طبقه لرك حیوانات و نباتاتی معین صنفله ادخال ایتمک قابل اولدیغندن زیرده اک مهمملری تعداد اولندی:

نباتات :


بر یوزنده ظهور ایدن ایلک نباتات دکنز نباتاتسندن صویوصونلریدر (Algues یاخود اشنه لر). قره نباتاتی صکره دن خلق اولوب انلردن باخصوص اراضی فحمیده بر صورت فوق العاده نشو و نما بولانلر: کبریتیه لردن (سیژیلاریا) Sigillaria و (لهپیدودندرون) Lépidodendron جنسلریدر. (سیژیلاریا) لر دیرک کبی اوزون ویالکز تپه سی دالی و سهپورکیه مشابه پیراقلی نباتات اولوب قبوغی اوزنلغنه یاریقلر و مهر کبی لکه لر ایله ستر اولمش ایدی (شکل ۱۱۱) بوسیدن سیژیلاریا نامی ویرلمشدر که مهر آغاجی دیمکدر. (لهپیدودندرون) لره کلنجه بونلرک انوعی پک چوق اولوب قبوغنک اوزرنده معین شکلنده بولسان بوللریله تمیز اولنورلر (شکل ۱۱۲). بونلر ۳۰ مترو ارتفاعه قدر واصل اولمشدر. بوکونکی یشایان جنسلره بر درجه یه قدر مشابتهتی اولان (قالامیت) Calamites لر دخی ارض فحمیده فوق العاده بر صورتده تنوع ایتمشلردر. (خیلیه) Equisétacées تسمیه اولسان فصیله یه داخل اولان مذکور قالامیتلر آغاج کبی دالی و قبوقلری بر چوق چیز کیلر ایله مستور (شکل ۱۱۳) نباتاتدر که



(شکل ۱۱۳) قالامیت



(شکل ۱۱۲) لهپیدودندرون




(شکل ۱۱۱) سیژیلاریا

(آستهروفیللیت) Astérophillites و (آنولاریا) Annularia و (اسفنوفیللوم) Sphenophillum نام نباتات دخی انلردن معدوددر.

ارض فحیمك جالی و او تلی اكرتلی اوتلرندن عبارتدر كه بونلرك نوعلری شمديكي یشایان اكرتلی اوتی نوعلرندن بش كره دهها زیاده در، یعنی الآن ۶۰ نوع اكرتلی اوتی معلوم ایكن اوزمان ۳۰۰ نوع موجود ایش .

حيوانات :

ایلك حيوانات دكز حیواناتیدر و بونلر بقایسی اوله رق ارض سیلوریده دكز سونكرلری و مرجانلر ایله برابر (غراپتولیت) Graptolites یا خود یازی طاشی نام فوسیل ظهور ایدر كه بوكونكي یشایان (سرتولارید) Sertularides جنس لرینه اك یقیندر . پولیپه لر دن اوله رق (پلورودیتوم) Pleurodictum نام حیواناتك متحجراتی استانبوله بوغاز ایچینك دوون طبقه لرنده كثر تله بونلور (شكل ۱۱۴) .



(شكل ۱۱۴) پلورودیتوم (۱)

(اكنودرم) Echinodermes یا خود (مقنذالجلد) تسمیه اولنان دریسی دیکنلی حیواندن یالكز (قرینوئید) Crinoides لر بونلور بونلر اكثرا ۵ قسمدن مركب كلسی لوح لر واسطه سیله تمیز اولنور لر . (ناعمه) Mollusques لر دور حیوانات قدیمه نك

دكزنده كثر تله یشامش لر در . سموكلی بوجكك یا خود (مرجول البطن) Gastropodes لر ایله (اصداف) Lamellibranchiates سیلور و دوون وطاش كوری و برمی اراضیسنده نشو و نما بایش وانلرك چوغی بوكون منقرض اولمشدر . (عضد رجليه) Brachiopodes لر اكثرا درین دكزلرك قعرنده طاش ویا قوم اوزرنده تعیش ایدوب مختلف جسامتده اولق اوزره ایكي عدد صدقی حاملدر لر . شمديكي دكزلرده ۱۰۰ نوع موجود اولدینی حالده اراضی اولیه نك دكزنده انلردن ۱۴۰۰ قدر نوع یشامش اولدینی بولنان فوسیللردن مستبان اولمشدر .

دور حیوانات قدیمه دكزینك اك مشهور مخلوقات ناعمه لر دن اولان


(۱) Pleurodictum Constantinopolitanicum

(مرجول الرأس) Cephalopodes لراولوب (مرکب بالقلى) و (نوتيل) Nautilus
تسميه اولئان حيوانات دخى انلردن معدوددر، فقط او زمانك مرکب بالقلى
بوكونكى كې چىلاق اوليوب اوزرنده برقابونى بولمشدر.

مرجول الرأسلك قبوقلى داخلاً صدف ماده سندن عبارت برچوق
حجره لره تقسيم اولمشدر وحيوانك كندوسى ايسه يالكز قبوغك اوك طرفى
ضبط ايلوب (سيفون) Siphon ياخود (مخ) تسميه اولئان بربرى واسطه سيله
حجره لك ارقه ياخود ايچ طرفيله رابطه حاصل ايلمشدر. مرجول الرأسلك
كافسى نوتيل ده اولدىنى كې حلزونى قيورلش اوله رق بولمىوب چونى دوز
واوچى سيورى برشكلده ظهور ايتمشدر كه بونلك اك مهمى ارض سيلورين
ارض تراسه قدر دوام ايدن (اورتوسراس) Orthoceras لردر (شكل ۱۱۵).

مرجول الرأسلك يكدىكرندن تميزى ايچون برهم علامت دخى (فص)
Lobe تسميه اولئان نقشدر كه تحجر ايتش جنسلك اوزرنده قولايقله مشاهده
اولنه سيلور.

(تريلويت) Trilobites ياخود (ذولثة الفصوص) ناميله معروف اولان
حيوانات آرتروپوتلردن اولوب حيوانات قشريه صنفه داخلدرلر. تريلويتلر
سيلور اراضيسنده باشلايوب ارض قاربونده كاملاً محو ونايديد اولورلر وانلردن
تخميناً بيك قدر نوع معلومدر. تريلويت تشكلات سيلوريه ايچون اك برنجى




(شكل ۱۱۸) پالئوئيسقوس



(شكل ۱۱۷)



(شكل ۱۱۶)
تريلويت



(شكل ۱۱۵)
اورتوسراس

فوسيلدر (شكل ۱۱۶). استانبولك ارض دونيسنده دخى تريلويتلر موجودر كه

(شکل ۱۱۷، صیغه ۲۸۳) ده بردانه سنک قویروق طرفی ارئه اولمشدر و بوکا (تریلوبیت عبدالهی) *Trilobites abdullahi* نامی ویرلمشدر.
(پلاکودرم) *Placodermes* یاخود اوزری زرهلی بالقر باشلیجه دوون اراضیسنده ظهور ایدر. فقط پولاری مینا کبی اریش اولان (غانوئید) نام بالقرک انطباعاتی کثرته آلمانیا ده واقع مانسفلدک حامل نحاس وقارلی شیبستلرنده بولنوب قویروقلری (غیر متناظر) در *hétérocerque* واک مشهور نوعی (پالئونیسقوس) *Palæoniscus* نامیله معروفدر (شکل ۱۱۸، صیغه ۲۸۳).

❦ اوجنی دور ❦

دور حیوانات متوسطه یاخود اراضی ثانیه

دو حیوانات متوسطه نك اراضیسی اراضی ثانیه نامیله اوج قسمة تقسیم اولنه رق (ارض تریاس) *Terrain triasique* (۱)، (ارض ژورائی) *Terrain jurassique* (۲) و (ارض تباشیری) *Terrain crétacé* (۳) اسملری ویریلور. اراضی ثانیه ده قارمه قاریشیق اوله رق طاتلی صو وطوزلو صو تشکلاتیله ترسبات بریه وساحلیه وقعریه ظهور ایدر ایسه ده صخور اندفاعیه نك تکنونی نادر اولدیغندن اراضی مذکور نك زمانی اولدقجه سکونت اوزره وحادثات وخیمه طبیعیه وقوعبولقسزین مرور ایتمش اولسی ملحوظدر. کچن دور حیوانات قدیمیه نظراً اراضی ثانیه نك قره وصولری ارض اوزرنده بتون بتون بشقه صورتله تقسیم وتوزیع اولنمشدر.

دور حیوانات متوسطه ده برحیات بوتنان ارکان عضویه نك احوالنه کلنجه: مجموعه نباتاتندن (سبزیلاریا) و (له پیدودندرون) جنسلری کالامخو ونابید اولدینی حالده ارض تریاسده اکراتی اوتلری وخیلیله دوام ایتمکده بولنمش واک عادی چیچکلی نباتلردن (سیقاده) *Cycadées* وچاملر وارض ژورائیسه

(۱) یونانیجه (تریاس) اوج دیمکر، زیرا بوارضک اوج قسیمی واردر. (۲) اسوچرده واقع ژورا طاغدرینه نسبة. (۳) بیاض یازی تباشیرینک بوارضده ظهور ایتمندن.

ذات الفلقه لردن (باندانیه) Pandanées و (نخلیه) Palmiers ل وارض تباشیریده ایسه بو کونکی چیچکلی نباتلردن اوله رق بیراقلی اغاجلر ایله چالیلر (ذات الفلقین)، مثلاً مشه و اینجیر اغاجلری الخ ظهور ایتشدرد .

حیوانانه کانهجه (آرتروپود) صنفدن اولان تریلویترلر کاملاً منقرض اوله رق یرینه اوزون قویروقلی استاقوزلر (ماقروور Macroures) وایلك ینکجلر (براقیور Brachyures) قائم اولور. فقط اک زیاده (حیوانات نباتیه) یاخود (زوئوفیت Zoophites) لر نشوونما بولمش و بونلردن باخصوص مرجول الرأس طاقندن اولان (سرایت) Cératites، (آمونیت) Ammonites و (بلمنیت) Belemnites لر یالکزجه بودوره منحصر قالمشلردر. بالقلردن غیر متناظر قویرو-قلیلرک یرینه (متناظر قویروقلی) homocerque غانویئدلر قائم اولوب ایلك دفعه اوله رق دخی بو کونکی کیکیلی بالقلر (یعنی تله ئوستهئن Téléostéens) ظهور ایتشدرد. اراضی ثانیه نك اك غریب مخلوقاتی ایسه (حیوانات زاحفه) اولوب بونلردن دخی باخصوص (ضبابیه) Sauriens لر حکم سورمش و حیوانات فقریه نك اك عالی صنفلردن اولق اوزره (قوشلر) ایله (حیوانات مکسه) Marsupiaux دن ایلك اثرلر دخی ظاهر اولمشدر .

(ارض تریاس) ممالك شاهانه دن اناطولیده مفقود اولوب روم ایلی قطعه سندن یالکز بالقانلرک بر قاق موقعنده بولنور. فقط اوروپای وسطاده و آلپلرده ارض مذکور کثرتله تشکلی ایدرک اوج بیوک طبقه یه ایرلمشدرکه اندن اك اسکیسنه یعنی طوغریدن طوغریه ارض پرمینک اوزرنده بولنان طبقه یه (غره متوشی) Grès bigarrés، ایکنجیسنه (موشقالق) Muschelkalk^(۱)، اوچنجیسنه (کوپر) Keuper اطلاق اولنور. زورا طبقه لری اشبو کوپر طبقه سنک اوزرنده واقع اولمشدر.

تریاس اراضیسی پک چوق قیا طوزی یتاقلرینی حاوی اولان کرج طاشی و دولومیلردن متشکلدر.

(۱) (موشقالق) آلمانجه اولوب (کلس صدقی) دیکدر . فرانسنزلر بعضکده م تعبیرک پرینه Calcaire coquillier دخی دیرلر .

(ارض ژورائی) ممالك شاهانه نك روم ايلي قطعه سنده قرجه طاغ، اورته طاغ وعورت آلان الخ واناطولی شبه جزیره سنده بولی وعباس طاغلرنده وانقره شهرينك جنوب غریب سنده وحایمانه اووه سنك قسم اعظمنده الخ بولنور. فقط اك مكمل صورتده آلمانیا نك جنوب غریب سنده واسوچره ده وفرانسه ده وانك لترده تشكلی اتمشدر.

(ارض تباشیری). بیاض یازی تباشیری ارض مذکورك اك اوست طبقه سنده اوله رق باشلیجه بحر بالطق آطه لرندن (روكن) اطه سنده دانیمارقه ده. فرانسه نك شمال وانك لترده نك جنوب طرفلرنده ظهیر ایدر. ممالك شاهانه ده بیاض یازی تباشیری نادرایسه ده ارض تباشیرينك دیگر طبقه لری بك واسع اولوب روم قطعه سنده یانیه واشقودره ولایتلرینك قسم اعظمی واناطولیده ازمید جوارنده واقع ككبوزده دن بدأ ایله كیره سون قضا سندن جریان ایدن ملت ایرمغه قدر قره دكن ساحلی بویونجه اولان اراضی بی وعیتاب نواحیسی وچشمه نیم جزیره سی وردوس اطه سنك نصفی وكرید اطه سنك قسم اعظمی وسوریه ولایتله ارض فلسطینك وجبل لبنانك قسم اعظمی الخ ضبط ایدر. ارض تباشیرينك صخره لری اكثریا قوم وكرج طاشلریدر. اراضی ثانیه نك تقسیماتی آتیده کی جدولده كوسترلشدر:

<p>بەلنیت و قەمۇنیتلەر مەنزىرە اولور و (بەلنیتلە) <i>Belemnitella mucronata</i> بىياش يازى تىياشیری ایچىندە بولغان اک سوك بەلنیتلەر. ایلک پىراقلى اغاچلر .</p> <p>آمونیتلر و بەلنیتلر، هیپورتیلر، استریدیلر .</p>	<p>(۳) طبقه عیالیس (قوم طاشلری، مارن غضاری، مارن کلسیلر، کرج طاشلری، بیاض یازی تیاشیری و درونده چاقی طاشلری).</p> <p>(۲) طبقه وسطاسی (کرج طاشلری، قوم طاشلری، غضارلر، مارنلر)</p> <p>۱ طبقه سفاسی کرج طاشلری، قوم طاشلری، غضارلر، مارنلر</p>	<p>(۳) ارض تیاشیری</p> <p>هیپورتیلرک، آمونیتە مشابە حیوانلرک وایلک پىراقلى اغاچلرک عصری</p>
<p>عظیم قرە ضبابیەلری (ایغوانودون) <i>Iguanodon</i> الخ</p>	<p>ارض ولدهی</p>	<p>ارض ژورائی ایله تیاشیری بیننده کی حدود طبقه سی</p>
<p>ایلک کیمکی بالقلر و قاپلومباغەلر، قنادلی کرتکلهلر (پترو داکتیلوس) <i>Pterodactylus</i> و قوشلر (آرکئوپتریکس) <i>Archæopteryx</i> . یک چوق رصیف بنا ایدن مرچانلر و دکنز سونکەرلری</p>	<p>(۳) طبقه عیالیس (مالم) <i>Malm</i> یاخود (بیاض ژورا) (مارن غضاریلر، کرج طاشلری، اوبولیتلر، کلس مرچانیلر دولومیلر)</p>	<p>(۲) ارض ژورائی</p>
<p>انکلتارنک دوغر طبقه سنک حیوانات مکینه سی. اک بیوک بەلنیتلر .</p>	<p>(۲) طبقه وسطاسی (دوغر) <i>Dogger</i> یاخود (اسمر ژورا) (کرج طاشلری، قوم طاشلری، غضارلر، مارنلر، قرمزی واسمر تیورلی اوئولیتلر).</p>	<p>آمونیت و بیلنیتلرک و بالقی ضبابیەلرینک و قنادلی ضبابیەلرک عصری</p>
<p>پنتقرینیتلر، بەلنیتلر و دکنز ضبابیەلری (ایکتیو- زوروس) <i>Ichthyosaurus</i> و (پله زوزوروس) <i>Plésiosaurus</i> مجموعه نباتات برطاقم نباتات خفیه، چام و سيقاده- لردن مرکبدر .</p>	<p>(۱) طبقه سفاسی (لاپاس) <i>Lias</i> یاخود (سیاه ژورا) (کرج طاشلری، قوم طاشلری، غضارلر، مارن وشیست قاریلر).</p>	<p>آمونیت و بیلنیتلرک و بالقی ضبابیەلرینک و قنادلی ضبابیەلرک عصری</p>
<p>اک قدیم مەلی حیوان اثری اولان (میکرولستس آنتیکوتوس) <i>Microlestes antiquus</i> .</p>	<p>(بون بد) یاخود ذات العظم طبقه لمارن کلسی و قوم طاشلری</p>	<p>تریاس ایله ژورابیننده کی حدود طبقه لری</p>
<p>قورباغه ضبابیەلری (ماستودون زوروس) <i>Mastodonsaurus</i> و تمساحلر (بەدون) <i>Belodon</i> .</p>	<p>(۳) طبقه عیالیس (قوم طاشلری، رنکلی مارنلر، چیس و دولو- میلر) . (کوبر طبقه سی)</p>	<p>(۱) ارض تریاس</p>
<p>انقرینیتلر (انقرینوس لیلیفورمیس) <i>Encrinurus liliiformis</i> . سراتیلر ایلک اوزون قوروقلی استاکوزلر، دکنز ضبابیەلری (نوتوزوروس) <i>Nothosaurus</i> آلپلرده ایلک آمونیتلر .</p>	<p>(۲) طبقه وسطاسی (کرج طاشلری، دولو- میلر، مارنلر، چیس و قبا طوزلری) . (موشقالقی طبقه سی)</p>	<p>قورباغه ضبابیەلر ایله ایلک آمونیتلرک، قوشلرک و مەلی حیوانلرک عصری</p>
<p>غایت جسم قالامیتلر، سيقادهلر، چاملر، قورباغه ضبابیەلرینک ایاق و ینجه انطباعاتی (لابرینتودونت) <i>Labryinthodonte</i> .</p>	<p>(۱) طبقه سفاسی قونفلو مەر، قوم طاشلری، مارنلر (غره متوشی) طبقه سی</p>	

دور حیوانات متوسطه سنك الك مهم حیواناتی

حیوانات نباتیه (زوثوفیت) دن اولان مرجول الرأسلردن باخصوص (سراتیت) Cératites لر، (آمونیت) Ammonites لر و (بلمنیت) Belemnites لر فوق العاده بر صورتده نشوونما بولمشلردر. سراتیتلرده فص تسمیه اولنان خطوط منقوشه یا لکزارقه یه طوغری قیورلمش اولان یاریقلرده دیش دیش اولدینی حالده آمونیتلرده ایسه (شکل ۱۱۹) مذکور فص فیرطولای دیشلیدر. آلپلرده آمونیتلر موشلقا طبقه لرنده ظهور ایدوب آلپ خارچنده اولان تشکلانده ارض ژورائینک الت طبقه لرنده کثرتله بولنور. ارض تباشیریده دخی اصل آمونیتلر موجود اولدینی حالده برابرنده بر طاقم اکا مشابه فقط بشقه صورتله قیوریللمش شکلری دخی کوریلور، نتمک (اسقافیت) Scaphites لر و (طوریلیت) Turillites لرده اولدینی کبی. تباشیر ارضنک اتهاسیله آمونیتلر دخی کاملاً منقرض اولورلر.



(شکل ۱۲۰)
بلمنیت

(بلمنیت) لر طبقی آمونیتلر کبی اولوب انجق دور حیوانات متوسطه یه منحصر. درلر و باخصوص ارض ژورائیده کثرتله بولنورلر. بلمنیتلرک بقیه سی اوله رق ظهور ایدن فوسیللر اوزون و بر اوجی سیوری و دیگر اوجی مقطوع طاشلار



(شکل ۱۱۹) آمونیت


(شکل ۱۲۰) اولوب بو مقطوع طرفک دروننده مخروطی الشکل بر بوشلق موجود در. بلمنیتلر بو کونکی مرکب بالقلرینه مشابه فقط قابوقسز حیوانلر ایدی.

ا کینودرم لردن اوله رق (اکنیت) Echinites صنفی سوریه وجیل لبنانک اراضی تباشیریه سی ایچون پک مهم اولوب (شکل ۱۲۱، صحیفه ۲۸۹) ده جبل لبنان

فوسیلر نندن (اکیئوس غلانداریوس) *Echinus glandarius* نام حیوانک رسمی
و (شکل ۱۲۲) ده دخی انک دیکنی اولوب سوریه ده قدیم نبرو (جوز الیهود)
نامیله معروف اولان و کثرتله ظهور ایدن فوسیل کوسترلشدیر .




(شکل ۱۲۲)
جوز الیهود نام اکیئیت ایکنه سی



(شکل ۱۲۱) اکیئیت

حیوانات زاحفدن باشلیجه (دکز ضابیه) لری یعنی (ایختیوزوروس)
و (پله زیوزوروس) نام حیوانلر ژورا ارضنک لایس طبقه لری ایچون پک بیوک
اهمیتی حائر اولوب انلردن برنجیسی اون مترو قدر برجسامته واصل اولمشدر.
(شکل ۱۲۳) بو ایکی حیوانک دخی رسملرنی ارانه ایدر.



(شکل ۱۲۳)

ایختیوزوروس


پله زیوزوروس

(قنادلی ضبابیه) لوزن (پتروداکتیلوس) Pterodactylus (شکل ۱۲۴)
کوکرچین جسمانی قدر بر راجف اولوب آغزنده دیشاری
موجود ایدی ویراسه کی قنادلی اولدیغندن اوچقه دخی مقدر ایدی.



(شکل ۱۲۴) قنادلی ضبابیه (پتروداکتیلوس)

آلمانیاده سولن هوفن جوارینک طبقه لرنده ۱۸۶۱ سنه سنده کشف اولنان
قوش متحجره سی (آرکه اوپتیریکس) Archeoptérix اوزون قوروقلی وشمدیکی
قوشلره غیر مشابه بر مخلوقك بقه سیدر.



(شکل ۱۲۵) جبل لبنانده واقع خاقلدن بر بالقی انطباعی

بالقیر بو دورده پك چوق تنوع ایتمیدر. جبل لبنانده واقع ساحل علما

و خاقل نام موقعلرك اراضى تباشيريه طبقه لرنده كثرته بالق متحجراتنه تصادف اولنور . (شكل ۱۲۵، صفحه ۲۹۰) خاقلك بالق لرندن بر (قلوبه آ) Clupea نك رسيدر .

در دنجى دور

دور حيوانات جديده يا خود اراضى ثالثه

ارض تباشيرينك اوزرينه اراضى ثالثه شكل ايتشدر . اراضى ثالثه (۱) (ئوسن) Éocène، (۲) (ميسن) Miocene، (۳) (پليوسن) Pliocene ناملريه اوج طبقه آريلوب طبقات مذ كورده قارمه قارشق اوله رق انواع طاتلى صو و دكز ترسباتنه تصادف اولنور كه بوده دور حيوانات جديده ده سطح ارضك بك چوق حادثات و انقلاباته دوچار اولديغى ايا ايدر . فى الحقيقه دور مذ كورده فطائيت و لقائيه بك بيوك بر مقياسده حكمنى اجرا ايدرك تراخيت و بازالسدن عبارت بك چوق جبال مرتفعه نك تكوتى موجب اولمشدر .

اراضى ثالثه نى تشكيل ايدن صخره لك تركيبى متنوع اولوب سرت قونفلومرالر و كرج و قوم طاشلرى و شيستلر بولدينى كې يموشاق قوم طاشلرى، متحرك قوملر و غضار مصورلر دخی موجوددر . ترسبات بحريه ده بك چوق قيا طوزلرى، چيس، كوكورد و پترول و طاتلى صو ترسباتنده دخی كثرته ليغيتلر ظهور ايدر و مذ كور ليغيتلر اراضى ثالثه ايچون برنجى درجه ده بر علامت فارقه در . فقط جواهر معدنيه اولدق نادر اولوب ليونيت معدنك غبرى معادن همان مفقود كيدير .

دور حيوانات جديده ده باشليجه ايكي بيوك (حيوانات ذوات الثديه) يعنى مھلى حيوان مجموعه سى يراتلمش اولوب بونلر ايله برابر ايلك دفعه اوله رق (ذات الزهرة التويحيه) Corolliflores نام چيچك و يريجي نباتات دخی ظهور ايتشدر .

دور مذ كورده آروپا قطعہ سى بر چوق دكز كورفز لريله بارچه لشمش

بولسوب اقلیمی غایت ایو ومعتدل وانواع حیوانات ونباتاتک تعیش وتکثرینه غایتله الیریشلی برحاله ایدی. اورمانلرنده بولنان ایخیر، دقنه، کافور وصابون آغاجلریله مرسین ونخلیه لرك اراسنده (تایپر) و (ماستودونت) و (مسک) حیوانلری ومیمونلر کشت وکذار ایدرلر ایدی. بونلردن ماعدا ظهور ایدن دکز حیواناتی، بالقلر وناعملر دخی اراضیء ثالته اقلیمک بو کونکی اقلیمدن دهها معتدل اولدیفنی اثباته دلیل قوی اوله بیلور.

اراضیء ثالته نک تقسیماتی شو وجهله در :

ایکنجی بیوک مجموعه حیوانات قیلرک عصری	۳) طبقه علیاسی ۲) طبقه وسطاسی ۱) طبقه سفلاسی	(۳) ارض پلیوسن
ماستودونت لرك عصری	۳) طبقه علیاسی ۲) طبقه وسطاسی ۱) طبقه سفلاسی	(۲) ارض میوسن
پالهئوتروم عصری نومولینلر برنجی بیوک مجموعه حیوانات	۳) طبقه علیاسی ۲) طبقه وسطاسی ۱) طبقه سفلاسی پارس ولوندره نک کرج طاشلری مصرده اهرام لرك طاشی	(۱) ارض نهئوسن

ممالک شاهانه نک اناطولی وروم ایلی قطعه لرنده اراضیء ثالته پک بیوک بر وسعت اخذ ایتمشدر . استانبول جوارنده اراضیء مذکوره دن ارضی پلیوسن ایله نهئوس موجودرکه انلردن برنجیسی یدی قوله دن اعتباراً سیلیوری به قدر ممتد اولان اراضی یی وایکنجیسی دخی درقوس کولی جوارینی احاطه ایدر .

(نومولیت) حیواناتی اراضیء ثالته ایچون مهم فوسیللر دندر .

ممهلی حیوانلرک برنجی بیوک مجموعه سی

بو مجموعه به داخل حیوانلرک کافه سی بوکون منقرض اولمشلردر . حیوانات مذکوره به دکرده یشایان مه لیلردن طیرناقلی قره حیوانلرینه برکچید نظریله دخی باقیله بیلور . باشلیجه لری شونلردر:

(پالهئوتریوم) Palæotherium و(آنخیتریوم) Anchitherium تایپه مشابه حیوانلر اولوب آنلرک جدلرندن صاییلور؛ (آنتراکوتریوم) Anthracotherium


بر جنس خنزیر و (آنپلوتریوم) *Anoplotherium* اوزون قویروقلی و اوزون بیونلی بر حیوان اولوب کویش کتورن حیوانلرک جدیدر. نه‌ئوسن زماننده دها اصل کرکدانلر، آتار، تاپیرلر، خنزیرلر و کویش کتورن حیوانلر بولنیوب بونلر انحق میوسن زماننده ظهور ایلمشلدردر. فقط قالین دریلی اولان (ضخیمه‌الجلد) *Pachydermes*، حیوانات قاضمه *Rongeurs*، یرتیجی حیوانلر، خفاشیلر *Chiroptères* و میمونلر ارض نه‌ئوسنده بولنمشلدردر.

ممه‌لی حیوانلرک ایکنجی بیوک مجموعه‌سی

بو مجموعه‌نک اک مهم حیواناتی بر طاقم عجایب شکله و شمدی کاملاً منقرض اولمش فیللر ایله کرکدانلردر. اشبو فیللرک ناجذری یعنی صوک دیشلری پیراق پیراق برانتساجده اولیوب متحام *mamelonné* و خنزیر دیشلرینه مشابه واوزری غایت قالین برمینا ایله مستوردردر. اشته بوسیدن مذکور فیللره (ماستودونت) *Mastodonte* اسمی ویرلشدر.

طوپراق التده بقایاسی کثرتله ظهورایدن حیوانات مذکورنک بعض نوعلری، مثلاً (ماستودون لونژیروستریس) *Mastodon longirostris* (شکل ۱۲۶، صحیفه ۲۹۴) عددمدافعه دیشنه مالک اولوب انلردن ایکیسی بیوک واوست چکده وایکیسی دخی کوچک والت چکنده مربوطدر. حیوانک جسامتی ایسه تخمیناً بو کونکی فیلک جسامتی قدردر. مرافقتده دائماً (دینوتریوم) *Dinotherium* نام حیوان بولنوب (شکل ۱۲۷، صحیفه ۲۹۴) بونک یالکز الت چکسنه مربوط و اشاغی طوغری صارقتش ایکی عدد قالین مدافعه دیشی وارددر. کرکدان نوعلردن یالکز (رینوسروس سانسانینزیس) *Rhinoceros Sansaniensis* نامیله بری تک بوینوزلی و دیگر (آسراتریوم اینسیزیوم) *Aceratherium incisivum* نامیله فقط بوینوزسز ایکی کرکدان معلومدر. (هیپوتریوم) *Hypotherium* یاخود (هیپاریون) *Hipparion* نامیله میوسن زماننده یشایان آت تخمیناً حار بیوکلکنده اولوب طیرناغی ایکیه بولنمشدر. کویش کتورن حیوانلرک صنفندن (کیک) *Cervus*، (مسک حیوانلری) *Palaeomeryx*، (زرافه)

Helladothorium ، (غزال) و (آنتیلوپلر) بولدینی کبی یرتیجی حیوانلردن
دخی بر بیوک کدی و برده کوپکه یقین بر حیوان موجوددر. حیوانات قاضمه دن



(شکل ۱۲۶) ماستودونت

(شکل ۱۲۷) دینوتریوم

(قوندوز) *Castor* و (مارموت) *Marmotte* تسمیه اولنان بر نوع طاغ صیجانی
و میمون و دکز کدیی کبی حیوانلره تصادف اولنور .

❦ بشنجی دور ❦

دور انسانی یا خود اراضی رابعه

اراضی نالنه نک نهایتنه طوغری سطح ارضک احوال طبیعی سی متغیر
اوله رق پک بیوک انقلاباته دوچار اولمشدر، شویله که پلیوسن ارضنک صیجاق
و معتدل اقلیمی اوزرینه صفوق و قارلی و یاغمورلی بر اقلیم کله رک اراضی نالنه نک
مجموعه نباتیه سی محو و نابیدید اولور و بوکون غلاسیه لردن عاری اولان طاغلر
دائی قار و بوزلرایله ستر اولنله رق حیوانات اوزاق محللره طاغیلوره اشبو صفوق
زمانه (غلاسیه دوری) و یاخود (دور انجمادی) *Période glaciaire* تسمیه
اولنوب دور مذکورک مرورندن صکره تخمیناً شمیدیکی احوال طبیعی بدأ
ایلمشدر . بویله بر دور انجمادینک کلش کچمش اولدینی ایکی صورتله اثبات
اولنهیلوب بری طاغلق محللرده اسکی غلاسیه مورنلرینک بولنسی و ایکنجیمی
دخی اووهلق محللرده احجار ضالیه تصادف اولتمسیدرکه احجار مذکورک نک
جسامتنه نظراً انجق بیوک بوز پارچه لری اوزرنده نقل اولمش اولدقلری


مستبان اولور . اشته ادوار زه ئولوزيه نك بواك يكي عصرينه ده انسانك خلق
تصادف ايدر .

دور انسانينك ترسباتي اراضى رابعه ناميله زيرده كوسترلديكى وجهله
تقسيم ايدرلر :

<p>اوچنجى بيوك (ذوات الثدييه) مجموعه سى: ماموت، مفاره آيوس، رن، بوغا، مسك اوكونى، آت، ديوكى الخ. انساندن ايلك اثرلر. (اوروپاده فوسيل اولمش انسان متعجراتى).</p>	<p>طائى و طوزى سولرك تشكلات جديده سى. طوريه لر، محصولات مى- جانيه، محصولات جديده ولقانيه</p>	<p>(۲) آلويون تشكلات جديده رابعه</p>
	<p>(۳) دور انجماديدن صكره كى عصر . (۲) دور انجمادى . (۱) دور انجماديدن اولكى عصر . مفاره كى، لوس، احجار ضاله، مولوز و قوم ترسباتى .</p>	<p>(۱) ديلوويوم (ارض طوفانى) تشكلات عتيقه رابعه ماموت و ايلك انسانلرك دورى</p>

ممهلى حيوانلرك اوچنجى بيوك مجموعه سى

بو مجموعه نك حيوانانندن برچونى بو كون كاملاً منقرض اولمشدركه انلره
قبل الطوفان يشايان حيوانلر دخى دينور . حيوانات مذكوره نك برنجيسى
روسيله لولرك (ماموت) Mammouth اطلاق ايلدكلى و عام حيوانانده (اله فاس
پريميژه نيسوس) Elephas primigenius ناميله معروف اولان (شكل ۱۲۸)



(شكل ۱۲۸) ماموت

فيلدركه انك غايت جسيم مدافعه
و آزي ديشلى كثرته لوس ترسباتى
ايچنده بولنديكى كى سبريائى شمالى
نهرلرينك طوغش صلصالى دروننده
دخى اتى و دريسى و قيللريله محافظه
اولمش اولدينى حالده بتون ماموت
لاشله رينه تصادف اولندينى واردر .

فيل ماموتينك ارقداشى دنيلمكه شايان اولان (كيكلى كركدان) ياخيود
(رينوسروس ترينخورهينوس) Rhinoceros trichorhinus برونى اوزرنده ايكي

بویونزلی و برون دیرکی کیکی بر حیواندر. بونلردن بشقه اراضی رابعده مغاره لرده یشامش اولان یرتیجی حیوانلر واردرکه حیوانات مذکورہ نک بقایای علی الاکثر مغاره لرك دروننده کی کیل طبقه لرنده بولنور، مثلا (مغاره آیوسی) یاخود (اورزوس اسپله ٹوس) Ursus Splaeus که شمیدیکی ایولردن دهابوکدر؛ (مغاره صرتلانی) یاخود (هیہ نا اسپله آ) Hyæna Splæa ؛ (مغاره ارسلانی) یاخود (فلیس اسپله آ) Felis Splæa الخ . ایکنجی طاقم حیواناتک ازمئہ تاریخیہ ظرفنده منقرض اولدقلری اثبات اولنه بیلور، یعنی انلر ید بشر واسطه سیله محو اولمشلردر، مثلا (بوس بیزون) Bos Bison، (بوس پریئژہ نیوس) Bos primigenius، (دیوکیکی) Cervus megacerus الخ. اوچنجی طاقم حیوانات شمدی یالکز شمال طرفلرنده قالمشدر، مثلا (مسک اوکوزی) و (رن) که اوروپای وسطاده انلرک تحجراتی بولمقده در. دردنجی طاقم دخی ماموتک زماننده انسانلر ایله برلکده یشایان حیوانلردر، مثلا (وشاق)، (قورد)، (تیلکی)، (زردوا)، (پورسوق)، (آت)، (حمار)، (کیک)، (قره جه)، (خنزیر)، (قوندوز) الخ الخ که بونلرک کافه سی الآن انسان ایله هم عصردر .

برقاج سنه لردنبرو مغاره لرده وکوللرده وطوربیه لرده و مختلف دیلوویوم و آلوویون ترسباتنده حفر اولتان بقایای انسانیه وانلر ایله برابر ظهور ایدن طاش، طونج ویاخود تیموردن معمول آلات وادواته نظراً نوع بنی بشرک تاریخ قدیمی اورویا قطعه سی ایچون اوچ بیوک دوره تقسیم ایدیلرک برنجیسنه (دور حجر) ایکنجیسنه (دور طونج) و اوچنجیسنه دخی (دور حدید) ناملری ویرلمشدر . فقط بواوچ دور اصلا یکدیکنردن قطعی بر صورتده تقریق اولنه میوب انجیق دور حجر تسمیه ایدلیکنز دور ژہ ٹولوغلرک دیلوویوم زمانه متصاف اولوب ازمئہ تاریخیہ دن عداولتان دور طونج ایله دور حدیده بریکید تشکیل ایتمش اولور.

انتها



الفبا ترتیبله فهرست

اوران معدنی . . . ۱۰۴	آغالانولیت . . . ۱۵۸	آزولیت . . . ۶۶
اورپیان . . . ۸۶	آفسینیت . . . ۱۳۹	آباتیت . . . ۱۳۱
اوترمر . . . ۱۴۰	اکثیه . . . ۱۸۱	ایسومیت . . . ۱۲۵
اورتوز . . . ۱۵۴	آلیت . . . ۱۵۵	آیوفیلیت . . . ۱۵۲
اوزوسهریت . . . ۲۶۳	آلین . . . ۱۵۲	ایدوت . . . ۱۳۶
اوزیت . . . ۱۴۸	آلتون . . . ۷۴	آناقامیت . . . ۱۱۱
اوقلاز . . . ۱۳۶	آلتونلی تللور . . . ۸۴	آتول . . . ۲۳۸
اولبریت . . . ۹۲	آلچی طاشی . . . ۱۲۴	آجی طوز . . . ۱۲۵
اولیغوقلاز . . . ۱۵۶	الماس . . . ۵۶	احجار ضاله . . . ۲۰۲
اولوین . . . ۱۳۷, ۲۵۲	آلمادین . . . ۱۳۸	احضر عتیق . . . ۲۴۷
اونیکس . . . ۹۶	آلونیت . . . ۱۲۷	اجر عتیق . . . ۲۴۷
ایله نیت . . . ۹۳	آلووون . . . ۱۹۳	ادوقراز . . . ۱۳۶
	الهولیت . . . ۱۴۰	آراغونیت . . . ۱۱۷
باریتین . . . ۱۲۲	آمانت . . . ۱۵۰	ارترین . . . ۱۳۱
بازالت . . . ۲۵۱	آنابریزیت . . . ۱۳۱	آرزانتیت . . . ۸۲
باقر . . . ۶۹	آناتاز . . . ۱۰۰	آرزیلیت . . . ۲۵۶
بتافلق معدنی . . . ۱۰۵	آنالسیم . . . ۱۵۳	آرسنیک . . . ۶۴
براونیت . . . ۹۳	آنلمهزیت . . . ۲۵۱	آزبست . . . ۱۵۰
برش . . . ۲۵۵	آنزاسیت . . . ۲۶۰	آزوریت . . . ۱۲۰
بروقیت . . . ۱۰۰	آنتیموان . . . ۶۳	اسیات مضاعف . . . ۱۱۴
بروم فضه . . . ۱۰۹	آنتیمونیت . . . ۸۶	اسپینل . . . ۱۰۱
برومیت . . . ۱۰۹	آندالوزیت . . . ۱۳۳	استالامیت . . . ۱۸۶
بروزیت . . . ۱۱۶	آندهزیت . . . ۲۴۹	استالامیت . . . ۱۸۵
بروزیت . . . ۱۴۷	اندیغولیت . . . ۱۳۵	استائیت . . . ۱۴۵
بسموت . . . ۶۵	آنغلهزیت . . . ۱۲۳	استرونسیانیت . . . ۱۱۸
بسموتین . . . ۸۷	انفوزوار . . . ۲۳۵	استفانیت . . . ۸۹
بلاند . . . ۸۲	آنفیبول . . . ۱۴۹	استوروتید . . . ۱۳۴
بلغی . . . ۹۶	آنفیبولوشیت . . . ۲۵۴	استیبین . . . ۸۶
بلق بند . . . ۱۱۶	آنفیرون . . . ۱۴۰	استیلیت . . . ۱۵۳
بون بد . . . ۲۶۰	آنوریت . . . ۱۵۶	آسردز . . . ۱۰۴
بوراسیت . . . ۱۱۲	آیدریت . . . ۱۲۲	آسفالت . . . ۲۶۲
بوراقس . . . ۱۱۳	آواتورین . . . ۹۵	اسفروسیده ریت . . . ۱۱۶
بولونیا طاشی . . . ۱۲۲	اونولیت . . . ۱۱۸	اسلاند اسپانی . . . ۱۱۴
بورونیت . . . ۸۸	اوپال . . . ۹۷	اسفن . . . ۱۵۸
بوریت . . . ۸۴	اورانو . . . ۱۲۰	آجاج طاشی . . . ۹۶

دیاباز ۲۴۶
 دیاسپور ۱۰۵
 دیالائز ۱۴۸
 دیالوژیت ۱۱۷
 دی خرویت ۱۵۱
 دیست ۱۳۳
 دیق ۲۰۶
 دیویناز ۱۳۸
 دیوریت ۲۴۶
 راپیلی ۲۰۴
 رصیفار ۲۳۷
 رضام ضالہ ۲۰۲
 روبلیت ۱۳۵
 روئیل ۱۰۰
 رودونیت ۱۴۸
 رہ آلفار ۸۵
 رہ تیزیت ۱۳۳
 زاج قبریس ۱۲۶
 زرجد ۱۳۷
 زرنیخ ۶۴
 زرنیخ احمر ۸۵
 زرنیخ اصفر ۸۶
 ززلہ ۲۲۵
 زمپرہ ۹۱
 زمرد ۱۵۱
 زمجفرہ ۸۵
 زہ نولیت ۱۵۲
 زیرقون ۹۹
 ژاد ۱۵۰
 ژہ نول ۲۱
 ژبوریت ۱۱۵
 سالیہ تر ۱۱۲
 سالمایق ۱۰۸
 سانیدین ۱۵۵
 سرار ژریت ۱۰۹
 سرپانتین ۱۴۶

تریڈیمیت ۹۸
 تلور ۶۳
 نکال ۱۱۳
 نوپاز ۱۳۴
 توف کلسی ۱۸۶
 تیتانی تیور ۹۳
 تیتانیت ۱۵۸
 تیور ۶۶
 تیور چھکلی ۱۱۸
 جبلقوم ۹۴
 جزع ۹۶
 جست ۹۴
 جیوہ ۷۱
 جیوہ معدنی ۸۵
 چاقل ۲۵۹
 چاقق طاشی ۹۶.۹۳
 چیس ۱۲۴
 چیخ ۱۹۷
 حارموتوم ۱۵۳
 حجر البرق ۹۵
 حجر نوتیا ۸۲, ۱۱۷
 حجر الحیہ ۱۴۶
 حجر سماوی ۶۶
 حجر صلیب ۱۳۴
 حجر القمر ۱۵۴
 حدید سماوی ۶۶
 حدید مقناطیسی ۱۰۳
 حص تیتان ۱۰۰
 دتیتوس ۱۹۰
 دکر طوزی ۱۰۶
 دکر کوپوکی ۱۴۵
 دلنا ۱۹۱
 دولوی ۱۱۵
 دولہریت ۲۵۱
 دومانلی نجف ۹۴

بورو قالسیت ۱۱۲
 بہ ریل ۱۵۱
 بوینوز طاشی ۱۰۹
 بیویت ۱۴۲
 پاتینا ۷۰
 پاقفونخ ۷۰
 پانایاز ۸۸
 پاندرمیت ۱۱۲
 پتزل ۲۶۳
 پرارز ۹۶
 پریمج ۷۰
 پروسینت ۸۸
 پریدو ۱۳۷
 پسولیت ۱۱۸
 پسیلوملان ۱۰۶
 پک اوران ۱۰۴
 پلاتین ۷۶
 پلازما ۹۶
 پلہ نواسٹ ۱۰۲
 پنہ یاقوت ۱۰۲
 پورفیر ۲۴۷
 پولیبازیت ۸۹
 پولیکسن ۷۷
 پیزار ژریت ۸۷
 پیروپ ۱۳۹
 پیروفسن ۱۴۸
 پیرولوژیت ۱۰۱
 پیرومورفیت ۱۳۲
 پیریت ۷۸
 پیریت مقناطیسی ۸۰
 پیرائیت ۱۲۷
 پیدستازیت ۱۳۶
 نیشیر ۱۱۴
 تتراندیریت ۸۸
 تراخیت ۲۴۸
 تراورن ۱۸۶
 زریولی ۲۳۵

۱۵۷ قانون
 ۱۳۰ قالانیت
 ۱۱۷, ۱۳۷ قالامین
 ۱۵۹ قارلر (یتوم)
 ۱۱۱ قارنالیق
 ۹۶ قالسه دوان
 ۱۱۳ قالسیت
 ۹۹ قاسیتهریت
 ۸۲ قالقوپریت
 ۸۲ قالقوزین
 ۱۰۹ قالومل
 ۹۶ قان طاشی
 ۱۸۹ قانیون
 ۱۵۱ قرویدولیت
 ۱۰۲ قروومعدنی
 ۱۰۲ قروومیت
 ۱۳۷ قریزولیت
 ۱۱۰ قریولیت
 ۲۶۲ قفرالیهود
 ۹۹ قلاطاشی
 ۱۰۹ قلورزیق
 ۱۰۹ قلورفضه
 ۱۴۳ قلوریت
 ۲۵۴ قلوریتوشیت
 ۹۳ قوارس
 ۲۵۴ قوارسیت
 ۱۳۱ قوبالت چیچی
 ۸۰ قوبالتین
 ۱۷۹ قوپرولیت
 ۱۵۱ قوردیهزیت
 ۷۰ قورشون
 ۹۶ قورنالین
 ۹۱ قورندون
 ۲۵۹ قوم
 ۲۵۶ قومطاشی
 ۲۵۵ قونفلومرا
 ۱۰۶ قیا طوزی
 ۱۲۵ قیق طاشی

۱۱۴ طامله طاشی
 ۱۲۳ طرناق جوهری
 ۱۲۰ طروفا
 ۱۴۴ طلق
 ۲۵۴ طلق شیت
 ۲۶۲ طورب
 ۱۳۵ طورمالین
 ۲۵۷ طین
 ۲۵۸ طین مختوم
 ۹۶ عقیق
 ۹۷ عین البقر
 ۹۸ عین الدنیا
 ۹۷ عین الشمس
 ۹۵ عین المهر
 ۸۱ غالن
 ۲۲۴ غایز
 ۶۰ غرایف
 ۲۴۴ غرایف
 ۲۴۴ غرایفیت
 ۲۵۳ غرانولیت
 ۱۳۸ غرنا
 ۲۵۶ غره
 ۲۵۷ غضار
 ۲۵۶ غضارشیت
 ۱۹۶ غلاسه لر
 ۸۰ غلاوقودوت
 ۲۵۲ غنایس
 ۱۵۳ فلدسپاتلر
 ۳۹ فلزات
 ۱۰۹ فلونورین
 ۹۶ فلینت
 ۱۳۱ فوسفوریت
 ۱۳۰ فوسفورلی قورشون
 ۲۵۰ فونولیت
 ۱۳۱ فیروزه
 ۲۵۴ فیلا

۱۲۲ سلستین
 ۹۶ سلیمان
 ۸۰ سمالتین
 ۱۱۷ سمیت سویت
 ۱۱۹ سودا
 ۱۱۱ سودلی کهرجهله
 ۲۰۷ سوما
 ۲۵۰ سونکر طاشی
 ۱۱۹ سدروزیت
 ۱۲۶ سیانوز
 ۱۳۵ سیبه ریت
 ۲۵۵ سیپولن
 ۹۴ سیتین
 ۱۱۶ سیده روز
 ۱۰۲ سیده روقروم
 ۱۱۶ سیده ریت
 ۱۳۸ سیلان
 ۹۶ سیلکس
 ۸۴ سیلوانیت
 ۱۰۸ سیلوین
 ۸۱ سلی قورشون
 ۸۵ سیناپر
 ۲۴۵ سیه نیت
 ۱۲۸ شاب
 ۱۲۷ شاب طاشی
 ۲۳۷ شعب
 ۱۳۵ شورل
 ۱۲۹ شهلیت
 ۲۵۶ شیت غضاری
 ۱۰۵ صاری اوقر
 ۲۴۰, ۱ صخور
 ۹۱ صغیر
 ۹۰ صو
 ۹۳ صوان
 ۱۲۵ صومری
 ۲۶۱ طاش کوری

۲۶۳ نفت
۱۵۰ نفریت
۱۴۰ نفلین
۱۹۷ نهوه
۱۱۱ نیترا تین
۹۸ نیم اوپال
۱۲۷ نیکل معدنی
۸۳ نیکلین

۱۰۶ واد
۱۳۳ وادانیت
۱۳۶ وزوون
۲۰۴ ولقانلر
۱۳۰ وولفرام
۱۳۰ وولفرامیت
۱۲۹ وولفینیت
۱۱۸ ویتهریت
۱۳۸ ویله میت
۱۳۰ ویویایت

۹۶ هلیوتروپ
۹۶ همانیت
۱۳۷ همیورفیت
۱۴۹ هورنیلاند
۹۸ هیالیت
۱۴۷ هیپرستن
۹۸ هیدروفان
۱۸۹ هیلان

۸۴ یازی تللوری
۹۱ یاقوت
۹۹ یانوت زعفرانی
۲۶۳ یر ساقزی
۹۶ یشب
۹۶ یشم
۱۴۷ یشیل بو باطور اخی
۱۲۱ یشیل نحاس

۲۲۲ ماقالوب
۱۲۱ مالاخیت
۱۰۱ مانفانز
۱۰۶ مانفانز کوپوکی
۱۰۴ مانغانیت
۶۶ مته نوریت
۱۲۷ مجیدیت
۹۶ محک طاشی

۲۳۷ مر جانلر
۱۱۴ مرمر
۱۲۴ مریم چایی
۱۸۳ معدن صوری
۹۴ مکه طاشی
۲۴۸ ملانیر
۱۲۶ ملانته ریت
۱۳۱ ملانیت
۱۲۴ ملح غلور
۷۳ ملغمه

۱۲۹ ملینوز
۱۱۸ منبع طاشی
۱۳۲ موروقسیت
۱۲۷ مورونوزیت
۹۴ مورون
۱۴۱ موسقویت
۸۵ مولیبده نیت
۱۵۳ مدزوتپ
۹۸ مهنیلیت
۱۲۴ میرا ییلیت
۷۹ میسپیکل
۲۵۳ میقاشیست

۸۴ ناز یازیت
۹۴ نجف
۸۳ نحاس معدنی
۱۰۸ نشادر طوزی
۱۵۳ نظرو لیت
۱۱۹ نظرون

۱۲۴ کبریتیت سودیوم
۹۵ کدی کوزی
۱۱۳ کرج طاشی
۱۱۳ کلس
۷۲ کوش
۷۳ کوش ملغمه سی
۹۰ کوپریت
۱۰۴ کویت
۹۶ کوز بونجوخی
۱۲۶ کوز طاشی
۶۱ کو کورد
۹۱ کوک یاقوت
۱۵۹ کهر یا
۱۱۲ کهر چله
۱۳۳ کیانیت
۲۵۷ کیل
۲۵۸ کیل ارمنی

۱۵۶ لارادوریت
۱۴۰ لایس لازولی
۲۰۵ لایتالی
۲۰۴ لایو
۱۴۲ لپیدولیت
۱۰۲ لعل
۱۸۱ لوس
۱۴۰ لوسیت
۱۲۱ لپیکیت
۲۶۲ لیغیت
۹۴ لیونی
۱۰۵ لیونیت

۲۰۷ مار
۱۴۲ مار غاریت
۷۹ مار قازیت
۱۱۴, ۲۵۹ مارن
۸۰ ماغننت کیر
۱۰۳ ماغنیت
۱۱۵ ماغنریت

فهرست

کتاب اول : علم معادن

معلومات ابتدایه	۱	صفحه
اشکال معادن و توصیف بلورات	۳	قسم اول :
تصنیف اشکال بلوریه	۶	
بلورات توأمیه	۱۹	
نصفی الشكل بلورات	۲۰	
بلورات طبعیه نك عدم کالی	۲۰	
انتساج معادن	۲۱	
استحالة کاذبه	۲۲	
معادنك اشکال تالیه سی	۲۳	
معادنك خواص حکمیه سی	۲۴	قسم ثانی :
صلابت	۲۴	
قوة ارتباطیه	۲۶	
تقلیق	۲۷	
مکسر	۲۸	
کثافت	۲۸	
خواص بصریه	۲۹	
مقناطیسیت	۳۵	
الکتریقیت، حرارت	۳۶	
خواص فیزیولوژی	۳۶	
معادنك خواص کیمیویه سی	۳۷	قسم ثالث :
معادنك کیمیاچه معاینه سی	۴۰	
طریق یابس ابله تحلیل	۴۰	
تحلیل طیفی	۴۸	
طریق رابط ابله تحلیل	۴۸	
ذو الشکلین، ثلاثی الاشکال، تشابهة الاشکال	۵۴	
تصنیف و توصیف معادن	۵۵	قسم رابع :
رنجی صنف : اجسام عنصریه	۵۵	
(۱) شبه معادن	۵۶	
(۲) اصل معادن	۶۳	


ایکسجی صنف: کبریت، سه لایوم، تلور الخ مرکباتی	۷۸
(۱) بسیط کبریتیدر	۷۸
(۲) کبریتو املاحی	۸۷
اوجنچی صنف: حضات	۹۰
(۱) بلاماء حضات	۹۰
(۲) بلما، حضات	۱۰۴
دردنجی صنف: قلور، بروم، ایسود، فلوئور املاحی	۱۰۶
بشنجی صنف: مولد الحموضه املاحی	۱۱۱
(۱) آزوتیلر	۱۱۱
(۲) بوریلر	۱۱۲
(۳) قاربونیلر	۱۱۳
(۴) کبریتیلر	۱۲۲
(۵) مولیدیت وتونفسیتیلر	۱۲۹
(۶) فوسفوریت، آرسنیت، وانادیتیلر	۱۳۰
(۷) سیلیسیتلر:	۱۳۳
(۱) آندالوزیت زمره سی	۱۳۳
(۲) طورمالین زمره سی	۱۳۵
(۳) اپیدوت زمره سی	۱۳۶
(۴) اولیون زمره سی	۱۳۷
(۵) ویله میت زمره سی	۱۳۸
(۶) غرنا زمره سی	۱۳۸
(۷) نفیلین زمره سی	۱۴۰
(۸) میقا زمره سی	۱۴۱
(۹) قلوریت زمره سی	۱۴۳
(۱۰) طلق زمره سی	۱۴۴
(۱۱) اوژیت و آنفیبول زمره سی	۱۴۷
(۱۲) بهریل زمره سی	۱۵۱
(۱۳) زه نولیت زمره سی	۱۵۲
(۱۴) فلدسپات زمره سی	۱۵۳
سیلیسیتلره ذیل	۱۵۷
التنجی صنف: مرکبات عضویه	۱۵۸

کتاب ثانی : علم طبقات الارض

معلومات ابتدائیه	۱۶۱
زەئولوژیء عمومی	۱۶۳
قسم اول :	
برنجی فصل : کرهٔ ارض بر سیاره در	۱۶۳
ایکنجی فصل : ارضك احوال عمومیه سی	۱۶۳
(۱) کرهٔ هوا نیه	۱۶۶
(۲) کرهٔ مائیه	۱۶۸
(۳) کرهٔ حجریه	۱۷۲
(۴) کرهٔ ناریه	۱۷۴
(۵) کرهٔ حیاتیه	۱۷۵
اوچنجی فصل : قوای طبیعیه نك تأثیرات زەئولوژیه سی	۱۸۰
(۱) هوا نك تأثیرات زەئولوژیه سی	۱۸۰
(۲) صو یك تأثیرات زەئولوژیه سی	۱۸۲
صو یك دوران دائمی	۱۸۲
معدن صو لری	۱۸۳
طبیعی مغار لر	۱۸۴
تراورتن	۱۸۶
نهر و كوللرك تأثیرات میخانیکیه سی	۱۸۸
طوزلو صولرك تأثیرات کیمیویه سی	۱۹۳
دكرك تأثیرات میخانیکیه سی	۱۹۴
طونمش صو	۱۹۶
غلا سیدلر و غلا سیدلرك علائمى	۱۹۶
(۳) تأثیرات ناریه	۲۰۳
ولقانلر و علائم ولقانیه	۲۰۴
مالك شاهانه نك سونمش ولقانلری	۲۱۳
علائم سائره ولقانیه	۲۱۹
موقت	۲۲۰
سولقاتار	۲۲۱
فومرول	۲۲۱


سالس	۲۲۲
غاز مشعل	۲۲۲
منابع حاره (وغايزرلر)	۲۲۳
زلزله و زلزله نك تحرى اسبابى	۲۲۵
زمينك ارتفاعات و انحطاطات	۲۲۹
تشكل جبال	۲۳۳
(۴) افعال حياتيه و تأثيرات عضويه	۲۳۴
مرجان و شعبلر	۲۳۷
ايكنجى قسم : ژه نولوژى خصوصى	۲۴۰
برنجى فصل : مبحث احجار	۲۴۰
صخورك توصيفى	۲۴۳
(۱) صخور بلورىه مصمتة يا خود صخور اندفاعيه	۲۴۳
(۲) صخور بلورىه شستيه	۲۵۲
(۳) صخور رسويه	۲۵۵
صخور رسويه مكسوره	۲۵۵
صخور رسويه حيوانيّه	۲۵۹
صخور رسويه نباتيه	۲۶۰
ايكنجى فصل : مبحث بنيان	۲۶۴
وضعيّت صخور	۲۶۴
صخورك سنى	۲۶۸
بنية جبال	۲۷۱
اوچنجى فصل : مبحث طبقات	۲۷۵
برنجى دور : دور قديم	۲۷۶
ايكنجى دور : دور حيوانات قديمه	۲۷۷
اوچنجى دور : دور حيوانات متوسطه	۲۸۴
دردنجى دور : دور حيوانات جديده	۲۹۱
بشنجى دور : دور انسانى	۲۹۴
الفبا ترتيبيله فهرست	۲۹۸







Princeton University Library



32101 066365972

AP